


კონფერენცია

№ 1 (18)




დავით გურამიშვილი – 320

სწავლა მოსწავლეთა

ათთა სახმართა საქმეთა ჩაგონება ყრმათათვის

ისმინე, სწავლის მძებნელო! მოყევ დავითის მცნებასა, ჯერ მწარე ჭამე, კვლავ ტკბილი, თუ ეძებ გემოვნებასა; თავს სინანული სჯობია ბოლოფამ დანანებასა, – ჭირს მყოფი ლხინში შესული, შვებად მითვლი ვნებასა.

დედამ რა შვას ძე, პირველთა ჭირთ აღარ მოიხსენებსა, ძის სიხარულით დაჰკარგავს ილაოს მზგავსთა სენებსა; მაშინ იხარებს მწიდნავი, ოდეს მოისთვლის მტევნებსა, ეგრეთ მოსწავლე სწავლასა რა სრულყოფს, განისვენებსა.



სწავლა სიკვდიმდე შენია, მუდამ შენთანა მყოფელი; მას გეცილების ვერავინ, არ არის გასაყოფელი. სხვას ყველას მახე უგია, თავისა გასაყოფელი; თუ კაცსა ცოდნა არა აქვს, გასტანჯავს წუთისოფელი.

ცოდნა თან დასდევს მცოდნელსა, რაზომსაც დაეტარების, აქვს უხილავი საუნჯე, ხელი არ შაეკარების; არც ცხადით ძალით წაერთმის, არც მაღვით მოიპარების, ჭკუვა უხმარ არს ბრიყვთათვის, ჭკვა ცოდნით მოიხმარების!

ჩემის უცებით შევატყევ, ბრიყვთათვის რაც შემიტყვია. ავი და კარგი გარჩევით, ვხედავ, რომ ახლოს მიწყვია. მინდა და სწავლის სიმოკლით ცალ-ცალკე ვერ გამიყვია. ჰგავს უხორთუმოს სპილოსა ჭკვიანი კაცი ბრიყვია!

ვით უსაჭურლოდ მამაცი ომშიგან გულად ლომობდეს, გაცოფებული გულ-ბრაზად ვეფხვი უკლანჭოდ ომობდეს, ვერ აღასრულოს საწადი, რაც ნებავს, მისთვის ლონობდეს, – ეგრეთ ჭკვიანი უწვრთელი ვერ მიხვდეს, რასაც ნდომობდეს.

ვსძებნე და ვერა ჰეპოე რა მჯობი ამ სწავლა-მცნებისა: ბრძენსა აქვს თავის უფლება, სოფელში ყოფნა ნებისა; ბრძენი სადაც არს, დარჩების, საუნჯე თან ექნებისა: ბრძენი პურთათვის ჩემსავით მუხლთ არვის მოექნებისა!

ბრძენი სიტყვითა დარჩების, ოსტატი თავის ხელითა, ხუცესი წირვით, ვაჭარი შორს წასვლით-მოსვლით ძნელითა, მოლაშქრე სისხლის ქცევითა, მხვნელი ოფლითა ცხელითა, გლახა კარის-კარ თხოვნითა, – ენა გწადს ან რომელითა?

„ქორწინებული“

მაგისი

ეცემფლის სახელმწიფო უნივერსიტეტის ბათუმის გამოცემა

2025 წელი

ს ა ხ ჩ ვ ი ს ტ ე მ ა ლ ი

ს ს მ ვ ე ბ ა

მარინე ცხვედიაშვილი	
ჯუმბერ უთრუთაშვილს	2
ნანა ჭიჭინაძე	
ლექსია ზოგის ცხოვრების კრედო	2
ჯუმბერ უთრუთაშვილის ლექსები	4
პრეზიდა	
რაულ ჩილაჩავა	6
პროზა	
გიორგი პაპუაშვილი	
ქორწილი დედოფლის წყაროში	8
პრეზიდა	
გიორგი ბალახაშვილი	13
პროზა	
გიგი ხორნაული	
ქისტი მამის ანდერძი	16
პრეზიდა	
ეკა ჯავახიშვილი	23
ნატალია ბეიტრიშვილი	25
პროზა	
თეა ირემაშვილი	
ტყუპები და წივილა	26
პრეზიდა	
აკაკი გაბრიჭიძე	29
თამარ ნასრაშვილი	32
პროზა	
ალექსანდრე კაკიაშვილი	
მოხუცი ბუკინისტი	32
პრეზიდა	
ნათია კაპანაძე	37

კლმანახის გამოცემაში ხელშეწყობისათვის მადლობას მოვახსენებთ დედოფლისწყაროს მუნიციპალიტეტის მერს ბატონ ნიკოლოზ ჯანიაშვილს, დედოფლისწყაროს მუნიციპალიტეტის საკურებულოს თავმჯდომარეს ბატონ ნუგზარ პაპიაშვილს და დედოფლისწყაროს მუნიციპალიტეტის კულტურის, სპორტისა და ახალგაზრდობის ცენტრის დირექტორს ქალბატონ დოდო ხუნაშვილს.

რედაქტორ-გამომცემელი:

გიორგი ნატოშვილი

ალმანახის ქუდის ავტორი:

სერგო ქართველიშვილი

გარეკანი გაფორმებულია:

ამინად კოლეგიალური და აიაკვან მისამართის ნახატებით



2024 წლის ნოემბრის დასაწყისში გარდაიცვალა შესანიშნავი პოეტი და ადამიანი, დედოფლისწყაროს მწერალთა ასოციაცია „ფიროსმანის“ დამაარსებელი და წლების განმავლობაში მისი თავმჯდომარე ჯუმბერ უთრუეთაშვილი

მარინე პხვედიაშვილი

ჯუმბერ უთრუეთაშვილს

ნოემბრის ნისლში მთები ისე ჩაყუდებულან, როგორც თქვენეულა თონეში მანდაური დედაკაცები. თითქოს მინის გულს ჩაჰდებუან და თავიანთი ჯანიანი ტორებით განგების ნიშანს ეძიებენ. თვალიმც დაგიდგეს, ხორნაბუჯო. ვის შეუცვლია უფლის განაწესი, თქვენ რომ შეცვალოთ. დღეს კიდევ ერთი კენჭი ჩამოგორდა შენი კალთებიდან, საფლავის ლოდივით მძიმე და ცრემლივით მსუბუქი.

არავის ეგონოს შემოდგომის ყავლგასული ფოთლებივით, ნოემბრის ქარებმა გაიყოლეს იგი. ისე როგორც დედის ასაკს არ კითხულობენ, ისე, როგორც მის სიყვარულს არ წონიან გირვანქობით და არ თვლიან უამგადასულად, სწორედ ისე უკვდავია ჭეშმარიტი მგოსნის სულიც.

დიდი ქიზიყის შვილო, არბოშიკელო ობოლონ ბიჭო, ვინ გასწავლა ამდენი სიყვარული. როგორ დაივანა შენმა სულმა პოეზიაში. ლექსად რამ აგამლერა, ან რამ განერინა მწუხრის სტრიქონები. ალბათ, იმიტომ რომ ზომაზე მეტად ხალასი და თვითმყოფადი, უშუალო და კაცთმოყვარე, მამულის სიყვარულით გასხივოსნებული და პოეზიის სენით შეპყრობილი იყავი.

ბატონო ჯუმბერ, დავესესხები დიდ ოთარ ჭილაქეს და გეტყვი, თქვენისთანა კაცებს „მინის მარილს“ უწოდებენ, ნალდებს და ულალატოებს.

როცა დიონისე არეოპაგელს სჯიდნენ სანახაობის უინით აღტყინებულ ხალხმრავალ მოედანზე, მსხვერპლმა შენიშნა, თუ როგორ წაუვიდა გული ამ სისასტიკით შეძრულ, თეთრეულით სავსე კალათით მდგომ ახალგაზრდა ქალს, რის შემდეგაც დიონისემ თავისი წაკვეთილი თავი მადლიერების ნიშნად კალთაში ჩაუგორა მის ერთადერთ მოჭი-

რისუფლეს.

ჰოდა, ასეა ეს. თუ ერთი ადამიანის გულის კარი მაინც შეხსენი, თუ ერთი კაცის გრძნობის სიმი მაინც შეარხე, თუ ერთ სასოწარკვეთილს მაინც მოუფონე და იმედად ექეცი, ფუჭად არ გიმუშაკნია.

უცნაური ბედი კი გარგუნა განგებამ. ხან პოეზიის ხოდაბუნებში განებივრა როგორც შირაქის ველ-მინდვრებში მონანანვე მწყერი, ხანაც მონადირის ტყვია დაგანია ზურგში. ხან თუ რქანითელით სავსე ფიალები გაცლევინა, ხანაც წუთისოფლის ბინდისფერობით დაგისერა გული.

ალექსანდრე მაკედონელს, როცა მამამ, ფილიპე მეორემ აჩუქა მისი ცნობილი ცხენი, ახალგაზრდა მხედარს თურმე ძალიან გაუჭირდა მოთვინიერება და გადაწყვიტა, მზისკენ შეეტრიალებინა მისი თავი.

თქვენი მზიანი, უმშვენიერესი ლექსებით პოეზიის მოყვარული მრავალი გული დაიპყარით და მოათვინიერეთ, ბატონო ჯუმბერ. თქვენც მზიანი გზებით გევლოთ მარადიულ სამყოფელში, პოეზო.

ისე კი დღეს, ხორნაბუჯის კალთებს ერთი პატარა, წვრილი კენჭი ჩამოუგორდა საფლავის ლოდივით მძიმე და ცრემლივით მსუბუქი. ბრილიანტიც ხომ პატარაა, მაგრამ ბრილიანტია.

ნანა ჩიქინაძე

ლექსია ზოგის ცხოვრების კრედო...

ჩემდა სამწუხაროდ თანდათან ვიწროვდება არეალი იმ მწერლებისა, ვინც ათწლეულობის განმავლობაში ქართული მწერლობის სახელსა და დიდებას ჰქმნიდა, ვინც მართლაც მშვენებას წარმოადგენდა XX-XXI საუკუნეების ქართული სიტყვაკაზმული ლიტერატურისა. მათ გვერდით ყოფნა მართლაც რომ ბეჭდიერება იყო ყველასთვის, ვისაც კი უყვარს მსოფლიოს და საქართველოს პოეზიის მარგალიტები.

2024 წლის 12 ნოემბერს დედოფლისწყაროს ღვთისმშობლის მიძინების ტაძარში ზღვა ხალხმა მოიყარა თავი დედოფლისწყაროელი პოეტის ჯუმბერ უთრუეთაშვილის გასვენებაზე, მისი ცხოვრების კრედო მართლაც რომ ლექსი იყო. მისი დაკრძალვის დღე დაემთხვა ჩვენი დროის გამორჩეული პოეტის და დიდი ადამიანის თემურ ჩალაბაშვილის დაბადების დღეს, რომლის ხსოვნას მიეძღვნა მწერალთა სახლში ედუარდ უგულავას რედაქტორობით გამოცემული წიგნის „მოგონებები თემურ ჩალაბაშვილზე“ პრეზენტაცია. ამის გამოვერ ესწრებოდნენ გასვენებას საქართველოს მწერალთა კავშირის თავმჯდომარე მაყვალა გონაშვილი, თანათავმჯდომარე რეზო მიშველაძე, ბალათერ არაბული და სხვები.

ჯუმბერ უთრუთაშვილი იმ ადამიანთა რიცხვს განეკვუთნება, რომელსაც თავისი შემოქმედებით და პატიოსნებით დავიწყება არ უწერია. მისთვის დამახასიათებელი იყო სულგრძელობა და სიდინ-ჯე, რაც ალბათ მრავალი წლის წრთობის შედეგად გამოიმუშავა. მას უყვარდა მეგობრები, საამხანა-გო, უყვარდა ყოველივე ქართული, ეროვნული. მან სიცოცხლეშივე მოიპოვა საქვეყნო აღიარება; სამ-წუხაროდ მე ვერ ვესწრებოდი მის გასვენებას და ქაშუეთის ეკლესიაში შევედი მისი სულის მოსახ-სენებლად, ხოლო შემდეგ პარლამენტის ეროვნულ ბიბლიოთეკის სამკითხველო დარბაზში თვალი გადავავლე მის შემოქმედებას. ეროვნული ბიბ-ლიოთეკის თანამშრომლებმა რომ გაიგეს მისი გარ-დაცვალების ამბავი, ცრემლმორეულებმა წუთიერი ღუმილით პატივი მიაგეს მის ხსოვნას; ტანში ურუ-ანტელმა დამიარა, გამახსენდა მისი ავტორობით გამოცემული წიგნის „ზედაშეს“ შესახებ რომ დაი-ბეჭდა ინფორმაცია გაზეთში „საქართველოს ლირ-იკა“ და მალევე ამავე გაზეთის რედაქტორის ეთერ ფაცურიას მონადინებით ჯუმბერი მივიწვიეთ რე-დაქციაში, რათა უფრო ახლოს გაეცნოთ კოლეგებს მისი თავი. პოეტი ნანი საბანაძე აღფრთოვანდა მისი პოეზიით და სთხოვა მობილური ტელეფონის ნომერი; ტელეფონი არა მაქვსო უპასუხა პოეტმა. პირადად მე გამოგიგზავნი ტელეფონს და ყოვ-ელთვე თანხასაც ჩაგირიცხავო. მას კოლეგის ეს საჩუქარი ძალიან გაუხარდა...

ბატონ ჯუმბერზე ბევრი რამ მაქეს გასახსენ-ებელი, მაგრამ მხოლოდ რამოდენიმეს გავიხსენებ: 90-იან წლებში, სოფლის მეურნეულის სამმართვე-ლობი საზოგადოებასთან ურთიერთობის მთავარი სპეციალისტი ვიყავი, საზოგადოებრივ საწყისებზე ვიყავი ასევე ამავე დარგის პროფესიონერების რაიო-ნული საბჭოს თავმჯდომარე და ამავე სამმართ-ველოს წიგნობართა რაიონული ორგანიზაციის მდივანი. ეს პერიოდი ყველას გვახსოვს, უმუშევ-რობაში, უხელფასობაში თავის გადარჩენა რომ ჭირდა... დედოფლისწყაროს კულტურის სახლის მცირე დარბაზში ჩემი სამსახურის თანამშრომ-ლების: ჯემალ ყორიენიშვილის, გურამ ნათელაძის, ივერი ჭუჭულაშვილის, თამაზი ჯანიკაშვილის, ნანა აფციაურის და სხვების მხარდაჭერით შეხ-ვედრა მოვუნყვეთ ადგილობრივ პოეტებს: ჯუმ-ბერ უთრუთაშვილს, თამაზ წილაურს, ზურ გო-ნაშვილს და ლევან ალავედაშვილს. გამგეობიდან გვესწრებოდა პოეზიის უდიდესი თაყვანისმცემელი წუგზარ პაპიაშვილი, რომელიც მოიხიბლა ადგი-ლობრივი პოეტების შემოქმედებით და ულრმესი მადლობა გადამიხადა პირადად მე: „ამ გაუსაძლის პირობებში რამ მოგაფიქრებინა პოეზიის სალამოს ჩატარებაო“.

სამუსიკო სკოლაში თამილა ნადირაშვილის დირექტორობის პერიოდში ბახის, მოცარტის, შოპენის, აზარაშვილის მუსიკის ფონზე შესვე-

დრა მოვუნყვეთ ჯუმბერ უთრუთაშვილს. მის ლე-ქსებს მხატვრულად კითხულობდნენ მუსიკალური სკოლის პედაგოგები, მისი კოლეგა პოეტი თამაზ წიკლაური და ახალგაზრდა პატარა დეკლამატო-რი, ჩემი შვილიშვილი, არსენა ყორიენიშვილი; ამავე სალამოზე მოწვეული გვყავდნენ ჩვენი სახელოვანი თანამემამულები ტექნიკურ მეცნიერებათა დო-ქტორები (მელვინების დარგში) ვაჟა მამაიაშვილი და ვახუშტი ქიზიყურაშვილი. არსენა ყორიენიშვილს ვახუშტი ქიზიყურაშვილმა საჩუქრად გადასცა ოთარ ნაცარაშვილის ავტორობით გამოცემუ-ლი წიგნი „კახეთის გამორჩენილი ადამიანები“ და დასძინა, ამ წიგნში შენი დიდი პაპა მიშა ჭიჭინაძე არის წარმოჩენილი... ღონისძიების დასრულების შემდეგ ჯემალ ყორიენიშვილმა პოეტები და თავისი კოლეგები სახლში მიგვიწვია და დიდებულად გვი-მასპინძლა.

2015 წელს დედოფლისწყაროს ხელოვნების სკოლაში პირადად ჩემი ინიციატივით გაიმართა პროექტი „სიკეთის ნერგი იხარებს“ საქართველო მასტებით გარდამავალ პერიოდში გამოვლინდ-ნენ საუკეთესო სკოლის დირექტორები: სვეტლანა შალვაშვილი და ნანა მერაბიშვილი, მათ საპატივ-საცემოდ თბილისის კონსერვატორიიდან მოვიწვი-ეთ ახალგაზრდა პედაგოგის დოდო დიასამიძის კლასის სტუდენტები; სოუპრზი მოგვიწყო დოდო დიასამიძემ და სტუდენტებთან ერთად მოიწვია რუსთავი-2-ის ანსამბლი; მათ მიერ შესრულებულ-მა სიმღერები: „წინწყარო“, „დაიგვიანეს“, „თუ ასე კარგი იყავი, რად ვერ გამჩნევდი იაო“ და სხვე-ბი, მართლაც რომ სიუპრიზი იყო თვითონეული ჩვენთაგანისათვის. საკონცერტო ნომრების დას-რულების შემდეგ რესტორან „ნიკალაში“ სტუმ-რებს უმასპინძლა ნანა მერაბიშვილის მეუღლემ წუგზარ მამუკელაშვილმა, საქართველოს მასტებით გამოვლენილმა საუკეთესო თამადამ და მის-მა შვილმა თსუ-ს და კემპრიჯის წარმატებულმა კურსდამთავრებულმა ზურაბ მამუკელაშვილმა; ბატონმა წუგზარმა სუფრის წარმმართველად აირ-ჩია ჩვენი თაობის ერთ-ერთი საუკეთესო თამადა, ძველ ანაგაში დაბადებელი, ბეჟან ჩალაბაშვილის ოჯახში აღზრდილი, მწერალთა კავშირის თავ-მჯდომარე – თემურ ჩალაბაშვილი, რომელიც ამ სალამოზე სპეციალურად მე დავპატიჟე. ბატონ-მა წუგზარმა სუფრაზე მოიწვია ასევე ადგილო-ბრივი პოეტები: ჯუმბერ უთრუთაშვილი, თამაზ წიკლაური და ლევან ალავედაშვილი; როდესაც სტუმრები გავაცილეთ წუგზარმა თამადა – ბატო-ნი თემური დატოვა და უთხრა: ბატონი თემურ ახლა პოეზიის შედევრებს მოგასმენინებთ, სა-ოცრად კითხულობენ თავის ლექსებს თამაზი და ლევანიო; მე ვიღა ნამიყვანს თბილისშიო? გაკვირ-ვებულმა იყითხა თემურიმ. პირადად თქვენ ჩემი შვილი ზურიკო წაგიყვანთ და ქიზიყურ პურ-მარ-ილსაც, თქვენ რომ გიყვართ ქუმბათის ვენახის

რეანითელის ღვინოს, დედას პურებს და პირველი კერძო მენარმის ზაალ მოდებაძის სულგუნებსაც გაგატანო. მართლაც თამაზ წიკლაურმა და ლევან ალავერდაშვილმა პოეზიის ცეცხლი დაანთხეს სუფრაზე. ჯუმბერის ლექსებს თავად მასპინძელი – ნუგზარ მამუკელაშვილი კითხულობდა. შემოგვათენდა კიდეც. უფალმა დაუმკვიდროს ცათა სასუფეველი ოთხ განუმეორებელ პოეტს: ზაურ გონაშვილს, ლევან ალავერდაშვილს, თემურ ჩალაბაშვილს და ჯუმბერ უთრუთაშვილს.

მწიგნობართა ასოციაციის სახელით ხშირად ვაწყობდი ღონისძიებებს მხარეთმცოდნეობის მუზეუმში და სამუსიკო სკოლაში და ვიწვევდი სოფლის მეურნეობის სამმართველოს თანამშრომლებს და ადგილობრივ პოეტებს. ჯემალ ყოჩიაშვილი სიყვარულით ეძახდა ზაურის, ლევანის და ჯუმბერის „სამ მუშკეტერს“...

2019 წლის 3 მაისს დედოფლისწყაროს კულტურის სახლის დიდ საკონცერტო დარბაზში კულტურისა და ძეგლთა დაცვის ცენტრის დირექტორის ილია მარტყოფლიშვილის თაოსნობით გაიმართა ჯუმბერ უთრუთაშვილის 80 წლის საიუბილეო საღამო, რომელსაც ესწრებოდა ზაალ ბოტკოველი და თემურ ჩალაბაშვილი, რომელიც დიდსა და პატარას ერთნაირად ეფერებოდა და ესიყვარულებოდა. სადღესასწაულო ტრაპეზს კი დედოფლისწყაროს მწერალთა ორგანიზაციის თავმჯდომარებიორები ნატროშვილი თამადობდა.

ჯუმბერზე მოგონებას დავასრულებ მისივე ლექსის სტრიქონებით და სამძიმრის წერილით, რომელიც დაიბეჭდა გაზეთ „შირაქის“ 2024 წლის 16 ნოემბრის 42-ე ნომერში.

„...ზოგი ლექსებით ამაყობს, დიდობს,
ლექსია ზოგის ცხოვრების კრედო,
ლმერთო ისეთ ლექსს არ დამატიდო,
იმისი ზიდვა რომ ვერ გავპედეო!“

ნანა ჭიჭინაძე და ლალი გურასპაული ღრმა მწუხარებას გამოვთქვამთ ცნობილი პოეტის, „მეტრის“ ნომინანტის – ჯუმბერ უთრუთაშვილის, გარდაცვალების გამო“.

თავისი ლექსებით არაერთმა თაობამ შეიყვარა და მას საპატიო ადგილი აქვს დამკვიდრებული საქართველოს მწერალთა კავშირში და დედოფლისწყაროს მწერალთა ასოციაციი „ფიროსმანში“.

გულწრფელ სამძიმარს ვუცხადებთ მის ოჯახს, ლიტერატურულ ალმანახ „ხორნაბუჯის“ გამოცემლებს, დედოფლისწყაროს მოსახლეობას, ყველას – ვინც იცოდა ამ პოეტის ფასი.

აქვე გთავაზობთ ჯუმბერ უთრუთაშვილისადმი მიძღვნილ გიული სამუკაშვილის ლექსს, შემდეგ კი თავად ჯუმბერის ლექსებსსაც წაიკითხავთ:

ჯუმბერ უთრუთაშვილი

„ამაღლებამ“ და „ზედაშემ“

ხელი ჩამჭიდეს ძმაო,
დამაქროლებენ კახეთში,
გადამავიწყეს მთაო.

თვალს მივაყოლებ სტრიქონებს,
ჩამესმის შენი ხმაო.

ალალი გულის მოძახილს

მე რა დავარქვა სხვაო

თუ არა ნაღდი პოეტის
ლექსით დაგვა და წვაო,
რაც ინვის მუდამ ანათებს,
სიმართლე უნდა ვთქვაო.

„ზედაშემ“ ჯვარი დაგწერა
აბორგებულო ზღვაო,

„ამაღლებით“ კი ამაღლდი,
მხრებზე შეიდგი ცაო.

ამ დღიდან უკვე დამთავრდა
შენი შამათით სვლაო,
მკითხველთა გულებისაკენ
გაკაფული გაქვს გზაო.

ჯუმბერ უთრუთაშვილის ლექსები

მეუღლეს

ბედმა გარგუნა უფულო ქმარი,
იქნება გული ძალიან დაგწერა,
შენი ღირსება სწორედ ის არის,
რომ სამდურავი ერთხელ არ დაგცდა.

უდელი ისე ერთგულად სწინე,
რომ არ დაუდე ქმარს წამით ტოლი,

ბედნიერებას თუმც ვერ ეწიე,
მაგრამ ხარ ნაღდი მეუღლე, ცოლი.

ეშმამ მოგიწყო დიდი გამოცდა,
სიავეს მაინც არ დაემონე.

მადლობა შენდა, ამის გამოც და,
უფლის მცნებები რომ გაიგონე.

თურმე რამხელა გული გქონია,
გავიგე შვილის სიკვდილის შემდეგ,

მხოლოდ ზღაპრად თუ გამიგონია,
შენ იმსიმაღლე კვარცხლბეკზე შესდექ!

პოეტის ხედავენ სიკვდილის მარე

ლექსი პოეტის სულის ასლია,
ლექსში ჩანს მგოსნის ზნე და თვისება,
თუ პოეტს ყავლი ჯერ არ გასვლია,
ლექსი ლამაზი რითმით ივსება.

ჭეშმარიტ პოეტს დარდს რა დაუღევს,
დარდი ხომ გულში ცეცხლივით ბოლავს,
დაგჩხავის მუზა, როგორც აუღებს

მინარეთიდან უძილო მოლა.
პოეტს ტკივილი ალაპარაკებს,
მამულის სენიც ასევდიანებს,
ლექსში ლიმილი დაიბანაკებს,
ხალხებს თუ ხედავს სახემზიანებს.
პოეტის გული ისე ნაზია,
ფეხაუდგმელი, ვით ბალლი თოთო.
პოეტს აქვს ფიქრი და ფანტაზია,
ლექსი რითმებით, თუ როგორ მორთოს,
ბედი და უამი პოეტს არ სწყალობს,
პოეტს ხედავენ სიკვდილის მერე,
ოლონდ გახსოვდეს, ფუჭად არ წვალობ,
თუკი ნამდვილი ლექსები წერე.

ჩემს ტკივილს ვერა ვშველოდი,
სხვას ვუამებდი იარებს.
თვითონ სულ თვალცრემლიანმა
მოძმისთვის ვიმგლოვიარე.
როგორც ქართველს და ქრისტიანს
ჩემად მიმაჩნდა სხვის ჭირი,
მოყვასის გულისტკივილით
გული მტკივა და მეც ვტირი.
დარდებს ლექსებად ვაკვნესებ,
ხან მიმუნჯდება მე პირი.
გულის სალბუნი მეგონა,
ლექსი მით დავიმეგობრე,
მუზაც კი სიმშვიდეს მპარავს,
როგორც ქურდი და მეკობრე.

* * *

გინახავთ ქვევრის ღვინო კაბური,
წინწკლებს რომ ისვრის ოდნავ მომწკლარტოს;
ხირსის, ენამთის ყურძნის ნაწური,
მისი სურნელი დაგათრობს მარტო.
ენამჭევრობა გხიბლავს თამადის,
ყველი თუშური და თონის პური,
სვავ, არ ითვრები, იტყვი – რა მამდის?!
სისხლი იყივლებს მამა-პაპური.
ურულისმომგვრელი ლექსი-შაირი
და ოხუნჯობა ძმური, უხინჯო,
საჭმელ-სასმელი ათასნაირი;
გსურს გემო მაინც რომ გაუსინჯო.
ჰა, მასპინძელიც ქცეულა თაფლად,
მიაქვს და მოაქვს ხელადა სველი,
ქართული მინის მადლს იგრძნობ მძაფრად
და გიხარია, რომ ხარ ქართველი.

მივყვები დიდი ფიქრის ქარავანს,
მამულის მკერდზე სახეტიალოდ,
დავეჭიდები მუზას – ფალავანს,
რადგან მსურს ლექსი დავანკრიალო.
სამშობლოს მთა-ბარს გადვიბალახებ,
ვით დამშეული ფარა ცხვრებისა,
ქართულ მინა-წყლის ტურფა სანახებს
ეტყობა კვალი ვერაგ მტრებისა.
მადლინა მინის ლამაზ სხეულზე
ვხედავ უამრავ წყლულს და მუწუკებს,
ვტირი და ვკვნესი იმ დრო წყეულზე,
ქართველებს სულს რომ ახლაც უწუხებს.
მივქრივარ ჩემი ფიქრის ტაიჭით
ხან დარდიანი და ხან მლიმარი,
გულს მიკლავს მწარე ბოლმა და იჭვი:
სამშობლოს მხსნელი, აბა, ვინ არი?!
თუმცა არა ვარ ერეკლე მეფე
და არც იმისი ბრძენი მსაჯული,
თუ არ ვიფხიზლე, თუ არ ვიყეფე,
ცოლსაც წამართმევს უცხო, სხვა რჯული.
მწარე ფიქრების ტყვე ვარ მე ისევ,
არსაით მოჩანს გზა საიმედო.
ლმერთო, ცხოვრების დიდო მეისრევ,
დასალუპავად არ გაგვიმეტო!

* * *

ლექსო, იმედით შენ მავსებ,
მიქარვებ დარდს და იარებს,
ვით მოძღვარს ძე შეცდენილი
ცოდვებსაც შენ გიზიარებ.
შენა ხარ ჩემი ნუგეში,
გული შენ გამიქვიტკირე,
ვით ბალმა დედის უბეში,
მეც შენთან ბევრჯერ ვიტირე.
რითმით რომ გაგალამაზებ,
სული სიამით ბრწყინდება,
შენთან ყოფნა და ალერსი
ძილშიაც არა მწყინდება.

* * *

რაც თავი მახსოვს, სულ მუდამ
უფლის მცნებებით ვიარე,

თუ შეეხება შენს ლექსს სხვის ხელი,
დაგეკარგება განცდა ნეტარი,
გულიც, სიცოცხლის სათნო მრიცხველი,
აგტკივა თითქოს გჩხვლეტდეს ეკალი
და ხალხის ქებას ანდა ძაგებას
უცხო კაცივით ისმენ ავტორი,
სულსაც წარუშლელ ლაქად აჩნდება,
ლექსში შეჭრილი ყალბი სხვა ტონი.

მომავალი ნიგილაც „ზუგდიდური ელეგიები“



რაულ ჩილაჩავა

უკათ გამაცნეს ამ ცვიებება ეს ჩემი თავი...

აგერ, ამ წუთას, დასცხო, მაგრამ, რა დასცხო!.. მგონი, მიდამო იძრა... აყირავდა ეზოში ნაძვი. თუმც რისი ეზო, არემარეს იმგვარად აწვიმს, გაციებულმა მიწამ ლამის დაკარგოს გონი. მობეზრდა ჩაპას სახლში ჯდომა... ვერ გადის გარეთ, მე ჩავკირკიტებ ძველ ქაღალდებს, სავსეა სახლი არქივით... მოკლედ, მოწყენილი ვართ მე და ძალი, ხან ერთს გვეწვევა, ხან მეორეს ფიქრები მნარე. შენ კი... შენ უკვე არ გადარდებს, გვწყურია, გვშია? არც მე გწერ რამეს, შენც დუმხარ და ვართ ასე უბრად. არ გამიშლია, რა ხანია, ზალაში სუფრა, მეც და ოთხფეხსაც თითქოს ყველა სიიდან გვშლიან. მშვიდობა გქონდეს!.. ყველაფერი მთავრდება როსმე. უკეთ გამაცნეს ამ წვიმებმა მე ჩემი თავი... უქმად რომ იდო, ავიღე და გავბერე ნავი და ველოდები ხვალ დილისთვის ნიჩების მომსმელს!

26 ოქტომბერი, 2024, ძველი აბასთუმანი.

დაღლილი გული ერზე ფიქრით ისევ გაერთო...

მზე ამოვიდა. ყველაფერი თითქოს დალაგდა. უბრუნდებიან კალაპოტებს შლეგი რუები, თუმცა მიდამო, ელჭექებით განაყრუები, ჯერ კიდევ ელავს ავდრისფერად ალაგ-ალაგ და აჩნია კვალი წყალდიდობის... მე მოვასწარი ამ მცირე დროში ბევრი რამის გადაფასება, ვნახე ახალი მთვარეცა და მთვარის გავსებაც და ის ღვარცოფიც შევაჩერე, შენ რომ დასძარი. მადლობა, ცალ! დედამიწავ, მადლობა შენაც! სანამ ვიყავი თქვენი ტყვე და თქვენი მძევალი, მე გავისტუმრე ბოლო ვალი ბოლო მევალის, გადავაქციე სიტკბოს ენად ტკივილის ენა! დალლილი გული ერზე ფიქრით ისევ გაერთო, ზოგჯერ ვიფიქრებ: ფიქრო ჩემო, ჭკუიდან შემშლი!.. მე მიყვარს ჩემი საქართველო, რომელიც ჩემში ნათობს და უკვე მზეჩასულთან არ აქვს საერთო!

27 ოქტომბერი, 2024, ძველი აბასთუმანი

რა ტკილი იყო სიზაპუაის იგავ-არაკი...

ის, რაც გადავდე, ვერასოდეს ვერ გავაკეთე, თითზე კბენანი გვიან იყო... და ახლა მტკიცა აუცდენელი ოცნებები, ასხმული მძივად, ქარი მაფრთხილებს: „მოვდივარ და კარი დაკეტე!“ არადა მქონდა დროც და ძალაც, ნიჭიც, უნარიც, დღეს კი არც ერთი ალარ შემრჩა უკვე ამათგან, ვიღაც ახმახი შოლტით ხელში თავზე დამადგა და შემახსენა ძველი სიბრძნე გაუხუნარი: „ანრთე ფოლადი მანამ, სანამ ცხელია ქურა...“ (რატომ მეგონა, ქურა მუდამ იქნება ცხელი!) თითქოს მე მედო ყველა ნატვრის მაჯაზე ხელი, ჩემს საამებლად ჭიხვინებდნენ ცხენები ურა! ამასობაში ყველაფერი დაღმა დაქანდა და მზეც საცაა, გაიკეთებს ზღვაში ხარაკირს... რა ტკბილი იყო სიჭაბუკის იგავ-არაკი და რა მწარეა მისი ბოლო ბოლო ბაქანთან!

31 ოქტომბერი, 2024, ძველი აბასთუმანი

და ხელებს ვითგობ დაფირფლილი ტრიორის კოცონიან...

ბოლომდე მაინც ვერ დავიცხრე, ვერ დავიოკე ვნება, რომელიც ხანძარივით ტანზე მომენთო. ო, მობრიალე სიყვარულის მწველო მომენტო, შენ მართლაც სულზე მოუსწარი სულის ხრიოკებს. მიდი, აქცი ხაცარტუტად, როგორც გრვევია, რაც გადარჩა და გადარჩენის ღირსი არ იყო, ვით საფლავის ქვა, უსახელო და უთარილო, რომელსაც დღემდე სასწაულით მოუღწევია. მე ყველაფერი გამოვცადე: ლაჟვარდებს ზემოთ ფრენის სიამე, ძირს დაშვების შიში და ურუოლა. ახლა მგონია, რომ ნარსულის ნანგრევი ბოლავს და თავს მახსენებს გაწყვეტილი ალერსის გემო. რა დრო გაფრინდა: მეც მოვწონდით და მეც მომწონდა, იყო ზემი, კარნავალი, შოუ, გართობა. ბოლოს კი... ბოლოს წუთისოფლის უკუღმართობა... და ხელებს ვითბობ დაფირფლილი ტრიორის კოცონთან.

31 ოქტომბერი, 2024, ძველი აბასთუმანი

და უკვე ვიცი, რომ ამ ღამით დამასიზმრები!..

დაუსიზმრებელ სიზმრებიდან მოხვედი... გხედავ, სანაპიროსკენ უდარდელად მიემართები. ის ქარაფები, ის ხრამები, ის აღმართები, მართლაც ნარსულის უფსკრულებში დატოვე, ნეტავ? მე გაკვირდები: კვლავ ისეთი ნატიფი რხევა საროს ტანისა... კვლავ ის ოქროს დალალ-კავები, რომელთა ქსელშიც უიმედოდ ერთხელ გავები,

გავხევდი ეშხით და მგონია, აქამდე ხე ვარ!
რა საოცარი გაზაფხული გვეღირსა მაშინ,
როცა ერთმანეთს მივაპყარით მზერა შორიდან.
მერე დაიწყო სხეულებში ვნების კორიდა
და განგაშმა და მღელვარებამ იმატა ხმაში!
ზნები ალზევდნენ, აბობოქრდნენ და მეც ის ზმნები
არ მასვენებენ, მიმაგებენ უწყინარ ფრაზებს.
შეგნიშნე უცებ: ჩამოსულხარ ფარულად ზღვაზე
და უკვე ვიცი, რომ ამ ღამით დამესიზმრები!

3 ნოემბერი, 2024, ძველი აბასთუმანი

21 შეკვეთი, როგორც ფესტივალები საზამთრო მსხალი...

სამეგრელოში წელს ზამთარი ადრე გვეწვია,
დილით თრთვილსა დებს, ხოლო ღამით იმგვარად
ცივა, ხეებს ჰქიდია გაყინული წვეთები მძივად
და ჩასულ მზეზე გულდანყვეტით ტირის მზეწვია.
მე აქ ამ დროსთვის უფრო თბილი მახსოვს დარები,
მაგრამ მას შემდეგ, უჟ, რამდენი წელი გავიდა!
ახლა სიცივეს ვიღა ჩივის, მე მას ავიტან,
ოლონდ ამიხდეს, რასაც უფალს ვემუდარები!
შინ ჩამოვედი, მაგრამ ვეღარ ვიპოვე მე „შინ“,
აღარც ვენახი, აღარც ბალი, აღარც და-ძმები
და ახალ სახლში როცა გვიან მარტო დაგწები,
თვალთაგან დიდხანს არ მშორდება ფერები მრეში.
რაც განვიცადე, რაც ვიგრძენი, რაც ვნახე, ესლა
შემრჩა და ისიც სანამ არჩევს შავ და თეთრს თვალი,
ვარ უკვე, როგორც ფესვგამხმარი საზამთრო
მსხალი,
რომელსაც ადრე ახალ წლამდე ნაყოფი ესხა!

8 ნოემბერი, 2024, ძველი აბასთუმანი.

გისრულებ ერთხელ დანაპირებს – სდუმან გამოსახული...

მე შემიძლია არაფერი გითხრა... მდუმარე
ბაგებს ზოგჯერ შეუძლიათ მეტის თქმა, ვიდრე
ეტრატებს, წიგნებს, კინოკადრებს, კადრებზე –
ტიტრებს...
ამ ღამით შენი უჩინარი მე ვარ სტუმარი
და სიპნელეში გაგებინებ სიჩქმის ენით,
რომ მომიხმობდა, ის ჭიშკარი აღარ იღება
და მიჭირს უკვე ბოლო ლექსის დათარიღება,
სადაც წერია შავით თეთრზე სახელი შენი.
მე გვიან მივხვდი: ყველაფერი როდესაც იცი,
ხუნდება ხიბლი მიუწვდომლის და იდუმალის.
და იქნებ სულაც ცრემლით სველი თავსასთუმალი
არის სასტიკი საზღაური გატეხილ ფიცის.

გისრულებ ერთხელ დანაპირებს – სდუმან ბაგენი.
ჩემი გულია გარდაცვლილი ტრფობის საძვალე.
უკვე ვერასდროს ვერ გაიგებ მას, რაც მანვალებს,
მაგრამ შემატყობ: დანგრეული ვარ კართაგენი.

8 ნოემბერი, 2024, ძველი აბასთუმანი

დღეები დღეებს ენაცვლება... მე კვლავ დაგეძიპ...

მე შენს ნაკვალევს ვეძებ ყველგან, მუდამ,
ყოველთვის,
როცა დარია, როცა წვიმს და როცა ჰქის ქარი.
ჩემი დაისი, ჩემი ღამე, ჩემი ცისკარი,
როგორც იდუმალ ნაპირს ტალღა, ისე მოგელტვის.
მე ვხედავ თითქოს სილუტებს და ერთ-ერთ
მათგანს

აქვს შენი ტანი, შენი სახე, შენი თვალები
და მეჩვენება, რომ შუადღე მზის ელვარებით
მოოჭვილ სხივებს თავზე ოქროს გვირგვინად
გადგამს.
ევრიკა! – უცებ აღტაცებით დამცდება... მაგრამ
ვიდრე მოვასწრებ გონზე მოსვლას, დამტოვებს
ჯადო.

მერე რამდენიც, ო, რამდენიც არ უნდა ვცადო,
ვერ დაგინახავ, რადგან ხილვა ერთბაშად გაქრა.
დღეები დღეებს ენაცვლება... მე კვლავ დაგეძებ...
მითხარი, ჩემი წერილები ხომ ისევ მოგდის!..
წაიკითხავდი, ალბათ: „ჩემო, მე მაშინ მოვკვდი,
როცა შენ ჩვენი სიყვარულის წიგნი დაკეცე!“

10 ნოემბერი, 2024, ძველი აბასთუმანი

და... დედამითა კვლავ იპრუნებს ღერძის გარშემო...

ჩამოვქეითდი მეცხრე ციდან. მინაზე ვდგავარ.
ვარკვევ ნელ-ნელა, რა ხდება და რა ამბავია!
გაუქმდა ხაზი სარკინიგზო, გაწყდა ავია,
რაც მთავარია, უსასრულო დასრულდა დავა.
მე ბევრი რამე აღარ მესმის უკვე, რაც ხდება,
ვერც იმას ვევდები, რას მიყვება ფუკოს ქანქარა.
დაწრეტილია სიხარულის წყარო ანკარა,
გული გალიის ჩიტის მსგავსად ნეკნებს აწყდება.
ამ შემოდგომას ჩემგან მაინც მადლობა წრფელი,
ზამთრის პირამდე მომაცილა თავსამით და თქეშით.
მე მათ მუსიკას მერამდენედ ვიხსენებ დღეში
და მერამდენედ, მერამდენედ ხელახლა ველი!
სულის ქვევრიდან ამოხაპავს ცრემლებს ორშიმო,
იუიველიებენ ბელურები ირგვლივ გუნდებად.
ჩვენ არ შევხვდებით, სიყვარული არ დაბრუნდება
და... დედამითა კვლავ იპრუნებს ღერძის გარშემო.

11 ნოემბერი, 2024, ძველი აბასთუმანი

მიორმი პაპუაშვილი



ქორცილი დედოფლის შეაროვანობი

— კაცო, რა იყო, თითქოს ჩვენი მოსვლა არ გაგეხარდა... — ცოტა არ იყოს იჭვნეული ღიმილით თქვა მამაჩემმა

— არა, გოგი, გამეხარდა რომელია. უბრალოდ, რაღაცის თქმა მინდა და მეშინია, შენებურად არ გაჯოუტდე.

— მე, კაცო, მე გავჯიუტდე?! ღიმილითა და გაკვირვებით შეაგება პასუხი მამაჩემმა მეგობარს, რომელიც ასევე ღიმილით, ოღონდ უფრო ეშმაკურით, ხან მამაჩემს შეცყურებდა, ხანაც ჩემსკენ გამოაპარებდა თვალს. ვიღიმოდი მეც, რადგან ოთარ ხუციშვილს, მამას განუყრელ მეგობარს, ბავშვობიდან ვიცნობდი და მათი ერთმანეთთან ასეთი პაექრობა ხუთი თითივით ვიცოდი.

ახლა თელავში ვიყავით. ცოტა ხნის წინათ, ოთარი ძია, გაზეთ „ალაზნის განთიადის“ რედაქტორად დანიშნეს და მე და მამაჩემმაც ჩავაკითხეთ. ეს უკვე ძნელი არ იყო, რადგან მანქანა, შინდისფერი 01, სულ ახალი ნაყიდი გვყავდა და აქეთ-იქით სიარული კიდეც გვეხალისებოდა.

რედაქციაში ვიყავით, ოთარი ძიას კაბინეტში. შაბათი კი იყო, მაგრამ, ეტყობა, აქ ყოფნა ერჩია, ვიდრე მისთვის ახლადგამოყოფილ, ჯერაც მოუწყობელ ბინაში, სადაც ასევე მარტო იყო, რადგან ცოლ-შვილი თბილისში ჰყავდა.

— კარგი, რახან არ გაჯიუტდები, გეტყვი, საღამოსკენ ქორწილში უნდა წავიდეთ!

— სადა, კაცო, ვის ქორწილში? -შეცბა მამაჩემი და მანაც გამომხედა, ასეთ სისულელეს მეუბნება და კიდეც მე მეძახის ჯიუტსო.

— შენ არ გეცოდინება, კარგად მეც არ ვიცი, მაგრამ შევპირდი იმ კაცს და რომ არ წავიდე, ძალიან ეწყინება.

— მერე, შე კაი კაცო, თუ თავად არ იცნობ, მე მეპატიუები? — გაიკვირვა მამაჩემმა და ახლა უკვე

საშველად გამომხედა.

ოთარი ძიამ ისარგებლა ამ წამით და თვალი მიყო.

— აი, ხომ ვთქვი, დაიწყებ ახლა, უცხო ოჯახს როგორ მივადგე, რას იტყვიანო...

— მერე, მართალი არ ვიქნები?! — სიცილი ვერ შეიკავა მამაჩემმა, რომელსაც გზა არ დაუტოვა მეგობარმა. ან უნდა ელიარებინა თავისი სიჯიუტე, ანდა, უსიტყო კაპიტულაცია გამოეცხადებინა და დათანხმებოდა.

ვიგრძენი, რომ ახლა ჩემს პოზიციას მნიშვნელოვანი როლი ჰქონდა, რადგან, მართალია, მართვის მოწმობა ჯერაც არ მქონდა, მაგრამ საჭესთან სწორედ მე ვიჯექი. თანაც, უკვე კაცად მთვლიდნენ და ხშირად აზრსაც მეკითხებოდნენ. არადა, ქორწილი და თანაც მაშინდელი, დიდად არ მხიბლავდა, რადგან ღამისთვეას, მაშინ რომ „მოდაში“ იყო, ვერ ვუძლებდი და სუფრის მიტოვება კი მთლად შენზე არ იყო დამოკიდებული. არც აყალ-მაყალი მიყვარდა, ზოგჯერ აქა-იქ რომ იფეთქებდა ხოლმე, მაგრამ ოთარი ძიასი უმალ გავიგე და მხენედ ვკითხე, სად მივდივართ — მეთქი, რითაც დავას წერტილი დავუსვი.

— აქვე, წითელწყაროში! — გაიხარა ოთარი ძია და შევატყვე მამაჩემიც კმაყოფილი დარჩა საკითხის ამგვარი გადაწყვეტით.

მაშინ, დედოფლისწყაროს, ჯერაც წითელწყარო ერქვა, მხოლოდ რუკაზე ვიცოდი მისი არსებობა. დაუსახლებელი, მიმზიდველი ველები, შირაქისა და ელდარის ვრცელი საძოვრები, ამინდის გამოცხადებისას არასოდეს რომ ივიწყებდნენ სინოპტიკოსები და, რაც მთავარია, ვაშლოვანის ნაკრძალი, ჯეირანების გუნდით რომ იყო რუკაზე მონიშნული, დიდი ხანია იდუმალად მიზიდავდა. ამ ყველაფერს კი განსაკუთრებულ ელფერს სძენდა სამხრეთით იორი და ჩრდილოეთით ალაზანი, ერთმანეთის სიახლოეს, ბორბალოს მთაზე რომ იღებდნენ სათავეს, მერე შორდებოდნენ, თავიანთ გზაზე მოდიოდნენ, არწყულებდნენ კახეთის ბარაქიან მინას და ბოლოს ძმებივით ისევ ერთმანეთს ეხუტებოდნენ. ისიც ვიცოდი, რომ სიღნაღმა ერთად, ეს რაიონი ქიზიყად იხსენიებოდა და მისი ახლოს გაცნობა უფრო მეტად მომინდა.

მოკლედ, საკითხი უცებ გადაწყვდა. მე და მამაჩემი „ინტურისტში“ დავბინავდით თუ არა, თელავის პედაგოგიური ინსტიტუტის პროფესორს, გოგი ჯავახიშვილს ვესტუმრეთ, რომელიც ჩვენი ოჯახის მეტად ახლობელი იყო და ერთი პერიოდი, ღრმაღლები, ბიძაჩემისა და მამიდაჩემის სახლში, კიდეც ერთად ვცხოვრობდით.

სულ მოკლე დროში, გოგი ძია იმდენ საინტერესო ამბავს მოგვიყვა, იმდენი უნიკალური ფოტო გვაჩვენა და მერე, ქალაქში, იმდენი ოჯახებში დაცული ნახატი თუ რელიქვიური ნივთები გვანახა, რომ თელავი უმალ ვაღიარე საქართვე-

ლოს ყველაზე კულტურულ ქალაქად და ეს რნმენა ფლემდე არ შემრყევია.

ყველაზე მეტად გამაოცა კერძო კოლექციაში დაცულმა ავთო ვარაზის ნახატებმა. მისი შემოქმედება პირველად ვნახე და უმაღ მომხიბლა, მომაჯადოვა და ეს განწყობა კვლავაც მომყვება.

დავიარეთ თელავის ძველი უბნები, სავაჭროები და დაუქნები, ბაზარი, ალალი გლეხებით რომ იყო სავსე და თბილისელობას რომ შეგატყობდნენ უმაღ გებატიუებოდნენ.

— წამო, კაცო, ღვინო დაგალევინოთ, უნახავი გახდებით. შარშანდელია, ახალი კი არა! — მოგვაძახა შუახანს მიტანებულმა, მომცრო ტანის, თუმცა ჩადგმულმა კაცმა, უთუოდ კარგი მოჭიდავე რომ იქნებოდა თავის დროზე. გოგიმ ის ვარდისუბნელად გაგვაცნო, როგორც ქვევრების ოსტატთა ჩამომავალი და მამაჩემმა კიდეც ჰკითხა რაღაცები, თუმცა, მას დამაჯერებელი პასუხი არ ჰქონდა. აი, ჩემმა ძმამ კი ყველაფერი ხუთიანზე იცის და იმას უნდა ჰკითხოთოთ.

— მაგან ღვინისა რა იცის, ჩემთან წავიდეთ, — როგორც კი იდროვა სიტყვა ჩაუჭრა თუშურქულიანმა კაცმა, თეთრი თმა რომ გამოქცეოდა და წარა-მარა ხელს აშველებდა, ქუდი არ მომძვრესო.

უკვე ის დრო იყო, შუადღეგადასული, მთელი დღე ბაზარში დგომით გადაღლილებს რომ მოშიებოდათ და თანამეინახეს ექებდნენ. მზად იყვნენ სამუშაო დღე დასრულებულად ჩაეთვალათ და კარგი მასპინძლობაც გაეწიათ. ჩენ მორიდებული ღიმილით ვუარობდით, თუმცა, ვიდრე არ ვთქვით, საღამოს ქორწილში მივდივართ, წითელწყაროშიო, დაპატიუების სურვილზე ხელი ვერ ავალებინეთ.

აი, მაშინ კი მოიწყინეს. — ეგრე გეთქვათ, კაცო, არ დაგვლალეთ პატიუებით! იქაურებმა ისეთი ლხინი იციან და ღვინოც იგეთი აქვთ, ჩენზე მეტი თუ არა, არანაკლები. არა მცალია, თორემ გამოგყენილით კიდეცა. განა ისეთი ვინ იქნება, მისვლა რომ არ მეკუთვნოდეს!

მე და მამაჩემს სიცილი აგვიტყდა.

— ჰოდა, რახან ესეა, დღეს რაღა იქნება და ხვალ დილით კი, ხინკალზე გებატიუებით! — ისევ იმედი მიეცა პირველს. — აექ ვიქნები, არ დამაღალატოთ!

გოგი ძია ჩუმად არის, ამაყი ღიმილით შემოგვურებს. უხარია თანაქალაქელების გულუხვობა, ალალი სიყვარული და ამ ბოლო წინადაღებას კიდეც გაეხმიანა, — მართალს გეუბნებიან, გოგი. აქ რომ ხინკალს აკეთებენ, ძნელად რაიმე შეედაროსო.

— არ ვიცი, კაცო, ჯერ სად მივდივართ ის არ ვიცი და ახლა კიდევ ხვალის ხინკალზე რა პირობა უნდა მოგცეთ, ამბობს სიცილით მამაჩემი და მოპატიუეს ხელს ართმევს.

— მე ჩემი გითხარი და თქვენი თქვენ იცით. დილიდან აქა ვარ!

მოკლედ, გოგი ქორწილში წამოსვლაზე ვერ დავითანხმეთ და დათქმულ დროს, ოთართან ერთად, წითელწყაროსკენ დავიძარით.

* * *

წყნარი საღამოა, თბილი. ოქტომბერია და ფოთოლი კარგა შეყვითლებული. სერებზე შეფენილ სოფლებს, ზაფხულში ალბათ რომ ვერც შეამჩნევდით, სახლები უკვე ატყვიათ და თითქოს ყველა მათგანი გებატიუება, გულს გიხსნის.

ჩენ ვაკეზე მივქრით. ტყისპირებზე ცხვრის მომცრო ფარები გულდინჯად ძოვენ. ისეთები არიან, იმხელები და ისეთი სუფთები, კომბლეს ცხვრებს გაგახსენებდათ. მერე და მერე მთლად მოვაკდა, მოშიშვლდა და ჭრელ მინდორზე გაშლილი ქალაქიც გამოჩნდა.

ზედ შესასვლელში, ბაზართან კაცი დაგვხვდა. ოთარი ძია და ის კაცი ერთმანეთს თბილად გაადახვივნენ, რაღაც-რაღაცებები ილაპარაკეს, ხელები აქეთ-იქით იშვირეს და როგორც იქნა მანქანისკენ გამოემართნენ.

ეს კაცი უცებ გაგვიშინაურდა. მანქანა კი მოგვიწონა, მაგრამ „ვოლგა“ მირჩევია, ამას ხახვიფურცლის სისქის „უემტი“ აქს და ის რკინააო. მერე მარჯვნივ ჩაუხვიე, მარცხნივო, პირდაპირ იარეო და მეც ისე ბრმად ვასრულებდი შტურვალის ბრძანებებს, სად და როგორ მივედი, ახლა კი არა, მერეც ვერ გავიხსენე, ოცდაათიოდე წლის წინათ, როცა ამ რაიონში საკმაოდ ხანგრძლივად მომიწია მუშაობა დოკუმენტურ ფილმებზე.

დიდი სახლები იდგა, გამართული. ბოსტნები უკვე გაკრეფილიყო და მათ ხბორები თუ ცხვარი დაპატრონებოდა. არც ქათამ-ინდაური აკლდათ, ერთმანეთს პირიდან რომ აცლიდნენ საკენკს.

სეფა ვრცელ ეზოში გაეშალათ. კარგი ამინდი იყო და კალთები აეკეცათ. მაგიდები რამდენიმე პირად გაემწკრივებინათ. ხალხი ის-ის იყო სხდებოდა. მასპინძელი სიხარულით შეგვეგება, გულში ჩაგვიკრა, თქვენდა გელოდით, აქამდე სადა ხართო ისე გვითხრა, უცხოს ეგონებოდა, რომ არ მივსულიყავით, იქნება კიდეც ჩაშლილიყო ქორწილი.

ესენი, მართლაც ცოტა სხვანაირი კახელები ყოფილან. — გავიფიქრე და ხალხი შევათვალიერე. მსხვილ-მსხვილი ბიჭები ისხდნენ, სუფთადგაპარსულ-დავარცხნილები. დიდი, ნაჯაფი ხელები მუხლებზე დაეწყოთ მორჩილად, თითქოს ასვენებენო და ასეც იქნებოდა. აქაურებმა ხომ რთველი რა ხანია ჩაათავეს, ღვინოც დააწმინდავეს და ალბათ არყის ხდასაც მალე დაიწყებენ, როცა ჩენენთან, გარე-კახეთში, ჯერაც რომ არ დაუკრეფია ზოგიერთის, ღამით ცოტა სიცივემ დაპერას ყურძნესო.

ერთმანეთში ჩუმად საუბრობენ, დინჯად, ყაყანს რომ ვერ დაარქმევ. თითქოს მართლაც ჩენ გველოდნენ, მაგრამ როცა დაგსხედით არც მაშინ შეცვლილა არაფერი. კაციშვილს საჭმლისკენ

ხელი არ წაუღია, ან პური აეტეხა, ან – ყველი. არადა, მართლაც ისეთი სუფრა იყო გაშლილი, დიდი გაბედულობა გინდოდა, რომ მისი სილამაზე შეგელახა.

შუა სუფრაზე გრძელი შოთები ენყო, მეტრიანები მაინც, დაუჭრელი, თითქოს დიასახლისს ვერ გაემეტებინა მისი მთლიანობის შელახვა და ეს საქმე ჯამაათისთვის მიენდო. ჯერ კიდევ თბილი ჩანდა და ისეთ სურნელს აფრქვევდა, მთელს სეფას ედებოდა და მადას ალძრავდა. ყველიც დაუჭრელი იყო, თუშური, მსხვილფორიანი და გულყვითელა, მისი სურნელი პურისას რომ ერწყმოდა და ყველა დანარჩენს ამეტებდა. აბა, ასეთ ხვავრიელ სუფრაზე პური და ყველი რომ მოგინდებოდა, განა სასაცილო არ იყო? არადა, დედლებიც თითქმის დაუჭრელი გეგონებოდა, რამდენიმე ნაჭრად იყო დახლეჩილი და სურნელი და სითბო იმისიც არ მოგასვენებდა. იქით ბურვაკის მოხარშული ხორცი თამთამებდა, აქეთ კი ალაზნის ლოქო და ივრის მურნა ენყო, ჩალისფერი და მსუქანი.

ეს ისე, თვალის ერთი გადავლებით, თორებ მეუფრო შემრეშილი მსხვილი პამიდორი და ქორფა მწვანილი მიყვარდა, ახლადჩადებული, უკვე შენითლებული კომბოსტოს მწნილი, გვერდით გრძელი, ქარვისფერი წინაკა რომ შემოეწყოთ და კახური ზეთის სურნელი ავარდნოდა. და, აი, ასეთი სუფრა, ცხვირში რომ გილიტინებს, ვითომ არც ყოფილა, მისკენ ხელს არავინ იშვერს და არ იღმურძლება, თითქოს ეს დასჯადი ყოფილიყოს.

ბოლოს, როცა ყველა დავლავგდით, მასპინძელმა მობრძანებისთვის მადლობა გვითხრა, თამადა წარმოგვიდგინა, ჩვენი დიმიტრიო და დიმიტრიმაც ერთი წინადადებით შესწირა

– მადლი უფალს, ელიას სახით რომ გადმოჰყურებდა ქალაქს.

ხალხი ფეხზე წამოუდგა უფალს, ჭიქა ჩაანახევრეს და მშვიდადვე დასხდნენ.

ჩემს წინ მჯდომმა ბიჭმა, ჩალისფერი, ხუჭუჭა თმა და თაფლისფერი თვალები რომ ჰქონდა და აქაურებისგან ამით გამოირჩეოდა, თხელპირა და გრძელი ჯიბის დანით შოთი და ყველიც უმაღდაჭრა და მიირთვით, მორიდებით თქვა.

არც მანამდე და არც მერე არ მიყვარდა და მიყვარს, ვინმე თეფშზე რაიმეს რომ გადმოგიღებს თავისი გემოვნებით, ან ჭიქას პირამდე შეგვისებს და თან ბოლომდე დაცლას გთხოვს, მაგრამ აქ არც შენი თეფში აინტერესებდა ვინმეს და არც ჭიქა, წახევარს ოდნავ რომ იყო ღვინო აცდენილი და არავინ გზვერავდა რამდენს დალევდი. სწორედ ამ „უყურადლებობამ“ საშუალება მომცა მართლაც გემრიელად დავნაყრებულიყავი და სმაშიც კიდეც გავყევი სუფრას რამდენიმე ჭიქით.

თამადა ყველა სადლეგრძელოს რიხით იწყებდა, ძმებომ! მერე ამ რიხს სადლეგრძელოს ერთ წინადადებაში კიდევ გააყოლებდა, ვთქვათ, ჩვენი

წინაპრები გავიხსენოთო და მერე კი, როცა თავადაც მცირე პაუზას გააკეთებდა, სუფრა დაწყნარდებოდა და ხალხი ჭამასაც კი წყვეტდა, უკვე გარკვევით ისმოდა მისი ხმა და ზედმეტი ძალისხმევა საჭირო აღარ იყო. ყველა სადლეგრძელო, რაღაცნაირად შენც გეხებოდა, შენს ოჯახს, მშობლებს, წინაპრებს, სამშობლოს და ამან ისე დამაახლოვა ამ ხალხთან, აშკარად ვიგრძენი, რომ ერთი მათგანი ვიყავი ათადან და ბაბადაან...

დიახ, ეს ხომ ისედაც ასე იყო, მაგრამ გრძნობით ახლადა ვიგრძენი. მამაჩემი და ოთარი ძიაუმალ გაუშინაურდნენ სუფრას და მგონი იმდენი ნაცნობიც იპოვეს, რომ არ წამოსულიყვნენ უთუოდ სამარცხვინო იქნებოდა. მეც ყველა თანატოლად მთვლიდა, მეტადაც. სიყვარულით მიყურებდნენ და ოლონდ რაიმე წამომცდენოდა, ღიმილით თავს მიკრავდნენ და მეთანხმებოდნენ. მერე „ვისია, ვისია ქალი ლამაზი“-ო, გაინკრიალა ზარივით ხმამ და ფეხზე წამომაყენა, ნეფე-დედოფალი კარგად რომ დამენახა. ტანიანი სიძე-პატარძალი იდგა. ულვაშგანებილ ბიჭს კოსტუმი, გოგონას კი საპატარძლო კაბა ეცვა და ხელში ბალდი ეჭირა. მაშინ ვიფიქრე, რომ ვაჟს ჩოხა მოუხდებოდა და მე, ქორწილში, სწორედაც ჩოხას ჩავიცვამდი. სუფრა ხარობდა, რომ ეს ლამაზი პატარძალი სწორედ მათი იყო და არც არავის დაუთმობდნენ.

მერე, სიმღერა როგორც კი მინელდა, საიდან-დაც ქართული საცეკვაო შემოიპარა და კიდეც გაბატონდა.... ხალხი გასუსული იყო, თვალანთებული შესცეკროდა ნეფე-პატარძალს და მათაც არ დაახანეს, საცეკვაო მოედანზე ჩავიდნენ და ხელი გაშალეს... გოგო-ბიჭები ერთმანეთს დაუსრულებლად ენაცვლებოდნენ საცეკვაო მოედანზე და დამკვრელებთან ერთად ცეცხლს ანთებდნენ. ყველა ფეხზე ვიდექით და მათი ცქერით ვხარობდით...

მერე ჰაერში ბული ავარდა და ხაშლამა მოდისო, სუფრას ჩურჩურმა ჩამოუარა.

– ჭედილებია, გუშინ ამაიყვანეს დილიჩადან, – დინჯად განმარტა ასაკით ჩემზე ორიოდე წლით და ასევე ზომა-წონით ორჯერ აღმატებულმა ბიჭმა, ორთქლში გახვეულ სინს რომ ვეღარ მოწყვიტა თვალი. – თითოს ფუთამდე მარტო დუმა ჰქონდა. მოზვრებამდე ჯერ სადა ხარ!

ხალხი თეფშების მოსუფლავებას შეუდგა. მწვანილისა და ყველის თეფშები შეავინოვეს, გამოთავისუფლებულ თეფშებს „გრუზავიკი“ დაარქვეს და კიდეც დატვირთეს წარჩენებით, მოცერიალე ქალებმა უცებვე რომ წამოკრიფეს.

ცხვრის ხორცი მაშინ არ მიყვარდა და დიდად არც არაფერი გამხარებია, მაგრამ ეს ორთქლავარდნილი სინი ჩემს წინ რომ შეაჩერეს, ერთ წაჭერს მაინც მივწვდი.

კა მსხვილ – მსხვილი წაჭრები ეყარა, ყველა მათგანს თავისი თამთამა, თეთრი ლურთი ება.

აქა-იქ წითელი წინაკის, ხახვისა და ნიახურის ნაფლეთები, ორიოდ დაფნის ფოთოლი სინს თითქოს ალამაზებდა და ხორციც ნაკლებად გაშინებდა.

— აბა, ეგ რა არი? — მისაყვედურა გვერდით მჯდომმა, ახლა რომ წამომდგარიყო და ხელებში შემომურებდა, აქაოდა არჩევანში არ შეცდესო - აგე, მაგის გვერძე რომ დევს, ისიც მიაყოლე. კარგი ვქენი რომ დავუჯერე. ლურთს ცხიმისა არაფერი ეტყობოდა, ასე რომ მაშინებდა მისი გემო და კიდეც ძალიან მომენტია.

ხორცმა ღვინო მოითხოვა, ღვინომ — სადლეგრძელო, სადლეგრძელომ — სიმღერა და სულსხვა მხრიდან, სადაც წელანდელი მომღერლები ისხდნენ, ვიღაცის წკრიალა ხმამ ჰაერი გააპო — „შენ ბიჭო, ანაგურელო, ანაგურელოო...“ სუფრა გაისუსა და ახლა ამ მხარეს მიუმარჯვეს ყური.

— ვინ არიან? — იკითხა ვიღაცამ.

— რავი, ის ერთი, მსხვილი ბიჭი როა, არბოშიკელია, ჯემალა კირვალიძე. დედამისს ისეთი ინდაურები დაუდის ბოსტანში, საახალნლოდ მაგნაირი არავის ეყოლება, გვერძე რო უზის აქეთა მხრიდან, — ანაგელი. აი, ხმას რო აწკრიალებს, მგონი ოზაანელია... ქალაქში ცხოვრობს.

— იმ დღეს, დღეობაშიც იმღერეს მაგათ.

— მართლა კარგადა მღერიან, მაგრამ „ანაგურელო“ შეცდომაა თქვა მამაჩემმა, ტაში რომ დაცხრა. და მთელი ჩვენი სამეზობლოს ყურადღება მიიპყრო.

— ვითომ რათა? — გაიკვირვა მის წინ მჯდომმა კაცმა, ერთიანად ჭალარა თმა და წამოწითლებული სახე რომ ჰქონდა და ყველას მაგივრად დასმულ კითხვას, ყველა ინტერესითა და ერთგვარი გაოცებით მამაჩემს მიაჯაჭვა. მამაჩემი უბრალოდ არასოდეს არაფერს იტყოდა. ეგ არის ბევრს უჭირდა ხოლმე განსხვავებული აზრის მოსმენა, მეც კი, მაგრამ რომ ჩავუფიქრდებოდი მუდამ მართალი იყო. ამას დღეს უფრო ვგრძნობ, სიბერეში. მაშინ, ცოტაარიყოს, შემეშინდა, ეს საიდან მოიტანა — მეთქი. ის კი არა, ოთარი ძიამაც შეანელა ლუკმის ლეჭვა და მოემზადა მამაჩემის დასაცავად, რომელსაც ჭროლა თვალები ჩვეულებისამებრ აუციმუმდა. ის პროფესიით ფილოლოგი იყო, სტუდენტობისას გოგლას ორგანიზებულ ფოლკლორულ ექსპედიციებში აქტიურად რომ მონაწილეობდა და მისი ჩანაწერები კიდეც ამშვენებს ცოტა მოგვიანებით გამოცემულ ტომებს. მამაჩემი კიდეც მასწავლებლობდა გარკვეულ ხანს და კარგად იცოდა მსმენელის მიტყუებაც, რაც ცოტას მამშვიდებდა.

— რათა და, თქვენ ასე ამბობთ, ანაგურელი ბიჭი შემხვდაო?

— არა, ანაგელს ვამბობთ, მაგრამ ეგ სიმღერაშია. — იყო მტკიცე პასუხი.

— ჟო, ანაგელი. შეიძლება ვინმემ ანაგურიც თქვას, მაგრამ „ანაგურელი“ შეცდომაა და არც არავინ იტყვის, როგორც, მაგალითად, კაკაბელს

იტყვიან, კაკაბურსაც, მაგრამ კაკაბურელს — არავინ! -არ მოეშვა მამაჩემი. — უნდა იყოს, „შენ ბიჭო, აზამბურელო!“

— აზამბური რაღაა? — გაიკვირვა მოკამათემ.

— რაღაა და, ადგილია გარეკახეთში, სართოჭალას ქვემოთ, სადაც ვრცელი სათიბებია და მკარომ იწყება, ხალხი, გარეკახეთის ახლო-მახლო სოფლებიდან, მაშინ საჩერქეზოს რომ ეძახდნენ, კვირობით იქ მიდიოდა, რომ ბალახი გაეთიბა, გაეშრო, აეხვეტა და დაეზვინა.

— გარეკახეთის შირაქი ეგ იყო... ჰოდა, ის ბიჭი მთოხნელი კი არა, თოხს ქვიან მინას რომ ურტყამდეს, მომკელია, ხელში ნამგალი ეჭირა და წყალს-გაღმა სწორედ მისი ნამგლის წკრიალი ისმოდა.

— ეგ მეც მიფიქრია, ხომ იცი, — საუბარში ჩაერია ჰალსტუხიანი და მოკლეულვაშიანი კაცი, თავიდანვე სკოლის დირექტორად, მინიმუმ სასწავლო ნაწილად რომ ჩავთვალე. — ჩვენში კაცები არცა თოხნიდნენ. არც ეხლა ეხალისებათ, მითუმეტეს. მთოხნელ კაცს, როდის იყო სიმღერას უძღვნიდნენ — მეთქი.

— სწორედაც გიფიქრია! ტექსტი ასეთია: „შენ ბიჭო, აზამბურელო, შენი ხმა ჩამოდიოდა, ხმა ტკბილი, შენი ნამგლისა წკრიალი, წყალგაღმა გამოდიოდა“...

მთიბავიც და მომკელიც დიდი ჰატივისცემით სარგებლობდა ხალხში და აღმოსავლეთ საქართველოს ფილკლორში ერთ-ერთი გმირული ფიგურაა. ფოლკლორიდან კი ჩანს, რომ ბატონმა, ალბათ ჩერქეზიშვილმა, სწორედაც აზამბურში გამოაცხადა, ვინც ყველაზე დიდ ფართობს მომკის, ჩემს ულამაზეს ქალს, იას, იმას მივათხოვებო და შეჯიბრი გაიმართა. იმ მომკელმა, ვისაც სიმღერა ეძღვნება, თურმე ყველას აჯობა, მაგრამ, ქალი კი ვერ შეირთო, რადგან, შიგნით, ორგანიზმში, იქნებ დაუზოგავი შრომისაგან, რაღაც იტკინა და უცებგარდაიცვალა. აკი, სხვა ხალხურ ლექსში წერია:

„აზამბურელი მომკელი, ქალმა მე მოვკალ, იამო...“ ანუ, ჩემს გამო არ დაზოგა თავი და იმიტომ დაემართა ასეო...

— ვა! აღმოხდა თეთრთმიან და წითურსახიან კაცს. — მეც არა ვთქვი, ამ სიმღერაში რად არის ასეთი სევდა — მეთქი... უყურე შენა, თურმე რა ყოფილა...

— ჰოდა, უთხარი მაგ ბიჭებს სწორად იმღერონ.

— ვეტყვი, მაგრამ ვინ დაგიჯერებს, ხო იცი როგორ. ერთი თუ გამრუდდა მერე აღარა სწორდება.

— მართალს ამბობს, გოგი. ეგ კიდევ, ჟო მოყევი, ამაღამვე დამიწერე და პირდაპირ ნომერში ჩავდებ, ისტორიას მაინც დარჩება... — ხელი მოხვია ოთარმა მამაჩემს და ახალ სადლეგრძელოს ნამოუდგნენ ფეხზე...

თამადამ ორი-სამი სადლეგრძელო წასულებს მიუძღვნა, წინაპრებს და ერთი-ორი ისეთი ამბავიც

მიაყოლა, ყველასთვის სასახელო და საამაყო რომ იყო. ხალხი გატრუნული უსმენდა, ზოგი მაჯით იმშრალებდა სველ თვალს, ზოგი კი დანანებით იქნებდა თავს. ფეხზე ყველა სადღეგრძელოს უდგებოდნენ და მოშორებით მჯდარ მეგობრებს უჩვენებდნენ ცარიელ ჭიქებს. მერე კიდევ, თამადამ ჩოხა-ახალუხიანი და ჩანგურიანი ბიჭი მაგიდაზევე შემოსაკუპა და ბიჭმაც არ დაახანა, სიმებს ჩამოჰკრა და ხმაც ააწკრიალა:

— „გოგომ ღიმილი მაჩუქა, მატკინა გულის ფიცარი,

მე იმის სახელს არ ვიტყვი, ღმერთმა უშველოს ვინც არი!“

— ნუ იტყვი, შენ შემოგევლე, ნუ იტყვი... ჩაილაპარაკა სუფრასთან მოტრიალე დედაკაცმა, ისე ალალად, რომ კიდეც ვიფიქრე, ან ამ ბიჭის ბებო იქნება, ან იმ გოგოსი-მეთქი.

ბიჭი ტაშით გააცილეს და ახლა ქართულკაბიანი გოგო შემოსვეს.

— „დაუკარით, რომ ძველ ხანჯალს ელდა ეცეს... დაინყო გოგონამ და ცრემლი ვერ შევიკავე. შემრცხვასავით, მაგრამ მე ვინ მიყურებდა, ყველა იცრემლებოდა...“

გოგონამ ლექსი ჩაათავა თუ არა, გარმონი გაინია და ახლა ეს ლექსი ასეთივე წკრიალა, ოღონდ გაცილებით დახვეწილი ხმით ამღედა.

„საქართველოს ცხელ გულს“ კიდევ ერთხელ ფეხზე წამოუდგა ხალხი და მის დიდებას და მარადიულობას აწეული ჭიქიანი მარჯვენებით უხმოდ შეუერთდნენ...

მოკლედ ისეთი ემოცია იყო, დათრობისთვის ადგილი არ რჩებოდა. ლვინომ ძარღვები დაბერა, ხალხს ენა აუხსნა, შუბლი გაუნათა და ერთმანეთს სიყარულსა და ერთგულებას აფიცებდა. მერე სუფრამ თითქოს წათვლიმაო. იქნებ მე მომერია რული.

პირველ საათს უკვე კარგად იყო გადაცდენილი, ხაშლამა რომ შემოიტანეს და უკვე შემცივნულ ჰაერს ბუღი აადინა, სუფრა ისევ გამოცოცხლდა. ისევ გამოინახა და დაიტვირთა ნარჩენებით „გრუზავიკები“ და ისევ შეივსო ჭიქები. თამადამ კიდევ ერთხელ დალოცა ნეფე-დედოფალი და ამით ფაქტიურად ნება დართო, მოესვენათ დამღლელი რიტუალისგან.

წამსვლელები ნელნელა აიშალნენ, სუფრები შეთხელდა. მეც დავაპირე, წავალ, მანქანაში მივწვები-მეთქი და კიდეც დამადგა ბიცოლა ქალი თავს, შვილო, თუ გედროვება, მობრძანდი, მოისვენე, კაცებს რას უყურებ, თქვენი ლოგინები გაშლილიაო.

ცოტა ხანს კიდევ დავრჩი. მალე, დიასახლისებმა, ერთი გრძელი სუფრა აალაგეს, ახალი სუფრა გაშალეს და იქ მიგვიწვიეს.

თამადაც იქ გაღმობრძანდა, სამზარეულოში მოტრიალეებმაც სასუფრედ მოიცალეს, აქაო-

და ხაშის ქვაბები მოვქაფეთო და დამკვრელებიც, რომლებმაც ახლადა გაიხსნეს კრიჭა და ლვინოსაც გაუბედეს, აქამდე თავს რომ იკავებდნენ.

ახალ სუფრაზე დიდხანს არ დავრჩინოლვარ, იმ მადლიან ბიცოლას გავყევი, შორიახლოს რომ ტრიალებდა, ადვილად მიპოვოსო, ცოტახანს სიბ-ნელეში ბილიკზე მიყევი, ორსართულიანი სახლის მეორე სართულზე ავყევი და ჩემთვის დაგებულ თბილ, მატყლის ლოგინში შევძვერი...

* * *

ადრედილით გამეღვიძა. გამიკვირდა, მამაჩების და ოთარი ძიას ლოგინები ხელუხლებელი რომ იყო. უცებ ჩავიცვი და ეზოში ჩავედი. წელში მოხრილი შავოსანი ბებო ქათმებს აპურებდა და ყვითელ-ყვითელ მარცვლებს კალთიდან გულუხვად ფანტავდა, თან „ჯუ-ჯუ, ჯუ-ჯუ“-ო, უხმობდა. ქათმები ერთმანეთს ახტებოდნენ და ეცილებოდნენ საკენას. ისეთი მსუქნები იყვნენ, ვიფიქრე, ალბათ დასათვლელად თუ დაუყარა საკენკი-მეთქი, თორემ ვრცელ ბოსტანში საკენკის და საპოვნის მეტი რა იყო? დათვლით არა, მაგრამ ბებია უფრო თვალით მიხვდა, რომ არცერთი აკლდა. მერე, კმაყოფილმა დაცლილი კალთა ისე დააბერტყა ქათმებს, თითქოს აჩვენა, აი, სულ დაგიყარეთ შინ არაფერი შემაქვსო და შემოტრიალდა. რომ დამინახა, გაიღვიძე, ბებო გენაცვალოს, რა გეჩქარებოდა, ცოტა კიდევ მოგესვენაო, მითხრა და პირჯვარი გადამწერა. მერე ბილიკი მიჩვენა, ჩაჰყევი და ზედ მიადგებიო...

მზე სულ ახლა ამოდიოდა ჰაერი გამჭვირვალე იყო, ნოტიო. ქვითკირის, აგურით მოპირკეთებული კოხტა სახლები არცთუ შორიშორს იდგა და ერთიან სივრცეს პირობითად ყოფდნენ. თითქმის ყველა ეზოში ედგათ კარალიოკები და ხურმები, ეზოებს ოქროსფრად რომ ანთებდნენ და აცოცხლებდნენ.

ბილიკს ჩავყევი და მექორნინებს სულ სხვა მხრიდან მივადექი. როგორც დავტოვე, ისე ისხდენ. ეგ არის, სეფის კალთა ჩამოეშვათ, საიდანაც ნიავი უბერავდა. ჩემი ადგილიც ხელუხლებლად იყო და რომ მივედი, ისე მიმიღეს, ვითომც ეს წუთია რაც გავედი... თითქოს ჩემს მისვლას ელოდნენო, ხაშიც წამოვიდა... სამ-სამი არაყი დალიეს, ღმერთი ახსენეს, თეფშები მოასუფთავეს და როგორც დასხდნენ, ისე აიშალნენ ბიჭები.

მას შემდეგ ორმოცი გრძელი წელი გავიდა, ვინ იცის, რამდენ სუფრაზე ვარ წამყოფი, მაგრამ არა-სოდეს დამავიწყდება ქორნილი დედოფლისწყაროში, მაშინ, მგონი, წითელწყაროს რომ ეძახდნენ...



ნარატივი

თბილისი. საღამო. მტკვრისპირა
სიცივე. ხმაური. მეტეხი.
ორივე ჯიუტი. უტეხი –
ვჩერდებით ერთურთის პირისპირ.
ხანდახან კარგია სიყალბეც.
სიტყვები – მჩატე და ლიტონი.
ჯანდაბას ყოველი რიტორი.
ჯანდაბას ყოველი იდალგო.
ხანდახან თამაშიც კარგია.
მიმების. ვალუტის. ბრიჯისაც.
ხანდახან კარგია ბრინჯაოც.
ხანდახან ოქროც კი არ გარგებს.
სიჩუმე კარგია ხანგრძლივად.
მეტეხთან – მტკვერში და ხმაურში.
ფარდიც არსაითკენ გავუშვათ.
მინდვრად მობნეული ანწლივით.
ღამეც – მლიქვნელების მსახური.
ღამე ფლირტების და რომანთა.
ყველა საიდუმლო მომანდე.
მერე ანგარიშიც დავხუროთ.
თბილისი. საღამო. მტკვრისპირა
სიცივე. ხმაური. მეტეხი.
ორივე ჯიუტი. უტეხი –
ვჩერდებით ერთურთის პირისპირ.

ჰაუზები

დეკემბრის ღამეთა სტაგნაცია.
შეხვედრებს შორის პაუზები.
ვფიქრობ, ამ ზამთარსაც გაუძლებენ
ხელები და ვიდრე გამაციებს
ქარი – შორეული სადგურიდან,
მიგდებულ ვაგონს ვეფარები...
ტერფებს კი სუსხი ეპარება.
შენგან ნახსოვარი ამულეტი
თითქოს შემეზარდა ხელისგულთან.
ეგ შენი გიშერი – უშავესი.
ახლა ქარის ხმა ყრუდ ჩამესმის.
ახლა ქედებიც შენისლულან.
იცი? გაზაფხულიც იგვიანებს.
მოსვლას აყოვნებენ მარტ-აპრილი.
ისევ ორი აბი კაპტოპრილი.
აღარც გულისცემა – რიგიანი.
აღარც მაჯისცემა – გვარიანად.

მიორიგი შეხვედრებს შორის პაუზები.
ბალახაშვილი ნეტავ, ამ ზამთარსაც გავუძლებდე.
იცი? გაზაფხულიც აგვიანებს.

ნირვანა

ნირვანის ყვითელი გვირაბი.
სიზმართა მუდმივი სამიზნე.
გიტაცებს ობოლს და უდლეურს,
რომ მოინადირო კურდლები,
რომ შენი თავი გახიზნო
ოთახის უმწვანეს გვიმრებთან.
დილიდან მიიღებ ციკლოდოლს,
რომ ოდნავ, სულ ოდნავ მოეშვა
და რომ არაფერზე იფიქრო.
დაგცინის სარკე და გრიფი კი,
სუნთქავს შენს სიახლოვეში,
თან ცერზე აყენებს ციკლოპებს.
გადიხარ, ჯერ ისევ არსაით,
მერე არსაიდან ბრუნდები
და გხვდება უწყლოო ნიუარა,
რომელზეც არა ლირს იჯავრო,
არავის მოუწყო ბუნტები,
გახედე, ზაფხულიც კარსაა.
გატეხე სარკე და მიაგდე,
ფასიც, ანფასიც და პროფილიც
და მერე ძილის წინ ილოცე,
თუნდაც უჩარჩოო ტილოზე,
რომ ასე თვითკმაყოფილი
ზეპირად იცნობ იადგარს.
ნირვანის ყვითელი გვირაბი –
გაგიყვანს უმწვანეს გვიმრებთან...

აპრაპადაპრა

მე მახსოვს შენი წითელი კაბა,
როგორც შეცვლილი პროფილის ფოტო,
ჩუმად წამოგცდა: „აპრაკადაპრა“,
იმის იმედად, რომ ღამით მოთოვს
და მთელი ღამე საოცრად თოვდა
და მთელი ღამე საოცრად ცრიდა,
მე კი ჯიუტად დარჩენას გთხოვდი
და მთელი ღამე გხედავდი სიზმრად.
ვიზეპირებდი შემს ბავშვურ ღიმილს,
შენი თვალების უმანკო მზერას,
როგორ მოვგავდით მდუმარე მიმებს,
ვუფრთხილდებოდით სიტყვებსაც: მჯერა.
მიყვარსარ. გიცდი. მომენდე. მოდი.
მაკოცე. დარჩი. წახვიდე არსად.
შორს კი მოჩანდა სოხუმის პორტი.
შორს კი მოჩანდა ქალაქი წყალზე
და მთელი ღამე საოცრად თოვდა
და მთელი ღამე საოცრად ცრიდა,
მე კი ჯიუტად დარჩენას გთხოვდი
და მთელი ღამე გხედავდი სიზმრად.

დეარესია

ჩნდება უსაშველოდ დიდი დეპრესია,
მეგობრებისათვის თავის არიდება.
არის მარტოობის ვრცელი თარიღები.
არის უძილობა – ძილის რევერსიდან.
არის სიგარეტზეც თავის დანებება.
არის უმნიშვნელო დოზით კონიაკი.
უნდა გადაფურცლო ზოგჯერ მორიაკიც.
ცეცხლში შეუკეთო ოქმი. ბრძანებები.
გაიგაზაფხულო მთელი იანვარი.
თევზივით გაეხვე ხავსიან ბადეში.
სიზმარში იხილო ჩრდილო ბანგლადეში.
აზის სამიტი. ხუნტა. მიანმარი.
მარტიდან ისმინო კატების კრუტუნი.
თვითგვემის ნიშნადაც კონიაკს შეეშვა.
დასახლდე აყალო მინაზე. პერვეში.
გაისად ესტუმრო კომოს და კროტონეს.
ყველა გამომცემელს ხელში მიაჩერო –
დიდი პოეზია. მცირე ჰონორარით.
იმგზავრებ. პურს შეჭამ. აბი – პრონორანი.
თვალები დახუჭე. ბარი. პიაჩენცა.
მოკვდეს უსაშველოდ დიდი დეპრესია.
მარტოობისათვის თავის არიდება.
არის უძილობის ვრცელი თარიღები.
არიან სიზმრებიც – ძილის რევერსიდან.

Drinking Songs

ხანდახან არის,
ფეხები გიცივდება.
ყურებში შუილი გაქვა.
წელი გტკივა
და კისერი გელრიცება.
გძულს მთელი ქალაქი,
რომელსაც სძინავს.
შენ კი თვალებს ვერ ხუჭავ,
უფრო სწორად ხუჭავ,
მაგრამ უცნაური ხმაური
გჭამს შიგნიდან
და გინდა,
რომ მთელს ხმაზე იყვირო,
რათა დაიცალო ხმაურისგან.
დილით მეგობარი გაკითხავს.
არაფერს იმჩნევ წინა ლამის უძილობიდან.
ჯდები მანქანაში.
იანვრის სუსზი გულს გირევს.
მეგობარი მანქანის გათბობას,
მერე ნიქ ქეივს გირთავს.
ნება მიეცი მზეს,
თვალი მოგჭრას.
გაგინყლიანოს.
გაულიმე.
ცოტა ხნით ფეხზე დაიკიდე
დისკოზიც და ოსტეოქონდროზიც.

დღეს პირველად მოისმენ მეთ ელიოტს.
დატები დღით...

ოქროშინდა

თუ დამიჯერებ, ბოლოს ყველანი
ჩვენივე თავის სიზმრად ვიქცევით,
კონკებითა და მრუმე ნიღბებით,
ათასი კოჭლი, ყრუ და ელამი.
დაკარგავს გემოს ყველი. ინდიკა.
თეთრი ქვრივი და ლურჯი სიზმარი.
ალბათ ოდესმე გამოვიზამთრებთ
და შუამთიდან ოქროშინდა კი
დაკრიფე ისე რიდით და კრძალვით,
თითქოს პეპელას ფრთებზე ეხები,
თითქოს კლდეებზე გაჩნდა ეხები,
რაღაც უცნაურ, უხილავ ძალით.
თუ წაიმლერებ გულში მაყრულსაც,
სანამ აგევსო უბე შინდებით.
ნუ შეშინდები.
ნუ შეშინდები.
ნუ შეშინდები,
მაგრამ თვალ-ყური
ადევნე ჯირკთან მძინარე ქოფაკს,
ხანდახან, დღისით თვალებს მილულავს.
სიზმრებით ასე რომ მოხიბლულა,
ძილში არ ახსოვს ძალური ყოფა.
გადავა მზე და მოსვლამდე მწუხრის
ისწავლი ყველა კარნახის წერას.
გაეღვიძება ქოფაკს თუ მწევარს.
ჩამოიბერტყავ იმდენხანს მუხლებს,
შინისკენ წახვალ ამაყად. გზნებით.
ოქროშინდებით სავსე პერანგით.
თუ დამიჯერებ, ბოლოს ყველანი
სიზმრებად ანდა გზებად ვიქცევით...

1 აპრილი

ლმერთო,
რა მყიფეა მოჩვენებითი ქედმალლობა
ბავშვურ სინრფელესთან.
ალარარსებობის შიშით გატარებული
წუთების შეჯამება –
ესეც რა სასაცილო რამაა.
იცოდე შენი სიდიდე და თავს იპატარავებდე,
ანდა პირიქით.
მისალმების ზედაპირიდან,
უკეთ რომ ვთქვათ,
ზედაპირული გამარჯობიდან –
სიღრმე დაინახო.
გაულიმო სრულიად უცხო ადამიანს,
რომლის თვალის ფერიც მოგწონს.
სისულელეა ყველა თრობა,
დამიჯერე,
რომელსაც ამაზრზენ სიფხიზლემდე მივყავართ.

ბედნიერებისთვის –
მხოლოდ ღამეების
დაგრძელება იკმარე,
რომ მიხვდე,
რას ნიშნავს იყო უბრალო.

სავარჯიშოები

ვინაა ქვეყნად ხევისბერზე უგოჩ(ავ)ესი?
სასაცილოა. ბანალური. ადვილიც, ეგზომ.
რევოლუცია. ბოლივარი. მზე და ეგზემა.
საბანეტა და კარაკასი. უგო ჩავესი.
დაიაურთ და შეთეკაეურთ მუცო თავისად
მიუჩნევიათ. მუცოს იქვე უწევს არდოტი.
უადგილოა. სირცხვილია. ბარში გარბოდე.
(ცოტაც არ იყო. დარჩე ფთილა-უცოტავესო.
შემოაფრინე: ორი კოლო. ბუზი ნოესი.
გადაითვალე: ოკუპანტი. მოროდიორი.
რა არის ქვეყნად სიკვდილივით მარადიული?
რა არის ქვეყნად სიყვარულზე უზენაესი?!

სავარჯიშოები 2

ხანდახან სიჩერჩეტე მეტადაც მიხდება.
კი არ დავჭკვიანდი. მგონია, დავბერდი.
ახლა სულერთია ღამე. მაძახურა.
მტრებიც მენატრება, რომ შემოვირიგო.
სანამ გუბურაში ცა მოსჩანს. ინდიგო.
სანამ მთებს იქით ლავრას გადავყურებ.
სანამ გადაუწვავთ ოშეი და შატბერდი.
ლამის მეც ჩავერთო რბოლაში ვირთხების.
დაგმე სიდიადის შენთან შეფარდება,
როგორც ჰერალდიკა, სამხრეთ კორეული,
ანდა სინდრომები: სტოკოლმის. ლიმასი.
დაშრი. დაინრიტე, როგორც კალაპარი.
ჩემზე ნუ იდარდებ. მინდა გაგახარო.
იფიქრე სიზმრებში ვერმოსულ წვიმაზე.
დროდადრო იყითხე საათი. ორუელიც.
დახატე უირაფი. ფეხმარდი გეპარდები.

პეიზაჟი

რა ლამაზია მაისის წვიმა,
თითქოს ანგელოზები შხაპს იღებენ.
ქარი?
ქარი – ცაცხვების პარკინსონია.
ყური დაუგდე მათ შრიალს.
ვინ იცის,
ბუნების რომელ საიდუმლოს ამხელენ?!

უთიპი

არავინ იცის, დამიჯერე, თუ რის ფასადა,
გვინევს შევნილბოთ ჩვენი ყოფის მყიფე ფასადი.
ვიცხოვროთ ასე, პოეზიით. უხელფასოდო.

გვერქვას სახელი უხეირო, ვინმე რაფსოდის.
მოკვეთილივით მთელ სამყაროს უნდა განუდგე.
არ დაიტოვო დაბრუნების ერთი აუტი.
რა დონ კიხოტი ან ტრისტანი. რისი ალუდა?
მსოფლიო წესრიგს დღეს ამყარებს

კრიპტოვალუტა.

მასის ბოლოს გაშავდება ყველა თუთის ხე.
ან გათეთრდება. სულერთია, რა ვიგულისხმე.
ყველა ბალახი გადარჩება ცოცხლად. უთიპი.
ზღვამ გადაყლაპოს მზის მზითვები. მზეთა ქათიბი.

თუთები

შეხედე თუ როგორ ცვივიან თუთები,
ნიავის უბრალო, უმწიკვლო შეხებით,
იფიქრე იმაზე, რომ ვეღარ შევხდებით,
ვეღარ ვიყამათებთ, არც დასაბუთება
მოგვინევს რაიმის, არადა გვიწევდა,
აბეზარ ბავშვებსაც მოვგავდით ხანდახან,
თუ გახსოვს ივნისი და ოქროს ჩარდახი
ან ჩვენი წითელი, აყალო მიწები?
ახლა კი სახლები სიზმრებად გადიქცნენ,
სიზმრებად გადიქცნენ შავ-შავი თუთებიც,
მეზობლის ბალიდან გოგრა ბლის ქურდობა,
მეზობლის ბალიდან გაქუსვლა სახლისკენ.
შუადღეს მდინარე. რიყებე ქოთქოთი.
რა ფეხზე გვეკიდა ნიცშე და ფრონიდი.
არ გვქონდა კოდაკი ან პოლაროიდი.
ბავშვობა – შემკული ფერადი ფოტოთი.
არც მობილურიდან ვგზავნიდით მესიჯებს,
ხშირადაც უსიტყვილ ერთურთი გვიყვარდა,
მერე ცაცხვებიდან დაფრთხობა ჭილყვავთა
და სეტყვის ყინულთა მარცვლების მეჯლისი.
ჩვენც გამოგვაძევეს ბავშვობის ზღაპრიდან,
მახსოვს, უკითხავად დიდები დაგვარქვეს,
რა ძნელი ყოფილა, იმ დღეთა დაკარგვა.
გაფრინდნენ...

მადათოვთან

ხანდახან დღეებმა პურივით იციან დაობება.
სიგრძე აქვთ იმხელა. რა გითხრა. ბაობაბის.
აუტანელია ამგვარი დღეების სიმძაღე.
ჯანდაბას, რაც იყო, გათავდა. მიძაღლდა.
ჩვენ ვერ ამოვაშრეთ ხსოვნის ჭაობები.
თვალები დახუჭე. იქნება წყვდიადი განათდეს.
შენი მიოზია ტყუილია. გუშინ მიღებული ბარათიც,
რომ ჩემი წასვლიდან მოსვლას დარაჯობდი,
რომ არ დაუფერთხავთ მტვერი ყაყაჩოებს,
რომელსაც ჩათვლემილ პიპნოსს ვპარავდი.
დროა მიუტევო. იმანაც. დროა ასეთიც. მიატოვო.
იყოს იანვარი. ახალ ბალი მეიდნისა. მადა თოვლის.
ენა გამოუყო ფანტელებს. ცვიოდეს ფენტანილი.
ილოცე. იბუტბუტე. და სამი მცირე მეტანია.
ერთიც დიდი. თვალები დახუჭე. მადათოვთან.



მიმი ხორნები

ქისტი მამის აცდერძი

ყიზლარის ზამთრის საძოვრებს მიუყვებოდა თეთრი ვოლგა. შემგლის-ფერებულ ტრიალ მინდორზე ორ ზოლად გატკეპნილ შარაზე მისრიალებდა დინჯად, გულის დამასვენებელი სივსივით, ჰეგვდა, თითქოს მოქურუხებულ ცაზე თეთრი მტრედი მიფრინავსო. ჩანდა, საჭესთან თავმდაბალი, ზრდილი ადამიანი იჯდა. საერთოდ, მანქანის მოძრაობის მიხედვით შეიძლება მივხვდეთ, როგორი ადამიანი მართავს მას, თავმდაბალი თუ თავხედი. თუმცა თეთრ ვოლგაში თავხედი და ამპარტავანი ადამიანი არ იჯდებოდა. საბჭოთა კავშირის არსებობის მეორე ნახევარში გამოუშვეს იმ დროისთვის ყველაზე კარგი მანქანა. ორი ფერის იყო – თეთრი და შავი. ორივე სადიდევაცო, თუმცა თეთრი ფერი შავ ფერთან შედარებით რატომდაც მდარედ ითვლებოდა და გადალოცვილი იყო საზოგადოების გამოჩენილი მოღვაწებისათვის: დიდი მეცნიერების, დიდი მწერლების, დიდი მსახიობებისა და დიდი სპორტსმენებისთვის. ურიგოდ შესყიდვის უფლებით ეძლეოდათ შრომის გმირებსაც.

შავი ფერის ვოლგები კი რატომდაც ცეკა-რაი-კომების მაღალჩინოსნებისთვის იყო მხოლოდ და მასთან გათანაბრებული „შავების“ ანუ „კანონიერი ქურდებისთვის“. ისინი ხომ ხალხის მორჩილებაში ყოლისთვის სჭირდებოდათ. მაღალი თანამდებობა და შავი ვოლგა საოცნებო იყო „პარტიის ერთგული შვილებისათვის“, რომლებიც ქლესობითა და ყველაფრის კადრებით აღნევდნენ მიზანს. ამ საზარლად გადაფორმილ პარაზიტულ ორგანიზაციას ეკუთვნოდა საბჭოთის ყოველგვარი სიკეთე, საქმე კი – არაფერი, მხოლოდ იდეოლოგია. ამ შავი ვოლგებითაც ყოველთვის ქმნიდნენ ისეთ შთაბეჭდილებას, თითქოს სადღაც ეჩერებოდათ, სადღაც აგვიანდებოდათ, ქუჩებში წივილ-კივილით აცილებდა საგზაო ინსპექცია.

თეთრმა ვოლგამ წყნარი სივსივით მიაღწია გუდამაყრელთა ცხვრის ბინამდე და შემოულობავი ეზოს განაპირებით გაჩერდა. გაჩერებაზეც ეტყობოდა, ვინ იჯდა მანქანაში. შავი ვოლგა უსათუოდ ბინის კართან მიჭირდებოდა და მიასიგნალებდა. თეთრი ვოლგიდან სასიამოვნო გარეგნობის, მაღალ-მაღალი, ქერა სახის ახალგაზრდა კაცი გადმოვიდა. ტანთ ლამაზი სპორტული ფორმა ეცვა, რაღაც „არაამქვეყნიური“. ბინიდანაც ზუსტად ისეთივე გარეგნობის, ისეთივე მაღალი, ისეთივე ქერა ახალგაზრდა გამოვიდა, იტყობოდა კაცი, ტყუპი ძმები არიანო. ამას ტანთ შინნაქსოვი შალის გალიფე და ჯემპრი ეცვა – მწყემსისთვის აუცილებელი ტანსაცმელი.

– გამარჯობა! ისმაილ ამხადოვი! – ხელი გაუწოდა სტუმარმა.

– გაგიმარჯოს! გიორგი წიკლაური! – ხელი ჩამოართვა მასპინძელმა.

– უორა ვინ არის?

– უორაც მე ვარ.

– კარგი საკლავი მჭირდება და თქვენთან მომასწავლეს.

– მოიცა, მოიცა, ვინა ვარო? ისმაილ ამხადოვიო?

– ჩაეკითხა გიორგი.

– კი, ისმაილ ამხადოვი.

– მთელ ქისტეთში განთქმული ვაჟუაცი ისმაილ ამხადოვი თქვენა ხართ?

– კი, მთელ ქისტეთში განთქმული ვაჟუაცობისა რა მოგახსენოთ, ისმაილ ამხადოვი ნამდვილად მე ვარ.

– ვაჟ, ღმერთო, ეს რა დღე გამითენდა, თქვენი ქება ბევრჯერ მომისმენია. სულ ვნატრობდი თქვენს გაცნობას, ამას როგორ წარმოვიდგენდი, რომ თქვენ მესტუმრებოდით. წამოპრძანდით, შიგნით შევიდეთ, იქ ვისაუბროთ! – შეიპატიუა გიორგიმ და შევიდნენ.

ოთახის შუაგულში გაგუზგუზებულ ღუმელზე ქვაბი თუხთუხებდა.

– დღეს მე ვარ მორიგე, – ჩაილაპარაკა გიორგიმ,

– დაველოდოთ საღამომდე, ბიჭები როცა მორეკავენ ფარას, ჩემი საკუთარი სამასი სული მყავს, აარჩიე, რომელიც მოგეწონება და წაიყვანე, მე შენ ფულს როგორ გამოგართმევ!

– არა, მე სამაგისოდ არ მიჭირს, ფასს გადავიხდი.

– ასეთ გაუგონარი ქველმოქმედებით ცნობილ ვაჟუაცს, ყველა გაჭირვებულს, ნათესავსა თუ სხვას უფასოდ რომ ურიგებს წყალობას, მე ერთი საკლავი ვერ უნდა მივცე?! თანაც ქვრივ-ობოლსა და ღარიბს არავის დააჩაგვრინებსო. ერთი ისეთი რქადაგრეხილი უნდა შეგირჩიო, უკეთესი რომ არ იქნება. ეს გადაწყვეტილია, ამაზე აღარ ვილაპარაკოთ... ერთი ეს მითხარი, ქართული საიდან იცი ასე კარგად?

– საიდანა და გადასახლებიდან რომ დავპრუნდით, ჩენეს ძველ სოფელში, ღილლოს, არხოტელები დაგვხვდნენ. სანამ არხოტშივე დაბრუნდებოდნენ, იმათ ბალებთან ერთად ვიზრდებოდი მთელი ხუთი-ეგვისი წელი. ჩენეს სახლში ცხოვრობდა გაბრიელ ჯაბუშანური, თქვენი და ჩენენი საერთო პოეტი. მამამ სახლიდან არ მოიშორა, არ გაუშვა, რადგან მას არ უნდოდა არხოტში დაბრუნება, ვინაიდან მშობლები და თავისი შეყვარებული, მზექალა, ჩენეს სოფელ ოზიეში ჰყავდა დასაფლავებული. ის მასწავლიდა ქართულს სხვა ბავშვებთან ერთად და ქართულ წიგნებსაც მაკითხებდა. ქორძო ნაროზაულმა თავისი შვიდასი სული ფარიდან ასი გვაჩუქა და უცებ გავიმართენით, ოჯახისა და ერთი კაცის შენახვა არ გვიჭირდა.

გიორგიმ ჯამში ჩამარილებული ხორცის ხელი-სოდენა ორი ნაჭერი შამფურზე წამოაგო და პირდაპირ შეაგდო ღუმელში. ისმაილს ღიმილმა გადაუარა სახეზე, ამ მხრივაც გულლიაობა რომ დაამტკიცა მასპინძელმა.

– მე და ჩემს ძმას, – თქვა გორგიმ, – მამაჩემმა შუაზე გაგვიყო თავისი მეცხვარეობის დროს ნაგროვები ცხვარი და ჩვენც არა გვიჭირს რა ამ გაძვალ-ტყავებულ, გასაცოდავებულ ქვეყანაში, გუდამაყარში თუ ვინმე ცხოვრობს, ჩვენცა ცხოვრობთ. თამამად შემიძლია მივცე კიდეც საკლავი, ვისაც მინდა, დავკლა კიდეც. აი, ეს ცხვარი გუშინ ჩემი დავკალი, შემოგვითვალა კოლმეურნეობის თავმჯდომარემ, მე და აღმასკომის თავმჯდომარე ჩამოვივლით ბრიგადებს და პურს შენთანა ვჭამთო. მეც მოვემზადე. ცხვარი ბარაქიანია, ალბათ შენც ცხვრისაგანა გაქვს მაგარი წელი, ამდენ ქველმოქმედებას რომ ეწევი.

– კი, ცხვრისგანა და ფუტკრისგან... მამაჩემმა ქორძოსაგან ნაჩუქარი ასი სული ცხვარი რამდენიმე წელში ათას სულად აქცია. მამაჩემი მარტო ვეღარ აუდიოდა საქმეს, ამიტომ, თოთხმეტი წლისა ვიყავი, სკოლიდან რომ გამომიყვანა – მე უფრო ბევრსა და კარგ საქმეს გასწავლი, ვიდრე რუსის სკოლაში გასწავლიანო. საქმე არ მეზარებოდა. მამაჩემი კმაყოფილი იყო ჩემით. რაც გინდა მძიმე სამუშაო ყოფილიყო – ცხვრის პარსვა, წველა, დოლი – ყველაფერს ხელმარჯვედ ვაკეთებდი. ჩვენი ქონება იზრდებოდა. იზრდებოდა საბანკო ანგარიშებიც. დიდი ორსართულიანი სახლი ავაშენეთ იშორაში, რადგან ღილლოში ცხოვრებას გვიკრძალავდნენ. მამაჩემმა, ცხვრის პარალელურად, ფუტკრის მომრავლებაც დაიწყო. ღილლო იდეალური ადგილია ცხვრისთვისაცა და ფუტკრისთვისაც. მე და მამაჩემი მარტონი ვეღარ ავუდიოდით საქმეს, ხალხს ვქირაობდით პარსვის დროს, თაფლის დაწურვის დროს. ვერტმფრენი ვერ აუდიოდა ჩვენი თაფლისა და მატყლის გადმოზიდვას, გროზნოში ვაბარებდით. ოცდასამი წლისა ვიყავი, მამაჩემი რომ გარდაიცვალა. მარტო ვეღარ გავუძვებოდი ამხელა მეურნეობას – ერთ-ერთი უნდა და-მეტოვებინა – ან ცხვარი, ან ფუტკარი. მე ფუტკარი ვირჩიე. ცხვარი მთლიანად გავყიდე. ბანკში უკვე დიდ ანგარიშს კიდევ დიდი ანგარიში მიემატა. მისი პროცენტები უკვე იმდენია, ქველმოქმედება თავისუფლად შემიძლია გავწიო. მე ამდენი ფული მქონდეს, კიდევ ფუტკრიდანაც ყოველ ზაფხულს თითქმის ოცდათი ათასს ვამატებ, ამ დროს ჩემ გვერდზე ბიძაშვილსა თუ მეზობელს ბავშვებისთვის საჭმლის ფული არა ჰქონდეთ, რა დამაძინებს. ოქტომბრის შემდეგ, როცა ფუტკარს დავაზამთრებ, აპრილამდე ფუტკართან არა მაქვს სამუშაო. ვზივარ უსაქმურად, მარტო წიგნების კითხვა არა მშველის, მოძრაობა მინდა, საქმე მინდა, თან შემაწუხეს უსაქმურმა ბიძაშვილებმა და მეგობრებმა – გვაქეიფეო, პური გვაჭამეო. მე ასე უაზრო სმასა და ქეიფს ვერ ვიტან. სად წავიდე, სად გავიქცეო, ჩემთვის ვფიქრობდი, და აი ახლა შენ რომ დაგინახე, რომ გაგიცანი, უცებ გადავწყიტე, რომ ზამთრის განმავლობაში შენთან ვიმუშაო, თუ მეცხვარედ ამიყვან.

გორგიმ ამ დროს ღუმელიდან ნაკვერჩხლებასხმული მწვადი გამოიღო, ისმაილის სიტყვები რომ გაიგონა, შამფური კინალამ ხელიდან გაუვარდა.

– რაო? ჩემთან მწყემსად გინდა მოხვიდე?! ღმერთო, ეს რა მესმის, შენ ჩემთან უნდა მოხვიდე მწყემ-

სად? ამაზე სასიხარულოს რას გავიგონებდი, დიდი სიამოვნებითა და სიხარულით, ოღონდ შენ ჩვენთან მოდი, რასაც კოლმეურნეობა გადაგიხდის, იმდენს მე ჩემსას დაგიმატებ.

– არა, გიორგი, მე საფასურისთვის არ მინდა თქვენთან მოსვლა. არა მჭირდება. მე მინდა ჩემი სიამოვნებისთვის, მიყვარს ცხვარი და მწყემსობა, და კიდევ იცი რა?! ყველაზე მთავარი: მამაჩემმა ანდერძად დამიტოვა, თუ ძმა და მეგობარი გინდა, ქართველებთან იმეგობრე, ქართველი არ გიღალატებსო. მე ვხედავ, სწორედ ასეთ სამეგობრო კაცთან მოვხვდი. ერთი შენი დალაპარაკება, ერთი შენი ქცევა და უკვე ვიცი, რა კაცი ხარ. ალლო არასდროს მძალატობს.

– ვაჲ, ბიჭო, ეს რა ბედნიერი დღე გამითენდა! ძმობას გეფიცები, დღეს დილიდან სასიხარულოდ მითამაშებდა მარჯვენა მხარი, ვიცოდი, რაღაცა გამიხარდებოდა, მაგრამ ამას კი ვერ წარმოვიდგენდი. ჩვენ აქ კაცნაკლულადა ვართ, სამნი ორი ათას სულ ცხვარზე. მპირდებოდა თავმჯდომარე, მოგაშველებთო, გამოვაგზავნი ვინმესო. ვერავინ გამოგზავნა. თუ თავისი ცხვარი არ ჰყავს, მწყემსობა არავის უნდა, ყველა გარბის. ეხლა კიდე ჯანდაბას, ასე თუ ისე ვწვდებით საქმეს, დოლში რას ვიზამთ სამი კაცი, ამაზე მიტრიალებდა მწარე ფიქრები, ოთხიც ცოტაა, ექვსი კაცი მაინც უნდა იყოს.

– დოლის დროს მე ვიქნები თქვენთან, ძმაო, გიორგი, და ნუ გეშინია, დიდი გამოცდილება მაქვს. მე და მამაჩემი ორნი ავუდიოდით ათას სულ ცხვარს.

გიორგიმ ხელში შერჩენილი მწვადი მათლაფაზე დააგდო, წამოვარდა და ისმაილს გადაეხვია.

– არ გამაგიურ, არ გამაგიურ, ისმაილ, ეს რა საოცრება ხდება ჩემს თავს.

ისმაილი დაჯდა, გიორგიმ კი დანა ამოიძრო ქარქაშიდან და მწვადის ჩანათალი თეფშზე დაყარა, მერე კარადიდან არაყიანი ბოთლი და ჭიქები მოიტანა, შეავსო და დაილოცა:

– ღმერთო და ჩვენი მთის სალოცავებო, რჯულიან-ურჯულოთა ანგელოზებო, დიდებულნო და გამარჯვებულნო, თქვენ შეენიენით ჩვენს მმობას! – მოიყუდა და უცებ გადაჰკრა.

ისმაილმაც აიღო ჭიქა – არ ვსვამ, უფრო არაყს გავურბივარ, მაგრამ ამ შემთხვევაში შხამსაც დაუფიქრებლად დავლევ – ჩვენს ძმობას გაუმარჯოს! – მოიყუდა და გამოცალა, მერე ცვარგამოუნილი მწვადი აიღო, მადიანად ჩაკიჩა და წაილულლუდა: აი, მწვადიო და გააგრძელა:

– გიორგი, ლაპარაკი რომ ლაპარაკად არ დარჩეს, მინდა ხელშეკრულება გავაფორმო თქვენს თავმჯდომარესთან. თქვენი თავმჯდომარე როცა მოვა აქ, უთხარი ყველაფერი, დამირეკეთ და იმავე წუთს აქ გავჩნდები. ტელეფონს დაგიტოვებ.

კიდევ თითო-ოროლი დალიეს გიორგიმ და ისმაილმა თავის გუნება-განწყობილების კარნახით, კიდევ ისაუბრეს და ამასობაში ცხვრის ფარაც მოჩქამდა.

გიორგიმ გასძახა თავის ძმა ნოდარსა და ბიძაშვილ არსენას, აქ მოდითო. ისმაილი გააცნო, უთხრა ისიც,

ჩვენთან უნდა მწყემსობაო, მერე ნოდარს დაავალოა, ჩემი რქადაგრეხილი გამოიყვანეო, ფეხები გაუბეს, საბარეულში ჩაუსვეს და დიდი ხვევნა-კოცნით გაისტუმრეს.

* * *

მეორე დღესაც ვერ მოალწია კოლმეურნეობის თავმჯდომარემ გიორგის ბინამდე, სხვა ბინების ჩამოვლა გაგრძელებოდათ. მესამე დღეს მოადრებით მოვინდნენ, თან ღუშეთის აღმასკომის თავმჯდომარე გოგი წილაური ახლდათ, არხოტიონი ხევსური. ბინაზე მესამე დღესაც ისევ გიორგი იყო, როგორც სარქალი, ის უნდა დახვედროდა უფროსებს, თან პურიც აქ უნდა ეჭამათ. გიორგიმ მოკლედ აუხსნა მათ ისმაილის ამბავი. კოლმეურნეობის თავმჯდომარე ადამ ქავთარაძე შეეჭვდა, ასეთი განთქმული კაცი, ასეთი მდიდარი, მწყემსად რატომ მოდისო. გოგი წილაურმა დამშვიდა, მე მაგის მამაზე და თავად ისმაილზეც ბევრი რამ კარგი მსმენია, თაღლითობას არ იკადრებსო.

— გენდობითო, — დათანხმდა ადამი და აღმასკომის მანქანის ტელეფონით გამოუძახეს ისმაილს.

ჰურის ჭამა არა ჰქონდათ მომთავრებული, ისმაილი უცებ მოსრიალდა, სიხარულით გააფორმეს ოქმი. ისმაილი მეცხვარეობას პირველი ნოემბრიდან უნდა შესდგომოდა და ისიც სრულ მზადყოფნაში გამოცხადდა გიორგის განკარგულებაში. მდიდრული ლოგინი კი არ მოიტანა, არამედ ლეიბ-საბანი, რომელზეც მწყემსებს ტანგაუხდელად სძინავთ. მოიტანა თავისი ოპტიკანი შაშხანა, მოიტანა კონსერვები და ქეშვები, ასევე მოიტანა ერთი ბიდონი თაფლი ავადობისა და სიცივის გასაფრთხობად.

ბიჭებს, როგორც მთიულებს, როგორც უიარალობით მგლებისაგან შეწუხებულებს, როგორც საიგებზე ნადირობის მოსურნებს, ოპტიკიანი შაშხანის დანახვა უფრო გაუხარდათ. ამ აკრძალული თოფის დანახვით კიდევ უფრო დარწმუნდნენ გუდამაყრელნი, რომ მართლაც დიდ ვაჟკაცთან ჰქონდათ საქმე. საიგები თითქმის ყოველდღე ჩნდებოდნენ ფარის სიახლოეს, ამიტომ პირველ გასვლაზე სამივენი გაჰყენენ ფარას, უნდოდათ ისმაილის ნადირობა ენახათ. თითქოს ჯიბრზე, საიგები არსად ჩანდნენ. ინერვიულეს კიდეც, ვილაც მოტოციკლიანმა მონადირებმა ხომ არ გადააფრთხესო. არა, მოგვიანებით მაინც გამოჩნდნენ სადღაც 600-700 მეტრის იქით. მიეპარეო, ურჩევდნენ ბიჭები. საჯიხვეებში გამოცდილმა ისმაილმა მიპარვა არ ჩათვალა საჭიროდ, წამოუწვა, იდაყვები დაუბჯინა თოფს და ესროლა. საიგა ადგილზე დაეცა. სხვები ოდნავ შეფრთხენენ და იქვე გაჩერდნენ. მეორე ვაცი ამოიღო მიზანში ისმაილმა. მეორეც ადგილზე დარჩა. მერე ღრიანცელით გაცვივდნენ ბიჭები, არვე უნდა ჩვენი საძოვრებიდან გავაფრთხოთო. თითო საიგა მოკიდებული მოიტანეს და ასევე წაიღეს ბინაზე გასატყავებლად და ღაი ფარდულში დასაკიდებლად. ეს ორი კვირის საკვები იყო და მეტისაც. ისმაილმა დაამშვიდა, ამ ზამთარს ცხვრების დაკვლა აღარ დაგჭირდებათ. სამწვადე ხორცი არ მოკლებიათ, მათ ძალებს კი – ხორციანი ძვლები. მათი მწყემსური

ცხოვრებაც გადაახალისა ისმაილმა. საიგების გარდა, მგლები თუ სადმე გამოჩნდნენ, იმათაც ბოლო მოუღლო. გახალისება კი, მაგრამ მწყემსი ცხვართან როცა მარტოა, მაშინაც არ არის მოწყენილი, ყველა მწყემსი ვაჟკაცია, ვაჟკაცისთვის კი რაც უფრო აუტანელია გასაჭირი, მით უფრო სიამოვნების მომტანია. მწყემსი ხვავიანი და ბარაქიანი ზაფხულის იმედით არაფრად აგდებს არც მარტოობას და არც თოვლას და ქარბუქს. როგორც მევენახეს არა ბეზრდება ფუსფუსი გაზაფხულიდან შემოღვიმდე, ისე მეცხვარეს არა ბეზრდება ცხვართან ყოფნა. მეცხვარის რთველი ზაფხულია, როცა ორჯერ გაპარსავს ცხვარს, ორჯერ მიიღებს ნაპარსს, მიიღებს ნაწველსა და ნამატს, თუნდაც სამას სულ ცხვარზე ეს ისეთი შემოსავალია, რომ ერთს კი არა, ათ ოჯახს შეინახავს. ცხვრის მეპატრონენი ასეთ რამეს ჰყვებიან: ცხვარი შევიდა ლარიბის ოჯახში და სილარიბეს ფეხები დაუბაკუნა – აბა, აქედან გადიო. სილარიბე შეხვენა – ერთ კუთხეში მაინც გამაჩერეო. არა, ოთხივე კუთხე მე მჭირდებაო: ერთში მატყლი უნდა დავაწყო, მეორეში – ყველი, მესამეში ბატყანი უნდა დავაყენო, მეოთხეში თავად უნდა დავდგეო. მწყემსის ყველაზე დიდი გასაჭირი დოლია, თებერვლის თვე, როცა ბატყენები იბადებიან. და ის დროც მალე მოვიდა. გაჩნდნენ ბიჭა ბატყენები. გუდამაყრელებს აინტერესებდათ, რას იზამდა ქისტი, ეგონათ, ღუმელს ვერ მოსცილდებაო, თავს გაუფრთხოლდებაო. მათდა გასაოცრად, ისმაილი მათთვის უჩვეულო სისწრაფით მირბი-მორბოდა, ახალდაბადებულ ბატყანს ცხვირ-პირიდან ლოპრს ერთი ხელის მოსმით აცლიდა, მერე ხის გრძელ დანას დაუსვამდა ტანზე, ლოპრს გააცლიდა და დედასთან ერთად მიარბენინებდა კორაკანაში. იქ შეკეტავდა დედა-შვილს, რათა ცხვარს ბოლომდე გაელოეა ბატყან და მერე ძუძუც მოენოვებინა, მისი სუნი დაემახსოვრებინა. ბიჭებიც იმავეს აკეთებდნენ, მაგრამ გაყინულ ხელებს ვერაფერს შველოდნენ.

— გადაყარეთ ევ სველი ჩერები! — გასძახა ისმაილმა, — და ხელები დედა ცხვარზე შეიმშრალეთ.

მათთვის ეს აღმოჩენა იყო და გაუკვირდათ კიდეც, რატომ აქამდე თავად ვერ მოვისაზრეთო. დროდადრო შეუძახებდა ისმაილი: არ გასტყდათ, არხოტიონნო, გატეხით რა იქნებისა! და ბიჭებმაც სისწრაფეში დაიწყეს გათბობა. რაკი ბატყანი მუდმივად მოდიოდა და ყურადღების მოკლება არ შეიძლებოდა, გადაწყვიტეს ორ-ორს ორ-ორი საათი ემორიგევა, დროდადრო გამთბარიყვნენ და თვალიც მოეტყუბინათ. ასე მართლა გმირული შრომით გაატარეს მთელი ერთი თვე. ბოლოს გაირკვა შემოწმებაზე ჩამოვლილი უფროსობისგან, რომ გიორგის ბინას უდანაკარგოდ ჩაეტარებინა დოლი. ამის გამო ისინი გამარჯვებულად გამოაცხადეს და პრემიაზეც წარადგინეს. გამოჩნდნენ უურნალისტები, მათ შესახებ ინერებოდა და გადაიცემოდა თურმე მთელ საქართველოში. უნდობათ ჯილდოები, მაგრამ უარი თქვეს – ცხვარს ერთი დღითაც ვერ მივატოვებთო, ჩვენ ეგენი არ გვაინტერესებსო. ისმაილმაც მტკიცე უარი განაცხადა – მე აპრილის პირველი რიცხვებიდან ლილოს

ჩემს ფუტკარს უნდა მივხედო და ოქტომბრის ბოლომდე თავის მოსაფხანადაც არ მეცლებაო. ისმაილი გიორგის შეჰპირდა, მომავალ ზამთარშიც მე თქვენ-თან ვიქენებიო.

* * *

გაიარა ზაფხულმა, გუდამაყრელებმა გუდამა-ყარში მიიღეს ბარაქა; ისმაილმა ლილლოში მიიღო ასევე უხვი ღალა და მოვიდა სექტემბრის ბოლო, როცა ცხვრის ფარები საყიზლაროდ ემზადებოდნენ. პირობის თანახმად, სწორედ ამ დროისათვის ელოდა ისმაილს გუდამაყარში გიორგი. მას უნდა მიეღო აქ მაქართის კოლმეურნეობის გამგეობაში თავისი ჯამა-გირი და პრემია და განეახლებინა მომავალი ზამთრის ხელშეკრულება. გიორგის გაფრთხილებული ჰყავდა გამგეობის ხალხი, ისმაილი გადმოვაო, თავისი და, თამროც, გააფრთხილა, სუფრის თადარიგი დაიჭირეო. თვითონ კი ფშარაოს წავიდა ბიჭებთან ერთად ფარის ჩამოსარეკად. თამრო ორი ძმის საფიცარი და იყო, საოცარი გარეგნობის, მაღალი, ცისფერთვალე-ბა, ქერათმიანი, გათხოვება თითქმის დაგვიანებუ-ლიც ჰქონდა უკვე, 27 თუ 28 წლის იყო. მთხოვნელიც ბევრი ჰყავდა, მაგრამ არავის იკარებდა, მაქართის ახლადაშენებულ სახლში მარტო იყო, მშობლები, ჯერ ისევ ჯან-ლონით სავსენი, ძველ სოფელში იყვნენ მაღლა, ალისურთაში, საქონელი იქა ჰყავდათ და სახნავ-სათესებიც იქა ჰქონდათ. თამრო სამსახურის გამო იყო აქ, კიტობის საბჭოში მუშაობდა და ყოველ-დღე იქ მიდიოდა და მოდიოდა. იმ დღეს, როცა ისმაი-ლი უნდა გამოჩენილიყო, სამსახურში აღარ წასულა, გაღმა, გამგეობისკენ ეჭირა თვალი, როდის გამოჩნ-დებოდა თეთრი ვოლგა, ხაჭაპურები უკვე გამოაცხო, ერბოში ამობანილი, ერთურთზე დაალაგა, ხინკლის ცომიც მოზელილი ჰქონდა და ეხლა ხინკლის გულს ამზადებდა. და უცებ დაინახა, თეთრი ვოლგა რო-გორ გაჩერდა გამგეობასთან. გული უცნაურად შეუხ-ტა, ისმაილზე იმდენი საოცარი რამე უამბეს ძმებმა, ისე დაუხასიათეს, რომ თამროს თითქოს დაუსწრებ-ლად უყვარდა კიდეც. თეთრი ვოლგის გამოჩენასაც თეთრი რაშივით ელოდა. ძმების ნაამბობი და თამ-როს ნაოცნებარი საოცრად დაემთხვა ერთმანეთს. მის წარმოდგენაში მოსაწონარი ნამდვილი ვაჟაცი მწყემსი უნდა ყოფილიყო და არა საცოდავ სამსახურ-ში მობლუნძული, სიგარეტის მწეველი ტიპი. დიდხანს არ გაგრძელებულა ისმაილის გამგეობაში ყოფნა. გა-მოჰყვნენ გარეთ, გამოაცილეს, გიორგის სახლი დაა-ნახვეს და ისმაილიც დაუყვა ხიდისაექნ მიმავალ გზას. თამრომ ჩათვალა, რომ ისმაილი მანქანას არაგვთან გააჩერებდა, სხვა მსუბუქი მანქანების მსგავსად, მა-გრამ არა, ხევზე ჩაწმენდილ ქვიან გზას შემოაყოლა და ნელ-ნელა მოინევდა. თამრომ ჭიქვარი გააღო და ეზოში დაელოდა. ისმაილმა მანქანა ლოდებზე ახოხი-ალა, თავამდე ამოვიდა და ეზოში შემოვარდა, მანქა-ნიდან გადმოვიდა და იქვე შორიახლო მდგარ თამროს მიაშურა.

— თამრო თქვენა ხართ? — ჰკითხა და ხელი მაგრად ჩამოართვა, დონდლოდ კი არა, ხელის მოქერით. იგ-რძნო თამრომ, ეს მართლაც სხვა მამაკაცი იყო.

— კი, მე გახლავართ თამრო, — და თავისდაუნე-ბურად წამოწითლდა.

— გიორგი-უორა არ არის შინ? მითხრეს, ცხვრის ჩამოსარეკად წავიდაო.

— კი, ცხვარი უნდა ჩამორეკონ დღეს. ხვალ ყიზლ-არისკენ ემზადებიან... თქვენზე მითხრა, დამელო-დოს, არ წავიდესო... შინ წამოპრძანდით.

— სამსახურში არ წახვედით?

— არა, რაკი თქვენ გელოდებოდით, როგორ წავ-იდოდი. აქ ჩემ მეტი არავინ არის.

ისმაილმა უკვე აღარ იცოდა, რა ეთქვა, თითქოს ენა დაებაო. გიორგისაგან კი იცოდა, რომ ლამაზი და ჰყავდა, საფიცარი, რომ მსგავსი გოგო არათუ გუდა-მაყრში, არც სხვაგან სადმე ეგულებოდა. თვითონაც ფიქრობდა ბევრს, თავისითვის გეგმებს აწყობდა, მა-გრამ ნანახმა მართლაც უცებ დიდი შთაბეჭდილება მოახდინა, მით უმეტეს, მამისაგან ანდერძად ისაც ჰქონდა დატოვებული, ეცადე, ცოლად ქართველი ქალი მოიყვანოო, ჩვენი ქალებიც არ არიან ურიგონი, არც ჩერქეზის ქალები, მაგრამ ქართველები გარეგ-ნობითაც და ჭუუ-გონებითაც, ერთგულებითაც ყვე-ლას აღმატებიანო.

ისმაილმა წიგნების თაროს თვალიერება დაიწყო.

— რა ბევრი წიგნი გქონიათ! როგორ მიყვარს უცხო ოჯახში რომ შევალ და წიგნებს დავინახავ. მაშინვე კარგი შთაბეჭდილება მექმნება. მეც ბევრი წიგნი მაქს, ბევრსა კვითხულობ. გაბრიელ ჯაბუშა-ნური ხომ გაგიგია?

— კი, როგორ არა.

— ჰოდა, გადასახლებიდან რომ დავბრუნდით, ისაც ხორობდა ჩვენთან. გაბრიელი ქართულ წერა-კითხ-ვას მასწავლიდა, მაკითხებდა თავის წიგნებს; ყაზბე-გი, ვაჟა, თავად გაბრიელი ხომ ჩვენი მწერლებიც არიან.

— ეს რა წიგნს კითხულობ? — თამროს ლოგინზე გადაშლილ წიგნს მიაქცია ყურადღება.

— ყაზბეგია. ყაზბეგი მიყვარს ძალიან.

— „მამის მკვლელს“ ხომ არა კითხულობ? — ლიმ-ილით შემოჰედა ისმაილმა.

— საიდან მიხვდი? — გაოცდა თამრო.

— გულთმისანი ვარ. რუსულ წიგნებსაც კითხუ-ლობ?

— კი, ჩვენ ყველაზი, მამაჩემიც.

— რუსებიდან ვინ მოგწონს?

— რუსებიდან ყველაზე მეტად მომწონს ლევ ტოლსტიოს მოთხრობები, ვიქტორ ასტაფიევი, ჩინ-გიზ აიტმატოვი. ეს ჩინგიზი ყირგიზია, მაგრამ რუსუ-ლად წერს. ჩემი აზრით, ყველას სჯობია.

— ჩემს გულში ლაპარაკობ, მართალი ხარ. ლიტ-ერატურა მართლა კარგი აქვთ რატომდაც.

— დაბრძანდით მაგიდასთან, მიირთვით, მოგ-შივდებოდათ. მაგრამ იქნებ ხელი გინდათ გადაი-ბანოთ? — შესთავაზა თამრომ.

— კი, კი, აუცილებლად! — ესიამოვნა ისმაილს, რადგან ქისტები წყალს დიდ მნიშვნელობას ანიჭებენ.

ხელიც ქათქათა ტილოთი გააწმენდინა.

ისმაილმა პირველი ხაჭაპური ჩაკბიჩა და ეგერ-რიელა.

„ქრისტული“

20

გერმანია

– რა თქმა უნდა, თქვენი გამომცხვარია, არა, თამრო? შენი ძმები სულ შენს მზეს ფიცულობენ და, ჩანს, არცთუ ტყუილად. მართლა საოცარი გოგო ყოფილხარ. მაპატიე ამ პირდაპირობისთვის, არ მიწყინო, მაგრამ, რომ არ გითხრა, არ შემიძლია.

თამრო კიდევ წამოწითლდა და არაფერი უპასუხა.

– ერთი რამე მინდა გკითხო და არც ეს მიწყინო. ჩვენ, მთიელი ხალხი, პირდაპირები ვართ და სათქმელს გული მეტანხობს. საქმრო გყავს? შეეგარებული? არავინა გთხოულობს? ვერ დავიჯერებ.

– რა ვიცი, არიან ვიღაცები, მე არავინ მომწონს. ჩემს ძმებზე ნაკლებ ვაჟკაცს ცოლად არ გავყვები.

– როგორ, სათხოვნელად არავინ ყოფილა?! – ჩაეკითხა ისმაილი, – ან პირადად შენთვის სიყვარული არავის აუხსნა?

– როგორ არა, არიან, ერთი ფასანაურელი მყავს გადაკიდებული, – გაეცინა, – ტურბაზაში მუშაობს. შეხედავ, გარეგნულად კაცსა ჰგავს, მშვენიერი ახალგაზრდაა, მაგრამ რუს ტურისტებში ისეა ათქვეფილი, იმას როგორ მივიკარებ. მეზიზღება. სამჯერ იყო, სამჯერვე უარი ვუთხარი. ეხლა დამუქრებული მყავს, მოგიტაცებო. იმან რომ მომიტაციას, თავს არ ვიცოცხლებ. სამსახურში მიმოსვლისაც მეშინა, სადმე არ ჩამისაფრდეს მანქანით.

– თამრო, მე მიკიბულ-მოკიბულ ლაპარაკს არა ვარ ჩვეული, ამიტომ პირდაპირ გეტყვი: იმ ვიღაცებმა რომ მოგიტაცონ, მეც არ ვიცოცხლებ თავს. გარდა ჩემი სურვილისა, მე მინდა, მამაჩემის ანდერძი ავასრულო – ცოლად ქართველი ქალი მოვიყვანო. შენ ამაზე რას იტყვი?

თამრო კიდევ უარესად წამოწითლდა, ვერაფერი თქვა, ამასობაში ხინკლიანი ქვაბი ადულდა, დაბერილი ხინკლები მაღლა ამოცვივდა და, გუდამაყრული წესის თანახმად, ამოღებაც დაიწყო, ხინკლიანი ხორჩი წინ დაუდგა ისმაილს და ჭიქა არაყითაც შეუვსო.

– სასმელს არა ვსვამ, მაგრამ შენი ხელით დასხმულს შხამსაც შევსვამ.

თამრომ თევზი მოიტანა და მანაც გადმოიღო ხინკალი.

– თამრო, პასუხი არ გაგიცია. შენ რას ფიქრობ ჩემს ცოლობაზე?

– რა ვიცი!

– ე. ი. თანახმა ხარ?

ისმაილმა მისი ხელი ჩაბლუკა და თვალებში მიაშტერდა. თამრომაც თვალი გაუსწორა და ამ თანხმობის მზერამა ისმაილის გულში გაკვესა, მერე ღიტინის მაგვარმა სითბომ დაუარა მთელ სხეულში და ზეზე წამოაგდო. თამროც აპყვა. ისმაილმა მკლავები შემოხვია, გულში ჩაიკრა და თავის დახრა დიდად არ დასჭირვებია. თამროს სახეც იქვე იყო. დაეწაფა და აკოცა. მათთვის ეს იყო პირველი კოცნა. ამიტომ წაჩარევი და წაპარავი, თითქოს ვიღაცისაგან დანახვის ეშნიათო. მოკლე და უცაბედი იყო მათი კოცნა, მაგრამ გრძნობით სავსე, მხურვალე, იმდენად, რომ ორივენი ძლიერ დაპერინენ თავის სკამებს.

– ისმაილ, – ალუდლულდა თამრო, – წინააღმდეგი არა ვარ, მაგრამ ჩემს ქრისტიანობასა და შენს

მუსულმანობას რა ვუყოთ?

– მაგაზე მეც ვიფიქრე, მაგრამ არაფერია, ბოლო-ბოლო არც შენა ხარ ქრისტიანი და არც მე ვარ მუსულმანი, ჩვენ კავკასიელები ვართ, ოდესლაც ერთი სარწმუნოებისანი. ჩვენი წინაპრები სალოცავად მოდიოდნენ ფშავ-ხევსურეთის მთავარ სალოცავებში. დღეს მათ რჯულიან ურჯულოთა სალოცავებს ეძახიან. აი, შენ თვლი, რომ ქრისტიანი ხარ. შენ, შენი ძმები, შენი მეზობლები, ბიძაშვილები, რამდენჯერ ლოცულობთ დღეში?

– არც ერთხელ, – გაეცინა თამროს.

– ეკლესია გაქვთ გუდამაყარში, დადიხართ?

– არა.

– სამ წელინადში ერთხელ დადიხართ თქვენს სალოცავში, არც ის არის მთლად ქრისტიანული, ისიც წარმართულია. ზოგი კი საერთოდ აღარ დადის. მე პირადადაც ჩვენს მუსულმანურ წესზე არა ვლოცულობ, აღარც მამაჩემი ლოცულობდა, არც ჩემი და-ძმები ლოცულობენ. ზოგი ჭირი მარგებელიაო. ურწმუნო რუსმა დაგვავინყა ღმერთი და ჩვენ თავადაც დავრწმუნდით, არავითარი ალაპი არ არსებობს. ალაპი რომ ყოფილიყო, ჩვენ რუსი ასეთ უბედურებას დაგვატებდა თავს? გადასახლებაში გასაგზავნი ხალხი გამოყარეს სახლებიდან, შინ დარჩენილი ძუძუთა ბავშვები, მოხუცები, ავადმყოფები ხიშტებით ამოხოცეს, საჯინიბოებში შერეკეს და ცეცხლი წაუკიდეს. სად იყო ღმერთი? მე თქვენი ისტორიებიც ვიცი გაბრიელ ჯაბუშანურისაგან, როგორ უმოწყალოდ ულიტა თქვენი ხალხი რუსმა, როგორ ძარცვავდა და ანგრევდა ეკლესიებსა და ხატ-სალოცავებს. სად იყო ქრისტე? მოვეშვათ ამ თავის ტყუებას, საუკუნეების მანძილზე რომ გვახოცვინეს ერთმანეთი მუსულმანობისა და ქრისტიანობის საბაბით. ჩემი სალოცავი ერთადერთი ღმერთი დღეიდან იქნები შენ.

თამრო წამოდგა, მოეხვია ისმაილს და კოცნა გაუმეორა.

– როგორ კარგად ილაპარაკე, რა ჭკვიანი ყოფილხარ. მე ამ წუთებიდან შენი მორჩილი მეუღლე ვარ.

ახლა ისმაილი წამოიწია და აკოცა თამროს.

– აი, რას გეტყვი – ადექი ეხლა, აიღე შენი ბარგი, რაც გინდა წამოიღო, ჩაგისავამ მანქანაში და წავიდეთ ჩემ შინ. ჩვენ ისედაც ბევრი დრო გვაქვს დაკრგული და კიდევ გაჭიანურება არ არის საჭირო. ეს ჩვენი საქმეა და ჩვენ უნდა გადავწყვიტოთ. ბევრს ნურაფერს წამოიღებ, ჩემი მოსკოველი ბიძა, ნავთობის მაფიოზი, შეპირებულია, საქორწინო მოგზაურობაში პარიზში გაგიმვებო და იქ ვიყიდით ყველაფერს.

– პარიზში? – გაოცდა თამრო, – პარიზში ვინ გაგვიშვებს!

– კი, ჩვენ არავინ გაგვიშვებს, მაგრამ მოსკოვის კრიმინალურ-მაფიოზური მთავრობა ისე მიდი-მოდის ევროპის ქვეყნებში, როგორც შენ მიდი-მოდიხარ კიტობში.

თამრომ ცოტა ხანს კიდევ იწვალა, თითქოს ვერ ბედავდა, თითქოს ვერ იჯერებდა, მაგრამ მერე შეუღდგა თავისი ტანსაცმლისა და ნიერების ჩალაგებას. ყველაფერი რომ მოამზადა, დაჯდა მაგიდასთან

და მოკლე წერილი დაუტოვა თავის ძმებს: „ჩემო ძმანო და დედ-მამანო, ისმაილს მივყევარ და მივყვები. მაპატიეთ. თამრო“. ბარგი ისმაილმა გაიტანა, ჩადო საბარგულ-ში, თამრომ კარი გამოკეტა, ჩაუჯდა მანქანაში და გაუდგნენ საქისტეთო გზას.

* * *

ისმაილმა გამოაცხადა, ქართული ქორწილი უნდა გადავიხადოო და სამზადისასაც შეუდგნენ. როგორც თამროსთან ერთად გაიანგარიშა, გუდამაყრელთა ცხვრის ფარები იშორამდე ორი კვირის თავზე მოაღნევდნენ. ესეც თამროსთან ერთად ჩაიფიქრა, რომ მისი ძმები ქორწილის პირველ დღეს აღმოჩენილიყვნენ იშორაში. სამზადისი პირველი დღეებიდანვე დაინწყეს. ლვინო საქართველოდან, ახმეტიდან მოატანინა პანკისელი ქისტების დახმარებითა და დაპატიჟებით. გადაწყვიტეს, სუფრებიც ქართულად ყოფილიყო დახვავებული. საამისოდ, მე შენ გეტყვი და, ფული არა ჰქონდა თუ რა. სახორცედ ხარი დაკლა და სამი ცხვარიც დაუსართა. მედოლგარმონები და მოძღვრალ-მოცეკვავეთა გუნდი გროზნოდან დაიპატიჟა, მაღალი საზოგადოებაც იმდროინდელი ჩეჩენ-ინგუშეთის დედაქალაქ გროზნოდან მოიწვია. დანარჩენები ნათესავები, მეგობრები და მეზობლები იქნებოდნენ. ქორწილი ქართულად უნდა სამი დღე გაგრძელდეს, შაბათს დაიწყებაო, კვირას გაგრძელდებაო, ორშაბათს ქალის მაყრების გასასტუმრებელი ხინკალი მოიხარშებაო.

საოცრად დაემთხვა დღეები ისმაილის ჩანაფიქრს, მზვერავებმა მოუტანეს ამბავი, გიორგი-უორა თავისი ცხვრის ფარით ზუსტად შაბათს შეუადლის ხანს მოაღნევს ჩვენამდეო. და ასეც მოხდა. დაინწყო ქორწილი და გორგო-უორას ფარაც მოადგა სოფელს.

ბიძაშვილები გამოეგებნენ, უთხრეს, ცხვრის ფარას ისმაილის ყორულში შევრეკავთ, თქვენ კი ქორწილში უნდა შემობრძანდეთო.

— როგორ, ჩვენ არაფერს შეგვეკითხნენ, არაფრად ჩაგვაგდეს, მე მაგათ ქორწილში შემოვალო?! — იყვირა გიორგი-უორამ, თან ღია ჭიშკრისაკენ მიდიოდა და მიაყვებოდნენ მოპატიჟენი. როგორც შევიდა ეზოში, იძრო ტეტე და ორჯერ ისროლა ზედიზედ, — ისმაილი სად არის, გამოვიდეს, უნდა მოვკლაო!

— ისმაილს არავინ მოგაკვლევინებს, ცოტა ფრთხილად! — ჩაულაპარაკეს ისმაილის ბიძაშვილებმა და თან ყველამ თავ-თავისი იარაღი მოსინჯა. ეზოში ორ რიგად განყობილ სუფრებთან მსხდომი ხალხი, მაღლა შეუშაბანდში მაღალი საზოგადოება, შეტრიალდნენ.

— ჩამოვიდეს ისმაილი, სად იმაღლება! ცოცხალს არ გავუშვებ. ეგ თუ ქისტი ისმაილია, მე გუდამაყრელი გიორგი ვარ! — მთელი ხმით ყვიროდა გიორგი-უორა. ასე შეარქვა მას ისმაილმა.

— შენი და ისმაილს ძალად არ წამოუყვანია, თავისი წებით გამოპყვა! — შეახსენა ვიღაცამ.

— აუჟ, იმანაც დიდი შეურაცხყოფა მოგვაყენა. ჩემს დასაც მოვკლავ, არცერთს არ ვაცოცხლებ! — ყვიროდა გიორგი-უორა.

კიბის თავზე გამოჩნდა ისმაილი და აჩქარებული

დაეშვა კიბეზე. ვიღაცებმა დააპირეს მისი ჩაყოლა, ისმაილი მიუბრუნდა და შეუძახა, არ ჩამომყვეთო. ისინიც შეჩერდნენ. ისმაილი ჩამოვიდა, პირდაპირ გორგისთან მივიდა და მის შემბოჭველ ქისტებს უყვირა, გაუშვითო. გიორგის ტეტე ისევ ხელში ეჭირა. მთიელთა წესით, ხელიდან იარაღის წართმევა დიდი შეურაცხყოფა, უნდა აიძულონ, შეინახოს იარაღი, ხანჯალი ქარქაში ჩაგოს. გიორგის ხელი გაუშვეს და ხელიარალიანი დატოვეს ისმაილის პირისპირ. ლმერთს ნუ ექნა, გიორგის ხუმრობა გაეგრძელებინა და ტეტე მოელერებინა ისმაილისთვის, ეგრევე დაცხრილული დავარდებოდა ძირს. ეს იცოდა და ამიტომ იარაღი ხარ-ტყავის შიგნითა ჯიბეში ჩაიცურა უცებ, მერე მკლავები მაღლა აყარა და ასევე მთელი ხმით შესძახა — ვაჲ, შენ გენაცვალე, სიძე-ბატონი! — გადაეხვია და გადაკოცნა. ისმაილმა წელზე შემოჰკვია ხელი და მაღლა ავიდეთო, უთხრა. შეუშაბანდში შესვლისას გიორგიმ მკლავები ისევ ჭერისკენ აყარა და შესძახა: ქორწილს გაუმარჯოს, ქორწილს, თქვენ გენაცვალეთ, მექორწილენო! დასცხო საცეკვაო დოლ-გარმონმა და გიორგიმ მთიულური ჩაგრიხა. ჩაცეკვა ისმაილიც და ულამაზესი ქისტური ილეთებით აუბა მხარი. ცოტა წაიცეკვეს, მერე კვლავ გადაეხვივნენ ერთმანეთს, გადაკოცნეს, მექორწილებმაც ტაში გააძლიერეს. მოიხედა გორგიმ და იქვე ელოდებოდა თვალცრუმლიანი თამრო. ახლა იმას გადაეხვია გიორგი და თვითონაც აცრემლებული ალულლულდა: ყოჩაღ, ჩემო საფიცარო დაო. ისმაილსა და გიორგის წინ გაუძღვა თამრო, თავის ადგილზე დაჯდა, დაჯდა ისმაილიც და გვერდით მოისვა გიორგი. თამადამ, გროზნოში მაღალ თანამდებობაზე დანიშნულმა პანკისელმა ქისტმა, მათე ციხისელმა, ერთი სკამით გადაინაცვლა და ჯიხვის ყანი შეუვსო. გიორგიმ დიდი მჭერმეტყველებით შეამკო თავისი და-სიძენი და ბოლომდე გამოცალა. ამ დროს ცხვარი გაუთიბავი ბალახით სავსე ყორულში შერეკეს და ერთი მადლი ეს იყო, შიმშილისაგან დაოსებული, როგორ ხარბად მიეძალა საკვებს. წოდარიც ქორწილში წამოიყვანეს, ცხვართან კი არსენა და ისმაილის ბიძაშვილები დარჩენ, იმათაც ბლომად სასმელ-საჭმელი და ლვინო გადაუტანეს.

ფარებს დუშეთის მიღიციის ერთი ეკიპაჟი მიაცილებდა, აუცელ-ჩაულიდნენ ხოლმე, რომ არავის გაებედა ცხვრის მოტაცება. იმ დღესაც დილით ჩაუარეს გუდამაყრის ფარებს ალთა-ბალთამდე, მერე ამოუარეს, უცებ გიორგი მოისაკლისეს და მისი ფარა. ვერ გაიგეს, რა უნდა მომზდარიყო, ასე მოულოდნელად სად უნდა გამქრალიყო, ვერაფერი მოიფიქრეს, გარდა იმისა, რომ ბაჯიგანიდან დუშეთში დარეკეს „ალმასკომ“ გოგი წიკლაურთან — ასეთი და ასეთი ამბავიათ. გოგიმაც, რა თქმა უნდა, ვერაფერი გაი-გო, ერთი ის კი გაახსენდა, ომის შემდგომ პერიოდში რომ გაქრა ფარა, გაქრა მისი კვალიც, მწყემსები კი თავდაჭრილები იპოვეს. ისმაილზე იეჭვიანა, იმისი მოწყობილი ხომ არაფერია, ხომ არ შემოგვატყუა თავიო. მიღიციელებს უთხრა, იშორაში ჩადით, ისმაილ ამხადოვი იკითხეთ და ის რას იტყვისო, ან სად არისო. მიღიციელები ასეც მოიქცნენ, წამოვიდნენ

და ისმაილი იკითხეს. უთხრეს, ისმაილს ქორწილი აქვს, იქ მიდითო. მივიღნენ, ჭიშკართან გაჩერდნენ და ვიღაცებს სთხოვეს, მიდით, დაუძახეთ, სერიოზული საქმეა, სასწრაფოდ უნდა ვნახოთო. ბოლოს, როგორც იქნა, ჩამოვიდა ისმაილი და ეკიპაჟის უფროსმა პკითხა, ხომ არაფერი იცით, სად გაქრა გიორგის ფარაო. მე გავაქრეო, უთხრა ისმაილმა. მილიციელები არ ელოდნენ ასეთ პასუხს, ეგონათ, დამალავდა, იტყოდა, არაფერი ვიციო. ამიტომ სახე მოეღრიცათ და თვალები დაუელმდათ. ისმაილმა ალარ აწვალა და პირდაპირ უთხრა, გიორგი ეხლა ჩემი ცოლისძმაა, აქ არის ქორწილში და ცხვარიც მე მყავს დაბინავებული, ნუ გეშინიათ, ცხვრის ერთი ბენვიც არ დაიკარგება, ეხლა კი თქვენც უნდა ცოტა ხნით სუფრასთან წამობრძანდეთ და გიორგის თვითონ დაელაპარაკეთო. მილიციელებმა იუარეს, მაგრამ მშივრები იყვნენ და ცოტა ხნით დათანხმდნენ. თითო დალიეს ორ-ორი და მერე დაავინყდათ სამსახური, ამ დროს კი დუშეთში აღმასკომი ელოდა პასუხს, გაქრნენ მილიციელებიც. გოგი წიკლაურმა ითმინა, ითმინა და მერე ვალდებულად ჩათვალა თავი, რაიკომის მდივნისთვის ეცნობებინა. იმან, თავის მხრივ, რაკი საქმე გაუჩინდა, თბილისში დაურეკა პირველს, თქვენ დაგვეხმარეთ, უთქვენოდ ჩვენ ვერაფერს გავარკვევთო. უსაქმურად მჯდომმა შევარდნაძემაც უხმო ბიუროს წევრებს და გააცნო საქმის ვითარება, თანაც აუხსნა, ამხანაგებო, ეს საქმე სახუმარო არ არის, თქვენ არ იცნობთ ქისტებს, ეგენი ყველანი ტერორისტები და ყაჩალები არიან, მაგათი გადასახლებიდან დაბრუნება როგორ შეიძლებოდათ. ჯერ არ ვიცით, რა ხდება, მაგრამ, მე ღრმად ვარ დარწმუნებული, ცხვარი უკვე ნანილ-ნანილ არის გადამალული, მწყემსები და მილიციელები კი დახოცილები არიან და ბიუროსთან ერთად მიიღო „ერთადერთი სწორი“ და ბრძნული გადაწყვეტილება, სასწრაფოდ გაეგზავნათ ვერტმფრენი, დარეკა აეროპორტში უფროსთან და უბრძანა, სასწრაფოდ გაეგზავნეთ ვერტმფრენი, ეგება ცხვარი როგორმე აღმოაჩინონ. იქიდან რა უპასუხეს, არავინ იცის, აქედან კი შევარდნაძე გაცხარდა, არავითარი ხვალ, დღესვე, სანამ ჯერ კიდევ დღეა, ვერტმფრენი გაუშვითო. იმათაც როგორლაც გაუშვეს ვერტმფრენი, რომელსაც თვითმფრინავის ხელოსანი მაზუთიანი რუსი მართავდა. როგორც კი ჩაუფრინეს იშორას, ყორულში შეყრილი ცხვარი დაინახეს. აი, სად შეურეკიათ ქურდებსო. იშორას შორიახლოს დაეშვნენ და გამომძიებლები სოფელში შევიდნენ. მათაც პირველივე შემხვედრმა უთხრა, ყორული ისმაილისაა, იმან შერეკა ის ფარა იქ და დანარჩენი მიდით და თვითონ პკითხეთ, ქორწილი აქვსო. მივიღნენ გამომძიებლები, მათაც გამოიძახეს ისმაილი და მიიღეს იგივე პასუხი, ეგ ფარა მე შევრეკე იქ, ჩემი ყორულია. გამომძიებლებსაც მოებრიცათ სახე, მოკლედ, ისინიც აიძულა ისმაილმა, ცოტა ხანს შესულიყვნენ სუფრასთან, მათაც „გაპკიდა ხელი სასმელმა“ და ამასობაში დაღამდა კიდეც. ვერტმფრენის დაღლილმა მფრინავმა რაცია გამორთო და დაიძინა. გაქრა ვერტმფრენი და მისი ეკიპაჟი. გაცოფდა შევარდნაძე, დაუკავშირდა გოგი წიკლაურს, ეკითხებოდა რაღაცებს და თან

უმტკიცებდა, დამნაშავეები თქვენა ხართო. ყველას მოხსნითა და პასუხისგებაში მიცემით ემუქრებოდა. მეორე დილით ადრე გადმოუფრინა კავკასიონს დაკარგულმა ვერტმფრენმა და გადმოიტანა ამბავი, რითაც უცებ ცივი წყალი გადასასხა ადუღებულ ხელმძღვანელობას და ყველაფერი თავისი გზით წავიდა. შევარდნაძე მოსკოვში აპირებდა დარეკვას დახმარების სათხოვნელად. ძალზე უკმაყოფილო დარჩა, მისი ნააზრევი რომ არ გამართლდა. იშორაში კი გრძელდებოდა ქისტურ-ქართული ქორწილი. მზის ამოსვლის ხანს განახლდა სუფრები და ეზოში წინა დღის თამადა, ხასო, ადგილზე იყო. ამ დროს კავკასიონზე ჩახჩახა მზე გადმოდგა და ღამენათევ მეინახეთ თბილად მოელამუნა. პანკისელმა ქისტმა, ხასომ, ქისტებში საუკეთესო ქისტმა და ქართველებში საუკეთესო ქართველმა, პირველი სადღეგრძელო თავისებურად ჩაიფიქრა:

- ხალხო, მზეს შეხედეთ, ჩვენს ხილულ ღმერთს, როგორი გაცინებული და როგორი ნასიამოვნებია, ჩვენი ნეფე-დედუფლის ბედნიერებით გახარებულია, ქისტებისა და ქართველების უხსოვარი დროიდან ძმობის გამშუქებელია. მზე იყო ჩვენი ძველთ-უძველესი წინაპრების საერთო, ხილული ღმერთი. მისი ნამოქმედარი სიკეთეც ხილულია, ლალია; უხილავი, იდუმალი კი ბელია, დამშიმავია, დამთრგუნველია.

შემდეგში კი, როცა ცალ-ცალკე მოგვახვიეს ხალხთა დასამონებელი რელიგიები, ერთურთის მტრებად გვაქციოს. ვიქეცით რჯულიან-ურჯულოებად, ძაღლის ჯიშისებად და გიაურებად და სიბრელემ მოიცვა ჩვენი კავკასია. მზის შემოქმედება კი, რომელსაც თავისი თვალით ხედავდა ყოველი ადამიანი, უხილავ ძალას, ღმერთს მიანერეს, მისგან შექმნილად მიიჩნიეს - ბუნება, თავისი მცენარეებით, ფრინველები, ცხოველები, თვით ადამიანი. დღე-ღამეც ხომ მზის ბრუნვაზეა დამოკიდებული.

ადამიანებს კი რით ურევდნენ გონებას და რას ჩასჩიჩინებენ დღესაც, ბოროტება სიკეთედ საღდება, სიკეთე - ბოროტებად.

ადამიანებს ვეღარ გაურჩევიათ, ვინ მტერია და ვინ - მოყვარე. მტერი მოყვარედ საღდება, მოყვარე - მტრად. ასეა მისული ქვეყანა დაღუპვის პირას და ეს ბოროტება გაგრძელდება მანამდე, სანამ კავკასიელი არ დაუბრუნდებით ძველისძველ, ჭეშმარიტ ღმერთს და არ აღვადგენთ კავკასიურ სახლს, რომელიც თავზე ჩამოგვანგრიეს. ჩვენ, ჩვენდა საუბედუროდ, დაგვაკარგვინეს მისამართი. ერთადერთი, ჯიუტმა ფხიებმა არ უღალატეს უძველეს ტრადიციას და დღესაც მათი ხევისბერი თუ ხუცესი „დიდებას“ ასე იწყებს: „დიდება მზესა, მადლი მზესა, მზესა მზის მყოლ ანგელოზთა...“ მოდი, ჩვენც ფეხზე ადგომით ვადიდოთ მზე, მისი ძალა და მადლი შეენიოს ჩვენს ნეფე-დედუფლას, ჩვენს „ახალყოილთ“. და აგრიალდა ქორწილი... ეს ნიშანი იყო კავკასიელთა გონთმოსვლისა.

აქეთ გუდამაყარი და ქედგადაღმა ღილლო, ხურჯინივით იყვნენ გადაკიდებულნი. ეს ხურჯინი სავსე იყო კავკასიის სამკაულებით, ისეთებით, როგორიც იყო: მაღალი ზნეობა, ძმადნაფიცობა, ძუძუმტეობა,

მორდუობა, ამანათობა, მესისხლეობა, მოყვრობა, ჩვენმა „ახალყოილებმა“ და ამით იქნებ სათავე დაუ-კაიყმობა და სხვა მრავალი.

ეს ხურჯინი ბნელი სარდაფიდან გამოიტანეს



შესვებრა

ის იყო გამოველ ლეშხიდან,
დავრაზმე თვალები მსტოვრები,
შემხედა ველური ეშხით და
გულზე არ დამადო ტორები?
ავიწვი ყაყაჩოს ალმურით
შემცარი უცაბედ ამ ხედით,
ნამწამთა ტევრიდან ამური
მიმზერდა საყვარლად თავხედი.
იმ ჭკვაზე ვიყავი, უარი
რომ მეთქვა? ჰაი, რომ არა და...
ავხადე სიგიურეს ვუალი
ფილამდე ვუკითხე ბალადა.
აცეკვდენენ თვალებში ჭინკები
ძლეულნი ნაპერნეკლით, ამ ციდით.
და როგორც დაცლილი ჭიქები
ნამიან ბალახზე დავცვივდით.

* * *

ბედთან ჩივილი მომიტანს არც რას,
დრო ან აჩალებს ან აქრობს კოცონს.
სანამდე ლექსთან გავდივარ ჯვარცმას
იქამდე უნდა იუდამ მკოცნოს!
უნდა უარმყოს მრავალმა პეტრემ,
დამცინონ, ლაფი შემომაყარონ,
ვთვლი გოლგოთამდე დარჩენილ მეტრებს,
welcome-პოეტი ქალის სამყარო.
ღალატის ქარი დაპქრის უცხრები,
აჯილდოებენ ასს ოქროდ მხელელს,
თვალებზე მადგა ცრემლის კურცხლები,
ხვალ პილატე შიგ დაიბანს ხელებს.
„ახია, შენზე“ მეტყვიან მსჯავრზე
უმეცარნი და შურით მთვრალები,
ჯერ დაუწერელ ლექსების ჯვარზე
მიმაჭედებენ შენი თვალებით.

* * *

დარდი მაშინ გკლავს
დრო თუ გაქვს დარდის,

დკა ჩავახიშვილი
დრო კი ცხოვრების
ხარისხით ფასობს,
სიკვდილი ჩვენთან
ახლოში დადის
და დევის კბილებს
სანიშნედ ასობს.
წლებს ვაგროვებთ და
თან ვცხოვრობთ წუთით,
ვცლით წუთისოფლის
წამებს ცალებად,
საკუთარ თავებს
ვსწავლობთ და ვწურთნით
და მაინც ვრჩებით
გამოცანებად

* * *

...ალბათ ხელიდან
გავუსხლტი ბრმა წამს,
როგორც მარცვალი
შეწყვეტილ ლოცვის,
მთელი ცხოვრება
ცრემლის ვგრეს ბანარს
და უკვე ყულფი
კისერზე მკოცნის.
წვიმა ჰეგავს მზეში
აღებულ ვერცხლებს,
სწორ გზაზე დადის
ღალატი მრუდე,
გაბზარულ სულის
კედლებზე მერცხლებს
წელს ჩამოშლილი
დაუხვდათ ბუდე.

* * *

ყაყაჩოების იწვის ველები
იწვის ანბანიც ჰემდე ანი,
ჩვენ ვამბობთ – გვყავდა არაგველები,
ხვალ ჩვენზე რა თქვან, ვართ ვინ და რანი.
ვერ დაგიცავით, ვერც დაჭრილს გემტლეთ
და წყლად ვაქციეთ ზედაშის ღვინო,
ჩვენ ვამბობთ – გვყავდა მეფე დემეტრე,
ხვალ ჩვენზე რა თქვან, გვყავდაო ვინ-ო?
წახდეს ქვეყანა რა წახდეს ერი,
ქვეყნის გუთანში შევებათ ხარად!
ჩვენ ვამბობთ – გვყავდა თევდორე ბერი
ხვალ ჩვენზე ვინ თქვან, არ ვიცი, არა!
ბებერო ვაზო ცრემლები ღვარე
და დაინურე სისხლად მტევანო,
სხვა საქართველო იქნება ხვალე
უთამარო და უქეთევანო.

თუ მთებს დავკარგავთ, წავა ველებიც,
გალავანებში ჩავეწყოთ ვით ქვა.
ჩვენ ვამბობთ დღეს, რომ ვართ ქართველები,
ღმერთმა ნუ ქნას და ხვალ აღარ ითქვას!

* * *

ვისთვის ვლოცულობ არ მაქვს ვერსია,
საკმეველ-გუნდრუქს ანდა სად ვაკმევ,
რით ვერ დავბადეთ ჩვენი მესია
ბაზალეთის ტბის ოქროს სააკვნედ.
ვერ ვუმკურნალეთ ნაჯიჯგნ და ნაკორტნს,
წევს მკლავმოჭრილი „კარგის ამგები“,
ჰგავს საქართველო ჩავარდნილ აკორდს,
თემურ ლენგივით კოჭლი ჰანგებით.
ფაფახს იგლეჯენ ქედები სიმწრით,
საით წასულხართ მთათა ნაირნო,
გაუმაძლარნი ქართული მიწით,
ბალახებივით გვძოვენ ვაი, რომ!
მთებო მოგვეცი ექო, ჩამო ბანს,
ერთ ბედსა ვჩივით ერთ ბედზე მწყრალნი
და თუმცა სისხლი სისხლს ვერ ჩამობანს
მტერს სხვისმა ლექსმა დაუსხას წყალი.

* * *

ეს რა ჩაიდინე ციციკორე,
რისთვის აამხედრე შარა-ყორე,
ვირზე სიყვარული შემოსვი და
სოფლის წყევლა-კრულვა ააყოლე.
შენ არ გყვარებია ციციკორე,
შენ არ გაგილენავს კალო ვნების?!
ის რაც ციურია, არ ეხება
მაგას დედამიწის კანონები.
მის ძალს გაპეტევია ვერც სრა მეფის,
მის ძალს გაექცევა ვერც ოდები,
მე იმ სიყვარულში განვმეორდი
და შენც დღემდის ხარ და
მეცოდები!

* * *

აფხაზეთებად ამოჭრილ ხორცებს,
გადატარებულ სხეულზე ერქვანს,
ჩვენ ის ბიჭები ამოგვიხოცეს
საქართველო რომ მომავლის ერქვა.
ძმობის ხიდები ქცეული ნაცრად
და ჩვენს მეერდამდე ტყვიების დრომი,
„ომბანობას“ თამაშის ნაცვლად,
ბავშვებმა ნახეს ნამდვილი ომი.
ქარის ამინდი, ცეცხლის ნათება,
სისხლი ვადინეთ ზეცაზე ირისს,
დაძარღვულია მავთულხლართებად
სხეული და შიგ ენგური ტირის.
არსად წასულა ჯერ ომის ელდა,
ჯერ სუნი ისმის გადამწვარი ტყის...
ალბათ მოვა დრო და მოყმის დედა
ვეფხვის დედასთან სამძიმარს იტყვის!

ნათალია ბეითრიშვილი



ვერ დაგიჩემებ

ვერ დაგიჩემებ, სიყვარულო,
რადგან შენს გამო იმდენჯერ ვიჯიჯგნე, იმდენჯერ
დავიწვი, იმდენი ცრემლი ვლვარე
კმარა, არ ყოფილხარ საჩემო
და გამეშვი.

ვერ დაგიჩემებ, სიბრძნევ,
ასეთი ეკლიანი რომ არ იყო შესაგროვებლად,
ასეთი მძიმე რომ არ იყო სატარებლად,
ასეთი მოუხელთებელი – ხელსაყრელად
კიდევ ხო.

ვერ დაგიჩემებ, ღიმილო,
ყოველ ჩემს ღიმილზე
იმდენჯერ დავისაჯე, იმდენჯერ მოვკვდი
იმდენჯერ დავიტანჯები, იმდენჯერ მოვკვდები
რომ დავიღალე.

ვერც შენ დაგიჩემებ, ბედნიერებავ,
შენი ულუფებისთვის ქაფქირი მარგუნეს
ამითაც კმაყოფილს, ეს ულუფები დამიყადალეს
და დავრჩი ასე, გამოგონილი ბედნიერებით,
რომლისთვისაც მხოლოდ ჩემს თავს
ვემადლიერები ანი.

ვერ დაგიჩემებ ქალობავ,
იმდენჯერ მომაგლიჯეს ხორცი,
იმდენჯერ ამომგლიჯეს ჯიგარი,
იმდენჯერ წამართვეს სიკეკლუცე და სილალე
ჩონჩხილა დავრჩი და ამ ჩონჩხს
ვერც ძუძუს მიახორცებ,
ვერც თეძოს და უუჯუნა თვალებს,
მხოლოდ შეგიძლია შემოსო, შებურო და დაახურო,
თუმცა მაინც ჩონჩხად დარჩება,
ჩონჩხად, სქესის გარკვევა მხოლოდ გენეტიკური
ანალიზით რომ მოხერხდება,
ასე რომ საჩემო არ ხარ და შევეშვათ ერთმანეთს.
ვერ დაგიჩემებ, სიცოცხლევ,
ვერ დაგიჩემებ, რადგან არსებობიდან სიცოცხლემდე
დიდი მანძილია – რკინის ქალამნებით სასიარულო,
ჩემს ფეხებს, ჩემს ფეხებს ვერცერთი მოერგება,
ჩემი სხეული ვერცერთს ათრევს,
ისევ თავს ვათრევ უსასრულობისკენ
და მხოლოდ ჭინჭებით, ნაგავსაყრელის
ზიზილ-პიპილოებით

მოვრთავ აქა-იქ და ესეც კმარა;
შენ ჩემთვის არ გამოუგონიხარ გამჩენს.
მხოლოდ დედობის დაჩემებას ვეპოტინებოდი,
ამისთვის ვიბრძოდი, რაც თავი მახსოვს
და ესეც არ შემერგო,
ესეც არ დამცალდა და გამყვეს,
თუ ასე გსურდა,
ბარემ ორივ სამყაროს დედა იყავიო
და ახლა, როცა დედის ლოცვას ვამბობ,
ორად ვიყოფი:
გულიც ორგული გავხადე,
სინდისიც ორმაგად მქენჯნის,
როცა სიცოცხლე მიყვარს,
როცა ქალობაც მიყვარს,
როცა სიხარულიც მიყვარს,
როცა ლიმილიც მიყვარს,
როცა სიბრძნე და ბედნიერებაც მიყვარს
და რაღაც უცნაური არითმეტიკით,
არაამქეყენიური ძალით,
ათასმაგად მტკივა ჩემი ორგულობა.

სურვილი სურვილებად.
ყველაზე მეტად მაშინ გავბრაზდი,
მაშინ მომივიდა ჩემს თავზე გული,
როცა ალმოვაჩინე,
რომ ჩემი უფალი ისევ მიყვარს და
მასთან კვლავ მიმიწევს გული,
მიუხედავად მიუხედავისა.

რა გადააგორებს ამ უშველებელ,
დაუსრულებელ დღეს, უფალო?!
შენ დამეხმარები,
ისევ შენ და შენი ანგელოზები
გამომაბამთ უხილავ ფრთებს და
ჩემი სურვილის მიუხედავად,
ჩემი ავადმყოფული წარმოსახვის
დაუდევრად გადააგორებული ქვის
საფლავის ქვად ქცევის ნაცვლად,
საჯილდაოდ მიქცევთ და ერთად ვიამაყებთ
„ჩვენ ეს შევძელით!“

2024

2024

ჩვენ ეს შევძელით

რა გაათენებს,
რა გადააგორებს ლოდივით მძიმე წამებს,
რა დაძრავს ტრავერტინებს?!
საცრემლეებთან
ალარც წვიმს,
ალარც თოვს,
ვერც მიტევების, განტევების თუ გაზავების
დადგა დარი.
წლობით შენახული
არ გამზეურებული თეთრეული
სახსრების ტეხვით განაწილდა –
ზოგი წყალში,
ზოგი სარეცხის თოკებზე...
და დანაშაულის დემონმა
უფრო ფართოდ გაშალა მხრები;
კუდიც მოიქნია და
ყველა გრძნობა მიღენა და დასახირა,
გარდა ლალატისა.
უსუსური კანვილი, თავის სამართლებლად,
პარში მიკრონაწილაკად დაიკარგა
და ყულფის მირაჟი უფრო მკვეთრი გახადა,
გააფერადა, გაალამაზა და ქვეშ ტაბურეტიც შეუდგა
საამო პატიჟით.

რა გადააოგორებს ჩაკირქულ მონოლითს.
ზმანებები რომ დასდევს სიგრძე-სიგანეზე?!

კაციშვილიც არაა პერიმეტრზე
კაცისა და მით უფრო ღვთის.
მერამდენედ დამხვდა ეკლესია დაკეტილი?!

მერამდენედ შემეყინა ლოცვისა და სანთლის

არ დავწერ ლექსებს დედაზე,
არა იმიტომ რომ უკვე ბევრი დაინერა, უკვე ბევრი
ითქვა, ან იმიტომ რომ ვერაფერს ვიტყვი ახალს.
არა!
უფრო იმიტომ რომ იმ დედების შემრცხება, ვისაც
ვერასდროს მიუძღვნიან ლექსებს შვილები.

არ დავწერ ლექსებს სამშობლოზე!
ვის ვეფიცო? რას ვეფიცო?
როცა ჩემს სამშობლოში სახლის კიბეებზე ბალაზი
ბატონდება, მინდვრებში – მარმუჭი თუ ჭანგა, ქალაქში –
გადამთიელი.

არ დავწერ ლექსებს სიყვარულზე.
არაფერს ისე არ ვნებს სიტყვები,
როგორც სიყვარულს – ასე ვიცოდი და ასე მწამს
ახლა,

ალბათ ამიტომაც ის ავირჩიე მეწყვილედ,
ვისაც არასდროს არაფერი დასცდენია სიყვარულზე.

არ დავწერ ლექსებს-მეთქი, არც დედაზე,
არც სამშობლოზე, არც სიყვარულზე...
არამედ ავდგები, დილას ოჯახს საუზმეს
მოვუმზადებ,
მერე წავალ სამსახურში, ვიმსახურებ....
სალამოს კი, სახლში წასვლამდე, ძლიერ ჩავეხუტები
ჩემს დედას და ვეტყვი, რომ ძალიან მჭირდება.
განა ამაზე დიდი პოეზია სხვა რა უნდა დავწერო?!

2024

თემა ირემაშვილი



ტყუპები და ნივილი

სკოლაში ზარი დაირეკა და ბავშვების ხმაურმა არე-მარე გამოაფხიზლა. ვანიკოს და ვახოს, ეზოში მშობლები ელოდებოდნენ. ბარგი ჩალაგებული ჰქონდათ და სოფლისკენ მიიჩეაროდნენ. ბიჭები კლასელებს სწრაფად დაემშვიდობნენ და სიხარულით გაიქცნენ დედ-მამისკენ. სოფელში წასვლა, მათთვის ოცნებების ასრულებას ჰგავდა. ერთი სული ჰქონდათ როდის ჩავიდოდნენ. გზა დიდ-ხანს არ გაგრძელებულა. რამდენიმე საათში ოჯახი სოფელში ჩავიდა და სახლის დალაგებას შეუდგა. თითემის მიტვებული შენობა მტვრით გავსებულებუ და მოუთმენლად ელოდა მზრუნველ პატრონს, მოსავლელად და ყურადღების მისაქცევად.

ძმები კავლის ხის ქვეშ ჩამომსხდარიყვნენ და გეგმავდნენ, რას გააკეთებდნენ ზაფხულის განმავლობაში. წინ სამი თვე იყო, რომელიც მალე გაირბენდა, ამიტომ ბევრი საქმე ჰქონდათ მოსასწრები.

— ტყეში სოკოები მოვკრიფოთ, ჩვენს მოხუც მეზობელს დავეხმაროთ, წიგნები წავიკითხოთ და ბავშვებთან ერთად, ბევრი ვითამაშოთ. თანახმა ხარ? — ჰკითხა ვანომ ძმას და გვერდით მძინარე ყურმას, თავზე მიეფერა. ვახომ თანხმობის ნიშნად თავი დაუქნია.

ყურშა, შარშან ზაფხულს ვახომ გადაარჩინა და შეიფარა. პატარა ლეკვი მინდორში დაკარგულიყო და შიშისგან კანკალებდა. ბავშვმა ხელში აიყვანა, მოეფერა, სახლში წაიყვანა და თბილი რძით გაუმასპინძლდა. მას შემდეგ, ძალი იჯახის სრულფასოვანი წევრი გახდა და დასასავენებლადაც მათთან ერთად დადიოდა. ბიჭების გარეშე, წუთის გატარება არ სურდა. დილით მოწყენილი თვალებით აცილებდა სკოლაში, შუადლით მოუსვენრად ელოდა პატრონებს და მათი დანახვისთანავე, წკმუტუნს და ხტუნვას იწყებდა.

ძმები ერთმანეთზე განუტყვეტლივ ზრუნავდნენ. მშობლების დახმარებას და მათი გულის გახარებას, კარგი ნიშნებით ცდლობდნენ და იცოდნენ, რომ სხვებისთვისაც, მისაბაზი მაგალითები უნდა ყოფილიყვნენ. მოკლედ რომ ვთქვათ, ორივე ისე

იქცეოდა, როგორც მათ ასაკს არ შეეფერებოდა და უცხო თვალსაც ეგონებოდა, რომ ზრდასრულები იყვნენ. მათი ერთადერთი სურვილი ადამიანების და ცხოველების დახმარება იყო.

ლაპარაკში გართული ბიჭების ყურადღება უცნაურმა ხმაურმა მიიცყრო. ყურშაც სახლის უკან ყეფით გაიქცა. ტყუპები მას გაჰყვნენ, თუმცა ვერაფერს ამჩნევდნენ. ძალი გაუჩერებლად იღრინებოდა და ერთ ადგილზე ვერ ისვენებდა. ძალიან მალე წიგილიც გაისამა და სახლის სახურავიდან ჩიტის ბარტყი ჩამოვარდა. ვანო მასთან სწრაფად მივიდა, რომ ყურშას არ დაეზიანებინა, ხელში აიყვანა და გაუკვირდა. ასეთი ბარტყი არასდროს ენახა: ფრინველი მავი იყო, მერცხლის მსგავსი კუდი ჰქონდა, მაგრამ შედარებით მოკლე, განიერი ნისკარტი, ძლიერი ფრთები და გრძელი ბრჭყალები. შეშინებულმა ვანოს თითებს ბრჭყალები მოუჭირა და ფრთხილი დაიწყო.

— გაუშვი, დაგვაწრავს და საშიშია, — უთხრა ვახომ ძმას და ძალი ხელში აიყვანა, რომ ჩიტს, გაშვებისას უსაფრთხოდ გაფრენა შეძლებოდა.

— ვერ გავუშვებ, — ტკივილისგან სახე შეეცვალა ვანოს, — ფრთა აქვს მოტეხილი. ვუმკურნალოთ და მერე თვითონ გაფრინდება.

— დაშავდები! ხომ ხედავ ბრჭყალებმა თითები დაგინითლა და მალე გაგიჭრის კიდეც. ადამიანები უნდა მოვერიდოთ მათ, ვისაც ჩვენი დაზიანება შეუძლია. ეს სახიფათოა.

— ის ხომ ასეთი უმწეო და პატარაა. ეშინია და ისე მაზიანებს, ვერც ხვდება. თუ არ დავეხმარებით, მოკვდება; შემდეგ სიზმარში ვნახავ და მეც შემშინდება. მოდი, ახლა ვუმკურნალოთ, გადავარჩინოთ და როცა გაიზრდება, მოვერიდოთ და სიფრთხილეც გამოვიჩინოთ.

— ჩვენ როგორ ვუმკურნალებთ?

— მშობლებს მივუყვანოთ, ისინი მიხედავენ.

ბიჭები დედის და მამის ძახილით, სახლის შესავლელისკენ გაიქცნენ. ყურშაც წკმუტუნით გაჰყვვა. დედამ, ვანოს დანახვისას შეჰქივლა და შეშინდა, როცა შვილის დანითლებული თითები დაინახა. მამა ოჯახის წინაშე მალევე გამოჩნდა. ფრინველი დანახვისთანავე იცნო, ფრთხილად მოაშორა თითებს და ხელში ისე დაიჭირა, რომ არც თვითონ დაშავებულიყო და არც ჩიტი დაეზიანებინა.

— მამა ფრთხილად, მგონი ფრთა აქვს მოტეხილი. გადავარჩინოთ რაა, — შეევედრა ვანო მშობელს და მის წინ დადგა.

— გადავარჩინოთ, მაგრამ მანამდე წადი და ხელები დაიბანე.

ოთახში დაბრუნებულ ვანოს ფრინველი თხელ პატარა ნაჭერში შეხვეული დახვდა. მხოლოდ თავი და ცალი ფრთა უჩანდა. ვახო კი ხორბლის მარცვლებს უყრიდა და მის გამოკვებას ცდილობდა.

— ასეთი ჩიტი პირველად ვნახე, — ვანო ფრინველს მიუახლოვდა და სიბრალულით დააცქერდა.

– ბიჭებო, ამ ჩიტს წივილა ნამგალა ჰქვია.
– ზუსტად ასეთ ხმებს გამოსცემდა. წიოდა და ჭყიოდა, – აღნიშნა ვახომ.

– ხალხი მათ კლდის მერცხლებსაც უწოდებს, თუმცა თუ დააკირდებით ნახავთ, რომ ზომით მერცხალზე დიდია და ფრთებიც უფრო ძლიერი აქვს. ეს ფრინველი საკმაოდ დიდხანს ცხოვრობს. ზოგიერთი მათგანი ოც წელსაც კი აღწევს. ისინი მთელი თავისი ცხოვრების მანძილზე დაფრინავენ, მიწაზე კი მაშინ ეშვებიან, როცა ბუდობის პერიოდი იწყება.

– მამა, ბუდობა რა არის? – იკითხეს ბიჭება ერთხმად და ერთი სული ჰქონდათ ფრინველზე ყველაფერი გაეგოთ.

– ამ დროს ჩიტი კვერცხს დებს და ბარტყები იჩიებიან.

– ეს თვითონ ბარტყია, პატარა და უმწეოა. რა-ტომ დაბრუნდა მიწაზე?

– ბუდობისთვის არ დაბრუნებულა. ფრთა აქვს დაზიანებული და როგორც ჩანს ძირს ამიტომ ჩამოვარდა. თავი კი ჩვენი სახლის სახურავს შეაფარა.

– საფრთხე რატომ ემუქრებოდა? მე არაფერს დავუშავებდი, – მოიწყინა ვანომ.

– ფრინველებმა არ იციან, ვინ დაეხმარება მათ და ვინ საშიშია. გარდა ამისა მათი შეჭმა კატებსაც შეუძლიათ, ამიტომ უსაფრთხო ადგილი უნდა მოექებნათ. ნამგალები ძალიან სწრაფად დაფრინავენ. მათ სუსტი ფეხები აქვთ და სიარული არ შეუძლიათ. ისინი ფრენის დროს იკვებებიან, სვამენ და ჰაერში სძინავთ კიდეც. ზამთარში, თბილ ქვეყნებში მიფრინავენ. ბუდობის დროს კი, მერცხლებივით მშობლიურ ქვეყანას უბრუნდებიან.

– წივილა რატომ ჰქვიათ?

– ეს სახელი მათი გამოცემული ჟღერადობის გამო შეერქვათ, ზოგი მხოლოდ წივილას ეძახის, ზოგი წივილა ნამგალას, ზოგიც კი მხოლოდ ნამგალას. რაც არ უნდა ერქვას, თქვენ ის გადაარჩინეთ და დაეხმარეთ სიცოცხლის შენარჩუნებაში.

– ჩიტებიც ეხმარებიან ერთმანეთს?

– ჩიტებიც, ცხოველებიც და ადამიანებიც.

– ადამიანებზე ტყუილია, – შეიცხადა ვანომ.

– რატომ მამი? თქვენც ხომ ეხმარებით, მათ ვისაც სჭირდება?

– დავინახე, სკოლაში ბავშვები ერთმანეთს ჩა-გრავდნენ.

– შენ რა გააკეთე?

– გარიდება ვარჩიე. დიდი და ძლიერი იყო მჩაგვრელი, ვერ მოვერეოდი.

– ვანიკო, ასეთ დროს მასწავლებელს უნდა დაუძახო და ის მოაგვარებს მსგავს საკითხებს, ბავშვებსაც შეარიგებს, – დაარიგა მამამ.

– მჩაგვრელი მასწავლებლის შვილი იყო, – თავი ჩაღუნა ვანომ.

– მაინც უნდა უთხრა. დარწმუნებული ვარ, მასწავლებლი სამართლიანია. ადამიანებს უფლის

წინაშე ყველაზე მეტი მოგვეთხოვება. გახსოვდეს, სუსტი უნდა დავეხმაროთ, არ უნდა დავჩაგროთ. ვისაც უჭირს, შეგვიძლია ცხოვრება გავუმარტივოთ; კარგად ისწავლი და როდესაც გაიზრდები, მიღებული ცოდნით, გენება საშუალება სხვისი ყოფა შეცვალო უკეთესობისკენ. წარმოიდგინე, რა კარგი გრძნობაა, როცა ვინმე გადაარჩინე. ამ ფრინველს ფრთა რომ მოურჩება და გაფრინდება, ხომ გაგიხარდება? შენი და შენი ძმის დამსახურებით ჩვეულებრივს, მისთვის სასიამოვნო ყოველ-დღიურობას დაუბრუნდება. გაინავარდებს ცაში და თავის ოჯახს მოუყვება, როგორ გადაარჩინე და მოუარე. შენი მუდამ მადლიერი იქნება. ასე ვართ ადამიანებიც.

– მეზობელმა თქვა, რომ ადამიანებს სიკეთის დანახვა არ შეგვიძლია და უმადურები ვართ, – ლაპარაკში ჩაერია ვახო.

– ზოგი კი, მაგრამ ყველა უმადური არ იქნება. სამსახურიდან დაღლილი რომ მოვდივარ და ჩემთვის ჭიქა წყალი მოგაქვს, მადლობას ხომ გეუბნები?

– შენ მამაჩვენი ხარ!

– მადლობა რომ არ გადაგიხადოთ ალარ მომ-იტანთ? – მამამ შვილს თავზე ხელი გადაუსვა და გაუღიმა.

– რა თქმა უნდა, მოგიტან, – ერთხმად თქვეს ბიჭებმა.

– სწორია, ეს კი იმას ნიშნავს, რომ თქვენი საქციელი და დახმარების სურვილი, სხვისმა დამოკიდებულებამ არ უნდა შეცვალოს. ადამიანები, სიკეთის გაკეთებისთვის ვართ შექმნილები. ერთმანეთის სინათლე უნდა ვიყოთ, ცხოვრებას ვუადვილებდეთ და პირქუში ლამიდან ვცდილობ-დეთ, მათ გამოყვანას.

– ბოროტი ადამიანები არ დაგვაზიანებენ? – იკითხა ვანომ.

– სანამ გაიზრდებით მე დაგიცავთ, მანამდე კარგად ისწავლეთ და როდესაც დიდები იქნებით, ცოდნის გამო თქვენს დამარცხებას ვერავინ შეძლებს.

– თანაც სხვებსაც დავეხმარებით და ჩვენით ყოველთვის იამაყებ, – ტაში შემოჰკრა ვახომ და მამას ჩაეხუტა.

– რატომ გინდა, რომ შენით ვიამაყო? – დაინტერესდა მამა.

– მე ხომ იმიტომ დაგიბადე, რომ შენ და დედას მოგიაროთ და დაგეხმაროთ? გაკვირვებულმა იკითხა ბიჭუნამ.

– შენ იმიტომ დაიბადე, რომ ბედნიერი და თავისუფალი იყო; შეძლო ოცნებების ახდენა და ამაში ჩვენ დაგეხმარებით. მეც და დედაც ვიამაყებთ მაშინ, როდესაც იქნები სიხარულით სავსე; გვეყვარები, მიუხედავად ყველაფრისა, ერთხმად და უპირობოდ. თქვენთვის არაფერი დაგვენანება. შემდეგ თქვენ გადასცემი შვილებს სიყვარულს და იმედს, რომელიც წუთისოფელში, ცხოვრებისთვის

მნიშვნელოვანი და აუცილებელია.

მამა-შვილთა საუბარს, კართან მდგარი დედა თვალცრულიანი ისმენდა. ყოველთვის ცდილობდა შვილებისთვის სამაგალითო ყოფილიყო. მეუღლეს-თან ერთად, ბავშვებს ასწავლიდა ცხოვრებას და ყველაფერს აკეთებდა, რომ მათი დღეები ბედ-ნიერებით სავსე ყოფილიყო. უხაროდა ტყუპების ხასიათი, ქცევები. სიხარულს ჰგვრიდა ის ფაქტი, რომ ბავშვები კეთილები და მზრუნველები იყვნენ, რომ ცუდად მყოფი, ცხოველებისთვის და ფრინ-ველებისთვის გვერდის ავლა არ შეეძლოთ.

ბიჭებმა ნამგალასთვის სახლის გაკეთება გადაწყვიტეს. ვანიკომ ფიცრები მოძებნა, ვახომ სახლებავები, მამამ ჩაქუჩი და ლურსმანი. ყველაფერი მზად ჰქონდათ რომ სახლი გაეკეთებინათ. ერთობლივმა საქმიანობამ, შედეგი მალევე გამოილო და მამაკაცებმა, დიდი კავლის ხის ტოტებზე, რამდენიმე სახლი ჩამოკიდეს, რომელიც წითლად და ყვითლად შედებეს. თვალები და ღრუბლები მიახატეს. ტყუპებს გადაწყვეტილი ჰქონდათ, რომ წივილა ერთ-ერთ სახლში მოეთავსებინათ გამოჯანმრთელების შემდგომ და იმედი ჰქონდათ, რომ გაფრენას გადაითიქრებდა. მიუხედავად დიდი სურვილისა, ჩიტი მათთან ერთად ყოფილიყო, ზუსტად იცოდნენ, რომ მის თავისუფლებას, ხელს არ შეუშლიდნენ.

რამდენიმე დღეში წივილას ფრთას სახვევები მოხსნეს და მისი გაფრენისთვის ყველა ბალში შევიდა.

— მამა, წივილას სახელი არ დავარქვათ? — იკითხა ვახომ.

— დავარქვათ! რომელი სახელი მოგწონს?

— ვანიკო რომ დავარქვათ?

— ვანიკო, რატომ? ეს ხომ შენი ძმის სახელია?

— გაუკირდა მამას და შვილის წინ ჩაიმუხლა, რათა თვალებში შეეხედა. შემდეგ ვანიკოს გახედა, მაგრამ მიხვდა, რომ ბიჭი არ გაბრაზებულა.

— სწორედ ამიტომ! — ხმამაღლა თქვა ვახომ, — მე ვიცი, რომ ჩემი ძმა არასდროს მიმატოვებს, სხვაგანაც რომ იცხოვროს, ჩემთან ყოველთვის მოვა. მინდა, რომ წივილაც მასავით დაბრუნდეს ხოლმე და დავრწმუნდე, რომ კარგადაა, — მამას თვალზე ცრემლი მოერია. ღმერთს მადლობა შესწირა, შვილების მოსიყვარულე ურთიერთობისთვის.

— ჯერ ვანოს ვეკოთხოთ, იქნებ არაა თანახმა?

— ვანო მოწყენილი უყურებდა ძმას და მამას, — მოწყენილი რატომ ხარ? აუცილებელი არაა შენი სახელი დავარქვათ. სხვა რამ მოვიფიქროთ, — შვილი გულში ჩაიკრა.

— მოწყენილი იმიტომ ვარ, რომ მე ვახოს დარქმევა მინდოდა, — გამოაცხადა ვანიკომ და ძმას შეხედა.

— რატომ? — ისევ გაუკირდა მამას.

— რადგან მასავით თბილი და მზრუნველია.

— ეგ როგორ? — იკითხა მამამ.

— შეხედე რამხელა ბრჭყალები აქვს, შეეძლო დავეზიანებინეთ, მაგრამ ყოველ ჯერზე როცა სახვევებს ვადებდით წყნარად იყო და გვენდობოდა. ვახოც ასეთია, ძლიერია, მაგრამ სხვას არასდროს დაჩარგავს. თბილია და სულ ცდილობს, სხვაზე იზრუნოს.

— მართალი ხარ, ვახოც ასეთია, მაგრამ როგორ მივიღოთ გადაწყვეტილება? — იკითხა მამამ. ბავშვები ჩაფიქრდნენ და არ იცოდნენ რა ეპასუხათ. ორივეს ძალიან უნდოდა სახელის დარქმევა, მაგრამ ვერ ხვდებოდნენ გამოსავალი როგორ ეპოვათ, — მგონი, რაღაც მოვიფიქრე! გითხრათ? — ცნობისმოყვარე ტყუპებს თვალები აუციმციდათ და სულმოუთმენლად ელოდნენ, — დედას სახელი დავარქვათ, დეა, ხომ ლამაზია? თანაც, მასაც ეყოლება შვილები და მათთვისაც ბევრს გააკეთებს.

— ვაშა! — წამოიყვირეს ბიჭებმა ერთხმად, — მოგვწონს, დედიკოს სახელი დავარქვათ.

— წივილა, შენ უკვე სახელი გაქვს და დეა გქვია. იყავი დედიკოსავით მზრუნველი და ყურადღებიანი, არ დაგვივინებო და დაბრუნდი ხოლმე, — უთხრა ვანიკომ ჩიტს და თავზე ხელი ფრთხილად გადაუსვა.

— დღროა გაფრინდეს! მზად ხართ ბავშვებო? — ტყუპებმა მამას თავი დაუუჩნიეს. წივილა, ხელით ჰაერში ააგდო მამაკაცმა და დეამ გაფრენა შეძლო. ფრენას მონატრებულმა ცაში კამარა შეკრა, რამდენჯერმე დატრიალდა, სახლს გარშემო უვლიდა, თითქოს მადლობას უხდიდა გადარჩენისთვის, შემდეგ კი თვალს მიეფარა. ბიჭები სახლში დაბრუნდნენ და მაგიდის გარშემო დასხდნენ. მზრუნველ დედას სადილი მოემზადებინა და ლიმილითა და სიყვარულით შესცეკროდა ოჯახს. ყველას სჯეროდა, რომ წივილა მალე იპოვიდა თავისიანებს და მათთან ერთად ბეჭდიერი იქნებოდა.

* * *

ამერიკიდან დაბრუნებულმა, სიხარულით მივაშურე სოფლისკენ მიმავალ გზას. მშობლები უკვე იქ ცხოვრობენ, მე — ამერიკაში, ჩემი ძმა — საფრანგეთში. საქართველოში ხშირად ჩამოვდივართ და მალე სრულიად დავბრუნდებით კიდეც.

სახლში მისულს დედა გამომეგება. მისი ლიმილი, ბავშვობის ბეჭდიერ წლებში მაბრუნებდა. ეზოში მამაჩემი ვაზს სხლავდა, კიბიდან ფშვერით ჩამოვიდა და ისიც ჩემკენ გამოემართა. შინ ძველებური, თბილი და გემრიელი სურნელი ტრიალებდა. ხაჭაპურის, მჭადის და წვნიანი კერძის გემოები ერთმანეთში ირეოდა და მაფხიზლებდა. გაზაფხულის მიუხედავად გრილოდა, სახლში ღუმელი ენთო და შეშის ტყაცუნი იკარგებოდა ოთახიდან ოთახში. სამოთხეს ჰგავდა, სადაც დღისით მზე ანათებდა, ღამით კი ჩვენი ერთმანეთისადმი სიყვარული ფანტავდა წყვდიადს.

ბევრი ვისაუბე მშობლებთან. მკითხეს და მო-

მაყოლინებს თითქმის ყველაფერი. აინტერესებდათ ისევ გაფრინდებოდი თუ არა. სიხარულით შეხვდნენ გადაწყვეტილებას, რომ მალე სამშობლოში დაებრუნდებოდი.

ჩემ წინ ცოცხლდებოდა მოგონებები, ყველა ბედნიერი დღე, რომელიც ამ სახლთან მაკავშირებდა – ჩემი ბავშვობა, სიცელქე, გადარჩენილი ფრინველები და ცხოველები; ყურშა აღარ გვყვადა, მაგრამ თითქოს მისი ყეფის ხმაც მესმოდა. კაკლის ხეზე ისევ იყო ჩამოკიდებული პატარა სახლები, ცოტა ფერდაკარგული, მაგრამ მაინც შეულახავი. გამახსენდა წივილა ნამგალაც, რომლის სიცოცხლისთვის, ოჯახის ყველა წევრი ვიძრძოდით. სახლის უკან გავემართე. იქ, სადაც ჩიტი ვიპოვეთ მე და ვახომ. კედელთან ისევ წივილა დავინახე.

გამეღიმა. თითქოს წარსული დაბრუნდა. მხოლოდ მე აღარ ვიყავი პატარა ბავშვი. ფრინველს ფრენა უჭირდა. ახლა ზუსტად ვიცოდი, რომ პაერში მისი ატყორცნა საკმარისი იყო და შეუსვენებლად გააგრძელებდა ფრენას. ახლოს მივედი, მისი დაჭერა შევძელი. ფრინველის წივილმა ეზო გამოაფხიზლა. ისეთი გრძნობა დამეუფლა, რომ ანმყო წარსულთან გაერთიანდა.

– დეა, ნუთუ შენ ხარ და ნუთუ დაბრუნდი?! – მოულოდნებლად, ბაგეს გასცდა ჩემი სიტყვები. ფრინველი ცაში ავისროლე, ფრთები გაშალა და მალე ღრუბლებში გაუჩინარდა. ღმერთო, ოჯახზე და ბავშვობაზე ტკბილი არაფერი ყოფილა დედამიწაზე.



აკაპი გაბრიელიძე

გონებას არ რევს არა ფრაზები,
გონება ნების წყურვილს ამართლებს,
ვაღებ დარაბას, რაც შენ ჩარაზე,
შენში ავივლი სულის აღმართებს.

ზღვას ლექსის სუნთქვა ყურში ჩაესმის,
გადათენებას მოესწრო ბედად,
შემოაბიჯე ამ გულში რისთვის,
თითოს ვარსკვლავმა გამოგიმეტა.

უცდი ლოდინებს. მე კი ამ ტონებს,
ნალველს რომ ჩაკლავს, ზოგჯერ მაოცებს,
თუ უნებურად თავს მოგაწონებ,
მომიალერსე, შენებრ მაკოცე...

ნაყოფი ყოფის შენაერთია,
სულში სიტყბოა ჯერ არ ნახული,
განწყობა ჩვენში უკვე ერთია,
ერთობისათვის შემონახული.

ნაწერი – ნაწერს მოვკალმე წელან,
მე უფრო ეგდა მამხელდა ეშხი,
ძილმა დამიფრთხო ფიქრები ლეგა,
ყველა სიმაღლეს მარტივად შეწვდი...

ვათენებ ლამეს შენში ვეშვები,
დაუგეგმავი აზრი გზიარობს,
თუ მოისურვებ, გადმოეშვები,
გამითავისებ, ადამიანო.

რა საამურად სიოდ დამქროლე,
ამომიმღვრიე ვნება სრულიად,
თითქოს მზე მხოლოდ ნუთით მათხოვე,
შენში კი მარად გაზაფხულია...

შენ სხეულიდან აფრქვევ სურნელებს...
მარწყვის, ალუბლის ატარებ სიტკბოს,
ვიდრე განცდები გამასულელებს,
გიგზავნი გულს და საშენო სითბოს.

შემოგისიე ზეცათა მაცნე,
მაცმევ, მაქარგავ ლექსებს სტრიქონად,
არ მინდა, თუნდაც მისხალით გაგცდე,
აქ ახლა ამ წამს შენით მარტო ვარ...

დაგეუფლები ფიქრით სრულიად
და ამოვიგსებ სულის ნაპრალებს,
თუმცა, სხეული გათანგულია
და უძილობა შენით მაწვალებს...

დღედ კი არა და ღამედ გახლავარ,
დაგწერო ლექსად – უნდა გავბედო...
ჯერ ჩემი განცდის ლალი სახლი ხარ,
მინდა სხეულშიც შემოგახედო...

გადავინაცვლოთ მიღმიერს მიღმა,
ჩამოვარღვიოთ ტკივილთა მთები,
მე იქ დაგხვდები, სადაც შენ მიხვალ
უკიდეგანო განცდათა გზებით.

სამაჯურა

მე შენი ოდესლაც,
ბოლომდე მჯეროდა,
გულწრფელი განცდები
იმ ნდობის ტოლია,
ახალა რომ ალაგებ
გადახსნილ ჩემოდანს,
სიზმარი გარდასულ მე დღეთა მგონია.

რას იტყვი? –
ფიქრია დღემდე რომ მადუმებს,
აქამდე მგუდავდა
განცდათა ძახილი,
მაგ წასვლით
ლამაზი იმედი მაპურე,
რთული რომ მეგონე,
აღმოჩნდი ადვილი.

ურჩობის ნაყოფი
ხილი და გველია,
გადაშლილ წიგნივით
ვკითხულობ შეცდომებს,
იქა ხარ
სადაც არ გიცნობენ, გელიან,
უფალმა ხომ იცის,
მიყვარდი მე ცამდე.

სამაჯურას სერიიდან

როგორც შევძელი მოვყევი,
როგორც მოვყევი გიამბე,
ამ ხმას ჩემამდე მოჰყევი,
ყური გულისხმას მიანდე.

როცა ავმლერდი გიმლერე,
როცა გიმლერე მტკიოდა,
სულის საუნჯე გიჩვენე,
ხმა გზნებით ამომდიოდა.

როცა მითხარი აგყევი,
როცა აგყევი მიგიღე,
გრძნობა ზეცამდე აწვდილი,
იცოდე მე წაგიკიდე.

დაბადებამდე გიცნობდი,
სანამ მოხვედი მიწაზე,
თუმცა ეს კი არ იცოდი,
რომ შენში ღმერთი ვიწამე.

ამოგიჩავა

დღესასწაულია სულის წალკოტებში,
ისევ აყვავილდა გზაზე ბრონეული,

ჩემო სიყვარულო, ახლაც მაგონდები,
როცა სევდა ფიქრში მქონდა მოწეული...

მთა-ბარს შენეული შვენის ხასიათი,
მწამს, რომ უხარია სტუმრის აღმოჩენა...
ისე ლამაზია ხვამლზე განთიადი,
როგორც „მიყვარხარო“ დაღლილს აღმოგხდება...

ნახე, ბრონეულმა ლექსი მოიწვია,
არა, აღარ მიკვირს რითმის გახელება,
სევდის ბილიკები სადღაც მოიცლიან...
მე კი გადავწყვიტე შენი აჩემება.

სიყვარულის ოდა

შემოდგომის ფერი აქვს ჩემი სულის მუსიკას,
ფოთოლთცვენა ტკივილებს ფანტავს
კიდით-კიდემდე,
ნინათ მარტოობის ხმა სიხარულს ხელს უწვდიდა,
ერთურთს სჯა ბაასობდნენ, იცი? – არ გაგიმეტე.

თვალჭყეტელა ამინდებს სამოსელად ვატარებ,
დილა, თუმცა, დინჯია. თვალებს იფშვნეტს, მიღიმის,
წვიმა მელამუნება და მეც არა მადარებს,
ქარებს გამოვაცალე უსულგულო მიღმეთი.

აზრთა შემოდინება ჩემში – ლექსის აქტორი,
სიტყვის მოჩუქურთმება ფიქრმა გამაპედინა,
გავხდი უკიდეგანო სიყვარულის ავტორი,
დღეს ჩემშია ნამდვილი მექაცა და მედინაც.

მომავალი ტკივილებს როგორ უნდა ვაჩუქო,
დროა, ბილიკს ავუყვე, სანამ დაბინდებულა,
საამური შვებაა, რადგან აღარ ვჩაუქობ,
სულის კაბადონებზე სხივი გაცისკრებულა.

ვხედავ ფერი უცვლიათ დახავსებულ ჭაობებს,
სადაც შემოჩვეული ტკივილები სახლობდა,
სულში ისევ შენფერი ყვავილები ხარობენ,
უფალს სიყვარულისთვის რომ უხდიან მადლობას.

როგორც მთას და ბილიკებს მოხდენილი ამინდი,
ისე მესათუთება აზრთა ლავად გადმოღვრა,
ჩემი ლექსი – სუნთქვაა შენთვის ამოტანილი,
ნარნარად მოსასმენი ანგელოსთა გალობად.

მოჩანს უსასრულობის კიდევ ერთი აღმართი,
ძალა გადასალახი უტყვი ბრძოლის სადარი,
მოსასმენად საამო, მოსაყოლად არაკა,
მორჩენილი ტკივილი წარსულს ნაავადარი.

წრფელი ბავშვის თვალებით სამოთხის გზას
გავყვები,
უფალთან შერიგებას, რა თქმა უნდა ვაპირებ,

ყველა ტკივილს წაერთვა დარქმეული სახელი,
სიყვარულით ღვთიურით რაკი გავინაპირე.

როგორც აწმყო წარსულის სამომავლო ხიდია,
მიმწუხრიდან ნაქსოვი გალავანი დავლანდე,
ჩემი წილი ცხოვრება ჩემი დასაწინდია,
ყველა ნაბიჯს შენამდე ჩემი ქარგა დავადე.

ზოგჯერ

ზოგჯერ მინდა გაგართულო,
ზოგჯერ გაგამარტოვო,
ზოგჯერ მინდა გაქართულო,
სიტყვა გაგამართინო.

ზოგჯერ მინდა მოგისმინო,
ზოგჯერ გელაპარაკო,
გრძნობა ღვედად მოგიჭირო,
გეძმო, გეამხანაგო.

ზოგჯერ მინდა გაგაცოცხლო,
ზოგჯერ გაცვა სუდარა,
ტკივილები დავამორცხვო,
თავი იგრძნო უკვდავად.

ზოგჯერ სითბო შემოგავლო,
ზოგჯერ ტკივილს დავჯერდე,
შენ კი მითხრა შემოვალო,
ოლონდ მე არ გამჩნევდე...

სულის სინდის გეძახოდე,
გიმზადებდე ნიადაგს,
ნერნა ნიავს შევატოვე,
გავაყოლე ლიანდაგს.

წელან ფიქრი გავათხოვე,
სარფიანი ხონჩებით,
დარდი ლიმილს დავატოლე,
უსათუდ მოვრჩები.

ახლა უკვე ჩემი გქვია,
ჩემო თავო მთლიანად,
ამიტომაც გულით ლია,
დავალ ადამიანად.

ზოგჯერ მინდა გაგართულო,
ზოგჯერ გაგამარტოვო,
ზოგჯერ მინდა გაქართულო,
სიტყვა გაგამართინო...

იზიდა

თითქოს სამყაროს იზიდავ,
თითქოს ჩემი ხარ სრულიად,

თითქოს ქალლმერთი იზიდა
ხარ და ეს აღსასრულია...

ჩემი ყველა დღე შენია,
მე კი მაგ მზერას ვნებდები.
თითქოს და დანარჩენია,
ზღვათა მოქცევის შედევრი.

ყველას ვუკეტავ დარაბას,
გულს დამიარა ცხელებამ,
სახელი უნდა დავარქვა
შენს სურვილებს და ქმდებას.

სულ შენგან არის ღელვები,
მუდამ სიკეთეს ამბობდი,
ყოველ ნაბიჯებზე ვევნები,
შენით და შენი ამბორით.

შვილს – შიომს

მინდა ისე გაგვეზარდო, გზარდოთ დედამ, მამამ...
შიო,
ხორციელთან სულიერი საზრდელი არ მოგაშიოთ...

დრო კი გადის ნაჩქარევად, წამებს არ სცნობს
მარდი სიო,
ორნახევარს გადაასწარ, საამაყო, ჩემო შვილო...

როცა გხედავ, გული ფეთქავს, სითბო გიდულს
თვალებშიო...
„– მამი, მე რა მომიტანე“ – შენთან მოსულს, –
კარებშიო.

ხელმეორედ, ახლებურად, ვიბალები ლიმილშიო,
მერე მეტყვი: „ჩემო მამი, საჩუქრებთან მიმიშვიო“.

„მიკალქალო“ – ისევ ამბობ, ჩამეცრები ამ
გულშიო...
ჩაგკოცნი და ჩაგეხვევი მამა-შვილურ ალერსშიო.

მამი, ზოგჯერ ძილი გაფრთხობს, „გუდიანი“ –
ლამეშიო,
ხანაც კევი მოგინდება, ხანაც ღვინო მარანშიო...

მაგრამ, ჩემო პანაწინავ, ცუდი რაა მაგაშიო,
მინდა დედას გავეჯიბრო შენზე ზრუნვა –
ამაგშიო.

დავმარცხდები, ვიცი, მჯერა, მაგრამ მინდა ჩემ
თავს ვძლიო,
ორმაგად რომ ვიამაყო, საამაყო, ჩემო შიო.

თამარ ნასრაშვილი



ჩემს ოქტომბერში

ჩემს ოქტომბერში ცოტა რამ ხდება,
ჰა, ბევრი-ბევრი წვიმა მოვიდეს,
თუმც ბევრი რამე არ მავიწყდება,
არ მავიწყდება ჩემი თოლიგე...
არ მავიწყდება ნაცრისფერ თმაში
მიჯრით ჩაწყობა ყვავილებისა,
კვლავ დავბრუნდები „ჭვავის ყანაში“,
ჰო, გათენება თუ კი მელირსა...
ყოველ დღეს ვკინძავ... როგორც მისანი,
ალბათ ეს მაინც უნდოთ წესია,
სწორედ ეგ არის, გამოიცანი,
რომ ოქტომბერი – ჩემი ლექსია.
...

ჩემს ოქტომბერში ცოტა რამ ხდება,
ჰა, ბევრი-ბევრი წვიმა მოვიდეს...

პეტ, მორციუს – სიზმრაპის ღმართო

ყოველ ღამ მე შენს კარებთან ვდგავარ
და ყოველი დღე იწყება შენით;
მე ამ კარიდან ზეცამი გავალ,

ზეცაში გავალ სულ ფრენა-ფრენით.
მე შენს სამეფოს ბინადრად შევრჩი,
დიდი ხნით ვცხოვრობ, ვით სიზმარ-ცხადი.
ჰეი, მორფიუს, მიდგახარ გვერდში,
გადამარჩინე შეურაცხადი.
ჰეი, მორფიუს, გეწვიოთ მინდა
შენს სამფლობელო ზესიზმარეთში,
ცა გამჭვირვალე, ყველაზე წმინდა,
მინდა ვიხილო მე შენს თვალებში...
და დავივანო, ჰეი, მორფიუს!

ღრუბლები

ღრუბლები თითქოს ყვავილებია,
მხრებზე მოვისხი ღრუბელი თითქოს.
ეს უფლის ხელის შენავლებია,
მხრებზე მოვისხი მადლი და სითბო.
მე ახლა მზესთან ვანთებდი კანდელს
და ლოცვის სული აკმევდა ზეცად,
მინიდან როგორც არ უნდა ჩანდეს,
მე მანდაც ღრუბლის ნაფლეთი მეცვა...
ვიტყვი – არ არის არც მეტის-მეტი,
ვერვინ შემიცნო თავისიანად,
ანგელოზების ხმასაც ვისმენდი,
ზეცისა ვიყავ სამოსიანად...
სულ ფოთოლ-ფოთოლ ვაწყე ცხოვრება,
სულს ჩავისახლე ზეცა მზიანად,
თუთის ხევ, შენც ხომ გემახსოვრება,
ვერვინ შემიცნო თავისიანად...
შესამოსელად მეცვა ღრუბელი,
ზეცისა ვიყავ სამოსიანად.

ალექსანდრე კაკიაშვილი



მოხუცი გუკინისტი

90-ანი წლების და-
საწყისში, საქართველოს
მოქადაქეთა უმეტესი
ნაწილი თვითგადარჩე-
ნისთვის იბრძოდა, რათა
მასობრივად გავრცელე-
ბული გაჭირვებისაგან
გამოწვეული შიმშილი-
სათვის თავი როგორმე
დაელწიათ. წარმოუდ-

გენელი მყოფადობის ფონზე უკლებლივ ყველა
ქუჩაში ლუკმა-პურის საშოვნელად გამოსულიყო.
ამ არნახულმა საზოგადო სიდუხჭირემ არც ისე-
თი სოციალური ფენის წარმომადგენლები დაინ-
დო, როგორიც გახლდნენ თავად განათლების
გამზიარებელნი და თაობების აღმზრდელი პრო-

ფესორ-მასწავლებლები. ადამიანები, რომელ-
თა პირდაპირი მოვალეობაა, რომ საზოგადოებას
ალუზარდონ ისეთი ნათელი მომავალი, რომელიც
სახელმწიფოს კეთილდღეობისათვის დაუღალავად
იშრომებს. მიუხედავად, მძიმე სოციალური ფონი-
სა, მათი გარკვეული ნაწილი კვლავინდებურად ენ-
თუზიაზმისა და საკუთარი პროფესიის სიყარულის
ხარჯზე, მაინც ახერხებდა მომავალი თაობისათ-
ვის გაელოთ მათი გამოცდილება და საზოგადოე-
ბისთვის ლირსეული, შემდგარი პროფესიონალები
ეწუქებინათ. მაგრამ იყვნენ ისეთნიც, რომელიც
იმ დროინდელმა, არსებულმა მდგომარეობამ ერ-
თიანად მოსწყვიტა საყვარელ საქმეს და გარეთ ქუ-
ჩაში ლუკმის საშოვნელად იძულებით გამოიყვანა.

სწორედ ასეთი და იმ მრავალთაგან ერთ-ერთი
გახლდათ პატივცემული ზოსიმე სავანელი. მოხ-
უცს, დარბაისელს, ჭალარანამშვენსა და კეთილად
მეტყველს პედაგოგობისთვის თავი დაენებებინა
და მშობლიური უნივერსიტეტის მახლობლად, ხის
ფარდულში წიგნები გასაყიდად გამოეტანა. ყოვ-

ელ დილით, ჩვეული, დინჯი ნაბიჯებით უახლოვდებოდა ხოლმე ამ ხის ფარდულს და უთქმელი დარღით აღვსილი წიგნებს დახლზედ გასაყიდად აწყობდა. როცა საქმეს მოილებდა და ხის სკამზე ჩამომჯდარი, თავს ფარდულიდან სამზერლად სანახვროდ გამოყოფდა, მუდამ უნივერსიტეტისკენ იცქირებოდა. მისი გული და სული კვლავ იმ კედლებში დარჩენილიყო.

მხოლოდ გონებას თუ შეეძლო ამ ორ უბარ და მომდურებულ თანამოსახლეთა შორის უხილავი ხიდი გაედო და კვლავ უნივერსიტეტის კედლებში არსებული ყოველდღიურობით გამოწვეული ფუსფუსი, წარმოსახვის ხარჯზე რეალობად ეჭირა.

ამ რეალობის აღქმას, სასწავლებლისკენ მიმავალი სტუდენტები და პროფესორები მეტად ამარტივებდნენ. ჩაფიქრებული მოხუცი, წარმოსახვით მათ უკან ადევნებული მიჰყვებოდა და გზადაგზა შემხვედრი სტუდენტებისგან მიძღვნილ სალამზეც-სალმით პასუხობდა. მაგრამ როგორც გითხარით, მხოლოდ ფიქრებით! სხვაგვარად კი, იმ ხის ფარდულიდან გამოსვლასაც კი ერიდებოდა. მხოლოდ იმ შემთხვევაში თუ გამოყოფდა ცხვირს, როცა მუშტარი მის დახლზე დადებულ წიგნს დასწვდებოდა და თვალიერებას შეუდგებოდა. ამ შემთხვევაშიც კი ცდილობდა, რომ პასუხი როგორმე ფარდულიდანვე გაეცა და მუშტარი გაესტუმრებინა. მისი, ამ „სიზარმაცის“ ერთადერთი და მტკიცე მიზეზი სირცხვილი იყო. შინაგანად, სულის სიღრმეში ეთაკილებოდა ის, თუ რად აქცია ცხოვრებამ?! ეთაკილებოდა, რომ შემთხვევით მუშტრის ანფასში თავისი ყოფილი კოლეგა, ან აღზრდილი არ ამოეცნო და მის წინაშე ლოკებავარებულსა და უპეს ცრემლმომსკდარს არ ეტირა.

ამიტომაც იყო, რომ ხის ფარდულიდან მომზირალი ზოსიმე დილიდან გვიან საღამომდე ყოფიერებისაგან გამოტანილი განაჩენითა და რეალობისაგან შეკონინებულ სატუსაღოში გამომწყვდეული, წიგნებს გროშებზედ ჰყიდდა, რათა საღამოს ჟამს, მაშინ, როდესაც ცის კაბადონს უკანასკნელი მზის სხივი მოსწყდებოდა, შინ, მეუღლესთან, თევლესთან წასულიყო და წიგნის გაყიდვიდან აღებული გასამრჯელოთი ნაყიდი, თუნდაც წინადლის პური მაინც მიეტანა... ერთადერთი, რაც მის გაუსაძლის ყოფიერებას ამსუბუქებდა და აფერადებდა, ეს სწორედ ის წიგნები იყო, რომელიც დახლზედ დაწყობილი და გასაყიდად განწირული მუშტრის მოსვლას იძულებით ეგებებოდნენ. ხშირად ამოიჩემებდა ხოლმე წიგნებიდან ერთ-ერთ ტომეულს, ხელს დაავლებდა და საგულდაგულოდ მაღავდა, რომ შემთხვევით შიმშილის გამო გონდაბინდულს არ გაეყიდა. თითოეული მათგანი უკიდეგანოდ უყვარდა. რუდუნებით თავს დაფოფინებდა და მტვრის მიუკარებლად სათუთად ინახავდა. ინახავდა გასაყიდად და თავის გადასარჩენად. ინახავდა თეკლესთვის, ნავთისთვის. იმ ქურისთვის, რომელ-

ზეც თეკლე უშაქრო, ფერიან ჩაის ადულებდა და ზოსიმეს მიერ მიტანილ წინადლის პურს შიგ აწყობდა. ინახავდა და ტიროდა, უხმოდ, უთქმელად!

მისი რუტინის დამრღვევი, მუშტართან ერთად, მის მარჯვნივ და მარცხნივ მდებარე ფარდულში მოვაჭრე აღფეზა და მიხო პაპა იყვნენ. აღფეზა მწვანილითა და ბოსტნეულით ვაჭრობდა, ხოლო მიხო პაპა ღვინოს ჰყიდდა?...

დღე ისე არ გავიდოდა, რომ მიხოს ნაფარდულარ-ნადუქნარში შეკრებილ სამ მოხუცს თითო ჭიქა არ აენიათ და ამ ქვეყნისა არ ეთქვათ. ამ ყოველივეს ინიციატორი კი, კახურ ყაიდაზედ აღზრდილი და გაზრდილი მიხო პაპა გახლდათ. ისე, არც აღფეზა იყო ნაკლები. სჯულის კანონს დახსნილი და ღვინოზედ ნაუღლი, თვალს მიხოს ფარდულისკენ პარებდა და ერთი სული ჰქონდა, მასპინძელს რაიმე დასცდენოდა. არც ზედმეტი პატიუი სჭირდებოდა, მყისვე მოხოკავდა ხოლმე ბაღჩის ნადავლს და მიხოს ფარდულის წინ მდგარ ღვინის კასრზე სუფრასაც მეტის-მეტი მონდომებით შლიდა. ეს, ვისაც პატიუი და ათასგზის ხევნა-მუდარა სჭირდებოდა, პატიუცემული ზოსიმე იყო. მიხოს შეძახილებსაც იოლად იგერიებდა, მაგრამ აღფეზასთან არაფერი გამოსდიოდა. არც ის დღე იყო გამონაკლისი და საღერღელაშლილი მიხო პაპაც დახსლის წინ გამოდგა.

— ჰეი, მეზობლებო! პური არა ვჭამოთ? ძია ზოსიმე, აღფეზ, ბიჭო!

— პატიუცემულო, მიხეილ. ჯერ ერთი მე თქვენი ძია არ ვარ, რადგან თუ კარგად გაიაზრებ ჩემზედ წლითა და ექვსი თვით უფროსი ბრძანდებით და მეორე, არა, არ მინდა! დიდად გმადლობტ!

— ვახ, მიხო ჯან, ღვინო იქნება?

— იქნება მაშაა! აბა ცისკარა ხომ არა ხარ, რომ წყალი გაცეცხლოვნი?

— ო, მაშინ მაიცაა! აპა, ესა კიტრი, ესაა პამი-დორი, ესეც „ზელენი“. აი, ჯაყვაცა და...

— აღფეზ, მიდი ჩვენ პრაფესორს უთხარი აქეთ მოვიდეს, თორემ ჩემს ნათქვამს ეგ არ შაისმენს.

— ეგ იმიტომ, რომ არ იცი, როგორ უნდა ელაპარაკო.

— შენ ხომ იცი? პოდა, მიდი რა ჯორივით ჩამომდგარხარ?

— პატიუცემულო, ზოსიმე. ძალიანა გთხოვთ, რომ ჩვენ „ბორკაზე“ მოხვიდეთ და ერთი „სტაკანი“ ღვინო ჩვენთან ერთად დალიოთ. ამ თხოვნას გი-ერთდება მიხოცა.

— „ბორკაზე“ მოვიდე? თან არა ხომ? აუცილებლად ზედ!

— დიახ, „ბორკაზე“. გთხოვთ!

— აღფეზ, ამდენი ხანია საქართველოში ცხოვრობ და აქამდე ქართული როგორ ვერ ისნავლე?

— აბა, სად მესნავლა? სულ ზელენსა თესავს და იღებს. მერე უნდა გაყიდოს, ფული აიღოს და ბაქოში წავიდეს მაშ! კლიენტსა კიდე ბევრი ქარ-

„ქრისტული“

34

პერვანი

თული რად უნდა? მოვა, კითხოს: შენი ზელენი რა ღირს? მე უთხრას: 10 კაპიკი და წაილოს. სულ ეგაა რაა!

- სადლაც მართალიც ხარ...
- ი, მაშ არა?!
- კარგი, ახლავე მოვალ.

მიხო პაპას ღვინის კასრთან და ალფეზას „ბოჩკაზე“ მიმჯდარმა მოხუცებმა სახელდახელოდ გაშლილ სუფრაზე ლუკმა გატეხეს და თიხის ფიალებში მზეჩამდგარი ვაზის ნაჟურიც ჩამოირგეს. თამადობა, რასაკვირველია მიხო პაპამ ითავა, რადგან იცოდა, რომ მიუხედავად თხოვნისა ზოსიმე უარს ეტყოდა, ხოლო ალფეზას თამადობას კი უსადლეგრძელოდ ღვინის სმა ერჩია. ამიტომაც ფიალა აიღო და ომახიანად წარმოთქვა.

- თქვენი ჭირიმეთ, მეზობლებო! აი, ამ ფიალით ღმერთს მადლობა შავნიროთ ამ დიდებული სითხისთვინა. ე, დალოცვილი, რომ არა ვერც ქართველი ვერ გადარჩებოდა და ვერც საქართველო იარსებებდა. ეე, ეგ კი არადა სახარებაშიაც კია ნახსენები ეს დალოცვილი ესა. ჰა, ასე არაა ძია ზოსიმე?

- მართალი ბრძანდებით.
- ჰოდა, მოდით, აი, ამ დალოცვილ სითხეს გაუმარჯოს!

წარმოთქმული სადლეგრძელო ერთხმად აიტაცეს. ერთ ფიალას მეორე მოჰყვა. მეორეს-მესამე და ასე გვარიანად შეზარხოშებულებს ყელი სასიმღეროდ მოელერათ. ალფეზას კიუიზე, მიხო პაპამ ულვაშებზე ხელის მტევანი დაისვა და სიმღერაც დაინყო: „ხვალ მივდივარ ალაზანზე, რახანია ვაპირებდიი!“, მაგრამ სიმღერის გაგრძელება უმაღ შეწყვიტა, როცა ალფეზას წამოსროლილ სიტყვას ყური მოჰკრა.

- მოკდა!
- რა? ვინ მოკვდა, ალფეზ?
- ვინ არა, რა! გაუნათლებელო!
- კაცოო, რასაა, რომ ამბობ? ამოღერდე ვერან!
- ყვავი მოკდა!
- რა ყვავი?
- ისე მღერი, აი, იმ „სტოლბაზე“ ყვავი იჯდა, გულმა დაუსტუკა და მოკდა!

- ძია ზოსიმე, ეს შობელძალი აქედან გამაცალე თორებ ჩემი სიდედრივით დავჭმუჭნი! ვის დასცინი შე ვერანა, შენა?

- რა ჩემი ბრალია? დაუსტუკა და მოკდა!
- ძია ზოსიმეს დროებით დაევიზუებინა ჩეული სიდარბაისლე და გულიანად ახარხარებული „ბოჩკაზედ“ დამხობილიყო. მის სიცილზე გულმოსულ მიხოს ხარხარი აუტყდა და ასე სამი თანამესუფრე სიცილ-ხარხარით, გამვლელ-გამომვლელთა ყურადღებასა და კეთილ ღიმილს უშურველად იღებდა. ამ, ხორხოცსა და სიცილ-კისკისში გართულთ, ღვინის მუშტარიც მიადგათ.

- კამპანიას გაუმარჯოს!
- მოდი გენაცვალე! ალფეზ, შაუვსე!
- აი, მომენტო!
- რა ღირს, შენი ღვინო?
- ჯერ დალიე, დაგვლოცე და ფასზე მერე ვიბაასოთ.

- მდაა...
- მაგენინა?
- რა ღირს?
- 2 მანეთი.

- რაო? ესა? 2 მანეთი? გადაირიე? ამ ძმარში 2 მანეთი როგორ გადაგიხადო?!

- შენა, ვერან! თუ ფული არა გაქვს და მაგიტომ ამბობ ძმარიაო თქვი და ისე გაჩუქებ! თუ არადა, ახლა ის დროა შენი ყველაყისა ფამას თავი დაანებო და აქედან გაქრე, სანამ ეს ბებერი მუშტი მაგ გაქუცულ თავში ჩამიჭედებია!

- ვის რაში უნდა შენი ძმარი! თან ორი მანეთიო, ტო!

გაბრაზებული „მამაკაცი“ მოქეიფებს უმალ გაეცალა. გულმოსულმა მიხომ ფიალა ხელში აიღო და მიწაზე დაახეთქა.

- ძმარიო! გაიგეთ კაცო? ძმარიაო! ჩემ ღვინოზედ თქვა ძმარიაო, მაგის დედა კი ვატირე!

- კარგი, მიხო. ვიღაც თავხედისა და უგუნურის გამო ნერვების აშლა შეიძლება?

- ძია ზოსიმე, განა იმ ვერანაზე ვბრაზდები? არაა! აი, იმაზე, ჩემს დაწურულ ქისზე, რომ თქვა ძმარიაო! კაცობას გეფიცებით რაა, სუფთა წვენია! იმ, ჩემი ერთადერთი შვილის სული წამინდეს თუ ტყუილსა ვამბობდე! ათი ფუთილა მქონდა შამარჩენილი და თელავიდან გასაყიდად ჩამოვიტანე. ეს ღვინო, იმ ჩემი ბიჭის დაწურულია და ამ ღვინითვე გავასვენე ის უბედური. ეს ვერანა კიდე ამბობს, რომ შენი ბიჭის დაწურული ქისი ძმარიაო!

- მაგის დედა ატიროს!

- კარგი, ალფეზ! შენ მაინც ნუ დაუსხამ ცეცხლზე ნავთს! ხომ ხედავ როგორ განერვიულდა კაცი?! მიხო, გენაცვალე, დამშვიდდი, ვიღაც რეგვენი იყო. მის უგუნურ საუბარზე არც ნერვების აშლა ღირს და არც ყურად უნდა იღო მისი ტატყანი. ალფეზ, შენ ფიალები შეავსე, ერთი საღლეგრძელო უნდა ვთქვა.

- შენა, ძია ზოსიმე?

- ჰო, მე. რა იყო?

- ვახ გენაცვალე! აი, ინებოს ფიალა!

- მოდით, ჩემი უდროოდ წასული და ბრძოლის ველზე, საქართველოს სიყვარულით დაღუპული შვილების შესანდობარი ვთქვათ!...

ძია ზოსიმესი, მიხო პაპასი და ალფეზას შვილები აფხაზეთის ომისას გულრიფშთან ახლოს ბრძოლის ველზე გმირულად დაეცნენ. სამშობლოს სიყვარულისთვის საკუთარი სიცოხცლეც არ დაიშურეს. მიუხედავად გაღებული მსხვერპლისა მათი გვამების გადმოსვენება ვერ მოხერხდა და მათმა

მშობლებმაც ცარიელ კუბოში ჩასვენებული, მათი ნაქონი ტანსაცმელი უსხეულოდ დაკრძალეს. დიახ, აი, სწორედ იმ ვაჟუაცის სამოსი, რომელმაც წინა წელს მამასთან ერთად თელავში ქისი დაწურა და მეორე წელს ამ მადლიანი სითხით უსხეულოდ სასახლეში ჩასვენებული მიწას მიებარა. დიახ, სწორედ იმ, „მეზელენე“ ალფეზას ბიჭიც, რომელიც მზის ჩასვლამდე თეთრ ზენარში გადახვეული მიწამ ვერ მიიბარა და მის ნაცვლად მისი სამოსით გამოვსებული და თავ-ბოლო მოკრული თეთრი ზენარი დაიმარხა. ჰო, სწორედ იმ პროფესორი ზოსიმე სავანელის ვაჟი, გიორგი სავანელი, რომლის სასახლეც მის ნაქონ წიგნებთან და ერთ-ხელ გახუნებულ სამოსთან ერთად დაიმარხა. დიახ, დიახ! სწორედ იმ გიორგი სავანელის, რომლის დედა, თეკლე ვერაფრით შეჰებულდა იმ აზრს, რომ შვილი გარდასცვლოდა! დაკრძალვისას ჭკუიდან შემლილა და მას მერე, ყოველდღიურად გულრიფ-შიდან მომავალი შვილის ლოდინით განამებული დამდგარა და ყოველ წელს წინდებს უქსოვს დალუ-პულ პირმშოს, იმ იმედით, რომ ზამთარში შეცივ-ნულ ფეხის ტერფს მისი მოქსოვილი წინდები, არა მატყულის მხურვალებით, არამედ დედობრივი სით-ბოთი დაუთბობს.

ქეიფიც მალევე დაასრულეს, თავ-თავისი ფარ-დულები დაკეტეს და სახლის გზას ბანცალ ბან-ცალით გაუყვნენ. შინ მისულ ზოსიმეს, მეუღლემ ოთახიდან გამოსძახა.

— გიო, დედი. მოხვედი შვილო?

მეუღლის ამგვარ გამოძახილს მიჩვეული ზოსიმე ხის პატარა სკამზედ ჩამოჯდა და რადგან გვარიანად შეზარხოშებული იყო, გადაწყვიტა მეუღლის გულში ჩასახული იმედი დაეპურებინა. ამიტომ პირზე სახელო აიფარა და ისე გასძახა.

— მოვედი, დედი. მოვედი!

— შენ გენაცვალოს დედაშენი, მოიცა ახლავე ავდგები და ერბო-კვერცხს შეგინვავ, მოშივებული იქნები.

— არა, დედი. არ შეწუხდე, ნაჭამიცა ვარ და ნასვამიც. გზად ბიჭებმა რესტორანში შევიარეთ.

— საწოლს მაინც გაგიმლი, შვილო. დაღლილი ხარ, ნამგზავრი. დასვენება გჭირია.

— არა, არაფერი მინდა. ცოტახნით შემოგირ-ბინე და ისევ უნდა წავიდე.

— ასე მალე? მეგონა დარჩებოდი და გულში ჩაგიკრავდი, შვილო.

— ვიცი, დედი, რომ მოგენატრე, მაგრამ რა ვენა? იმ ბიჭებს რა ვუყო? მარტოს ხომ არ დავტოვებ არაა? აბა, რა კაცი ვიქნები თუ ჩემს თანამებრძოლებს ვუდალატებ? რა ვუთხრა? თქვენ, ჰეი, ძმებო! ჩემ მაგივრად ტყვიაზე მკერდ-შეფარ-ებულნო, საცდერს ვერ გავუძელ და დედასთან დავრჩი-მეთქი? განა, კიდევ კაცი მერქმევა, დედი?

— მართალი ხარ, ჩემო თვალის ჩინო! წადი, შვილო. წადი, ბიჭები არ დააღალატო! მე კი ისევ

აქ დაგელოდები. გიო...

— რა იყო, დედი?

— მანდ, ფეხსაცმლის კარადაზე წინდები დაგი-წყე. შენთვისა ვქსოვდი. ვიცოდი, რომ აუცილებ-ლად მოხვიდოდი და ჩაიცვამდი. სულ აიღე და წაიღე. რამდენიმე წყვილია და შენს ძმა-ბიჭებსაც უწილადე. ვინ იცის, ზოგს იქნებ დედა არცა ჰყავს, რომ თბილი წინდები მოუქსოვოს.

— წავიღებ დედი, წავიღებ. შენ არაფერზე ინ-ერვიულო! მე მალე დავბრუნდები. დედი...

— გისმენ, დედა გენაცვალოს შენა. მამა რო-გორ არის? ხომ არ გაბრაზებს?

— არა, შვილო. აბა, ვის გაუგია ზოსიმეს აყალ-მაყალი? პროფესორი კაცია. დადის იმ თავის უნი-ვერსიტეტში და სახლშიც სალამოს ბრუნდება. ხან პური მოაქვს, ხანაც ბოსტნეული. ვიღაც ვაჭარი ალფეზა ჩიუნის ხოლმე. ზოსიმე თქვა, უნივერსი-ტეტის წინა დგას და ბალჩეულით ვაჭრობსო. დამ-ინახავს თუ არა ისე არ გამომიშვებს, რომ რამე არ გამომატანოსო.

— დედი, აბა, წავედი! მამას უთხარი, რომ...

— რა, შვილო? რა ვუთხრა მამას?

— არაფერი... დედი.

— ნეტამც, მოესწრო და ენახე. იმ თავისი უნი-ვერსიტეტის გადამკიდე სახლში საერთოდ არაა. ვეტყვი, რომ მოსული იყავი.

— ნახვამდის, დედი.

— ნახვამდის, გიო!

იმ ღამით, არც ზოსიმეს, არც თეკლეს, არც მიხო პაპასა და არც „მეზელენე“ ალფეზას არ სძინებია. ყველა თავ-თავიანთ გარდაცვლილ შვილ-ზედ ფიქრობდა და ამ ფიქრში გართულნი, დაზა-ფრულნი და გულთ სევდანამარხნი, შვილის მონა-ტრებით წადენი ცრემლით ალიონს ეგებებოდა.

როგორც კი, მზე ცის თაღზე ამოიწვერა, ძია ზოსიმე ჩვეული ფუსფუსი დაიწყო და როცა სახლის საქმეც მოითავა, გზას თავისი ხის ფარ-დულისკენ გაუდგა. მისულმა, უწინდებური რუ-დუნებით თვალი შეავლო წიგნებს. დახლზედ გა-მოამზეურა და ხის სკამზედ ჩამომჯდარმა ცქერა უნივერსიტეტისკენ მიმავალ გზას მიაპყრო. მა-ლევე ალფეზა და მიხო პაპაც გამოჩნდა. კეთილი სალამი მიუგეს ერთურთს და თავ-თავიანთ საქმი-ანობას შეუდგნენ. სტუდენტებმაც არ დაახანეს და უნივერსიტეტისკენ მიმავალი გზაც მათი ურიამუ-ლით აღივსო. დანაღვლიანებულმა ზოსიმე ღრმად ამოიხვენება და ის-ის იყო წიგნს, რომ უნდა დას-წვდომოდა, პირველი მუშტრის ხმაც გაისმა.

— გეთაყვა, დოსტოევსკის რა გაქვთ?

ხმა ნაცნობი, ნანარსულარი და ყურთსმენილი იყო. ზოსიმე შიშმა შეიპყრო და სცადა, რომ პასუხი არ მიეგო. იქნებდა უპასუხოდ დარჩენილი ნაცნობი ხმა დილის ნიავს გაჰყოლოდა და გზის იქით მიკარ-გულიყო. თუმცა, ამაოდ.

— ბოდიში, თქვენ მოგმართავთ. დოსტოევსკის

რა გაქვთ?

— სამწერაოდ, არაფერი.

ამგვარი პასუხით ეცადა ნაცნობის ხმის ფარდულიდან მოშორებას, მაგრამ გაჯიუტებულმა კაცმა, მანც არ დაიძმალა და ფარდულში შეიხედა.

— როგორ? ნუთუ დოსტოევსკის არაფერი არ გაქვთ?!

როგორც კი, ფარდულში მის წინაშე დარცხვენილ კოლეგას თვალი მოჰკრა, გაოცებულმა და შეცტუნებულა ძლიერსა ამოილულლულა.

— პატივცემულო, ზოსიმე? ეს თქვენ ხართ?

— დიახ, ჩემო ბატონო. ნამდვილად მე ვარ.

— ღმერთო ჩემო, აქ რას აკეთებთ?

— წიგნებს ვყიდი. ხელი ამ საქმეს მივყავი. ხომ

გესმით? ახლა ისეთი დროა, რომ...

— კი მაგრამ უკეთესს რას ყიდულობთ?

ამ კითხვაზე საპასუხოდ ზოსიმეს ხმაც არ ამოულია. დარცხვენილმა თავი ჩაქინდრა და მხრები უხერხულად აიჩეჩა. ალფეზას კი, არც მუშტრის მოსვლა და არც მათი საუბარი არ გამოჰპარვია. ჩუმად ფარდულის კარს ამოფარებული მათ საუბარს ყურს უგდებდა.

— ჩემო ზოსიმე, რას წარმოვიდგენდი თუ აქ გნახავდი? უნივერსიტეტში თქვეს, რომ მეულლის მდგომარეობის გამო სამსახურს თავი დაანებაო. თქვენ კი... მდა. ქალბატონი თეკლე როგორ ბრძანდება?

— გმადლობთ, რა უჭირს? ვუძლებთ ამ ცხოვრებას! თქვენ როგორ ბრძანდებით? თქვენი მეულლე? შვილები ხომ კარგად არიან?

— კი, კი. რა აქვთ საწუნუნო? ინგლისში გადავიდნენ სასწავლებლად და საცხოვრებლადაც. რა ვქნა? მამა ვარ, ვარჩიე ამ ყოფას გამერიდებინა. თქვენც ხომ ხედავთ, რამდენი ახალგაზრდა იღუპება ამ დაწყევლილ ომში!

— ნამდვილად!

— აი, თქვენი შვილიც, გიორგი. ეჲ, რა ვაუკაცი იყოო! ბრგე! ჯან-ლონით აღსავსე, მაგრამ რა? დაინდო ომშა?

— რა გითხრათ?...

— რა უნდა მითხრა, ჩემო ზოსიმე? დროა ასეთი, დრო! კეთილი, ახლა უნდა დაგტოვო. ლექციაზე მაგვიანდება და ამ დღეებში შემოგივლი. ნუ თუკი დოსტოევსკის მოიძიებ და თან მშობლიურ ენაზე გამოცემულს უსათუოდ შევიძენ. აბა, ნახვამდის!

— ნახვამდის!

მისი გასვლა იყო ფარდულიდან და ზოსიმე ერთიანად მოსწყდა ადგილს და წიგნებთა შორის იატაკზე გაშელართული აღმოჩნდა. შეშინებული ალფეზა მკვირცხლად შევარდა ფარდულში და თან მიხო პაპას საშველად უხმო. დიდის ვაი-ვაგლახით გულწასული ზოსიმე მოასულიერეს. სკამზე ჩამოსვეს და თავად გარშემო შემოუსხდნენ.

— ვინ იყო ის ცხვირაბზუებული პრაფესორი?

— უნივერსიტეტის დეკანია. კარგი კაცია.

— კარგი არა, ისემც მაგის ყველაყისამ.

— გინდა გავიდეს ალფეზა და იმ თავისი ინგლისელი შვილების დედა უტიროს?

— თუ ღმერთი გნამს ალფეზ, სისულელეს ნუ იძახი.

— არ უნდა? ნუ უნდა! შენ ოღონდ კარგად იყოს!

— აიღე ძია ზოსიმე, ერთი ეს ფიალა გამოცალე და გულზედ მოგეშვება. ერთი მაგისი ოხერი დედა კი ვატირე, ნეტავ ვის გულისთვის იმლი ნერვებსა? გახსოვს, გუშინ, რომ შენც ამას მეუბნებოდი, როცა იმ ვერანამ ჩემი ღვინო დაინუნა?!
— მახსოვს, მახსოვს.

— ჰოდა, ეგრე! მეორედ აქ, რომ მობრძანდება დოსტოევსკის კი არა, თავის ყველაყისას მიიღებს! მე მიხო არ ვიყო თუ მაგას აინი არ დავმართო.

— მოვიდეს! ალფეზამ, შენი დედა უნდა უტიროს!

— ძია ზოსიმე, ამას თუ ქართულს არ ასწავლი, იმ შენს დეკანს ზედ ალფეზას დავაკლავ.

ალფეზას ქართულით გასხვოსნებული მოხუცები გულიანად ახარხარდნენ. ეს სიცილიც დროებითი გამონათება იყო სევდაჩაგუბებული გულიდან. სინამდვილეში კი, სამივე მათგანს ერთადერთი, რაც სურდათ, იყო ის, რომ იმ დეკანის მსგავსი ადამიანნი ერთ დიდ მოედანზედ გამოეყვანათ, იარაღი აესხათ და ომში წინა ხაზზე გაემგზავრებინათ. იქნებ ასე მაინც გაეგოთ, ან ეგრძნოთ თუ რას ნიშნავდა პატრიოტიზმი?... ანდა, რა უნდა გაეგოთ? თუ კაცს სულით-ხორცამდე არ გზივა სამშობლო, ვერც იძულება და ვერც ვერავითარი ძალა ვერ გაქცევს მარადუამს საქართველოს მადიდებლად. კვლავინდებურად სულმი ჩაფურთხებული, საზოგადოების ხორცმეტი დარჩები და საკუთარ კეთილდღეობაზე მზრუნველი უსულოდ გარდაიცვლები! ამქვეყნად კი, შენივე აღზრდილსა და გაზრდილს, სარეველასავით ნაზარდ და დამპალი თესლის ნაყოფიდან ამობიბინებულ ყლორტს დატოვებ. მასაც, ისევე როგორც მთესველს არ დააინტერესებს, არ იკითხავს და არ ეტკინება მიზეზი იმისა, თუ რად ყვავილობენ სისხლისფერი ყაყაჩოები ბრძოლის ველზე?!

მას შემდეგ ერთმა კვირამ ისე განვლო, რომ მოხუცი ბუკინისტის ხის ფარდულის კარი არ გაღებულა. მისი გაუჩინარებით შენუხებული ან უკვე მეგობრები და ჭირის გამზიარებელი „ვაჭარნი“ ნაცნობ-მეგობრებს ეკითხებოდნენ ძია ზოსიმეს ამბებს. ზოგი ამბობდა შეუძლოდააო, ზოგიც იმას იძახდა, რომ შვილის მონატრებას ვეღარ უძლებს და სახლიდან ცხვირსაც აღარ ყოფსო. სიმართლე კი, თავმოყვარეობა იყო, რომელიც უნებურად შეულახეს, უგინეს და სიკვდილნაუღლი მოხუცი კაცი ერთი-ორად დააბეჩავეს.

ამ დარდსა და ვარამს გადაყოლილ მოხ-

უცს სიკვდილის მტარვალი ხელი უმალ დაეტყო და იმიერში თავის ერთადერთ შვილთან - გიოს-თან, გაემგზავრა. მის გამოსვენებაზე ზღვა ხალხი შეიკრიბა. ხალხი, რომელიც აქამდე არასოდეს გამოჩენილა, არც ვინმეს თუნდაც ერთხელ მაინც მოუკითხია მოხუცი პროფესორი. მე თუ მკითხავთ, იმ ხალხთაგან ადამიანი, მხოლოდ ქალბატონი თეკლე, მიხო პაპა და ალფეზა იყვნენ. ჰო, სუ-ფრაზეც მიხოსა და მისი გარდაცვლილი შვილის მიერ წინა წელს დაწურული ქისით გაუცილებიათ, შენდობა უთქვიათ და ძია ზოსიმეს სულისთვის საიქიო გზა დაულოციათ. არც ალფეზა დარჩენილა ვალში. მთელ სუფრას მის ბალჩაში დაკრეფილი ბალჩეული და ქორფა „ზელენი“ ამშვენებდა.

ძია ზოსიმეს ანდერძის თანახმად ის ხის ფარ-

დული სტუდენტებისთვის უჩუქებია. სწავლას მოწყურებულ სტუდენტთ საშუალება ქონდათ მისულიყვნენ და საჭირო წიგნი შეერჩიათ. მოგვიანებით, უნივერსიტეტში, სტუდენტური საბჭოს ინიციატივით, პროფესორი „ზოსიმე სავანელის სახელობის ბიბლიოთეკა-სამკითხველო“ გახსნილა და ეს წიგნებიც იქ გადაუტანიათ.

მე არ ვიცი, არ შევსწრებივარ, მაგრამ ამბობენ, რომ დღიდან სამკითხველოს გახსნისა, ორი წლის განმავლობაში, ყოველდღიურად კოპნიად ჩაცმული მოხუცი ქალბატონი მიდიოდა და სამკითხველოს შესასვლელში მჯდომ გოგონას ერთსა და იმავეს ეკითხებოდა.:

- შვილო, გიო არ ჩამოსულა?

- დედი, აქ ზოსიმე ხომ არ გამოჩენილა?...



ნათია ქაპანაძე

შენი სიმშვიდე, შენი ზრუნვა, შენი ხალისი, რომლითაც ყოველ ახალ დილას ეგებებოდი. ის ღიმილები როგორ გაქრა, როგორ თავისით და ყველაფერმა მიგატოვა. გაუჩინარდა ის, რაც სიხარულს განიჭებდა, სიმშვიდეს გგვრიდა. ჩამოიშალა,

დაცოტავდა.

გადაგიარა

ზედ და შენი წილი სიხარულით ტკივილებს იმკი.

* * *

იქ, სადაც შენ ხარ, ყველაფერი ბნელმა მოიცვა. შენ მაიძულე ყველა ფიქრი სიტყვად მექცია. ამიტომ არის, ყველა ფერი გამიშავ-თეთრდა; ამიტომ არის, ყველა უკვე გადამეჩია. შენი თვალების უფსკრულებში ჩავიმარხები და ყველა ნაბიჯს ვაიძულებ ადგილზე დგომას. სანამ ბოლომდე დასრულდები, თუ დავმთავრდები.

* * *

ჩემი თვალები, მთელი ჩემი არსი, ამბავი, რომელიც შენში დაინყო და სადღაც მთავრდება, როცა ამ თვალებს ხელისგულებს ვაყრდნობ საშველად, მათ შორის მთელი სამყაროა და იქ ავდრდება. ჭკნება ფიქრები. ის ფიქრები, სადაც ვმარცხდები.

* * *

დრო როცა არის საკმარისი, მაშინ იცოდე, რომ ცხოვრობ ცუდად, ან არსებობ, რაღაც გაკლია. მოუპოვები სიყვარული, ან მეგობარი რომელიც მუდამ გაფრთხილებდა: „მარტო დარჩები“ და აშენებდა მის გარშემო ფართო გალიას. ყალბი გრძნობების, ყალბი ხალხის, ყალბი ღიმილის. მაგრამ ვინ იცის, რომ ცხოვრება მუხანათია და ბოლოს თავად აღმოჩენდები მარტო. იქ, სადაც

სახე

შენ არ შეგეძლო შეცვლილიყავი, რადგან ყოველთვის, როცა სამყაროს დასასრულთან მზერას აჩერებ, ანუ მის საფლავს უყურებ ვინც, ასე გიყვარდა და თვალზე მომდგარ ცრემლის მალვას სულაც არ ცდილობ, რადგან ეს ცრემლი შენი სულის სიღრმეს ყინავდა და ვეღარაფრით შეაჩერე. გადმოილვარა, და მთელი შენი ტკივილები წალეკა ცრემლმა. თავად იდექი უხმოდ, როგორც ჩვილი, რომელიც სხვა სამყაროში აღმოჩენდა და ვერ აიძულა თავს, რომ ესუნთქა. გაფერმკრთალდა, ჩამოიშალა მისი სამყარო – დედის საშო და მოიძულა მის გარეთ რაც კი არსებობდა, ანუ იპოვნა დასაწყისშივე თავის თავი, ისე დასრულდა.

* * *

ამ ღამის მიღმა არ არსებობს დღე და ნათელი. ყოველი დილა სიკვდილია. შენ თავის იმარხავ ცოცხლად და გტანჯავს ის წუთები, როცა შეგეძლო ძალდატანების გარეშე და მშვიდად გესუნთქა მყრალი ჰაერი და ფილტვები ნაგვით აგევსო. რას იფიქრებდი, ის დღეები დასრულდებოდა.

ყოფა რთული, ყოფნა უფრო აუტანელი
გეჩვენებოდა. შენ ვერაფერს ვეღარ იტყვიდი.
შენი ხმა მიწყდა სამუდამოდ. მხოლოდ შემეძლო
წარმომედგინა, რას ფიქრობდი. როგორ გტკიოდა.
რადგან მიყვარდი და მახსოვდი, რადგან გიცნობდი.
მერე ცრემლები გამიშრა და არ მომდიოდა.
ისე დაგტოვე, უკან ერთიც არ მოვიხედე.

* * *

ვერ გაიხარებს ეს ყვავილი უსიყვარულოდ.
თუ გაიხარებს, არ ექნება ალბათ სურნელი.
მისი ეკლები კუბოს ფიცრად მოგეჩვენება,
წითლად შელებავს ხელისგულებს მისი შეხება.
როცა ერთხელაც გაიფიქრებ: „დავიგვიანე!“
და ჩაბნელებულ ბილიკებზე გზას ვერ გაკვალავ.

* * *

შენ აღმოჩნდები უსასრულო სივრცეში მარტო
და შენს გარშემო შეიქმნება ფიქრების გარსი
და გაიხსენებ, რომ მიყვარდი. როგორ მიყვარდი,
როდესაც ჩემსკენ მოდიოდი და ჩემს თავს გაცდი.
რომ არ არსებობს სიახლოვე ასე მშორები,
როცა ვერ ხედავ, ვერ პოულობ, ვერ ეძებ სხვაში.,
სადაც ერთს უყვარს, ერთი გასცემს, ერთი მოიმყის
ყველა ტკივილს და მარტოობას. ყველა შეხებას
წარმოსახვაში.
წარმოსახვაში.
წარმოსახვაში...

დედაჩემზე

მე ამ ხის ფესვისგან წარმოვიშვი.
ხის ფესვისგან, რომელიც მიწაში მყარად იყო
გადგმული.
ამ ხეს ძალიან ბევრი ტოტი აქვს,
მაგრამ მხოლოდ ერთმა, მე ვიყვავილე.
ყოველ გაზაფხულზე ხალისით ვიფურჩქნები
და ზამთრის ცივ დღეებს მეც ცივად ვხვდები.
ჩემს გარშემო ატმის მკრთალი სურნელი ირევა;
ჩემს გარშემო იზრდება ბედნიერი სახები.
ყოველ წელს უფრო მეტს ვყვავილობ,
ყოველ წელს უფრო სუსტდება ჩემი საყრდენი...
ნელ-ნელა ხმება, ძალა ეცლება,
მაგრამ ჩემს გამო იბრძვის,
რათა სიკვდილის შემდეგ – სიცოცხლე დატოვოს.

ქვიშის დღეები

1.

გულალმა წევხარ. მიბჯენილი გულისყურია,
იგრძნო, სად არის შენი ფიქრის ორომტრიალი
და მაინც, რარიგ შეუცნობი არის ტიალი
ბედი. მერე კი ბედის განმსაზღვრელი შენი გულია.
არაფერია ეს ცხოვრება, თუკი რთულია,

თავად დაიწყო მის გარშემო უნდა ტრიალი.

ამოაცალო საკუთარ თავს შეგრძნება შიშის,
ამოაცალო ამოსუნთქვას დარდები ყველა,
იყო დრო, როცა გჭირდებოდა დახსნა და შეველა,
სანამ დაგიდგა სანამცეცო დღეები ქვიშის,
სადლაც დამარხე შენი თავი, თავიდან იშვი,
ეგუებოდი საკუთარ თავს რთულად და ძნელად.

გადაიტანე... ეჲ, რა ალარ გადაიტანე
და მერე დიდხანს საკუთარ თავს ებრძოდი, ვინდლო
სარკეში მორიგ ჩახედვისას იქნებ და იცნო
ის, ვისაც თავად გაემიჯნე, გადაუარე
ზედ და დალლილმა უცხოსავით რომ ჩაუარე,
ახლა უყურებ თვალებში, რომ რაიმე იგრძნო

და მიტოვებულ ოთახებში გატყორცნილ მზერას
პერიოდულად ცრემლები რომ ავსებენ. თმენით
შეაქცევ ზურგს და დაფიქრდები მორიგი დღე რით
გადააგორო. სხვას არასდროს რომ არ სთხოვ
შველას,
მერე კი დიდხანს იტანჯები. რთულად და ძნელად
გადაგაქვს მსგავსი დღეები და გადაგაქვს შენით.

2.

თუ არ იცოდი ბევრი რამე, ბევრ რამეს აწი
გაიგებ. უნდა შეეგუო, ასე იქნება,
რადგან გამჩენა, თუ განგებამ ასე ინება,
შენ კი თავს რაღაც შემორჩენილ იმედებს აცლი,
თითქოს შენ თავსვე, სადლაც გზაზე, ოდესლაც აცლი
და ახლა მშვიდად მიუყვები დღეთა დინებას.

წარმოცდენილი სიტყვებია ძალას რომ გაცლის,
ამ ქვიშის დღეებს მინებდი და ვერ გაგიგია,
ეს ყველაფერი რეალობაა თუ მითია?!
ან როდის იყო საკუთარ თავსაც რომ გაცლი...
ძველ მოგონებებს ინახავ და არასდროს არ ცვლი,
მაგრამ ასეა, ძვირფასები მუდამ მიდიან.

რა გრჩება, ფიქრობ და მერე ამ ფიქრს
ნებდები. თითქოს შერს არის შვება
და ბოლოს ხვდები არავინ გრჩება,
ეძლევი ისევ თვითგვემას და შიშს...
დრო საერთოდაც ვერაფერს ვერ შლის
და ყველაფერი უცვლელი რჩება.

მსგავსი დღეები გახშირდა. მუდამ
განიცდი ამას, თუმცა, ძნელია
(როცა სიჩუმე მეტის მთქმელია)
და როცა შენი თავს ყველაფურით ზღუდავ,
როგორმე გინდა გაექცე უკვდავ
იმ მოგონებებს, რომ ვერ გშველიან.

3.

ხო, წყლის ნაყვაა, კედელზე ცერცვი
ეს ყველაფერი. მთელი ცხოვრება,
რომელიც აღარ განმეორდება –
(მადლობა ღმერთს) და რადგანაც ვერ ცვლი
ვერაფერს ირგვლივ, ისევ თავს ებრძვი...
და მუდმივ ომებმა.

სივრცეა – თეთრი, ვიწრო კედლები
და იატაკი – საწოლის ნაცვლად,
რომ დაინახო, უკეთ და ნათლად
ნელ-ნელა როგორ კვდები, ნებდები.
როგორ იცლება ქვიშის დღეები
შენი დღეების გასწვრივ და მსგავსად.

სულ ცოტა დარჩა, სანამ ბოლომდე
დაასრულებდე მუდმივ გოდებას,
ვერ ეღირსები ალბათ ცხონებას,
უნდა საკუთარ თავთან ომობდე.
ამასთანავე: თავსვე ჰმონებდე.
ასე ისწავლი, ალბათ, ცხოვრებას

და ახლა მსგავსად ძველი დღეების,
სადაც ყველაფერს ჰქონდა ხალისი,
ახლაც ხიბლი აქვს ყველას თავისი,
ნაცვლად ლელვის და ნაცვლად თმენების,
აღარ გექნება ძალა შენების...
ბევრს ნანობ, მაგრამ აღარ განიცდი.

* * *

ბედუინი ვარ!

დგას ჩემს მხართან შენი აჩრდილი
და ყურში ჩუმად ჩამჩურჩულებს უცნაურ ამბებს...
მე თუ ვტირივარ,
შენს თითებში თუ სახეს ვმალავ,
იცოდე, რაღაც მანადგურებს და ჩუმად მანგრევს...
რომ შორეული გზიდან მოსჩანს, რაც უკვე იყო,
ან რაც იქნება მომავალში, რაც ეჭვებს ბადებს,
და გენანება ყველაფერი ოდესმე, ვინძლო,
რაც არასოდეს არ შეგეძლო, გენდნენ და განდეს...

სიყვარული!

ა.-ს

შენ წვიმა გიყვარს. წვიმა კი ნიშნავს,
იგრძნო ყოველი დაღლა და შიში
და ამ შეგრძნების შერჩენის ნიშნად
აივსო ჯიბე წვიმით და ქვიშით.
რომ თან ატარო განცდა ყოველი,
რაც გულში გაქვს და ვერავის ანდობ,
და მხოლოდ წვიმას მოელი,
ვერავინ გახდა წვიმაზე სანდო.



პამალ მეხრიშვილი

კილო
ნოველა

I

გაგონილა და ნახულა ასეთი წვიმინობა?!
თითქოს თეონას ჯიბრით,
სუთშაბათსა და პარასკევს
ცის თაღი ალარც გამოჩენილა და ცხელი დღეების
შემდეგ მოულოდნელად მოსული გაზაფხულის ყინულივით წვიმა კოკურად ასხამდა და ასხამდა!

შაბათს, გადაშუადლევებულზე თქეშმა გადაიღო
და თქორილა ცრიდა. ერთი პირობა ცაც გაიბზარა
და ფრთებჩამოყრილმა თეონამაც გული გაიმრთელა –
როგორც იქნა, მეშველაო! მაგრამ მოულოდნელად
ელვა ერთი შლეგურად შეიკავანა, დამარეტინებლად
იჭექ-იქუსა და ისევ მოთმინებიდან გამომყვანმა კოკისპირულმა წვიმამ წამოუშინა! თან ხშირი კოხშინშეალი მოიყოლა!.. შენობების სახურავებს ისეთი გაავებით ხოშკაკლავდა, ყურთასმენა აღარ იყო!.. ეზოებსა და მდინარის ნაპირებზე, ტერას-ტერას შეფანტულ ახლად კვირგამოტანილ ხეხილნარს სულ ჩარეგვავდა!

მართალია, აქ მათი ბალ-ბოსტნიც ეტანებოდა, მაგრამ რიკულებიანი სველი აივნიდან მოშავნელებულ ცას მიჩერებულ თეას, ატირებას რომ აღარ უკლდა რა, ამხელად არავისი ბალ-ბოსტანი არ ანალვლებდა!

ეს არც იყო დასაძრახავი: ხვალ საღამოს, შვიდიოდე ქუჩის გადაღმა მცხოვრები მაგდა დაბადების დღეს იხდიდა და უნივერსიტეტების თანაკურსელების უმრავლესობა სულ იქ იქნებოდა! პირველკურსელების გარდა, მაგდას რამდენიმე სხვა, ზედაკურსელი ბიჭიც ჰყავდა მოპატიუებული!.. ისიც მათ შორის იყო!!!

ჰოდა, თეონას პირდაპირ ცა უწითლდებოდა, თბილისელი დეიდის ჭერზედა მეზობელი ქალის, სახელგავარდნილი მეტრავის მიერ ახალშეკერილი საზაფხულო კაბით ყველას პირველად სწორედ ახლა სჩვენებოდა!

თან კაბაც არის და კაბაც! ჯერ მარტო მის შეკერილობას უნდა აეღელვებინა ბიჭები! ოვალურად მკერდმოხდილი და ირიბულად ჩაღილული, ოლონდ თეონამ გაკვირვებულ მკერავს კიდეები ისე დაანაოჭებინა, ყოველი ახრა-დახრისას, თეას რწმენით, სავსე გულისპირი სისხლის ამაჩქლორებლად დაეჭმუჭნებოდა!.. ვიწრო, მაცდური საილლიიბი – წვრილნაკეცებიანი!.. უქამრო საწელური? მჭიდრო, მაღალი და ნაოჭასხმული!.. მოტიტვლებული ბეჭები ორივე გვერდისკენ ნახვეტილი და რეზინისებური წვრილი შიბით დასარტყლული!.. მარცხენა მუხლთან მავანთა ჩასაგონებლად გაბედულად ჩაქრეჭრილი!.. ხოლო კალთები... მაგრამ ასეთ სიცივესა და ღვარცოფში ამ კაბით სად წაისვლებოდა – მთელი უნივერსიტეტის სალაპარაკო გახდებოდა! არადა, როგორ სწამდა – თორნიკეს ამნაირი კაბით თავს მოაწონინებდა და

იქნებ გულსაც გადაუშლიდა!..

II

ლოგინში კურდლელივით წანაბულმა თეონამ სმენა გაიმძაფრა და მოუღალავ თქაფუნს მიაყურა. წარლვნისებურმა ტლაშატლუშმა ყურგაფაციცებულს თავისებურად აწამებინა: შეუძლებელი იყო, ცას ამდენი ჩამოსაღვრელი კიდევ ჰქონდა! ჰოდა, რაც ჩამოსაღვრელი ექნებოდა, მალე სულ ჩამოღვრიდა, ჩამოღუშული სქელ-სქელი ღრუბლებიც სადღაც გადაიფანტებოდა და ხვალ თბილი, დარიანი დღე გამოუყიდოდა!.. მაგრამ ამაოდ! ძილ-ღვიძილში უფრო შემაძრნუნებლად ჩაესმოდა, თავაცყვეტილი ავდარი საძინებლის სარკმლებს ისეთი გაავებით უშმაპუნებდა, თითქოს შინ შემოვარდნას ლამიბისო!!!

სადღაც მეხი გავარდა!.. ცოტა ხნის შემდეგ ყველგან შუქიც ჩაქრა!..

მოსეული წვიმა, ძილმოსაგვრელად რომ ჩამოთქრიალებდა, უშედეგო მოლოდინით გადაქანცულ თეონასაც ძილს აპარებდა, მაგრამ რულს მაინც არ იკარებდა – ერთი სული ჰქონდა, თავაც შეეტყო, რამდენიმე წუთის შემდეგ რალა იქნებოდა და მერე გულმშვიდად თავისით ჩაეძინა!..

უშედეგო მოლოდინით განაწამებს, ნარიურაუევსლა ჩასძინებოდა!.. ესიზმრა, მღვრიე ნაკადულები ვითომც ყველგან ჩამოწრეტილიყო და ნაწვიმარრაბათს ცხრათვალა მზე დასჩახახებდა!..

III

თორმეტი საათი სრულდებოდა, სამზარეულოდან ავტონომიური გათბობის მიღწეული დედის სანიშნებელმა მოკაუნებამ რომ გამოაღვიძა – არ მოგმივდა, ჩამოდიო!

ლოგინიდან გამომძვრალი თეონა მაშინვე სარკმელთან გაჩნდა, მაგრამ იქავ ჩაიფერფლა – ისევ კოკისპირულად ასხამდა! სარკმელს გულმოკლული მოშორდა, თავი უხალისოდ მოიწესრიგა და შიგნითა კიბით ძირს ჩავიდა.

მამა და ძამიკო გუშინ გორში რომ იყვნენ წასულები რაღაც აგრეგატისა თუ ტრანსოფრმატორის საყიდლად, ჯერაც არ დაბრუნებულიყვნენ და წელან დაერეკათ – კვირა სალამომდე ჩამოსვლა არ გვიხერხდება და იცოდეთო! დედასა და პაპას რა ხანია, ესაუზმა... დედა უკვე სადილის თადარიგს შესდგომიდა – ლაპლაპა სათულით ძროხის ხორცის რბილობს ქულამა-ქულამა ჭრიდა ხორცსაკეპში გასატარებლად... პაპას ფარდულში სალაფავი შეეტანა და განუწლულ ძაღლს უტრიალებდა.

დედამ მაშინვე შენიშნა ქალიშვილის მღვიძარობა, მაგრამ ამაზე კრინტიც არ დაუძრავს, მხოლოდ ეს ჩაუნიავა.

– ამ თავსხმაში როგორ უნდა წახვიდე? ტაქსი ხომ არ...

– უჳ! – თეონამ მობუზული ხმით შენიშნა, – ისინი დამირეკავენ და... ან ვინმეს მე თვითონ დავურეკავ და გამომივლათ...

თეონამ პინკად ისაუზმა, მომცრო ფინჯნით ყავა დალია და განსამარტოებლად ისევ მალა ავიდა. თავის ოთახში აღარ ედგომებოდა, მაგრამ არც გაშიებული რაგინდარა ტილოებით მოფენილ აივანზე

ყოფნას ჰქონდა აზრი – ქარისგან დაირიბებული წვიმის ფარდის მიღმა აღარაფერი იხილვებოდა!.. ბოლოს ბამბაზის საშინაო გრძელ ხალათში გამოეხვია, სარწეველა სავარძელი აივნის მშრალ კუთხეში მიიჩინა და არეული ამინდის თვალსადევნებლად შიგ დაუიმედებლად მოიკალათა!.. მოთქრიალე წვიმას ხილვადაკარგულ თვალებს ისე უაზროდ უშტერებდა, პირდაპირ სახეზე ეწერებოდა, მხოლოდ ესლა ჰქონდა სანაღვლო – ამ საზაფხულო კაბით დღეს თორნიკეს ვერ ეწვენებოდა!

თავის სადარდებელში გადაკარგულს, არც გაუგია, აიგაზე პაპა როდის ამოფრატუნდა. მან კუთხის ოთახში სახელოსნო იარაღების ბრახუნა ყუთიდან რაღაც ამოირჩია და ისევ კიბისკენ წაფრატუნდა.

ქარ-წვიმას თითქოს თავის პაპასთან უჩივისო, სავარძელში მოხრუსტულ თეონას ენიდან ხმაამოჯდომით თავისდა უნებურად მოსწყდა.

– როდემდე უნდა ინვიმოს, რო-დე-მდე?

კიბისკენ გეზალებულ პაპას ნაბიჯიც არ დაუმძიმებია. არც შევილიშვილისკენ გამოუხედავს. ის კი არა, ჩაქინდრული ჭალარა თავიც არ აულია. ამიტომ ისე გამოდიოდა, თითქოს თეონას კი არ პასუხობს, არამედ შემთხვევით ყურმოკრულ კითხვაზე თავის აზრს გამოსთქამსო.

– ეჳ, მაგას ჩვენ ვინ გვეკითხება – ყველა თავის საქმეს აკეთებს!

ეს თქვა თუ არა, პაპა კიბეს ნელინელ ჩაუყვა და ჩაეფარა.

თეონას თავი სიზმარში ეგონა!.. უცნაურმა შთაგონებამ სავარძლიდან წამოახტუნა, მკლავი აივნის გარეთ გადაყო და სველი ხელი სიყვარულით აღმურ-მოდებულ სახეზე მიისვ-მოისვა.

პაპის ამ ნათქვამის – ყველა თავის საქმეს აკეთებსო! – შინაარსზე მეტად მისი სიტყვების გონების გამხსნელმა კილომ მოაჯადოვა!!!

იგივე სიტყვები, ვთქვათ, ძამიკოს მისებურად რომ ეტკიცა, აქამდე დაბშული გონება გახსნოდა კი არა, უფრო გააღიზნებულ და შეიძლება უკონტროლო სიანჩხლით დაემუხტა! პაპის კილოიანმა ნათქვამა კი!.. მართლაც, ქარი იყო, წვიმა, თავსხმა, სინსლი, ელვა, ჭექა-ჭუხილი, მეხი, ნისლი თუ სეტყვა, ბუნების დაურღვეველი კანონით ყველა თავის საქმეს აკეთებდა და რანაირად შეიძლებოდა, ეს ყველაფერი თითოეული ადამიანის თავისებურ სურვილსა და მით უმეტეს, მათ ახირებაზე ყოფილიყო დამოკიდებული!..

მაშ, ტყუილუბრალოდ რაზე ინინქიდა ნერვებს?! თანაც, მისთვის ეს პირველი შემთხვევა როდი იყო! შარშან, ათ ნოემბერს, მამამ პოლონეთიდან ბენგვილებული ქურთუკი რომ ჩამოუტანა, მაშინვე უკადრი-სი დასაუნებელი აეკვიატა: დილიდანვე თოვა დაეწყო და თანაკურსელებს ქურთუკის დანამქრული ბენგვიანი საყელოთი ჰოლივუდელი კინოვარსკვლავივით წარსდგომდა! მაგრამ, თითქოს მის გასაწილებლად, მთელი თვე სულ თბილი და მშვიდი, მზიანი დღეები ეჭირა! ამგვარ ამინდში კი რა ბაჟი ექნებოდა მშრალი, დაბენვილი ქურთუკით გამოჩენას!

ბენებრივმა თვალახელამ თეონა თვითონ მოძებნა: მისი ცხოვრება დღემდე მხოლოდ ბეცური მოუთმენლობა იყო! პაპის კილოიანად ნათქვამმა კი დახშული

გონებიდან თითქოს ლოდები მოაშორა და თავისუფლად ამოასუნთქა! მორჩა, ამიერიდან ბუნებისა თუ ცხოვრებისეულ მოვლენებთან ურთიერთგაგებით უნდა ეცხოვონ! სხვანაირად მის სიცოცხლეს აზრი არ ექნებოდა და სამარის კარამდე სულ ასეთი გაშეამძულ-გატანჯული იქნებოდა!.. შვილებიც ამგვარი ჩაგონებით უნდა გამოეზარდა!..

მოულოდნელი აღმოჩენით თავტანდაკარგული ქალიშვილი ახლა შიშის ქარმა აიტანა: ერთიც ვნახოთ და იმხელად პაპა აიგანზე არ ამოსულიყო... მას კი თავისი შესაჩივლელი გაუფიქრებლად არ შეეჩივლა... ცხადია, მაშინ არც პაპას დასცდებოდა ასეთი კილიანი პასუხი და შეიძლება მთელი ცხოვრება სულ მოუაზრებელ-სწორხაზოვანი დარჩენილიყო! ამიერიდან კი! ოოო...

სიხარულისგან ატირებული თეონა კიბეზე ისე დაეშვა, საფეხურებზე ფეხი აღარ ედგმებოდა.

პაპა საჩეხის კუთხეში, ნეჭადაფენილ დაბალ ჯორკოზე მიმჯდარიყო და სათბურას სახელოების ყოშებში ღრმად ხელებშეყოფილი, თავის საფიქრალს მისცემოდა.

თეონამ პაპას მიუჩიქა, ჩაეკონა და კოცნა დაუწყო.

– ჩემო საყვარელო პაპა!.. შენ რომ არა მყავდე, რა მეშველებოდა?!.. ყველა თავის საქმეს აკეთებსო, არა?! კიდევაც, კიდევაც! მე კი... ო, როგორ მიყვარხა!.. ქვეყნიერებაზე ჩემისთანა პაპა სხვას არავის არ ეყოლება!..

სამზარეულოს სარკმელში გადმოყრდნობილი ჩამჩინი დედა თვალს გაკვირვებით უშტერებდა ხან მამა-მთილს, ხან ატაცებულ ქალიშვილს.

– რა დაგემართა, შვილო – პაპა დღეს პირველად დაინახე?!. ან რაღა გატირებს?

პაპას ჩაკრულ თეონას მოლოდინით მაცქერალი დედისკენ არც გაუხედავს, ისე უპასუხა მის პირველ კითხვას.

– არა!.. ჰო!.. ო, როგორ მიყვარხარ, ჩემო ბრძენთა ბრძენო პაპა!

– ერთი მეც გამაგებინე, – დედამ თავისი შესახვენარი ქალიშვილს წრფელი მუდარით გადმოულაპარაკა, – ამ წარლვისას იმისთანა მაინც რა გისიძრძნა?

– მაგას ახლა ვერ გიამბობ, დედა!.. არ შემიძლია!.. ყველაფერს მერე აგიხსნი!..

ამასობაში პაპამაც ყოშებიდან ხელები გამოიღო და შვილშვილის მელავებიდანაც თავი გაითავისუფლა.

– ამ ბერიკაცს ნეტავი რასა მკოცნი, რო მკოცნი – რა საკოცნელიც მე ვარ?! – უნიროდ წათქვა და ხმაგამოცვლით დაამატა, – ეეჭ, შენ იგრე მომიალერსე, ეტყობა, მალე მოვკვდები!

მხურვალე ცრემლმა თეონას ხელახლა მოხეთქა.

– რას ამბობ, პაპა, რა დროს შენი სიკვდილია – ჯერ ზაზას ქორწილში უნდა გაცეკვო!

– ზაზას ქორწილშიც ვიცეკვებ და შენს ქორწილ-შიც! – ბერიკაცს ხელად მიეცა გული, – ოლონდ თქვენ დროიანად იფიქრეთ და!

– შენ მაგაზე არ იდარდო, პაპა! – დაკოპლილი ცხვირსახოცით თეონამ ცრემლები წაიწმინდა, – ზაზას უკვე ნაფიო...

– თეონა! – ბეჯითი ხმით შენიშნა დედამ, – მალ-

ლა, მგონი, შენი ტელეფონი რეკავს!

სამივე სმენად იქცა. წვიმის შხეპაშიც გარჩევით ჩამოისმოდა ატონალური მუსიკის თავაწყვეტილი ჰანგები. თეონა კაბეს ფრენა-ფრენით აუყვა. თანაკურსელი, ესმა ჭიჭლუაშვილი რეკადა.

– სადა ხარ, გოგო, არ მოდიხარ?! აქ იმდენი საქმეა!

– მოვდივარ, მოვდივარ!

– კარგი, გელოდებით!

IV

მობილურ ტელეფონს დაბალ, ცერკულთხეებიან მაგიდაზე რომ დებდა, იქვე, სკამზე ჩამოფენილი, გამოდარების გამანამებელ მოლოდინში ჩასაცმელად გამზადებული საზაფხულო კაბა, თავისი გამოუცდელობითა და მოუთმენლობით მასზე განსაკუთრებულ იმდეს რომ ამყარებდა, ახლა თვალში ეკლად შეესო!..

ან ეს რანაირი კაბა იყო – მისი აღნაგობისთვის სადისტურად ვიწრო, ხოლო თეძობებთან ისეთი შემონუთხული, ყველა ნაკვთი უხამსად ეძერწებოდა! ეს კაბა კი არა, მამაკაცების ქუჩური მიპატიუება იყო! უფრო უარესი – მათი აბუჩად აგდება: ამნაირი კაბების გარეშე ნუთუ ვერ უნდა ეგუმანათ, ქალს სად რა ექნებოდა!.. ასეთი კაბით თან დაქალებსაც გამომწვევად თავს ამეტებდა: ვისაც მისნაირი მოხდენილი ასო-ტანი არა ჰქონდა, მაშ, იმათ რალა უნდა ექნათ?! ბოლოს და ბოლოს, ქალისთვის მთავარი მარტო გარეგნობა და ჩაცმულობა ხომ არ იყო, არა?! ჯერ თვითონ როგორ გაეწამა: შესაჩვევად რამდენჯერმე რომ ჩაიცვა და გრძელ აივანზე გაიარ-გამოიარა, ისეთი შემბოჭავი იყო, გული უბრუნდებოდა, ნაკერძბზე არ დაირღვასო!.. ბოლო? ნამდვილი ხაფანგი – ყველგან და ყოველთვის სულ ავადმყოფურად დაძაბული, კუს ნაბიჯით თუ არ ივლიდა... .

შიშატანილ თეონას მოულოდნელად თავისითავად ჩაეგონა: ასეთი კაბით არაბუნებრივი სიარული სულ დაუდამბლავებდა მუხლებს... გაუმრუდებდა ხერხე-მალს... გაუფუჭებდა ნერვებსა და ხასიათს!..

„ახლა მე ვიცი!“ – გუნებაში მუქარით შეიძახა. თაროედის უჯრიდან მაკარატელი ამოილო, უცებ მოძულებული კაბა სულ ნაკუნებად აქცია და ცელოფნის პარკში ისე დაუნანებლად ნახავია, ძვირფასი ლილკოლებიც კი არ აუჭრია!

– ესეც ასე! – შვებამოგვრით აღმოხდა და მაკარატელი ისევ თავის ადგილას შეინახა. მერე სააბაზანოში შეიკეტა შხაპის გადასავლებად. შხაპი რომ მოითავა, კარადა გამოალო და ჩაცმას შეუდგა.

საშუალო სკოლის შემდეგ, გამოსათხოვარი ბალისთვის დედის რჩევით ნაყიდი კაბა რომ ჩაიცვა და ტრიუმფს წინ შეუბოჭავად გაიარ-გამოიარა, ისეთმა აღმაფრენამ შეიძერო, თუკინდ ამ თავსხმაშიც აფრინ-დებოდა და ცისკიდურს სულ ფრენა-ფრენით შემოუვლიდა!.. სკამქეცებიდან, წელან ან უკვე დანაკუნებული კაბა რომ ეფინა, შეუყოფანებლად აიღო წვეტნისკარტა, დაობლებული მაღალქუსლიანი, გამხმარი ნაფორტებივით მსუბუქი ფეხსაცმელები, ისევ თავის შავპრიალა კოლოფში „DONNA CHRISTINA“ ჩააწყო და დროებით კარადის ქვეშ შეაცურა. მერე კარგა ხნის წინათ მივიწყებული რეზინის ხასხასა მწვანე, ყვითელ-

ლანჩიანი ჩექები მოძებნა და ლიმილმორევით დაიწყო ჩაცმა. დაბალ პუფზე დასკუპებული, თან ფეხებს რიგრიგობით მაღლა ფშევდა – ხომ მიხდებაო!

კარადიდან მუყაოს სქელი, სახურავიანი ჩანთა გამოილო და შიგ წყობისად ჩაიწყო შოკოლადის ბონბონიერი, მობილური ტელეფონი, რაღაც პაკეტი, მაგდასთვის მისართმევი ოქროს ყელსაბამის კოლოფი და წელან დანაკუნებული კაბის პარკი. მერე კაპიუშონიანი საწვიმარი ჩაიცვა, ბოლომდე ჩაილილა, სამფეროვანი ქოლგა აიღო და დაბლა ჩავიდა.

პაპა მარაბში რაღაცას უკაუნებდა. მურამ ხმა-მოდაბლებით შეუყეფა – დაგინახეო და კუდის ქიცინს მოჰყვა. დედა სამზარეულოს ღია სარკმლიდან გადმოეძრახა.

- უკვე მიდიხარ?.. არა გშია?
- წელან არ ვისაუზმე!

დედა მოქურუშებულ ცას ააშტერდა და შუბლი მოინაოჭა.

- შეხე, წვიმამ უფრო აისწრაფა! – ტაქსი მაინც გამო...

- უჟ, ტაქსი რად მინდა – ქოლგა აქ არა მაქვა!
- დედას აღარაფერი უთქვამს – რა ესწავლებოდა!

თეონამ თავზე კაპიუშონი წაიხურა, რკინის ჭიშკრის პატარა კარით გარეთ გასხლტა და ქოლგა გაიშალა.

დოლივით გადაჭიმულ ქოლგას წვიმამ სულ ტყაპ-ატყუპი აუყენა. ირგვლივ ხეირიანად აღარაფერი დაინახებოდა. დაქანებულ ქუჩაში ნიაღვრები მარდად მოჩუხჩურებდა და მდინარისკენ ყველა თავპირისმტ-ვრევით მიისწრაფოდა.

თეონა პირველივე ნაგვის ურნასთან მივიდა, სახურავის კიდე აზიზად აუნია და დანაკუნებული კაბის პარკი შიგ ჩაუძახა!

ქუჩაში ძებორციელი არ ჭაჭანებდა. თოვლნარევი წვიმა მოუღალავად უშეხაპუნებდა. ირგვლივ მაცდური სიცივის, წვიმისა და ადრეული გაზაფხულის მათრობელა სუნი იყნოსებოდა... გადაბმულ ავდრიანობას გზის ჩადაბლებულ მოსახვევებში ლამისა და აყალოს ფაფა ჩამოელექა... ნაგვითა და ქვა-ლირლით თავ-გადახერგილი სანიაღვრები წყალს ვეღარ ატარებდა და ნაწვიმი ყველგან თავის ნებაზე მითქრიალებდა...

ხეობიდან დროდადრო შემონაქროლი ქარი წვიმის სვეტებს წალმა-უკულმა ატრიალებდა...

თეონას ეს ყველაფერი გულს ხალისით უვსებდა და აიმედებდა!..

უცრად მჭახედ ჩამოაკვესა, ელვა ბუნდოვნად შეიკლაკნ-შემოიკლაენა და ომახიანმა რუხრუხმა პატარა ქალაქის თავზე ერთხანს იტრიალა. მერე კი ერუშეთის ქედისკენ გადაიქუხა...

თეონა გულდაგულ მიაჭყაპუნებდა გუბეებსა და ნიაღვრებში. თან ყურში ისევ საამოდ ჩაუდიოდა პაპის კილიონანი ნათქვამი – ყველა თავის საქმეს აკეთებსო! და მასაც თავისითვად ჩაეგონა: ქარ-წვიმის, ელვისა და ქუხილის მსგავსად ამ სალამოს თორნიკეც გააკეთებდა თავის საქმეს – გაინაპირებდა და გულს გაულებდა!..



თინა მახელაძე

უსაქართველოდ არაფერია

მზე ღრუბლებს ხელს ჰკრავს და დანავარდობს, ერთი შეხედეთ, ცა რა ფერია!

ცისარტყელები სერავს კაბადონს, სამოთხე სხვა კი არაფერია!

რა სამურად გალობს ბულბული, დედალ-მამალი ხებში მღერიან, განაბულია ირგვლივ სულდგმული, სამოთხე სხვა კი არაფერია!

დედას თავს და პირს ულოკავს შველი, თან თვალებს ნაბავს, როგორც ფერია, ქრელმა ჰეპლებმა დაიპყრეს ველი, სამოთხე სხვა კი არაფერია!

თეშის ხმა მესმის, თვალებით ვეძებ, რა ხმაურია? ეს ჩანჩქერია!

ტბა დაუფარავთ ქათქათა გედებს, სამოთხე სხვა კი არაფერია!

მიმოხედეთ, გარშემო მხოლოდ წალკოტია და სულ ედემია, სამოთხე სხვაგან, ბოლოსდაბოლოს უსაქართველოდ არაფერია!

* * *

გოგო მორბის შეღერილი,

გაზაფხულის სადარი, თმა ოქროსფრად შეფერილი ასაფრენად მზად არის.

წამოუსხამს ნატიფ ფრთებზე სიხარულის მანტია,

მის გულში კი კაშკაშა მზე და გიუმაჟი მარტია.

ყანას აპობს ფეხშიშველი, საოცარი ფერია,

და კისერი, როგორც შველის, კოხტად მოულერია.

არ ანუხებს არც-რა დარდი, სხივი უკრთის თვალებში,

ბაგეს უპობს წყვილი ვარდი, ჰეპლებს გააქვთ თარეში.

ფერით-ლვინო შეჭირხლული, სახე-ყირმიზიანი,

კაბა მოსავს დაწინწკლული,
თეთრი, ხალებიანი.
უფრიალებს ქარი კაბას,
ის კი მიჰქრის ამაყად,
ქარს მიარღვევს, გარბის ლალად,
მზის და ცის დასანახად,
მწამს ნარნარი სიარულით
გადალახავს მთა-გორებს.
კლდეც რომ დახვდეს სიყვარულით,
გზიდან გადააგორებს!
ვის ეზო-კარს დაამშვენებს,
ანგელოზი ფრთიანი
და ვის ოჯახს ააშენებს
გოგო ალერსიანი?!

* * *

დღესაც ისევ ავდარია, მტანჯავს სევდა
შემოდგომამ გააშიშვლა ტანჯვა მწველი.
დაღმართისკენ სავალ გზებზე შიშსაც ვძლევ და
არ შევდრები – უფალია ჩემი მცველი!
სურვილს თუკი ამისრულებ, ჩავთვლი კვეხნად,
გული აღარ გამიკანრო ნაღვარევით,
როცა წავალ, დამიტოვე, ღმერთო, ქვეყნად
სიკეთის და სიყვარულის ნაკვალევი!

ტაო-კლარჯეთში

ჩემო საოცრებავ, ჩემო დახატულო,
მტრისგან ნაწამებო, სევდამობურულო,
შენ გულისფერეთქვა ხარ, ჩემო გაზაფხულო...
რამდენს გაუძელი, სულო მოწურულო?!
ადგილს ვერ ვპოულობ უზომო ღელვისგან,
თითქოს პაემანზე ვიჩქარი წარსულთან.
მიწა დანამულა წინაპართ ცრემლისგან,
გოჯი-გოჯ ძვლებია ჭაბუკთა, ასულთა...
არ უჩანს სასრული, თან ვითვლი გვირაბებს
და გზა მიკლაკნილი მიდის წარაფებში,
მოშხუის მდინარე, თითქოსდა ღრიალებს,
დროდადრო გვიხდება გავლა ქარაფებში.
მახვილი აღმართე! რაც განირჩეოდა
მიწასთან ასწორე, შენ მტერო, დამსჯელო!
ოსტატის ფუნჯასაც კი გაუჭირდებოდა
და ვერ დახატავდა თვით მიქელანჯელო!
მშობელი დაუჭრეს, გაეშვა ხელები,
ზურგზე დედინაცვლის მათრახი ატყვია,
სული ჩავპერე და კრძალვით ვეფერები,
რადგან ობოლი და უმწეო ბარტყია.
მუხლისებით ვუარე გარშემო ტაძრებს და
მხურვალედ ვუკოცნე ნარჩენი ღიობი...
რწმენას და ძალ-ღონეს უფალი აძლევდა,
ასე თუ ითმენდა ათას ჭირს იობი...
ვბრუნდები უკან და ჩამესმის გოდება,
ტყვე ციხის კვნესაა მწუხარე ქაჯეთის,
ხორცები ვიგლიჯე, ვგრძნობ კვლავ მელოდება...

გზად დარდი გამომყვა ტაოს და კლარჯეთის.

* * *

გულისგულში წვიმაა და ქარი,
არემარე დაუფარავს ღრუბელს,
დემონებმა ხელთ ჩაიგდეს ქნარი,
თითქოს ზეცა მოუზატავს ვრუბელს.
ამინდივით ვერ დალაგდა ფიქრი,
ტრფობის ქარმა ჩამიარა გვერდით,
სავსე მოვარე ცის ტატნობზე მიჰქრის...
მონატრების რექვიემს წერს ვერდი.
სიყვარული დაგვეკარგა გზაში,
ნაკვალევიც წაიშალა, ჩემო...
ქარი ისევ ფოთლებს ისვრის ცაში...
ისევ კვნესის ჰაუზერის ჩელო...

* * *

ვზივარ და ვფიქრობ: საიდან მოდის
ამდენი ღვარძლი, დავიდარაბა;
არ შეინია შადიმანს ცოდვის,
რა დაამარცხებს ამდენ ბარაბას?!
ვშიშობ, სამშობლო ზღვამ მეწამულმა
შეითრია და ჩაიძირება...
სჯობს, დამიტიროს უწინ მამულმა –
მე არ მოვესწრო მის დატირებას!

* * *

შეგხვდი სანაპიროზე...
მოდიოდი შორიდან;
ვისვენებდით კვიპროსზე,
ჩემო სინიორიტა!
„მგონი გიცნობ!“ – გეხვევი,
გითხარი: „I'm sorry“ და
გაგიცანი „შემთხვევით“,
ჩემო სინიორიტა!
გვიყურებდა ელიტა,
მოგერიდა ჭორის და
არ დამისხლტი ხელიდან,
ჩემო სინიორიტა!
რა დღე შემხვდი, მზიანო,
საღამო რას მომიტანს?..
გოგოვ, ალერსიანო,
ჩემო სინიორიტა!
ჩავუარეთ შადრევანს,
ჩვენი იყო ორბიტა...
გიმზადებდი ტახტრევანს,
ჩემო სინიორიტა!
დამავიწყე რომი და
დაგავიწყე ფლორიდა...
სიყვარული მოვიდა,
ჩემო სინიორიტა!

* * *

ღვინობისთვეა, მოგვაყარა წვიმა და თქეში,
ნისლმა მაღალ მთებს დაუკოცნა სველი კალთები;
რაღა გაუძლებს ნოსტალგიას-მკვლელსა და
შეშლილს?

შემომაჩეჩა გასული წლის თალხი კადრები.
დავეხეტები ხიზანივით უმისამართოდ,
ტანზე მოვიცვი მარტოობის რუხი მანტია;
ნისლში გაეხვა არემარე, ქარი ნავარდობს,
წვიმის წვეთებმა გამიმართეს ქირომანტია.
გზად ჩავიარე მოგონების ნაპირთან ახლოს,
გაზაფხულს, ზაფხულს, შემოდგომას შეცვლის
ზამთარი...

დავშორდი ყველას – ყალბ მეგობრებს და
სამოსახლოს...

ქარი კვლავ ყეფს და დაძრნის,
როგორც წუნკი აფთარი.
დრო ვერ მოვკალი, შემომექდო ბორკილებივით,
ვებრძვი, ვერც ნისლებს ვიმორჩილებ
თეთრფაფარაშლილს,
ყველგან თვალები მდარაჯობენ, მჭამენ მგლებივით,
ველარც მოყვარეს ვეხუტები ორთავხელგამლილს.
როცა მოვკედები, ჩამასვენეთ გაჭრილ ნაპრალში,
წულარ მიღარდებთ,
წურც დამმარხავთ დიდი პატივით...
ვგრძნობ, უკვე ბედი მიმაქროლებს
სულ სხვა ასტრალში;
...და მაინც ვფიქრობ:
დედამიწა ბრუნავს მარტივით!
ნეტავი რატომ მოიგონეს წელიწადის დრო?
ვინ დაგვიწესა კანონად და ღვთის განაჩენად?
მოძებნეთ სადმე, გევედრებით, ვინა ხართ სანდო
და მეხუთე დრო მომაშველეთ გადასარჩენად!

მარიტას ფიქრები

გაბედულად მესროლეთ გაუღენთილი ბელტები
და წუ მომერიდებით, შევეგუე განაჩენს;
სიტყვაც მტყორცნეთ ავი და
განმირისხეთ ლმერთები,
თქეენ ბრბო ხართ და ცოდვილნი,
აღარ გკადრებთ დანარჩენს...
სიყვარული ბრმააო, ჩემთვის – თვალგახელილი,
რაც ნამდვილი მეგონა, თქვენთვის არის ცდუნება,
ქვის ნატეხთან ერთად ხართ თიხით გადაზელილი,
ასეთია მორჩილთა სისასტიკე, ბუნება.
მოდით და დამაყარეთ გულზე მძიმე ლოდები,
სიმშვიდეს ვერ შემირყევთ – ესაც ჩემი ბედია...
არაფერსაც არ ვდაგრდობ: იქაც დაველოდები,
მაინც ერთად ვიქნებით მე და ჩემი გედია!

* * *

დღესაც ისევ ავდარია, მტანჯავს სევდა,
შემოდგომამ გამიშიშვლა გრძნობა მწველი,

დალმართისკენ სავალ გზებზე შიშსაც ვძლევ და
არ შევდრკები, უფალია ჩემი მცველი!
სურვილს თუკი ამისრულებ, ჩავთვლი კვეხნად,
თბილ გულს წულარ გამიკაწრავ ნაღვარევით,
რომ მოვკედები, დამიტოვე, ღმერთო, ქვეყნად
სიკეთის და სიყვარულის ნაკვალევი!

* * *

დღე მიილია, ჩამადნა ხელში,
საათის წიების ვაყოლებ ნერვებს,
თითქოს გრიგალი ჩასახლდა ხეში,
ჩამოჰყვა ელვებს.
ელვას თან ახლდა წვიმა და თქეში,
თან მოადევნა დელგმა-წკვარამი;
წარსულის ტყვე ვარ, ვითარცა ლეში,
მომკლავს ვარამი...
ნაამბორალი ამენვა ღაწვი
და შენი გულის კვლავ მესმა ფეთქვა,
ქუჩას ვემსგავსე განძარცვულს, ნაწვიმს...
რა უნდა მეთქვა?!

* * *

მიდის შეჯიბრი...

თუმც ვერ ვამჩნევ მეტოქეს ვერსად...
გულშემატევრებს აუტეხავთ ვაი და ვიში,
წინ ვიხედები და გარშემო ვერ ვარჩევ ფერსაც,
თავქუდმოგლეჯით გავრბივარ და არ ჩანს ფინიში.
აღარ დავებძებ მეტოქეს და მივარღვევ ტალღას,
ქარი გავაპე, ნისლებს ვფანტავ, ვუძლებ სიცივეს;
ჩამოვიბერტყავ აწმოსაგან აკრეფილ ბალღამს
იმ აწმყოსაგან, რომლის ხილვაც
ნაზ სულს მიმდიმებს.
ტრიალებს წრე და არაფერი ხდება მგონია,
წლებია ვცხოვრობ ულიმლამო ნაცნობ ყოფაში...
მელანქოლიამ დამიტანა, მელანქოლიამ...
ახლალა მივხვდი, რომ გავრბივარ იქ, ბავშვობაში!

სამაგიერო (მაჯამა)

ვცდილობდი, მახეში როგორმე გამებით,
ხერხი მოვიგონე სასტიკი წამების,
გარედან შევცუთე ფერადი გამებით,
ტყვე გავხდი საათის, წუთების, წამების.
ლიდინით წერვები ტანჯვით დამელია,
შიგ გულში გამერჭო ბუნიკი ისარის
და ველარ გავძელი, რომ არ დამელია,
გიუივით ვბუტბუტებ: „ის არის, ის არის!“
ვიჩქარი, ვიდრემდის დადგება ცისკარი,
ზეცაში აღვმართე მახვილი დამოკლეს,
ვთვლი, შენისთანებმა დაგვიხშეს ცის კარი,
როდესაც იესო გაყიდეს და მოკლეს!



მიორბერი მელაშვილი

ნინაპართა ძვლები

ამონარიდი ცნობილი არქეოლოგის გამოუკვეყნებელი მემუარებიდან, რომლის სახელსა და გვარს შეგნებულად არ ვასახელებ, რადგან არ მინდა მისი ნდობით ბოროტად ვისარგებლო.

ონკანი ჰაერს იფურთხებოდა. ისევ გვალვები დაიწყო. მინდორს გადახრუკავს, გადააყვითლებს, თითქოს, ქერათმიანი გოლიათი მუცელზე წევს და ირუჯება. მთიდან მდინარე მოედინება, თითქმის შეუვალი ტყის გავლით – მუდამ ბაყაყივით ცივია. ამას წინათ გაგრილება მოვინდომე და ჩაღრმავებულ ადგილას, სადაც აქაურებმა რიყის ქვებით ავზი მოაწყეს, ყინულივით ცივ წყალში კისრამდე ჩავჯექი. ეს რიყის ქვები ყოველთვის მანანწალა ძალებს, გახუნებულ მეტისებს მაგონებდა.

ოთხფეხა ბანჯგვლიანები მდინარის პირას დალასლასებენ. საზამთროს ნარჩენებს ყნოსავენ იმ იმედით, რომ სადმე ძეხვის ნაჭერსაც გადაეყრებიან, – რაღაცით გვანან არქეოლოგებს. ჩრდილში ქვებივით წვანან, ანდა თავად გაწვებიან ხოლმე ჩრდილივით შავი ძალები, ქვევიდან ზევით სევ-დიანი თვალებით რომ იქციტებიან. მდინარეში შესვლა არც მათ უყვართ.

თბილისელი კაცისთვის, თუ მისი ველური მხარე საკმარისად დათრგუნულია, ცივ წყალში ერთი ბუქნიც საკმარისია, რომ ავზისგან თავი შორს დაიჭიროს. „მეტისების პლაზზე“ აკანკალებული მუხ-ლებით და შეძრნუნებული გენიტალიებით ვიდეექი. იმ დღეს დავრწმუნდი, რომ მეცნიერი ცივილიზაციის შვილია და არა ბუქნების. გასაგრილებლად ტყე მშვენიერი ალტერნატივაა, თუმცა წვრილმანი „დისკომფორტები“ იქაც ბინადრობენ.

ცა ახალშობილივით შიშველი და გაცრეცილი იყო. დილას მეტისმეტად ადრე გამეღვიძა – ძილი დამაკლდა, მაგრამ ოფლში ვცურავდი და საწოლში ვეღარ მოვისვენე. ნიავი არ იძვროდა. არც კონფენცირების სისტემა იყო იმ ფიცრულში, რომელიც გაქალაქელებული გლეხისგან ვიქირავე.

შუადღემდე შესანიშნავ გერმანელ ავტორს ვკითხულობდი. რამდენჯერმე ჩამოვლიმა. გარეთ კანტი-კუნტად თუ ვინმე გაივლიდა. ცივილიზაციამ აქამდეც მოაღწია და ბავშვები თანამედროვე ტექნოლოგიებით მეტად ერთობიან, ვიდრე ტყე-ლრეში ხეტიალით. კითხვა ვეღარ განვაგრძე. არც სახლში

დარჩენა შემეძლო – მოწყენილობა ინტენსიურად მიტევდა. ქუჩაში მარტო ხეტიალი მეწადა, მაგრამ მზეზე თავს ისე ვგრძნობდი, როგორც გაბზარული კვერცხი მდუღლარე წყალში. ტრადიციული არჩევანი ტყესა და მდინარეს შორის უნდა გამეკეთებინა. ორივე ხუთი-ათი წუთის სავალზე იყო.

მდინარის პირას, მუხის ჩრდილქვეშ ყოველთვის ადგილობრივები იკრიბებოდნენ. ვიცოდი, ფხიზელი ვერ გადავურჩებოდი და, გადავწყვიტე, მათთან შეხვედრისთვის თავი ამერიდებინა. პროვინციებში, რატომღაც, მთვრალი არქეოლოგები მეტად ხიბლავთ. ტყეში აპლოდისმენტებით შეიარაღებულს მეტი თავისუფლება მექნებოდა, ადამის მოდგმა არ შემაწუხებდა, მაგრამ არც ადგილობრივ სისხლისმსმელებთან შეხვედრის სურვილი მკლავდა – მაღალ ტონალობაში, რომ ჩურჩულებენ ყურის ნიუარასთან. გადავწყვიტე, ცივი წყლის ნაცვლად, რამდენიმე კილომეტრი გავარვარებულ ატმოსფეროში „გამეცურა“ და ძველი სასაფლაო დამეთვალიერებინა, რომელიც ლირშესანიშნაობად მიიჩნეოდა და იქაურები წინაპართა ხსოვნის სადლეგრძელოს შესასმელად, ზოგჯერ, ლამის საათებშიც კი ადიოდნენ ხოლმე, – თუ ღვინოს კარგი გაჭრა ჰქონდა.

მზე ზურგიდან მაჭურდა. საკუთარი ჩრდილის ყურება, მით უფრო მტანჯველი იყო, რაც მეტად მიხურდა მოტვლებილი კეფა. ნაბახუსევზე განსაკუთრებით დაუნდობელი იყო ჰელიოსი, მაგრამ მკაცრად გადავწყვიტე წინაპართა ძვლების რაკუნი ჩემი ყურით „მომესმინა“. თავის გართობის მიზნით, ჩრდილს ვსაყვედურობდი, რომ გახუნებულ ასფალტზე გველივით მისრიალებდა და პატრონს არ იცავდა აგვისტოს მზისგან. თუმცა, უკეთეს მდგომარეობაში ვიყავი, ვიდრე პიტერ შლემილი, რომელმაც ჩრდილი ვიღაც თაღლითს გადაულოცა. ჩემ ჩრდილს სწორედ ამით ვემუქრებოდი, მაგრამ ეს ისეთივე ალოგიკური და ფანტასმაგორიული ეჩვენა, როგორც წინაპართა ძვლების მუსიკა:

რიტმი მაშინვე დავიჭირე. ჩვეულებრივი ოთხი მეოთხედი იყო, ეგრეთ წოდებული Dance beat-ი. საფლავები მუხის ჩრდილქვეშ იყო განფენილი და ჩაბნელებული ღამის კლუბის ასოციაციას იწვევდა. ძვლების რაკუნი დაახლოებით ისეთ ხმას გამოსცემდა, როგორსაც აფრიკული პერკუსია – სხეულის მოძრაობას სასწაულებრივად, იქნებ დემონური ძალების წყალობითაც კი იმორჩილებდა. ახლა კი მივცვდი, რა მოარბენინებდათ ადგილობრივებს ძველ სასაფლაოზე შუალამისას. რიტმი მყისიერად იბყრობდა ყურადღებას; ჰარმონია ისე შემოდიოდა სულში, როგორც ძილი მოერევა ადამიანს და გაიტაცებს არაცნობიერის სამყაროში. ჩემდაუნებურად ავცეკვდი. ყველა მოძრაობა თავისთავად ქორეოგრაფია იყო. წამიერი გაოცება სასიამოვნო თრობად იქცა და სახეგაბრნებული ვხტოდი სასაფლაოს მინაზე, რომელიც ბატუტივით იზნიქებოდა და და ჰაერში მისროდა.

ყველა ნაცნობი მოძრაობა შევასრულე, ახ-

ლებიც აღმოვაჩინე. წინაპართა ძვლების მუსიკა ქორეოგრაფიას თავად მკარნახობდა – თავის თავში მოიცავდა. ტაქტი ფეხსაცმელივით მოვირგე. ყოველი რხევა, ნოტიდან ნოტზე გადასვლა სულს წარიტაცებდა მარადისობის მიღმა და საოცარი თვისებებით აჯილდოებდა. ხელები თავს ზევით ავწიე, აქეთ-იქით ვისროდი მუშტებს – შეშლილი ბოქსი-ორივით. ქარში შერხეული ნერგივით ვტრიალებდი, თავს არ ვთოვავდი. კუნიტები მსუბუქად მოძრაობდა. მევონა ქარი უსხეულო, უცნობ სივრცეში წამიღებდა, სადაც ყოველი არსი იღებს სათავეს. ცა ჩამოიქცა სულში და ბავშვივით ამაფორიაქა. მუსიკა სისხლთან ერთად ჩქეფდა გავარვარებულ ძარღვებში. ფოთლების შრიალი იყო თუ ჩემთვის უცნობი ინსტრუმენტის ხმა, ფონად დაერთო წინაპართა გულაობას და მეც მათთან ერთად შევცურე ექსტაზის მძლავრ ტალღებში. შიში სრულიად გამიქრა. გავთამამდი, გავპედნიერდი, აღვფრთოვანდი – შეუძლებელი არაფერი მეგონა. ექსტაზის კონტურს მივყევი და სიგრძე-სიგანეს მოვედე. ღვთაებრივ თავბრუსხევას ვგრძნობდი, ფარდას რომ ხდის მრავალ საიდუმლოს და სამყარო ჩემს თვალწინ ფართოვდებოდა. გადავდიოდი რიტმიდან რიტმზე, საფლავიდან საფლავზე, სინქრონში ვცეკვავდი სულებთან ერთად. ზოგი კეთილი და ზოგი მახინჯი იყო. მოვინახულე ერთი, მეორე, მესამე... გადავდიოდი ეპოქიდან ეპოქაში. დავლაშქრე ისტორიის კუთხე-კუნჭულები, ცხოველური ვნებით და მისი მძლეველი სიბრძნით ნაქარგი. თვალწინ დამიდგა წარსულის ნანგრევები, წინაპართა ყველა გმირობა, მათი სიქველე და თავგანწირვა. თავისუფლების ტრაექტორიას ბრმად ავედევნე, – ის ჩემ ერთადერთ უფლებად იქცა. აღარ მთრგუნავდა წვრილმანები, აღარ მქანცავდა ფიქრი. სულითხორცამდე მოვილხინე. ყოველი დარდი გავფანტე, ქარს გავატანე. „იმხიარულე, იცეკვე, დასცინე ამაობას, დასცინე!“ – ხმა მომწვდა მარადიული არყოფნიდან. მუსიკა ბალახივით არხევდა შიშველ ძვლებს – ზოგს ტეხდა და ზოგს ამთელებდა. მუხის ფოთლების შრიალი გუნდის სიმღერას ემსგავსა. ძარღვებში მივლიდა და ქარბორბალას ატრიალებდა. ხან ზევით ამაქანებდა, ხან ქვევით დამიშვებდა – აღმაგზნებდა. ფლირტი გავუბი ამაობას. უფერო ციდან თავისუფალი ბგერის „სეტყვა“ ცვიოდა. ფილტვებში ძაბვა მივლიდა და მაურიალებდა – რაც თმა მქონდა, სულ ყალყზე მედგა.

ხტუნვა-ხტუნვით და ცეკვა-კუნტრუშით მივუახლოვდი საფლავს, რომელსაც სახელი და გვარი გადასცვეთოდა, მაგრამ ამას ხელი არ შეუშლია ჩვენი ურთიერთობისთვის. დაუჯერებელი იყო ხმა, რომელმაც საფლავიდან ამომძახა: „თავადმა შემოგითვალა, ხრმალი არ დააუანგო!“ გპირდებით, გპირდებით... ნუ გედარდებათ ბატონო, ყველაფერს ისე ვიზამ, როგორც თქვენ გულს გაუხარდება და როგორც თქვენ უკვდავ ხსოვნას შეეფერება-მეთქი. ამ დროს თავადის სიამაყით სავსე სახე დამიდგა

თვალწინ, თუმცა მის ნაკვთებს კონკრეტული ფორმა ვერ მიანიჭა აჟიტირებულმა გონებამ. მინდოდა სახელი მეკითხა, მაგრამ სანაცვლოდ შევძახე: არ დავაუანგებ, არა-მეთქი! – ხმა უცნაური უინით აღსავსე მქონდა. ექსტაზი კიდევ და კიდევ მატულობდა. შთაბეჭდილებათა ქარბორბალა მომეხვია თავს. ხელები გავშალე, ზეცას ავხედე და მადლიერებით სავსე ღიმილი მივუძღვენი, რადგან არასოდეს განმიცდია ამდენად უსაზღვრო და ყოვლისმომცველი ბედნიერება. „თქვენი სულების ჭირიმე!“ – შევძახე, უკლებლივ ყველა წინაპარს, რომელიც იქ ემარხა და დანარჩენებს მოკითხვა შევუთვალე. „ხარობდეთ, ნათელსა შინა, სადაც მართალი განისვენებენ!“ – კვლავ შევძახე და ვისმინე „ამინ, ამინ!“ – სინქრონულად, მქუსხარედ ამოსროლილი.

მინა ქუფრი ცასავით გრუხუნებდა. ხეები წელში წყდებოდნენ; გადაიხრებოდნენ და გემებივით იმართებოდნენ. მეც მათსავით თავს ვიგიუიანებდი. წინაპრებთან ერთად ვკვდებოდი და კვლავ ვცხოვრობდი – ჭეშმარიტი თავისუფლების ტრაექტორიას მინდობილი. მივენდე უამთა სვლას და ყოველი წამი ჩემ თვალწინ დნებოდა. ამოსუნთქვა კი რიტმული და ცოცხალი ენერგიით დამუხტული იყო. პაერს ხარბად ვყლაპავდი მუხების ჩრდილქვეშ. ცა იღვრებოდა და სასაფლაოს მინა ყინულივით დნებოდა. მუსიკა არყოფნიდან იბადებოდა. ვიბადებოდი მეც, საოცარ სამყაროში, რომელიც მხოლოდ ახლა აღმოვაჩინე. სულთა შორის ქარივით ვქროდი. თითოეული ტაქტი, თითოეული ნოტი, თვლა და პაუზა, ახალი, უსასრულო სამყარო იყო. ენერგიას ხარბად ვხარჯავდი, როგორც მწყურვალი დაენაფება წყალს. „წყალი, წყალი!“ – ჩამესმა მამაკაცის მოგუდილი ხმა.

– წყალი მიასხით! – ისევ გაისმა, რასაც შეეფების ხმაც დაერთო და ცალი თვალი გავახილე. სამი კაცი და ერთი ქალი მადგა თავს.

– მადლობა ღმერთს, ტვინი არ დაასხი ემაგასფალტზედა! სად მიბორიალებდი ამ პაპანაქებაში? კაცო, ბავშვი ხომ არა ხაარ?! – თქვა დოინჯშემორტყმულმა ქალმა. მერე ხელით მოიჩრდილა და გაიხედ-გამოიხედა, – წაიყვანეთ სახლში, ა-იგერა ცხოვრობს, ქოხია თუ ფიცრული ვიღაცისა, – მამაკაცებს თითით უჩვენა.

ორმა კაცმა იღლიებში ამომდო ხელი და ერთმა მეორეს გადაულაპარაკა:

– კინაღამ არ ევაკუირდაა... ჰიი!.. ინვის ქვეყანა და რა?!.. შენა არ მოგსვლია მასე? – მეგობარს მიმართა, რომელმაც თანხმობის ნიშნად თავი დაუურა, – ეხლა ხო კათ ხარ ჯიგარო? – მერე მე მომიბრუნდა და ისე უდრტვინველად მომაშტერდა, როგორც პროვინციელებს ახასიათებთ. მესამე წინ მიდიოდა, პერიოდულად თავს ატრიალებდა და თვალებით თანაგრძნობას გამოხატავდა. საჩვენებელ თითზე სახლის გასაღებს ატრიალებდა, რომელიც დაცემისას ჯიბიდან გადმომვარდნია. ის ორი კიდევ რაღაცებს მეუბნებოდნენ, თან ერთმანეთს

ეჭაჭყანებოდნენ, მაგრამ არაფერი დამამახსოვრდა. მხოლოდ ის მახსოვს რა ხასიათში იყო ნათქვამი, რაც ისედაც ადვილი მისახვედრია.

ჩემი ჩრდილი წინ შშვიდად მიმიძღვოდა; თითქოს ჩემ ნაცვლად გასაღებიან კაცს მიჰყებოდა. მე კი ძვლების რაკუნით შეძრნუნებული და ამორტიზირებული ვიყავი.

ესტრეგალი

ტყე-ღრეში სპორტული ტრიციკლით გადავადგილდებოდი. აღმართზე ასვლა ადრენალინის სოლიდურ დოზას მაძლევდა, რადგან გადაბრუნების საფრთხე არსებობდა, მაგრამ ამ დროს უფრო კონცენტრირებულად ვიმორჩილებდი საჭეს.

წინ შემოდგომის ფერადი ტყე იყო. დრონი უკან მოფრინავდა და ავტომატურ რეჟიმში იღებდა ზედხედს. აღმართის ავლისას სიჩქარეს მოვუმატე. სისხლი უფრო სწრაფად მოძრაობდა ვენებში, ვიდრე ტრიციკლის მოტორი. სპორტის ექსტრემალურ სახეობებში არითმია დამლუპველია, საფრთხე გაიძულებს კონცენტრირდე და პროცესის საზღვრებში დარჩე. პატარა გორაკზე ვისკუპე; ოდნავ მარცხნივ გადავქანდი, მაგრამ წონასწორობის შენარჩუნება შევძელი და მიწაზე უსაფრთხოდ დავვეშვი; სიჩქარეს მოვუმატე, რომ საჭე გამესწორებინა.

ულამაზეს ტყეს ვუახლოვდებოდი. აღმართის დახრილობა შემცირდა და ტრიციკლი თავისუფლად გაქანდა მომნუსხველი პეიზაჟისკენ. ფოთლები ბუმბულივით ცვიოდა, მსუბუქ ნიავს ტყის პირას გამოჰქონდა, თითქოს, საზღვრების დემარკაციას ახდენდა. სანახაობა შთამბეჭდავი იყო. ადრენალინით გაბრუებული გონება ყველა დეტალს მიკროსკოპულ დონეზე ამჩნევდა, მაგრამ რატომ-დაც ის ტრამპლინივით ბორცვი გამოეპარა, რომელზეც დაუგეგმავად ავქანდი და ჰერში ისლა დავინახე, რომ ტრიციკლი გაშიშვლებული ხისკენ მიექანებოდა, შემაშფოთებელი სიჩქარით.

ასეთ დროს გონება უკან იხევს; მხოლოდ კადრებს ხედავს, რაც ისეთ შეგრძნებას ტოვებს, თითქოს, ტვინში ძაფი გაგიტარეს. კუნთები შემეკრა და ქიმიური რეაქცია ენით აღუნერელი ნაზავით მაბუჟებდა. შიში ნეტარებამ გადაფარა. გამოფხიზლების სურვილი არ მქონდა, მხოლოდ განგაშის ხმა ჩამესმოდა საიდანლაც – დრონის ბზუილივით მონოტონური. სახიფათო ნეტარება ვარჩიე ამაო შფოთვას, რომელიც მხოლოდ უსიამოვნოს გახდიდა უკანასკნელ ამოსუნთქვას. ვერასოდეს ნარმოვიდები, რომ ერთი თვალის შევლებით, ორიოდე წამში, თუ უფრო ნაკლებში არა, ამდენი რამ მოხდებოდა – ცხრა თაობა იცხოვრებდა იმ ერთ ნახტომში.

ასეთი ფრენით ტკბობა წარმოუდგენელია. ჯერ მხოლოდ იმ განცდით ვტკბებოდი, რაც აფრენისას

განვიცადე, შემდეგ უკვე ტრიციკლზე აღარ ვიჯექი, არც სხეულის განგაშს ვუსმენდი. ეს ფრენა მარადიული მეჩვენებოდა. ტრიციკლი თითქოს ბალისტიკური რაკეტა იყო, რომელმაც თავის ფუნქცია შეასრულა და ხომალდს ჩაეხსნა.

საჭეს ხელი გავუშვი – მისი დამორჩილების აუცილებლობა აღარ არსებობდა. წინა ბორბალი მოშიშვლებული ხისკენ მიფრინავდა. წინააღმდეგობის განევაზე უარი ვთქვი და Wingsuit-ის პილოტივით გავფრინდი ფერადი ტყისკენ. იმ აზრმა, რომ ხეს თავით მივეხლებოდი, მსუბუქად გამიარა გონებაში – თითქოს, სპონტანური ფლირტი იყო. მეც ასე მსუბუქად გავიარე შიშველი ხის მოჩვენებით სიმყარეში; გონებაში რომ გამიარა, ანდა ნემსის ყუნწში გატარებული ძაფივით გავიარე და მეორე მხარეს გამოვფრინდი, სადაც ფერად-ფერადი ფოთლები გაფანტა დაცემისგან წარმოქმნილმა ჰერის ნაკადმა. ისე ავდექი თითქოს ყველაფერი წინასწარ იყო დაგეგმილი. როგორც წყალში კენჭი, ისე გავიარე ხეში, რომელიც წამოდგომისას ჰირველი მოხვდა ხედვის არეალში. მერე მეორეს გამოვეცხადე და საკუთარ სხეულში მოვიჰციე, რადგან ჩემზე მსხვილი არ იყო. ფოთლები დანის წვერივით ატანდა ჩემში და საპირისპირო მხარეს გადიოდა.

დრონი ზევიდან დამზუზუნებდა, მაგრამ კამერა ვერაფერს დააფიქსირებდა, მხოლოდ ტყე გადაიღო, თავის მინორული ფერთა შეხამებით. ერთადერთი რაც მაფერხებდა ის იყო, რომ სხეული მაინც რეაგირებდა, როცა მორიგ ხეს ვუახლოვდებოდი; გაკონტროლება მინევდა, რომ არ შემცბარიყო და მოძრაობა არ შეეფერხებინა.

აღტაცებას თანდათან შევეჩივე. იმ ტყეში თავს ისე ვგრძნობდი, როგორც საყვარელი ქალის კლანჭებში გაყუჩებული მამრი. ნელ-ნელა ტრიციკლისკენ წავედი და, როგორც ვვარაუდობდი დაზიანება არ ჰქონდა, თუმცა არც იმ გამელოტებულ ხეში გაუვლია, რომელსაც მიასკდა. ტრიციკლს მოვახტი და ჰიპერრეალურ ტყეში დაბალი სიჩქარით შევედი. ექსპერიმენტის ცდუნებას ვერ გავუძელი: ხელი გავიშვირე, რომ ხეებს თითებით შევხებოდა. არ მგონია არსებობდეს მეცნიერება, რომელიც ამ ფენომენის განმარტებას შეძლებდა. ყოველ შემთხვევაში, ასეთი ცოდნა მე არ მაქვს და უბრალოდ გული მიგრძნობდა, რაკი ტრიციკლმა ხეში ვერ გაიარა, ვერც მე შევძლებდი ამას, სანამ მასზე ვიყავი ამხედრებული. ვფიქრობ, გამიმართლა, რომ საჭეს ხელი გავუშვი, რადგან ასეთ შედეგს ვერ წარმოვიდგენდი და წინასწარ არ განმიზრახავს.

ტყე გავიარე და საღამოსკენ თბილისში დავბრუნდი. ცხადია, ამ ამბავს თუ ვინმეს მოვუყებოდი, ნებისმიერი გიუად ჩამთვლიდა და მისი დაწერა გადავწყვეტე; ახლა არავინ იფიქრებს, რომ ეს ამბავი მეტაფორაზე მეტია, რომელიც კონკრეტულ მეტაფიზიკურ ფენომენს აღწერს.

მიორბი ჩერემეზია



* * *

დახურე წყეული პალატის კარები,
ძინავსთქო – უთხარი ნემსიან ექიმებს.
გიუ ვარ. ხომ ხედავ, ჩემს ციფერ თვალებში
სისხლიან სიმებს და მოშავო წერტილებს?

შემხსენი უკიდან შეკრული ხალათი,
ნამო რა, უბრალოდ ფანჯრიდან გადავხტეთ.
შენ არ გაქვს თოვლივით მოთეთრო ბარათი?
მე მაქვს და ორივეს გვეყოფა. დალამდეს

– იქნება წყეული ეს შუქიც გამორთონ,
ვერ ვიტან სინათლეს. (თავადაც ვერ მიტანს)
გახსოვდეს არასდროს, არასდროს არ მოგთხოვ
გიყვარდე. რა გინდა ჩემნაირ შეშლილთან?!

ბავში ხარ, იმდენად სუფთა და პატარა
თავადაც ვერ ვხვდები, რით დაგიმსახურე.
– გიყვარვარ?
– მიყვარხარ... მიყვარხარ... აბა რა...
– მაშინ გთხოვ პალატის კარები დახურე...

* * *

ხომ იცი მიყვარხარ რარიგად
და მაინც რომ უნდა წავიდე,
ნურაფერს გამატან, არ მინდა,
უბრალოდ შენ უნდა დამპირდე,

რომ ნახავ ისეთ კაცს, ვინც არ წერს,
არ სვამს და არც ტკივილს მოგიტანს.
ვინც ადგილს პოულობს მინაზე
და თავსაც არასდროს მოიკლავს.

აბა მე, შენ რაში გარგივარ?
ან რაში გარგია ლექსები?
უბრალო პოეტი კაცი ვარ,
სხვა საქმეს ვერაფრით ვერგები.

ზეციდან ჩამოყრილ ბარათებს
ვკითხულობ, წერია – „ამოდი“.
დავითვლი ერთხელაც სამამდე
და მერე შუაზე გაპობილ

გულს მივცემ უფლებას გაჩერდეს
(ახია შენზე, რომ ჩემთან ხარ).
მე ტყვიას ვაგემებ საფეთქლებს
და მინას იმ სისხლით შევლახავ,

რომელიც დედდება წლებია
და დღემდე კვლავ რომ არ შედედდა.
მივდივარ, სადაც არც გზებია
და აღარც ტაძრები შენდება.

გამიგე, ვიცი, რომ რთული ვარ,
დღითიდლე ათმაგად ვრთულდები.
მე მხოლოდ დედასთან ვტყუივარ,
როდესაც სახლში არ ვბრუნდები.

შენთან კი იმასაც არ ვმალავ,
რომ დამრჩა ორი თუ სამი დღე.
მიყვარხარ და მაინც პატარავ,
ხომ იცი, რომ უნდა წავიდე.

* * *

...როცა ღამეა და ვარსკვლავები
ციდან ფანტელივით ეშვებიან.
მაშინ წიგნს გადაშლი დანანებით
და ზედ წანერილი „ჩერქეზია“
თითქოს იმედით და გრძნობით გავსებს,
გინდა ოცნებად რომ ჩამიფიქრო,
მე კი ვეძალები ამ დროს სასმელს,
ვცდილობ ასე მაინც დაგივიწყო.

როცა თენდება და არ გიხდები
(ანუ არ მოვდივარ არც ამ დილით).
განა მთვრალი ვარ და მავიწყდები?
მე შენს სახლთან ვდგავარ პოეტივით.
ლექსებს გიკითხავ და კენჭებს ვესვრი,
შენი სახლის ფანჯრებს, ფარდებიანს.
მაგრამ შენ არ გესმის ჩემი ლექსი,
მხოლოდ მეზობლებს და ბრაზდებიან.

* * *

ახლა ღამეც კი შენს თვალებზე უფრო ფერადი
არის და ლმერთმა გაპატიოს სულის დაცემა.
შენ ხომ უბრალოდ ხორცი ხარ და ხარ ერთჯერადი,
აგიყოლიეს მანანნალა, ლოთმა კაცებმა.

პოეტი ვარო გაჰყირი და ფრენას ინდომებ,
სხეულს გიმშვენებს მანტია და თავს დიადემა.
სასახლე, სადაც ახლა ცხოვრობ, გამოიგონე,
რადგან უბრალოდ გარეთ გსურდა ლამის გათევა.

ლაპარაკობენ შენზე... თუმცა რა აქვთ სათქმელი,
ვადაგასული ხორცისაგან შექმნილ კაცუნებს?
მათ არ იციან, რომ ტკივილებს შველი სასმელით,
და რომ შენ, მთვრალმა, პოეზიის ზღვა გადაცურე.

სიყვარულს მხოლოდ იმ ერთადერთს თუ უზიარებ,
რომელიც შენთან ახლოა და შორია თანაც.
სული გტკივა და მონატრებულ სახელს ღრიალებ,
თუმც შენს თვალებშიც ნათლად მოსჩანს სახელი
„ანა“ ...

* * *

შენ არ უხდები შენი ქმრის სახლს, არც ეგ საწოლი უხდება, რადგან იმხელაა, სივრცეებს იტევს. შენ გადაიჭრი ალბათ ვენებს ასჯერ გაზომვის გარეშე, მაგრამ კვლავ ვერ დასძლევ პოეტზე ფიქრებს.

შენ არ გიხდება მეამბოხე ქალის იმიჯი, მე მომისმინე და გასწავლი რაც შენ გიხდება. ჩემს ოცნებებში ერთად ვცხოვრობთ, ვკმარობთ თივის ზეინს, შენ ოცნებებში ქმარი გიკვდება.

შენ ყოველ ლამით წითელ კაბას იცვამ და წვები, ისევ იმ დიდ და სივრცეებით სავსე ლოგინში. ოცნებობ, თუმცა აზრი არაქვს – თავადაც ხვდები, რომ რამდენჯარაც ქმარი გსურდა, კვლავ მე მოგიკვდი.

* * *

შენ ყოველ ლამე მღალატობ ჩემთან, რადგან მე მხედავ ყველა სხეულში. და დილით, როცა სარკის წინ დგეხარ ხვდები შეცდომებს, რაც კი დაუშვი.

ტირიხარ, ნანანობ და ვერც იაზრებ, რომ ვენებს ნემსით არ უნდა რყვნიდე. დგახარ შიშველი სხვის აივანზე, არადა ახლა აქ უნდა იდგე,

ჩემი ოთახის ნათელ კუთხეში. ქარი გინევდეს მორცხვად დალალებს, მაგრამ შენ ეხლა ვიღაც უხეში კაცის სახლში ხარ და გიკანკალებს

მთელი სხეული, რადგან შენც ხვდები, რომ მე ვერასდროს მიპოვნი სხვაში. შენ ყოველ ლამე სხვის სახლში წვები, მე ყოველ ლამე მარტო ვარ სახლში.

* * *

შენ შეგიძლია, ოცნებები მიქციო ცხადად, რაის გაფრენა? მე უშენოდ სუნთქვაც კი მიჭირს. ჩემი გულია, მოუფრთხილდი, მკერდით რომ დაგაქვს, წერას ვინ ჩივის? არსებობის დავკარგე ნიჭი.

ფერდაკარგული დღებია თებერვალივით და ჩემს ლექსებსაც ტკივილები ფიფქებად ათოვს. შენი ტუჩები, ვერდაპყრობილ მთის მწვერვალივით, მიზიდავს, მაგრამ ვეღარასდროს დავიპყრობ (ვატყობ).

შენი თვალები ცაზე მეტად მუქია უფრო, ალბათ, ღმერთებმა დაგამჩნიეს ხალი ლოყაზე. როცა იღიმი ტკივილები მირჩება თითქოს და მხოლოდ მაშინ აღარ ვფიქრობ თავის მოკვლაზე.



სერგო ლომაძე

გრანელი –
გენიალური
ქართველი პოეტი

ტერენტი გრანელის შესახებ დღესაც არ წყდება კამათი. რაც მას ეხება, თითქმის ყველაფერი საკამათო გახდა, ვთქვათ – დაბადების თარიღიც კი. ზოგთა ცნობით, გრანელი 1897 წლის 3 ივნისს (ან – 25 ნოემბერს) დაიბადა წალენჯიხაში, რომელიც მაშინ სოფელი იყო, ახლა კი ქალაქადაც მოიხსენიებენ ხოლმე... მაგრამ სხვანი ამბობენ, რომ გრანელი 1901 წელს დაიბადა... შედარებით უფრო მყარად იციან მისი გარდაცვალების თარიღი – 1934 წლის 10 ოქტომბერი, ადგილი – მთავარქალაქი თბილისი, „არამინცის“ სააგადმყოფო...

ტერენტი სამსონის ძე კვირკველია, რომელმაც პოეტურ ფსევდონიმად „გრანელი“ აირჩია, და ეს ფსევდონიმი მას ძალიან მოუხდა, დარჩა ისტორიაში, როგორც პოეტი ტერენტი გრანელი, ერთ-ერთი ყველაზე უფრო ტრაგიკული პიროვნებაა კაცობრიობის მთელი ისტორიის განმავლობაში. იგი ხუთი წლისა დაობლდა, მამა სამსონი და დედინაცვალი – დარია მებონია-კვირკველია ზრდიდნენ. მშობლებს გრანელის დებიც – მაშოც და ზოზიაც ეხმარებოდნენ პატარა ტერენტის აღზრდაში. ბავშვს ყველა ესენი უყვარდა, მაგრამ მაინც, ობოლს, ძალიან მგრძნობიარეს, გაუჩნდა, თავიდანვე, მელანქოლი-ისკენ მიდრეკილება. ამ მიდრეკილებას, მისი სრული სიცოცხლის განმავლობაში, აძლიერებდა ცხოვრება, მთელი თავისი მუხანათობით. ტერენტის ობლობას მალე ის დაემატა, რომ ოჯახს სახლი დაეწვა, რის გამოც, ისედაც დარიბი კვირკველიები, საშინელ სიდუხჭირები ჩავარდნენ. ერთი კი არის, – გრანელი დადიოდა სკოლაში, სადაც ყველაფრით გამოირჩეოდა, ხოლო ეს ახარებდა. ამ უნიჭიერეს ბავშვს ჰქონდა საოცარი მიდრეკილება წიგნებისაკენ, საერთოდ – განათლებისაკენ, და მას „მოსწავლეთა მეფეს“ ეძახდნენ. იგი წალენჯიხის სკოლაში სწავლობდა. გრანელს უყვარდა ეს სოფელი. რაც შეეხება მისი განათლების სისრულეს, ამაში იაკობ შანავას მიუძღვის დიდი წვლილი, რომლის ბიბლიოთეკაში გრანელმა უამრავი საინტერესო წიგნი მოიძია და წაიკითხა. ტერენტის უყვარდა იაკობთან საუბარი. ამ იაკობს, ზოგნი, თვით დიდ იაკობს – გოგებაშვილს ადარებდნენ.

1918 წელს გრანელი თბილისში გამოჩნდა. ის, აქ, ჯერ დებთან ერთად ჩამოვიდა, თუმცა მერე მარტო ცხოვრობდა. პოეტი, დებს, მთელი სიცოცხლის განმავლობაში, საოცრად აფასებდა. მაში საკამაოდ მკაცრი და მზრუნველი იყო, ზოზია – ლამაზი და ხალისიანი. ორივე იყო სიმპათიუ-

რი, თბილი, მოსიყვარულე ადამიანი, თუმცა ზო-ზია მაინც გაცილებით უფრო გახსნილი გახლდათ ურთიერთობებში და მისი გენიალური ძმის შესახებ საუბარი განსაკუთრებით უყვარდა.

გრანელმა, თბილისში, არაერთი სამუშაო გა-მოიცვალა, პოლიტიკასაც კი მოკიდა ხელი, მა-გრამ, საბოლოოდ, გული ვერაფერს დაუდო, დარჩა უსახსროდ. იგი, ადრე – მეგობართა მოყვარული, მარტობას მიეჩვია და ღრმა მელანქოლიას მიე-ცა, საბოლოოდ – სულიერად დაავადდა... თუმცა, იქამდე, ჯერ დროა გასავლელი, დროის მანძილი. ჯერ, ვთქვათ, 1918 წელია, გრანელი თბილის-ში ახალჩამოსულია, ჯერაც იმედებით სავსეა, და ხვდება, ის, ორ ფილოსოფოს-ფილოლოგს: შალვა ნუცუბიძეს და სიმონ ყაუხჩიშვილს. პოეტი და-დის ნუცუბიძის ლექციებზე, სხვა პროფესორების ლექციებზეც, და, გარკვეულ ხანს, ცოდნას იღებს უნივერსიტეტისგან.

1918 წელს, ნაციონალ-ფედერალისტების გაზეთ „სახალხო საქმეში“, ყაუხჩიშვილმა დაუბეჭ-და, პოეტს, ლექსი. გრანელი, პირველად, ოფი-ციალურად, ასე გამოჩნდა პოეზიაში.

1920 წელს, გობრონ აგარელთან ერთად, გრანელმა გამოსცა პატარა წიგნი – „პანაშვიდები“, ხოლო 1921 წელს, გრანელმა, ასევე პატარა წიგნი – „სამგლოვიარო ხაზები“ გამოსცა. ამ პოეტური წიგნაკებით, მან, გარკვეული აღიარება მოიპოვა, ხოლო გობრონ აგარელთან, გიონ საგანელთან და ზოგ სხვა პოეტთან ერთად, თავისი საძმოც შეა-კონინა.

მაშ ასე, – არის ათიანი და ოციანი წლები, – ბობქარი დრო ქართული პოეზიისა. 1915 წელს გარდაიცვალნენ დიდი ეპიკოსები – აკაკი და ვაჟა. მათ, რა თქმა უნდა, ლირიკაშიც ჰქონდათ ნარმატე-ბები... აი, უდიდესი ქართული პოეტური ეპოსები:

1. „ვეფხისტყაოსანი“.
2. „განდეგილი“.
- 3-4. „ალუდა ქეთელაური“.
- 3-4. „სტუმარ-მასპინძელი“.
- 5-6. „გამზრდელი“.
- 5-6. „გველისმჭამელი“.
7. „თორნიკე ერისთავი“.

როგორც ხედავთ, ჩემს ერთ-ერთ რეიტ-ინგ-ლისტში ვაჟას სამი პოემა შევიდა, ხოლო სიარომ, ვთქვათ, ოცამდე გამეზარდა, იქ კიდევ არ-აერთი ვაჟასეული ქმნილება მოხვდებოდა, მაგ-ალითად – „ბახტრიონი“, „ნანგრევთა შორის“ და ზოგი სხვაც. ვაჟა ბევრ რამეს ჩანვდა, უპირველე-სად კი – რუსთველურ აზროვნებას: პოეტურს, ფი-ლოსოფიურს, სიმბოლურს და ასე შემდეგ. გენიოსი რუსთველი უზარმაზარი გრძნობა-გონების კაცი იყო, რომელმაც მისი უსასრულოდ პოეტური ტე-ქსტი აავსო ქვეტექსტებით, მინიშნებებით, სიმბო-ლოებით... მარტო ცრემლის სიმბოლო რად ღირს... და ლომი – სახება ტარიელის... ლომი – მეფო-

ბის, იმპერატორობის, თვით ღმერთობის სიმბო-ლო, ბრძოლა-ომის, შეუპოვრობის, ძალაუფლების, უდიადესობის სიმბოლო, უამრავი სხვა რამის დამ-ტევი სიმბოლო... და ვეფხვი (ასევე – რომელიმე სხვა ძლიერი მხეცი კატისებრთა ოჯახისა) – სახე-ბა ნესტანის... ტარიელი, რომელიც ვეფხვის ტყავს ატარებს, ანუ – მარადნესტანით, ანუ – მარადსი-ყვარულით შემოსილი ტარიელი... მარადსიყვარ-ულით აღსავსე ადამიანი, ეს ხომ – ღმერთკაცია, ღმერთია... ძმობის სიმბოლო-სამეული: ტარიელი, ავთანდილი, ფრიდონი... შევეშვათ ამ თემებს, თო-რემ უსასრულობაში დავიკარგებით... ვაჟა, ალბათ, ყველაზე უკეთ ჩანვდა რუსთველურ აზროვნებას. მისი გენიალური შემოქმედება არის ნამსხვრევები „ვეფხისტყაოსნისა“, და მაინც – ვაჟა სრულიად და-მოუკიდებელი პოეტია, თავისუფალი პოეტია, გენი-ოსია... სიაში, დიახ, აკაკის პოემებიც არის... ხოდა ერთ წელიწადს, ერთმანეთის მიყოლებით წავიდნენ ქართული პოეზიის ეს ჩემპიონები, მეფეები, – აკა-კი და ვაჟა. მათზე ადრე ტახტი სხვებს ეკავათ: რუსთველს, გურამიშვილს, ბარათაშვილს, ილიას. კიდევ სხვებსაც ამატებენ ხოლმე ამ ჩამონათვალს (მაგალითად – ბესიკს – მეთვრამეტე საუკუნიდან, სხვებსაც – სხვადასხვა დროთაგან).

აკაკის და ვაჟას წასვლამ დააობლა ქართული პოეზია. დაინტყო ძეპნა ახალი ლიდერისა, ახალი მე-ფისა. არ დაახანა გალაკტიონმა და ათიან წლებშივე გამოაცხადა თავი პოეზიის მეფედ. ასევე მოიცე-ნენ პაოლო და ტიციანი, თუმცა, მერე და მერე, პაოლომ ტიციანზე გააკეთა აქცენტი, ასე ვთქვათ, მთელი ფსონი მასზე დადო. რაც შეეხება თვითონ ტიციანს, ის ხან უმეფობის ხანაზე საუბრობდა, ხან კი გულწრფელად ეთანხმებოდა პაოლოს. მაშ ასე, – ოციანი წლების დასაწყისისთვის, მთავარ მეტოქეებად, ორი ტაბიძე გამოიკვეთა. ამას არ იზ-იარებდნენ ასაკით უფროსი პოეტები, – შანშიაშ-ვილი, გრიშაშვილი, აბაშელი და სხვები. აბაშელის კერპი ნოე ჩხიკვაძე იყო, რომელიც, გარკვეულმა ძალებმა, მალევე დალუპეს...

1921 წელს შედგა პოეზიის მეფის არჩევნები. რომელსაც, ბევრმა, ბოიკოტი გამოუცხადა, მათ შორის – ცისფერყანწელებმაც, რომელთაც თავი-ანთი ლიდერები ჰყავდათ. საბოლოოდ, უფრო, სამი პოეტის კანდიდატურა გამოიკვეთა, – გალაკტიო-ნის, გრიშაშვილის, შანშიაშვილის. გალაკტიონს მხარი დაუჭირა ქუჩიშვილ-იმედაშვილ-ეკალაძის ჯგუფმა, ჩიქოვანმაც, სხვებმაც მისი პოზიცია გაამავრეს, მაგრამ მყარი გამარჯვება სახეზე ეგებ მაინც არ ყოფილიყო, საქმეში რომ გრანელი და მისი ჯგუფი არ ჩარეულიყო. მათ გალაკტიონს დაუჭირეს მხარი. კენჭისყრაში (ბიულეტენების შევსებაში) საერთოდ, ცოტამ მიიღო მონაწილეობა, მაგრამ კამათში, დისკუსიებში, სხვებიც ჩაერივნენ. საბოლოო ჯამში გამარჯვებული გალაკტიონი დარ-ჩა. საერთოდ, უამრავი ლექსი და პოემა დაწერა

გალაკტიონმა, იმ დღეს კი სულ რამდენიმე ლექსი წაიკითხა. ამბობენ, რომ ერთ-ერთი ამ ლექსთაგანი გახლდათ „ეფემერა“, რომლის პირველი ვარიანტი უკვე მაშინ შექმნილი ჰქონდაო პოეტი...

საბოლოოდ, გალაკტიონმა და გრანელმა, ვერცერთ პოეტურ დაჯგუფებაში მოიკიდეს ფეხი. მათ, ეს, ეგებ არც სურდათ, ეგებ არც სჭირდებოდათ. მიუხედავად ამისა, ზოგ დაჯგუფებებთან მაინც ჰქონდათ ახლო ურთიერთობა, თუმცა საქმე ვერ დაალაგეს მათ შორის ყველაზე ძლიერთან – ყანწელებთან. ეს ცამეტყაციანი დაჯგუფება (იაშვილი, ტიციან ტაბიძე, გაფრინდაშვილი, ცირეკიძე, რობაქიძე, კარმელი, ნადირაძე, მინიშვილი, ლეონიძე, სერგო კლდიაშვილი, აფხაძე, გვეტაძე, ჯაფარიძე, ხანდახან არსენიშვილს, ჭიჭინაძეს, სხვებსაც მოიხსენიებენ ხოლმე მათ რიგებში), რომელიც, მაშინ, პირველობდა დაჯგუფებებს შორის, ალმაცერად უყურებდა გალაკტიონსა და გრანელს, რადგან ეს ორი გენიოსი უშლიდა ხელს იმას, რომ მაშინდელი დრო ყანწელთა დროდ დარჩენილიყო. საბოლოო ჯამში, ის, ალბათ, გალას, გრანელის და ყანწელის დრო იყო მაინც, – ერთად შექმნეს ეპოქა ამ მეტოქებმა. ყანწელები ვერ იმეტებდნენ გალას, – ტიციანთან ნათესავობის გამო, ხოლო გრანელთან ჰქონდათ სერიოზული შეხლა-შემოხლა, თუმცა ეს ყოველივე მათი შერიგებით დასრულდა.

1921 წელს თქვა გრანელმა, – გალაკტიონს დავუთმე მეფის გვირგვინიო. ეს მერც არაერთხელ თქვა, თუმცა, როცა, 1924 წელს, ტერენტიმ, თავისი ლეგენდარული წიგნი – „მემერტო მორი“ გამოაქვეყნა, გრანელსა და გალაკტიონს შორის, გალაკტიონსა და გრანელს შორის, უმძიმესი მეტოქეობა დამკვიდრდა, ალბათ – საუკუნის პოეტური მეტოქეობა (თუმცა ასეთი მეცხრამეტე საუკუნეშიც იყო – ილიასა და აკაკის შორის. მერე, ამათ, ვაჟა შეემატათ. ხოლო გალაკტიონს და გრანელს თავიდანვე არ ასვენებდნენ ყანწელები... საერთოდ, მეცხრამეტე-მეოცე საუკუნეები ერთნაირად საინტერესოა, ძალიან საინტერესო... ძალიან საინტერესო ოცდამერთე საუკუნეც)... გრანელმაც მეფედ გამოაცხადა თავი და, ასე, 1927 წლამდე, გალასთან ერთად, იგი იყო ერთ-ერთი ლიდერი პოეტური სივრცის. კონკრეტულად პოეტურ პაექრობებშიც ისინი უძლეველი იყვნენ. ლექსებით შეჯიბრებებში ყველას ამარცხებდნენ. მხოლოდ რომელიმე ყანწელი თუ მიაღწევდა მათთან იშვიათ ყაიმს, ხოლო ერთმანეთს შორის, გალა და გრანელი, მეგობრულ ყაიმებს სჯერდებოდნენ. სხვას ყველას ამარცხებდა ეს ორი, ყანწელებიდან დაწყებული, ფუტურისტებით დასრულებული, ხოლო პროლეტარული მწერლები ხომ, მათთან, საერთოდ, ახლოსაც ვერ მივიღოდნენ... თუმცა ახალი რეჟიმი – წითელი რეჟიმი სწორედ რომ პროლეტმწერლებს (პოეზია, პროზა) უჭერდა მხარს. კრიტიკოსებიც ამათ წაახმარეს. ბესო ჟღერტი და



ტერენტი გრანელი და გალაკტიონ ტაბიძე

სხვანი და სხვანი თავს ესხმოდნენ ახალმოწესეთა მოწინააღმდეგებს (თუმცა, ბესო, არც პროლეტ-მწერლებს ინდიობდა). პოლიტიკოსებმა თითქმის ყველა გატეხეს სულიერად, და დაიმონეს, ხოლო რომელიც ვერ გატეხეს, ისინი მოსპეს ან გააძევეს. გალაკტიონმა დაკარგა ყველაფრის ხალისი. იგი, ოცდაათიანი წლებიდან, ასე ვთქვათ, „პროფესიონალ ლოთად“ ჩამოყალიბდა. ისედაც უყვარდა სმა, ხოლო ახლა უკვე ხსნას პოულობდა ალკოჰოლში, არასიფხიზლეში. ოციანი წლების ბოლოს, უფრო კი – ოცდაათიანი წლებში დაიწყო მისი დაცემა, თუმცა, არაერთხელ, გალა მაინც გამოანათებდა ხოლმე, და აფრთხობდა მოშურნებს. მას, ისევე, როგორც გრანელს, სიცოცხლის ბოლომდე შეეძლო შედევრების შექმნა, თუმცა, ორივემ, ძველებური პოეტური შემართება მაინც დაკარგეს. მიუხედავად ამისა, გალამ მოასწრო და 1927 წელს გამოსცა წიგნი-შედევრი: „ზარნიშიანი წიგნი“ (ხშირად სწორედ ასე მოიხსენიებენ ამ პოეტურ ნაშრომს)... აქვე შემოგთავაზებთ ხუთი საუკეთესო ლირიკული წიგნის რეიტინგ-ლისტს, – ესეც ჩემი ერთ-ერთი სია გახლავთ:

1. ბარათაშვილის ის კრებული, რომელშიაც ქმნილებები არაა დალაგებული ქრონოლოგის მიხედვით. (თუმცა ასეთი კრებულებს სხვადასხვაგვარად ადგენენ სხვადასხვა ადამიანები. გამომცემლობები მაინც ცდილობენ, რომ უპირატესობა ქრონოლოგიურ კრებულებს მიანიჭონ, რაც, ამ პოეტთან მიმართებაში, წამგებიანია. თანაც, ბოლო-ბოლო, არაქრონოლოგიური თანმიმდევრობის დროსაც ხომ შეიძლება, რომ ქმნილებათა ბოლოებში დაფიქსირდეს მათი შექმნის თარიღები).

2-3. „ზარნიშიანი წიგნი“.

2-3. „არტისტული ყვავილები“.

4-5. „მემენტო მორი“ – ოთხმოცდაათიანი

ნლების გამოშვება ანუ – განვრცობილი ვერსია.

4-5. „მემენტო მორი“ – 1924 წლისა.

ტერენტი გრანელზე ძალიან დიდი იყო ზენოლა რეჟიმის მიერ. გაღა ხომ გაალოთეს, ყანწელთა ლიდერები ხომ დაღუპეს, ხოლო გრანელი, რომელმაც არ უღალატა თავის პოეტურ ხაზს, ფსიქიკურად შეარყიეს. ამბობენ, რომ, ოციან ნლებში, მას, ნელ-ნელა განუვითარდა ფსიქოლოგიური პრობლემები, და ბოლოს, ამან, მძიმე ხასიათი მიიღო. გრანელმა საერთოდ დაკარგა ხალისი, შემართება. 1926 წელს გამოდის მისი ლექსების ბოლო წიგნი, ხოლო როცა, 1927 წელს, გალაკტიონის წიგნი გამოვიდა, გრანელს ალარც შეეძლო და ალარც საშუალება ჰქონდა, რომ ამ წიგნისთვის პასუხი გაეცა. ის, ფაქტიურად, უკვე ჩამოშორებული იყო პოეტურ სივრცეს. მაინც ბოლომდე წერდა. ზოგი თვლის, რომ გრანელს, ბარათაშვილის მსგავსად, ყველა პოეტური ნაწერი დიდებული აქვს, რომ ის სუსტად არასდროს წერდა. ზოგი ასევე თვლის, რომ ამ ორ პოეტს, ისევე, როგორც, ვთქვათ, გალაკტიონს და ფიროსმანს, სიცოცხლის გარკვეულ ეტაპზე განუვითარდათ შავი მელანქოლია, – სულიერი ავადმყოფობა, რომელიც შეიძლება სხვადასხვაგვარად გამოვლინდეს. ეს ავადმყოფობა ანადგურებს სულს (სხეულსაც). იგი იშვიათად იკურნება. მელანქოლიის ეს ფორმა გამოწვეულია მძიმე ცხოვრებისაგან. დიახ, გრანელს მძიმე ცხოვრება ჰქონდა, უმძიმესი ცხოვრება. ადამიანებმა „იზრუნეს“ იმისათვისა, რომ მას პრობლემები კი არ მოკლებოდა, არამედ – მომატებოდა. ყველამ ერთად დაღუპა გრანელი...

საქართველოს უდიადესი მეფე დავით ალმაშენებელი იყო, – საოცარი ქართველი, რომელმაც საუკუნებს დახედა ზემოდან. სხვათა შორის, ის მრავალმხრივი ადამიანი გახლდათ, მაგალითად, – პოეზიასაც დაატყო ხელი, როცა შექმნა დიდებული „გალობანი სინაულისანი“, – ეს თავისებური პიმნოგრაფიული ნიმუში, და რუსთველამდელ პოეტურ მარგალიტებს მანაც შემატა ეში. წერდა, ჰქონიას, გრიგოლ ხანძთელიც, სხვანიც და სხვანიც.

მერე გამოჩნდა მართლაც რომ უდიადესი მეფე – ქართველი გენიოსი შოთა რუსთაველი, რომელმაც ყველა დაწრდილა და პოეზიაში ახალი ეპოქა მან დაიწყო – როგორც საქართველოში, ასევე მსოფლიოში. რუსთველი უბირველესი ქართველია, ხოლო მისი სიდიდე, უდიადესობა, არის განუზომელი, არასდროს მბეჭრდება რუსთველის ქება. მას სხვა პოეტები მოყვნენ. გრანელი იყო ერთ-ერთი ბოლო გენიოსი სულ ახალი დროის პოეზიამდე, იმ პოეზიამდე, იმ ხელოვნებამდე, რომელიც ოთხმოცდაათიან ნლებში მკვეთრად გამოჩნდა და დღესაც გრძელდება.

მძიმე აღმოჩნდა გრანელის ბედი. ბოლოს, იგი, თითქმის მიივიწყეს. მარტოდმარტო დარჩენილი, დახეტიალობდა თბილისის ქუჩებში ნახევრად-შეშ-

ლილი გენიოსი. შეშლილი-გენიოსის ეს ხატება ძველი თაობის ბევრ წარმომადგენელს სამუდამოდ დაამახსოვრდა და გრანელთან შეხვედრებს ისევე ხშირად იხსენებდნენ, როგორც შეხვედრებს გალაკტიონთან. მათ, ორივეს, თბილისი ყველაზე მეტად უყვარდათ, თბილისი ისე უყვარდათ, როგორც პოეზია, როგორც ქართული ენა, ის ენა, რომელზე-დაც დაწერეს თავიანთი წიგნი-შედევრები, ის ენა, რომელზედაც დაიწერა თვით „ვეფხისტყაოსანი“... ერთი-ორჯერ შეშლილთა სახლშიც მოათავსეს გრანელი, თუმცა იგი გაიქცა იქიდან და ისევ მოედო თავისი საყვარელი თბილისის ქუჩებს, თბილისის ბაღებს, უყვარდა შეხეტება ეკლესია-მონასტრებშიც... ერთხელაც, იგი, ქუჩაში იპოვეს, ეძინა, მკვდარივით ეძინა. საავადმყოფოში გადაიყვანეს. იქ სიმპათიურმა, პოეზიის მოყვარულმა მედდამ იცნო. გრანელმა მას რამდენიმე ლექსი წაუკითხა, რითიც ძალიან გაახარა ქალი. მერე ისევ ჩაეძინა გრანელს, ამჯერად – სამუდამოდ. იგი აღარ დაბრუნებულა სიზმართა მხარიდან, ირეალობიდან... გრანელი მარადისობაში წავიდა სამოგზაუროდ... მახსენდება ვან-გოგის სიკვდილი. ის, მძიმედ დაჭრილი, მისმა ძმამ მოინახულა. ვინსენტს საოცრად უყვარდა უმცროსი ძმა. ისინი მარტო დარჩენილია მთაბში, რომელსაც საათის წიკნიკი ავსებდა. ძმა ყველაფერს დაპირდა ვინსენტს, ოღონდაც გენიოსი-მხატვარი არ მოკვდარიყო. ვინსენტი მშვიდად ინვა სანოლზე, ისმენდა ძმის სიტყვებს და მკრთალად ილიმოდა. მერე ეს უთხრა, ძმას, მხატვარმა: „რა კარგია, რომ ერთად ვართ, აი, ზუსტად ისე, როგორც – ჩვენს ბავშვობაში“... შემდეგ ჩაეძინა ვინსენტს და აღარ გაუღვიძია... გარდაცვალების შემდეგ, ვან-გოგი, გენიოსად აღიარა ყველამ. მან, მისმა ხელოვნებამ, შეცვალა სამყარო. გენიოსები ხომ სამყაროს ცვლიან. ვინსენტის შესახებ დაიწერა სიმღერა, რომელიც ასევე ყველამ აღიარა...“

გარდაიცვალა გრანელი, მაგრამ მან მაინც გაიმარჯვა, – გავიდა წლები, იგი აღიარეს, გრანელმა შეცვალა სამყარო თავისი ცხოვრებით, თავისი დიდი პოეზით...

ბევრი სხვა პოეტის მსგავსად, გალას და გრანელს მთები უყვარდათ, განსაკუთრებით – მთაწმინდა, – თბილისის ყველაზე უფრო ლეგენდარული მთა, რომლის გალეგენდებას ჯერ კიდევ ბარათაშვილმა ჩაუყარა საფუძველი თავისი დაუვიწყარი ლექსით. ხოდა ამ სამი სუპერლინიკოსიდან ორი სწორედ რომ მთაწმინდაზეა დასაფლავებული, გრანელს კი არც ამაში აღმოჩნდა ბედი, – ჯერ პეტრე-პავლეს სასაფლაოზე დაკრძალეს, მერე დიდუბის პანთეონში გადაასვენეს, თუმცა მთაწმინდის მიწა არა და არ აღირსეს ამ გენიოს-პოეტს. არაერთხელ ველაპარაკე მისტერ ფენომენს – კახა ბაციკაძეს ამის შესახებ, მაინტერესებდა მისი აზრი. კახა საოცრად პოეტურია, რომანტიკულია, იგი ნამდვილი თბილისელია, და

ვერ ნარმოუდგენია მთაწმინდა ბარათაშვილის, გალაკტიონის, გრანელის გარეშე. ასევე ფიქრობს ჩემი მეორე უახლოესი მეგობარიც – გიორგი ზუხბაიაც. ზუხბას აზროვნების გიგანტად, გოლიათად, (ტიტანადაც) მივიჩნევ. მისი პოეტური აზროვნება მართლაც რომ გრანდიოზულია, და რა გასაკვირია, რომ ასეთი ადამიანი ღრმად ჩაწვდეს გრანელის ხელოვნებას. კახას და ზუხბას ჩემსავით აოცებთ ის, რომ ბარათაშვილს და გალაკტიონს დღემდე დაშორებულია გრანელი. ეს ამბავი სხვებსაც აოცებთ. ნიკო ბარათაშვილი, გალაკტიონ ტაბიძე, ტერენტი გრანელი, – ლირიკის ეს მეფეები, პოეზიის ეს ჯადოქრები, ერთად უნდა იყოს იქ – ქართულ გოლგოთაზე, – თბილისის წმინდა მთაზე... იქ არის ილია და აკაკი, იქ არის ვაჟა, იქ მოიაზრება რუსთველი – პოეზიის ეს ღმერთი... რაც შეეხება რუსთველის რეალურ საფლავს, – ღმერთს საფლავი არა სჭირდება... ადამიანი, რომელიც თავიდანვე ღმერთი იყო, საბოლოოდ განდმერთდა... (უსაზღვროა პოეტთა ძალა. რაც შეეხება თვითონ უსაზღვროებას, უამრავნაირად შეიძლება გავიაზროდ ის. ხანდახან ვამბობ: ზღვარელთა მთელს ქმნილებებს, ერთად აღებულს, უსაზღვროება ჰქვია-მეთქი. ზღვარიც, გარკვეული გაგებით, უსაზღვროება არის)...

პირველ აბზაცშივე დავწერე, რომ ოცდაათიან წლებში გარდაიცვალა გრანელი. მისმა მეგობარმა, გალაკტიონმა, რომელსაც ბოლომდე ახსოვდა იგი, ორმოცდაათიან წლებსაც მიაღწია. გალა მოესწრო ყანწელთა „რეაბილიტაციას“, ხოლო ერთ-ერთი მათგანი, – გიორგი ლეონიძე, მწერალთა კავშირის თავმჯდომარეც კი გახდა, – მაშინ, ამ კავშირს, დიდი ძალა ჰქონდა. საქართველოს მეთაური, კავშირის მეთაური და უნივერსიტეტის მეთაური ერთ-ერთ ყველაზე უფრო საპატიო ადამიანებად ითვლებოდნენ საქართველოში. გოგლა ლეონიძე კავშირის მეთაურობამდეც, მას მერეც, სხვადასხვა დაწესებულებას დირექტორობდა. გალაკტიონს და გოგლას დიდად ნამდვილად არ უყვარდათ ერთ-მანეთი, თუმცა ზოგჯერ მაინც უწევდათ ერთ-მანეთის დაცვა. ბოლოს მთაწმინდაზეც ერთად აღმოჩნდნენ, ბარათაშვილის მახლობლად. მანამდე კი, ორმოცდაათიან წლებში, გალაკტიონმა გამოსცა ერთი უსუსტესი პოეტური კრებული თუ რჩეული (ანტიკრებული თუ ანტირჩეული), და დაასრულა დიდი პოემა – „მშვიდობის წიგნი“, – თავისებური, უილბლო მიბაძვა „ვეფხისტყაოსნისა“. „მშვიდობის წიგნს“, მან, მკვეთრი სიუჟეტიც კი ვერ შეურჩია, და, გარკვეული მიგნებების მიუხედავად, ეს პოემა მაინც ჩავარდა. გარკვეული გაგებით, ლექსიც პოემა (მთელი სამყარო პოემაა), და მაინც, როგორც ჩანს, ლექსის დიდოსტატ გალაკტიონს სწორედ პოემაში უნდოდა რუსთველთან ჭიდილი, თუმცა ორმოც-ორმოცდაათიან წლებში გალა ძველებურად ვეღარ ბრწყინვადა. საერთოდ, ზოგი სხვა დიდი პოეტის მსგავსად, გალაც არაერთხელ უბრუნ-

დებოდა მის ნაწერებს, მითუმეტეს, – მის ზოგ ნაწერს, და ამ დამუშავებათა შედეგად, ზოგჯერ იმატებდა ნაწერთა დონე, ზოგჯერ კი – იკლებდა. ამბობენ, რომ ასაკში მყოფი გალაკტიონი თავის ახალ და ახალ წიგნებს უფრო და უფრო უგულოდ, უყურადღოდ ეცეოდათ. მას, ისე, როგორც ახალგაზრდობაში, ახლაც სურდა რაღაცა სრულიად ახალის, სრულიად საოცრების შექმნა, და იმაზე იყო კონცენტრირებული, იმ ლექსებზე, იმ პოემებზე, რომელთაც იგი, ანი, ველარასდროს აზიდავდა. მიუხედავად ამისა, მან ორმოც-ორმოცდაათიან წლებშიც შექმნა არაერთი ლექსი-შედევრი...

ყანწელთაგან, ყველაზე დიდხანს, კოლაუმ იცოცხება. ეს მეამბოხე, ეს უკანასკნელი ცისფერყანწელი, ყველას და ყველაფერს გადაურჩა. იგი ბევრ რამეს მოესწრო. როცა იპოვეს პაოლო იაშვილის აუდიოჩანაწერი, სადაც პაოლოს მტკიცე და მულერი ხმა ასე დასამახსოვრებლად ისმის, – იგი საკუთარ ლექსს კითხულობს, და ეს ჩანაწერი კოლაუს მოასმენინს, მან ხმა ვერ ამოილო, იდგა ასე, გაქვავებული, მერე კი ცრემლები ერთბაშად მოსკადა კოლაუს თვალთაგან... პაოლო, – მისი დიდი ძმა, ბოლომდე დარჩა, კოლაუსთვის, უმთავრეს ავტორიტეტად. საერთოდ, კოლაუ ბოლომდე ყანწელებთან დარჩა, ყანწელად დარჩა... კოლაუ ნადირაძე იყო დიდებული პოეტი, თუმცა გალა და გრანელი არ უყვარდა. ბევრს არ ესმის ეს. არადა, ეს ამბავი უბრალო ასახსნელია, – არც გალაკტიონს ჰქონდა ყანწელებთან მთლად დალაგებული ურთიერთობა, არც – გრანელს. ასე რომ, კოლაუს წყრომა ადრეული წლებიდან იღებდა სათავეს...


დავუბრუნდეთ კონკრეტულად გრანელის თემას. იგი, სიცოცხლეშივე, ათასჯერ მოკვდა. მთელი ცხოვრება გოლგოთაა, მაგრამ მაინც არსებობს აღდგომა... გრანელი გარდაცვალებიდან კარგა ხნის მერე აღიარეს. მისი „პირველი წიგნი“ მხოლოდ სამოციან წლებში გამოვიდა. ამის მერეც იყო ბრძოლა გრანელის აღიარება-არაღიარების საკითხში. ოფიციოზი ყოყმანებდა, ხალხში კი ლეგენდები დადიოდა ქუჩებში, ბალებში, ეკლესია-მონასტრებში, სასაფლაოებზე მოხეტიალე შეშლილი გენიოსის შესახებ, რომელსაც ყოველ წამს შეეძლო შეექმნა ლექსი... ხალხს უყვარდა გრანელი, თუმცა ბევრი აღარაფერი ახსოვდა მის შესახებ... ყინული ნელ-ნელა გალვა, ოფიციოზმაც კი უკან დაიხია, ტერენტი გრანელი უფრო და უფრო წამოვიდა წინა პლაზე, ხოლო ოთხმოცდაათიან ერთაგან ზოგმა იგი გენიოსადაც კი გამოაცხადა. ასეა: გრანელი მართლაც გენიოსი იყო.

ტერენტი გრანელი, დღეს, მის პოეზიაში ცოცხლობს. დიდია, მარადიულია პოეტის სიცოცხლე.

სამყაროა სავსე იმ სტროფებით, რომელნიც გენიოსებმა შექმნეს. დიახ, მათ შეცვალეს სამყარო...

ეძღვნება დავით გურამიშვილის დაბადებიდან
საიუბილეო – 320 წელს

ვითალი კორომიჩი



ლეისი დავით გურამიშვილისადმი

დე, მოხდეს დროზე! დავით, დიდი ხნის წინ წასულო, გაკეთილები შენი ბედის გვასწავლე ცოცხალთ. ჩამოხსენ ცას მზე-ვერ გათბობდა ის წინათ

სულ რომ.

უძლურს, მუნჯს სხივნი დაუპნიე, მსჯავრს დასდებ მოწყვლადს.

რადგან ჭურჭელში რახანია ძმრად გექცა ღვინო, შენს ლექსს და შენც რომ სულ სტუმარი გაკლდათ სალხინდ.

ო, პოეზიავ, უკვდავო, სად სძინავთ შენთ შვილებს? გადაარჩინე, მათ აშორე – ტკივილი, ურვა, სიცარიელე – ყველა ეულს, ბედკრულს – ბედს მდურვა,

ხილვა ციცქაც კი, სახვალიო ზაფრით შეშლილებს. ალირსე – მწყურვალთ ჭიქა წყალი, მშიერთ კი

– პური.

პოეზი – იმედი – გაიგონებს მათ სიტყვებს ყური. დავით, შენს ირგვლივ აბალახდა ორიათასჯერ და მილიარდი გიგალობდა შენ ჰანგებს ჩიტი.

საქართველოდან შორს ხარ! სიკვდილს აჯობე სიტყვით.

უკვდავგყო სიტყვამ, ასო-ბერით ბედის გზა გასჭერ. ხედნე ჯერ კაცთა გაუვლელიც გზასავალი და რის კაცი – შენ ხარ ლექსი – ლამის დასაბამიდან. კვლავ რა ტკივილს გვთხოვ, პოეზიავ... გსურდა რის კვალი.

ფეთქავს მსოფლიო როცა ომის და ხანძრის კვამლით. თვითმკვლელთა ნასროლს შეუერთდა რამდენს მეხის ხმა,

შობილ რამდენ ლექსს მზე კი არა, ლპობა ელირსა. სიყვარული – თუნდ მცირე – ოლონდ ვაჩუქოთ

ცოცხალთ,

სჭირდებათ პოეტ – შეიყვარონ – ცოცხლობენ როცა.

სიჩუმით, ტანჯვით იხშობა ხმა სამუზო ფრენის – გვტკივა დუმილიც, ვით სიყრუე ყრუ ბეთჰოვენის. ხომ მიუსაფარ სკოვოროდას არც ჰქონდა ჭერი. შეშლილ კომიტასს უზყველია მსოფლიო ჭრელი. რომ არ ვეძებოთ საფლავები ფერფლით ნამტვერი,

გვახსოვდეს მარად, პოეტები სად წვანან ჩვენი. ოჟ, დავით, გაქრა ჰუსარობა სამოთხის უამი. შეწყვიტეს მტრებმა სროლა მურით, ბოროტის შხამით. დუმს ბალიც, ვორსკლაც, ალუბლის ხმელ ხეზე კი თეთრი პერანგის ნაგლეჯს, დროშას თითქოს მოკვდაო ღმერთი, პერგამენტივით, სიზმართ საწერ ფურცლად მოგანდობთ. ბრწყინავ დიდებით, დრო ვერ ჩაგთვლის, დავით, ბოგანდ.

უკვე ვერასდროს! მარმარილოც ხარ და გრანიტიც, დაფინის გვირგვინნი, წიგნი უცხოდ გამოცემული... მაგრამ შენს ბედს კვლავ რა ფრინველი მოთქმით განიცდის?

ან რა ცრემლი სდის ცარგვალს წვიმად ჩამოქცეული? იდიდე, დავით! რახანია შენი მაგიდა საცსე ჭიქებით სტუმრებს ხვდება სუფრით თავიდან.

ვასილ სიმონიძე




უპრაინას

სასოწარკვეთილს იმედები რომ გამიქრება და ბოლო ხმაზე იშიშხინებს კოცონზე სტეპის, შენი სახელით სიხარულით გული მითხება და მიზეზია ეგ სახელიც ჩემივე სევდის.

მოიქუფრება შორეული საავდარო ცა და, უნდა წასკდეს რომ ველური მუნჯი ცრემლები, შენი სახელით მე სამყაროს ამ დროს დავლოცავ და ისევ შენი სახელითვე დავიწყევლები.

დასერავს ზეცას ბოროტება როს მახვილებით და მარადიულ შენს მშვენებას მოსპობს დამსხვრევით, მაშინ მე მხოლოდ შენთვის, შენი სახელით – ვკვდები და შენს სახელში ვცოცხლობ ისევ – შენი სახელით!



03ან დრამი

ყოფნა დავით
გურამიშვილად

გურამიშვილად ყოფნა – ეს ნიშნავს ეკალ-ბარდს შენსას ართმევდე ნიშას.

გაუვალ ტევრში გზა გაიკვლიო, სადლეხვალიო ტალღებსაც სძლიო. უფესვომ თავი ვერ იგრძნო სახლში, ასჯერ წაიქცე-წამოდგე ცაში და იკაშკაშო მზის სხივთა დარად:

დავითად მარად!

იყავი დავით გურამიშვილი – გაჩნდეს წყლულები ყველგან მიშლილი. ყოვლისმჭვრეტელი თვალები, მაგრამ ვერც კი დალანდო სამშობლო, გაქრა. რომ წინაპართა საფლავ-საძვალოს ისტორიულ ძილს ვერ ააცალო მუჭა მიწაც, წლებს დარდით დაითვლი: იყავ დავითი!

გურამიშვილად ყოფნა – ნეტავ რა...

იმ დამუნჯებულ თითთა კენეტაა, ხმალზე მჭრელ კალამს რომ ვერ ხმარობდეს. ბუჩქი ქართული არსად ხარობდეს! რომ მშობლიურ, თუნდ უფსკრულში ჩახტე, მნგრეველი სალი კლდის შუბლით გახდე. სძლიო ყველა ზიზღს, შურს, გულისხეთქვას: დავითი გერქვას!

„დავითიანს“ რომ ჰყავდე დავითად – სიტყვაში ბოლო ძალით დაინთქა. ვით ხმლის ქარქაშით, მშობლიურ სიტყვის დაცვა დაგჭირდეს გალებით სისხლის. ბევრჯერ დაჭრილმაც, მთლად ნებისყოფამ, „დავითიანში“ წამებით მყოფმა თავი მაინც არ გასცე იერით: დარჩე ძლიერი!

იყო დავითი – ხოროლში არაგვს იგრძნობ. ნახავ მთებს ტრამალის ალაგს. დინჯ ხოროლს წყნარად მიმავალს მდორედ, არაგვად ჩასთვლი – თუნდ წუთით სწორედ. ხოროლი, შენთვის, ქართულად ქუხდეს. ნათლის გრძნობ შიმშილს: დავითად იშვი!

დავითად ყოფნა – ერების ძმობა, სიმართლის დაცვის მარადი გრძნობა. დაიწვა, მაგრამ ფერფლიდან აღდგე, პრომეთესავით მიჯაჭვულს ჰეგავდე სივრცეებს – ჩემი სტეპისა მკერდით. ბედს ეურჩო და სამმაგი ბედით სამ ხალხს შერწყმულმა სცადო თავიდან. ყოფნა დავითად!

დავითობაა-ათრევდე სახნისს, ასი სისინის უძლებდე სახმილს შეურაცხყოფის, დე, მხრები მოსტყდეს ტყუილს, ასი ფრთის ხომ ძალა მოგდევს! ყოფნა-არყოფნის ითმინო ზღვარი, ფრთებდაკარგულმაც კი გადამდნარი მახვილი კალმად არ მოიცილო: მრავალუამიერ, გურამიშვილო!



პავლო ტირინა

დავით გურამიშვილს

გვაქვს დიდებული სამშობლო ერთი, ოჯახი მტკიცე და მეგობრული. რუსეთი, უკრაინა, მათ გვერდით კი საქართველო – შენი მამული! მიზანიც ერთი გვაქვს ყველას – ვცდილობთ, რომ გავამტკიცოთ საბჭოთა მხარე. შენც ჩვენთან ერთად, გურამიშვილო, სჭექე სიმღერა და გაიხარე! ცხოვრობდი ჩვენთან დიდი ხნის წინათ, ჩვენ კი დღეს ასე გვგონია მტკიცედ, დროში სხვაობა არც კი ყოფილა, არც კი წასულხარ, ჩვენთან ხარ ისევ; შენს ბრგე სხეულს კი ძარღვებში უვლის და სისხლი კვლავაც ჩუხჩუხებს ცხელი, გურამიშვილო, ხარ სიყვარულიც და სიამაყეც შენ დღემდეც ჩვენი... ჩვენთან მოდიხარ მედგრად ბოლომდე და სამშვიდობო ბრძოლები გშვენის, საგურამოა, თუ მირგოროდი –

„ქრისტუში“


56

თბილისი

ახარებთ ყველგან სახელი შენი!
უინიც ბრძოლის და შემოქმედების
ზღვასავით ხალხებს ჩვენს აქვთ უძირო,
გურამიშვილო, განთიადს ვხვდებით? -
ახალ დროს ყველამ ერთად ვუცქიროთ...
სისხლს გწოვდა მტერი ბევრი, ვერ გთმობდა,
მაგრამ ვერაგიც ვერ დადგა ფეხზე,
უპრალო ხალხთან გქონდა ერთობა,
მოსკოვიც მეტად გიყვარდა სხვებზე!
გიძლვნით ყვავილებს – წითელი, თეთრი,
მიიღე ჩვენგან, პატივს იფერებ,
გურამიშვილო, იყავ ჩვენს გვერდით
და ერთად მოვსპოთ ტანჯვა, სიბნელე.
ასხმია მძივად ბელორუსს, სომებს,
შენი აზრ-სიტყვის კრიალოსანი,
სიბრძნით ამარცებ შენ დროის ომებს,
ბრნყინავ, ხარ თვალი პატიოსანი.
გვიყვარს ყველა ეგ სიმღერა, ლექსი
და შენ ყველაფრით ხარ მკვიდრი ჩვენი
და სიჭაბუკის მარადი ფესვით,
გურამიშვილო, ჩვენს ხალხში რჩები!

უყვარდა ბალი, მუხნარი წყნარი,
ეს ცისკიდური,
საქართველოს შვილს ეტრფის, შეჭხარის
მხარეც მდიდრული.
ვარჩევთ, ვაფასებთ დამსახურებით,
საქმით, სიტყვითაც
პოეტს, მეგობარს, ვინც ერთგულებით
ძნელ გზებს იტვირთავს...
გზებს, რომ შეურწყა დრომ, შეანივთა
ზუბოვება-სახელს.
სად შემოდგომა ფოთლებს ხალიჩად
ვით სუფრას, აფენს.

1980წ.



ანათოლი ორიოლი

ფედორ გარიბი



პოეტის სიტყვა

დ. გურამიშვილს

სადაც ხოროლი¹ სტეპებს მოივლის, –
ზუბოვება² სოფელს
აქვს კორომები მოოქროვილი,
ჰყვავის და სუფევს.
დიდებულ ქართველ პოეტს და მებრძოლს,
მხვნელ-მთესველს მინის,
ამ მიდამოში ეცხოვრა ძველ დროს,
ღრუბლებმაც იცის...
ეს გახლავთ დავით გურამიშვილი,
მისი სიმღერა
უკრაინაში ცეცხლივით თბილი
ბრნყინავს და ელავს.

საქართველოს

განშორება ჩვენი ხანმოკლეა, არ თქვა,
გავემგზავრე, აღარ გესტუმრები მეტად.
გნამდეს, ახლოა ჩემი ვორსკლა³ მტკვართან,
სულ არ მეშორება ეს მანძილი ბედად.
მიმოიხედე გვაქვს მიწა ერთიანი,
სულს ჰანგი წკრიალა ელვრება კაშკაშით.
ასე მოცურავდა ვოლინი⁴ ტყიანი
ლესიასთან მყისვე მთებიდან, კავკასით.
ერთ მიწაზე ყველგან, სადაც გინდა ვიყოთ –
მარად მარტოსული არ ვიქნებით, არა.
მოტაცებულსაც ვერ მოსტაცა ამიტომ
გურამიშვილს მტერმა სამშობლო ქვეყანა.
გვერგო ერთი მიწა, ბედი... კმარა ბჭობა –
ერთი გვაქვს ცისფერი ზეცა სანათელო...
შეხვედრისას ძმურად გეტყვი – გამარჯობა,
კვლავაც დაგბრუნდები შენთან, საქართველოვ!

1 ხოროლი-მდინარე მირგოროდში.

2 ზუბოვება-სოფელი სადაც მირგოროდთან ერთად დ. გურამიშვილს ჰქონდა მამული ხანგრძლივი სამხედრო სამსახურისათვის

3 ვორსკლა – მდინარე უკრაინაში, ქ. პოლტავასთან

4 ვოლინი – უკრაინის ოლქი, რომელშიც შედის ქ. ნოვოგრად-ვოლინსკი, ლესია უკრაინკას სამშობლო

მირგორდის შემოდგომა

/დ.გურამიშვილი-275/

უმწარესი უკან დარჩა... მეტი ფიქრი არ მსურს.
გაქვთ სიმშვიდე და სიმდიდრე – მოწმენი ვართ
ახლა.

ვგრძნობ ორიოდ ნაიარევს, რომ შემორჩია
ნარსულს,
პორუჩიკო და თავადო, მოწყენილი რად ხართ?!
დაგიფასდათ, რაც ერთგულად ემსახურეთ მეფეს.
გაქვთ ძვირფასი საცხოვრისი, გყავთ შავთვალა
ცოლი...

მძიმე ფიქრი ხამს ხოროლის⁵ გაატანოთ შეხეფებს.
ბრძანეთ თქვენო ბრწყინვალებავ, დაიღალეთ
ბრძოლით?

ხომ სიხარულს სიხარული, უწყით, არ ჰგავს
განცდით,
ნოსტალგია უმწარესი მგოსნის გულში სახლობს.
რომ შეგეძლოთ, ყოველივეს მყის ხალისით
გასცვლით
ერთ პატარა მიწურ ქოხზე, ოღონდ მტკვართან
ახლოს.

რაც არ უნდა თაყვანი გცეთ, ხიზანი ხართ სხვათა,
არ გამშვიდებთ აქ დიდება, ღამეს თეთრად ათევთ.
მხოლოდ სიზმრად თუ იხილავთ მშობლიურ მთებს
ნათლად,

ვაგლახ, ბედის განაჩენის მორჩილება გმართებთ.
შეეგუეთ... დაივიწყეთ... სიტყვა ურჩი ბედის
ჯიუტად ფუთფუთებს გულში, კინძავთ ლექსის
ბწეარებს...

მოუხშირა წვიმამ ცივ წვეთს, შემოდგომა შედის
ძალაში და უკაკუნებს დაუინებით კარებს.



ანთონ შევჩენკო

სევდიანი მხვრა

დ. გ. – ს

ესიზმრა დავითს ბევრჯერ სამშობლო წართმეული,
სტკიოდა ძლიერ სისხლმდინარი ფესვი მოჭრილი,
ტანჯვის ღარებით მაღალ შუბლზე ხანმოთეული
სიტყვებს ეძებდა სევდიანი ოხვრის მორჩილი.

ზუბოვკის სახლებს შეხიზნულ მწირს ტანჯულს
დაღლამდე,
იზიარებდა ნამხელ ტკივილს ვისსაც ქვეყანა,
დაპქონდა დევნაც, როგორც ლოდი მამის
სახლამდე

და ლოცვაც, ყველგან გზად ეკლები რომ შეეყარა.
... სიცოცხლის გზებზე მზით ლაქიან სადგურთ
ლამობდა,

ცვარით ნაბანი მონანავე ფიქრების მთაზე:
გათენდებოდა... წყლულს კურნავდა საგურამი და
ირაოს ჰკრავდნენ არწივი ფიქრთ ლრუბლიან ცაზე.
შორს დარჩა ის დრო... მას არასდროს უცხოდ არ
ვთვლიდით,
მის მწველ ტკივილებს ტკივილსიტყვა მოება
ხორცად.

გულს რომ უსმენდა მარტოსული, ფიქრით
დაღლილი,
იმედს ეფერა, იმედი კი, თურმეა ცოცხლად!
ფრთებიც აკლდა და საფრენად ვერც ძალა იკმარა,
მთის ბილიკებით ველარ ნახა მშობელი მინა...
ძილგატეხილი საქართველოს გულში იკრავდა
და სტრიქონებში უკვდავებად დღეები იქცა.

უკრაინულიდან
თარგმნა თამარ გაბოძემ





„პატარა კახი“ – მაცე, რომელმაც 500 პრძოლაზე გათი გადაიტანა (გახსენება-შეხსენება)

2025 წელს კრწანისის პრძოლიდან 230 წელი
შესრულდება, მეცე ერეკლეს დაბადებიდან კი – 305

იდგა 1720 წლის 7 ნოემბერი. თელავის სასახლეში უფლისწული დაიბადა – ძე თეიმურაზისა და თამარისა, შვილიშვილი მეცე ვახტანგ მეექვსისა. სახელად უწოდეს ერეკლე, ხალხისაგან შემდგომ „პატარა კახად“ წოდებული. ქართლ-კახეთის უკანასკნელი დიდი ხელმწიფე.

ერეკლე || ბაგრატიონი – ეს იყო მეცე, რომელიც ძველი ვიკინგი იარლივით თვითონ მიუძღვიდა ლაშქარს წინ და თავადვე აჩვენებდა ბრძოლის მაგალითს. ასეთი სიმამაცე მმართველისგან დიდი ხანია დავიწყებული იყო, მსოფლიოში ამას თითქმის ალარავინ აკეთებდა, მმართველებიდან თავს არავინ უქმნიდა ამხელა საფრთხეს და მხოლოდ შორიდან ჯარისათვის ბრძანებების გაცემით შემოიფარგლებოდნენ. ეს, თავის მხრივ, სწორი სტრატეგიაც იყო, მაგრამ არა ერეკლესთვის. ისტორიული ფაქტია, რომ მას მარჯვენა მხარ-ბეჭი ბევრად უფრო განვითარებული ჰქონდა ზედმეტი და ხშირი ხმლის ქნევისაგან ბრძოლებში, ვიდრე მარცხენა და ეს კარგად იყო შესამჩნევი გარეშე თვალისითვის.

დიდი მეფის პირველი საბრძოლო ნათლობა 1735 წელს შედგა, როდესაც იგი მხოლოდ 15 წლისა იყო. ქიზიყს შემოსეული ლეკები არასრულწლოვანმა უფლისწულმა ახალგაზრდა ვახელი მხედრების მცირე რაზმით სასტიკად დამარცხა. ეს იყო ბატონიშვილის პირველი ბრწყინვალე გამარჯვება. ლევან სანიკიძის „დედა ისტორიაში“ ვკითხულობთ:

„1735 წელი პირველი გამოსვლაა პატარა კახისა, დასაწყისი უკანასკნელი დიდი ხელმწიფისა და მამულიშვილისა. ცხენზე ზის ერეკლე ბატონიშვილი და 60 წელინადი ვერ ჩამოხტება საომარი უნაგირიდან“.

მან მთელი ახალგაზრდობა ბრძოლებში გაატარა ჩრდილოეთ კავკასიიდან, კერძოდ, დაღესტნიდან, მოძალებული უამრავი მოთარეშე მუსლიმ ლეკთა რაზმებთან ან დიდ ლაშქრებთან. შემდეგ იხსენებდა შვილიშვილებთან საუბრისას, „მე რომ არ შევსწრებოდი, ახლა ქართველის სახსენე-

ნანა ჩიქინაძე

ბელი არ იქნებოდა ქართლ-კახეთშიო“. ეს მოვლენა „მთის ჩამოწოლადაა“ ცნობილი. ეს იყო დიდი ქართულ-კავკასიური ომი, რომელიც ნახევარ საუკუნეზე მეტ ხანს გაიწელა. ამ დროის განმავლობაში თითქმის არ მოიპოვებოდა დაღესტანში მამაკაცთა საფლავები, ვისაც კი ბრძოლა შეეძლო და არ იყო სიბერისგან დაუძლურებული, მთლიანად ქართლ-კახელებთან განუწყვეტილ ბრძოლებში დაიღუპნენ.

1744 წელს 24 წლის ერეკლე კახეთის მეფედ აკურთხეს და ეს ტიტული 1762 წლამდე ატარა. 1762 წელს კი, როდესაც მამამისი, თეიმურაზ მეორე გარდაიცვალა, მას მემკვიდრეობით გადაეცა ქართლის მეფობაც და ის ქართლ-კახეთის მეფე გახდა. ქართლ-კახეთი გაერთიანდა ერეკლეს კვერთხის ქვეშ და იმეცა 1798 წლამდე.

ამ დროის განმავლობაში, შეიძლება, ერთი თვეც ვერ გამოინახოს ისეთი, როცა სრული მშვიდობა სუფევდა სამეფოში და პატარა ბრძოლები მაინც არ მომზდარიყო ყოველი მხრიდან მოძალებული უცხოელების მხრიდან. განუწყვეტელმა ომებმა და ამ ომებში გამარჯვებებმა სახელი ევროპაშიც კი იმდენად გაუთქვა მას, რომ ფრიდრიხ II დიდმა (1712-1766) თქვა: „დასავლეთში მე ვარ და აღმოსავლეთში პრინცი ერეკლე, ქართველთა მეფე“.

ნარმოგიდგენთ ერეკლე || ბაგრატიონის (ბატონიშვილი) არასრულ, მხოლოდ უმთავრესი ბრძოლების სიას:

1747 წელს – ომი აბდულა-ბეგსა და ერეკლეს შორის. ეს ომი მოიცავს რამდენიმე ბრძოლას:

1. ბრძოლა სამშვილდის ციხესთან
2. ბრძოლა თბილისთან
3. ბრძოლა სოლოლაკთან
4. ბრძოლა ნავკისთან
5. ერეკლეს მიერ თბილისის ირანელ მეციხოვნებზე შეტევა და მათი დამარცხება.

1749 წ. – დაღესტნელების ურიცხვ მარბიელ მოლაშქრეებთან ბრძოლებს ბოლო არ უჩანდა. თითქმის ყველა ბრძოლაში ერეკლე თავად სარდლობდა ჯარს და პირისპირ ებმოდა მტერს. ხშირად უნევდა კავკასიურ რაზმების ბელადებთან ერთი-ერთზე შებრძოლებაც.

ამავე წელს ნადირ შაჰის მკვლელობაში მონაწილე მაჰმად ხანმა ერევნის სახანოს დაბყრობა გადაწყვიტა. ერევნელების თხოვნით, ერეკლემ დაამარცხა მაჰმად-ხანი და სომხები განადგურებისგან იხსნა. ამის შემდეგ ერევნის სახანო ერეკლეს ხარჯს 1795 წლამდე უხდიდა;

1750 წელს – ყარაბაღის მფლობელი ფანა-ხანი, რომელიც განჯის დაპყრობას აპირებდა, დიდი ლაშქრით მიადგა განჯას. განჯის ხანმა და ყარაბაღელმა სომხები ერეკლეს დახმარება სთხოვეს. გმირულ ბრძოლაში ერეკლეს და თეიმურაზის სარდლობით ქართველებმა დაამარცხეს ფანა-ხანი.



1751 წლის თებერვალში მდინარე აგრი-ჩაისთან აჯი-ჩალაბმა დაამარცხა ქართველები. ამ ბრძოლაში მდინარეში ცხენიანად ჩავარდნილი ერეკლე ბებურიშვილ-ვაჩინაძის დახმარებით გამოვიდა წყლიდან. მაჩანანელმა გლეხმა დათუნა ბოსტაშვილმა კი თავისი ცხენი დაუთმო და ერეკლე ასე გადარჩა დატყვევებას..

ამავე წლის ივლისში თავრიზის მმართველი და ირანის ტახტის მაძიებელი აზატ ხანის 18 000 კაციანი ლაშქარი ერეკლემ ერევნის მახლობლად, ყირბულაბის ბრძოლაში საოცრად საზრიანი და საკუთარი გმირული ბრძოლის წყალობით დაამარცხა.

მის თოფს უნდა ახსოვდეს გამარჯვება 1751 წლის ივლისში ყირბულაბთან გამართულ უთანასწორო ბრძოლისას. მასზე ასეთი წარწერაა: „ირაკლის სიქადულო, საძლეველო მტერთა, ჯვარო ქრისტესო“.

1752 წელს აჯი-ჩალაბმა განჯასთან ისევ დაამარცხა ქართველები. ამავე წლის სექტემბერში ყაზახ-შამშადილუს საზღვარზე, თულქითეფეს ბრძოლაში, აჯი-ჩალაბის ჯარი, რომელსაც მისი ვაჟი აღარ-ქიში სარდლობდა, ქართველებმა სასტიკად დაამარცხეს.

1754 წელს ავარიელი, ხუნდახის ბატონი ნურსალ-ბეგი მრავალრიცხოვანი ჯარით ქართლში შემოიჭრა. არაგვის მიდამო და დუშეთი დაარბია, მჭადიჯვრის ციხეს ალყა შემოარტყა. ერეკლემ და თეიმურაზმა იგი სასტიკად დაამარცხეს მჭადიჯვრის ბრძოლაში, დიდი დანაკარგები აწვნევინეს და ისე განდევნეს ქართლ-კახეთიდან.

1755 წელს ნურსალ-ბეგი ყვარელს მოადგა ქართველების მიმართ სხვა მტრულად განწყობილ მუსლიმური სახანოების ლაშქართან ერთად. მათ ალყა შემოარტყეს ყვარლის ციხეს. თუ კახეთი დაეცემოდა, ქართლსაც დაიპყრობდა ამხელა

ძალის მქონე მტერი და შემდეგ დასავლეთ საქართველოსაც გადასწვდებოდნენ. ერის მომავალი დასალუბად იყო განწირული. ქართლ-კახეთის მეფე მამა-შვილის გონიერი და გაბედული საბრძოლო მანევრების შედეგად ყვარლის ბრძოლაში ქართველებმა მინიმალური დანაკარგებით სძლიეს მტრს, მოიგერიეს და დაამარცხეს ის.

1759 წელს ლეკების 8 ათასიანი ჯარი ერეკლემ ჯერ ატოცის ციხესთან და შემდგომ დვანის ციხესთან დაამარცხა. ამ ბრძოლაში მას სოლომონ 1 ეხმარებოდა.

1760 წელს ერეკლემ ყარაბახის ხანი დაამარცხა. ამავე წელს ერეკლემ მოაწყო დიდი ლაშქრობა განჯაში, შემდგომ ლაშქრობა ერევანში, შემდეგ კი დიდი ბრძოლა გადაიტანა შინდისთან დაღესტნელების ლაშქრის წინაარმდეგ. მთელი 1760 წლის განმავლობაში ჩრდილო კავკასიელი დაღესტნელები ძალიან გააქტიურდნენ და მეფე განუწყვეტელ არა უკვე ყოველთვიურ ან ყოველკვირეულ, არამედ ყოველდღიურ თავდასხმებს იგერიებდა. თავდასხმები ეწყობოდა ქართლში, ქიზიუში, კუმისისა და ბოლნისის მიდამოებში. მტრის ძალების მოწოდა იმდენად დიდი იყო, რომ მთელი სომხითი და საბარათიანო თითქმის მთლიანად დაიცალა ადგილობრივი მოსახლეობისგან. თბილისის გარშემო მდებარე უამრავ დასახლებასაც უტევდა მტერი, თუმცა კი უმტეტეს შემთხვევაში დამარცხებული უკან იხევდა. ერეკლეს მთელი ქართლ-კახეთის ყველა მამაკაცი იარაღში ჰყავდა ჩასმული და ყოველწუთიერად მზად ქუდზე კაცის გამოსაყვანად. ამ პერიოდიდან მას კავკასიაში, მცირე აზიასა და ირანში „გურჯისტანის აშვებული ლომის“ სახელით იხსენიებდნენ. მარტო ამ წელს მან გადაიტანა მინიმუმ 50 დიდი და მცირე ბრძოლა.

1765 წელს ერეკლეს წინააღმდეგ შეთქმულება მოეწყო, რომელსაც სათავეში პაატა ბატონიშვილი ედგა. შეთქმულებს ერეკლეს ფიზიკური განადგურება ჰქონდათ ჩაფიქრებული, რაც უდიდეს დანაშაულთან ერთად არღვევდა ურყევ წესს – „პაგრატიონი ბაგრატიონის სისხლს არ ღვროს!“ – ერეკლემ შეიტყო შეთქმულების შესახებ და სასტიკად დასაჯა მოწინააღმდეგენი.

1768 წელს დაიწყო რუსეთ-თურქეთის მორიგი ომი. ერეკლემ ქრისტიანი რუსების მხარე დაიჭირა ამ ომში.

1769 წელს გრაფი ტოტლებენი ჩამოვიდა საქართველოში რუსის ჯარით. ერეკლე და ტოტლებენი გაერთიანებული ქართულ-რუსული ჯარით ახალციხისკენ დაიძრნენ. მოლალატე ტოტლებენმა მოულოდნელად მიატოვა ერეკლე და უკან გამობრუნდა.

1770 წლის 20 აპრილს მოხდა ასპინძის ბრძოლა. 8 000 თურქი 3 000 ქართველის წინააღმდეგ. ეს ბრძოლა ქართული ჯარის სრული ტრიუმფით დასრულდა. სრულად განადგურდა თურქული

ჯარი, ხოლო ქართველებს მხოლოდ 25 კაციანი დანაკარგი ჰქონდათ..

1771 წელს ერეკლემ ხერთვისის ციხე გაათავისუფლა ოსმალებისგან.

1778 წელს ერეკლემ დაამარცხა განჯის მმართველი ფათ-ალი-ხანი.

1779-1780 წლებში მიმდინარეობდა ბრძოლები ერევნის ხანთან. ამავე წელს ლეკების დიდი ლაშქარი თავს დაესხა თუშეთს, თავდასხმები იყო ქიზიყ-სა და ცხინვალში.

1773 წელს ნურსალ-ბეგი დიდი ჯარით ბოდბეს დაესხა თავს. ლეკები იმდენად გააჭტიურდნენ, რომ ბრძოლებით თბილისამდეც კი მოდიოდნენ და ანიოკებდნენ ათობით სოფელსა და დაბას, თუმცა ანყდებოდნენ ქართველთა გააფთრებულ წინააღმდეგობას

1785 წელს თბილისში რუსის ჯარი შემოვიდა და მათ ქართველენთან ერთად რამდენი ბრძოლაში მიიღეს მონაწილეობა.

ამავე წელს ქართლ-კახეთის სამეფოს თავს დაესხა ნურსალ-ბეგის ვაჟი, ომარ-ხანი, 20 000-იანი ჩრდილო კავკასიური, მუსლიმური ლაშქრით. ამის მიუხედავად, მან ვერ გავპედა პირისპირ შებრძოლებოდა ერეკლეს ქართულ ლაშქარს და ვერც ქართველებმა მოიხელოს მისი სარბევად გამოყოფილი რაზმები, რომლებიც ახალციხეში შემოვლითი გზით გადავიდნენ და გზად ყველაფერს აოხრებდნენ. დაანგრიეს ახტალის ლითონის მანებიც. დიდი ზარალი მიაყენეს ქართლ-კახეთის მთელ სამეფოს და იმერეთსაც კი გადასწვდნენ.

მიუხედავად ქართველების საბრძოლო გამარჯებებისა, მტრის შეუჩერებელი თავდასხმები მაინც არ წყდებოდა. ქართლ-კახეთი სისხლისაგან იცლებოდა. ხალხი უკიდურესად მძიმე მდგომარეობაში იყო ჩავარდნილი. დიდი ეკონომიკური ზარალი მიაყენა სამეფოს ომარ-ხანის თავდასხმებმა.

1787 წელი დიდი შეტევითი ომების წელი გახ-

ლდათ: ამ წელს ერეკლემ მოაწყო ყარაბახის დალაშქვრა, ქართულ-რუსული ჯარით ჯერ განჯის, შემდეგ ყარაბახის, ნახიჩევანის დამორჩილება; დიდი ბრძოლა რუსთავში ომარ-ხანის წინააღმდეგ; ბრძოლა ქიზიყში და თიანეთში კვლავ ომარ-ხანის წინააღმდეგ.

1795 წლის ივნისში ერეკლემ გენერალურ ბრძოლაში აღა-მაჰმად ხანის 8 000 მებრძოლისგან შემდგარი არმია დაამარცხა ყარაბახის მიდამოებში. ქართველთა ერთადერთ მოკავშირედ ამ დროს რჩებოდა ყარაბახის ხანი იბრაჟიმი.

ამავე 1795 წელს, რევანში აიღო აღა-მაჰმად ხანმა და 75 000-იანი არმიით ქართლ-კახეთის სამეფოს დააცხრა თავს. მოხდა გენერალური ბრძოლა, რომელიც კრწანისის ბრძოლის სახელითაა ცნობილი. ერეკლეს მხოლოდ 6 000 ჯარი ჰყავდა, ამიტომ მტრის რიხვობრივი უპირატესობის გამო ამ ბრძოლაში დამარცხდა.

1796 წელს ქართველებმა განდა დალაშქრეს. მოლალატე განჯის ხანი დააჩოქეს, იქიდან მრავალი ტყვე წამოიყანეს. დაინყეს სრულიად განადგურებული თბილისის ფერფლიდან აღდგენა.

1797 წელს, ისევე როგორც ქართულ-კავკასიურ ომში, ერეკლეს ბრძოლების 62 წლიანი პერიოდის განმავლობაში, არ წყდებოდა ჩრდილო კავკასიელთა განუწყვეტელი თავდასხმები. ქართლ-კახელებმა ამ წელსაც გადაიტანეს ათეულობით დიდი და მცირე ბრძოლა. ქართულ-კავკასიური ომი ერეკლე მეფის მთელი სიცოცხლის განმავლობაში მიმდინარეობდა და მოიცავდა ასეულობით ბრძოლას. არათუ წელიწადი, თვეც კი არ ყოფილა ისეთი, თავდასხმები არ მომხდარიყო. ერეკლემ მოახერხა და განადგურებულ ქვეყანას მაინც ბოლომდე გააძლებინა ისე, არათუ მოხდა აღმოსავლეთ საქართველოში ქართველების სრული ეთნოკური გადაშენება და გენოციდი, არამედ მან ბოლო 300 წლის განმავლობაში რაც კი ყოფილა, მასთან

შედარებით ძლიერების ზენიტში აიყვანა ქართლ-კახეთი თავისი გენიალური სამხედრო ნიჭის წყალობით. მთელი თავისი ხანგრძლივი ცხოვრების განმავლობაში „პატარა კახს“ მინიმუმ 500 დიდი და მცირე ბრძოლა ჰქონდა გადატანილი.

ეს არის ერეკლეს ხმალი წარწერით: „მე ვარ ავი მუსაიფი კახთ ბატონი ირაკლისა“. ამან გადაარჩინა აღმოსავლეთ საქართველო გამუსლიმანებასა და განქართველებას.



მეფე ერეკლე II-ს ძეგლი თელავში

01 ხურგილავა



**ნათლისდება და მარადიული
ღირებულებები დედოფლის წყაროში**

19 იანვარს ალინიშნება ნათლისდება – საეკლესიო დღესასწაული, რომელიც სულიერი განახლებისა და რწმენის სიმტკიცის სიმბოლოა.

საქართველოს თითოეული კუთხე უნიკალურია – არქიტექტურული ღირსშესანიშნაობებით, ხუროთმოძღვრების ძეგლებით, ტრადიციებითა და სტუმარ-მასპინძლობის კულტურით. თუმცა, ტრადიციებს განსაკუთრებულობას სძენენ ადამიანები, რომლებიც ერთგულებასა და მარადიულ სიყვარულს უკვდავყოფენ.

ამ ღირებულებების ნამდვილი განსახიერებაა თბილისის, ბორჯომისა და დედოფლის წყაროს კოლორიტი, უურნალისტი და საზოგადო მოღვაწე, მრავალი საპატიო ჯილდოს მფლობელი ქალბატონი ნანა ჭიჭინაძე. სწორედ მისი ინიციატივით ვეწვიეთ დედოფლის წყაროს რაიონს და პატივი მივაგეთ მისი აწ გარდაცვლილი მეულლის, ბატონი მურთაზ პოპიაშვილის ხსოვნას.

ასეთი დღეები ხაზს უსვამს მარადიულ გრძნობებს და აცოცხლებს წარუშლელ მოგონებებს...

ასევე, ქალბატონი ნანას ინიციატივით დავათვალიერეთ კახეთში, დედოფლის წყაროს რაიონში მდებარე ულამაზესი და ახლადგახსნილი პარკი.

შემდეგ, ვეწვიეთ სოფელ სამრეკლოში მდებარე წმინდა სერაფიმე საროველის სახელობის უნიკალურ ტაძარს, რომელიც 1903 წელს აიგო და თავისი ისტორიული მნიშვნელობით წარუშლელ შთაბეჭდილებას ტოვებს მნახველზე (სწორედ 1903 წლის აგვისტოში შეიარაცხა სერაფიმე საროველი წმინდანად და სავარაუდოდ სოფელ სამრეკლოს ტაძარი მის სახელზე ნაჟურთხი პირველი ტაძარია მსოფლიოში);

დღის ბოლოს საღამო ლამაზი წვეულებით დავასრულეთ, რომელსაც ორგანიზება ქალბატონი ნანას ქალიშვილმა, მარიკა პოპიაშვილმა გაუწია.

მოწვეულ სტუმრებს შორის იყვნენ: თბილისის ოპერისა და ბალეტის თეატრის წამყვანი სოლისტები – მაყვალა ასპანიძე და არმაზ დარაშვილი ოჯახებითურთ; ბატონი მურთაზის ახლო ნათესავები – ბიძაშვილები და ერთადერთი ძმისშვილი მეულლით,




სტუმრები დედოფლის წყაროს მეორე სკოლაში

ბადრი პოპიაშვილი და თამთა შონია; ხორნაბუჯის სკოლის პედაგოგიური კოლექტივი.

ქალბატონმა მარიკამ განსაკუთრებული სითბოთი და სიყვარულით გაიხსენა მშობელი მამის ამაგი, უდიდესი გრძნობა ჩააქსოვა მოგონებებში, როთაც ხაზი გაუსვა მის ხსოვნას და პატივისცემას.

ასეთი ღონისძიებები კიდევ ერთხელ გვახსენებს, რომ სიყვარული და ერთგულება ის ფასეულობებია, რომელიც თაობიდან თაობას გადაეცემა და ამდიდრებს ჩვენი ქვეყნის კულტურულ მემკვიდრეობას.



მაყვალა ასპანიძე და ია ხურცილავა წმ. სერაფიმე საროველის ტაძართან



საიუზილეო კონცერტი ფილარმონიაში

თბილისის ფილარმონიაში, ალექსი მაჭავარიანის სახელობის დიდ საკონცერტო დარბაზში, ამა წლის 15-16 თებერვალს გაიმართა „იუმორინას“ დაარსებიდან 25 წლისთვისადმი მიძნილი საიუბილეო კონცერტი. სამხატვრო და მუსიკალური ხელმძღვანელები – მამა-შვილი, დედოფლისწყაროს საპატიო მოქალაქეები – ჯემალ და გია ბალაშვილები.

საიბილეო კონცერტი „იუმორინა 25-ის“ ვიდეო ჩანაწერი ტელევიზია „იმედის“ არხზე 3 მარტს, 22 საათზე, დედის დღესთან დაკავშირებით გავიდა და ჩემი აზრით, მიეძღვნა, პირველ რიგში, გია ბალაშვილის დედის, ქალბატონ მანანას ხსოვნას და მისი სახით ყველა წასულ დედა ქალბატონსაც – სოფლისა და ზესთა სოფლის მკვიდრთ თანაბრად: „ჰომი დედანო, მარად ნეტარნოო“ – ასე მიმართავდა მათ ბარათაშვილი!

ორსაათნახევრიან კონცერტში მონაწილეობდნენ როგორც ძველი თაობის, ისე ახალი თაობის მუსიკოს-შემსრულებლები და პაროდიასტები. როგორც გია ბალაშვილმა „იმედის“ ეთერში გამოსვლისას აღნიშნა, საიუბილეო კონცერტში 100-ზე მეტი პიროვნება მონაწილეობდა, მათ შორის აშშ-დან სპეციალურად ჩამოსული ვლად არამოვი, რომლის გამოსვლას მაყურებელი ხანგრძლივი აპლოდისმენტებით შეხვდა. რადგან „იუმორინა – 25“ მთელმა საქართველომ ნახა, ამაზე ბევრს აღარ ვიტყვი და ლიტერატურული აღმანას „ხორნაბუჯის“ მკითხველის ყურადღებას შევაჩერებ 2016 წელს საკონცერტო დარბაზის წინ ჯემალ და გია ბალაშვილების ვარსკვლავის გახსნაზე, რასაც წინ უძღვდა ალექსი მაჭავარიანის სახელობის დიდ საკონცერტო დარბაზში გამართული მამა-შვილის საიუბილეო კონცერტი. მისი წამყვანები გახლდნენ ნინაკა გელაშვილი და გია ბურჯანაძე.

ამ კონცერტზე ძალიან საინტერესო იყო ვიდეო-კოლაჟი მიუზიკლებიდან: „ჩხიკვთა ქორწი-

მარიკა კოპიაშვილი

ლი“ (რომელშიც ჯემალ ბალაშვილი თომას როლს ასრულებს), „არგონავტები“, „თოვლის ბებოს ზღაპარი“ და ვოკალურ-ინსტრუმენტული ანსამბლ „ივერიის“ კონცერტებიდან. როდესაც ამ ვიდეო-კოლაჟს თვალს ვადევნებდი, ჩემს მეხსიერებაში ამოტივტივდა ის ბედნიერი დღეები, წითელნუართვან ჩემი ოჯახის წევრები სპეციალურად რომ ჩამოვდიოდით ამ ბრწყინვალე კონცერტის სანახავად. ჯემალ ბალაშვილისა და კომპოზიტორ ალექსანდრე ბასილას გენიალური კონცერტებისათვის საქართველოს ყველა რეგიონიდან მიკროავტობუსებით ჩამოდიოდნენ. მათ მიერ დადგმული „მღერიან და ხუმრობენ ქართული კინოსა და თეატრის ვარსკვლავები“ თითქმის 10 წელი ამშვენებდა ფილარმონიის დიდ საკონცერტო დარბაზს. ეს ყველაფერი თითქოს გუშინ იყო. ნატავი იმ დროს!

განვლილი ათი წელი ვერ აუფერულებს ამ მშვენიერ მოგონებებს: ეკრანზე ვიხილეთ ვიდეოკადრები, სადაც იუბილარ მამა-შვილს მიესალმნენ ქართული კინოსა და თეატრის ცნობილი ლეგენდები – კახი კავსაძე და გივი ბერიკაშვილი. ისინი წლების მანძილზე უცვლელი წამყვანები იყვნენ „იუმორინასი“, ასევე ვოდეო კოლაჟით მიესალმნენ რობერტ სტურუა, მერაბ კოკოჩაშვილი, ჯანსულ ჩარკვიანი, გურამ დოჩანაშვილი, ანზორ ერქომაიშვილი, ჯემალ ლალანიძე, ჯემალ ჭკუასელი, თემურ ჩხეიძე, ლევან წულაძე, ვახტანგ კახიძე, უანრი ლოლაშვილი, ოთარ ტატიშვილი, დავით ოქიტაშვილი, ომარ მხეიძე, ფრიდონ სულაბერიძე, დავით



ჯემალ და გია ბალაშვილები

საყვარელიძე, დათო დოიაშვილი და სხვები. ისაუბრეს მათ შემოქმედებაზე და მიულოცეს საიბილეო თარიღი. ეკრანზე ერთმანეთს ენაცვლებოდა ჯემალის მიერ განვლილი შინაარსიანი ცხოვრების გზის ამსახველი ვიდეო-კადრები: საქორწინო ხელმოწერის რიტუალი ულამაზეს მეუღლესთან, ქალბატონ მანანასთან ერთად, რომელიც ახლა საკონცერტო დარბაზში იმყოფებოდა. პირადად მას თემურ წიკლაურმა მიუძღვნა სიმღერა „საქართველოს მანანებო“. აქვე მინდა შეგახსენოთ სასიამოვნო მოვლენა თქვენ, ჩვენს მკითხველს. 2017 წელს საქართველოს მასშტაბით მოსახლეო-

ბის გამოკითვის შედეგად ერთ-ერთ ნარმატებულ ოჯახად დასახელდა ბალაშვილების ოჯახი, ასევე დასახელდნენ მათთან ერთად: ამირან არაბული და ეთერ თათარაძე (თბილისი), გივი ღვინიაშვილი და რეგინა ჯანიაშვილი (ფედოფლისნეარო), სოსო და მარინე თევზაძეები (დედოფლისნეარო, სოფ. ოზაანი), რომან მჭედლიშვილი და ნინო გომარელი (ბორჯომი) და სხვანი.

ნინაკა გელაშვილმა საიუბილეო კონცერტზე მოსულ მაყრებელს კიდევ ერთი სიურპრიზი შეს-თავაზა: ჩართვა ნიუ-ორკიდან. ნინი ხვედელიანმა, ბატონი ჯემალ ბალაშვილის შვილიშვილმა და გია ბალაშვილის დისშვილმა, რომელიც სასწავლებლად იმყოფებოდა ამერიკაში, პაპას დაბადებიდან 75 და

ბიძას 25 წლის შემოქმედების საიუბილეო თარიღი მიულოცა. მან ანა კალანდაძის ლექსზე შექმნილი სიმღერა – „ქარი გიმღერის ნანასა, ზღაპარს გიამ-ბობს ჭადარი“ – უმღერა. ბატონმა ჯემალმა და გიამ გიტარის თანხლებით თვალცრემლიანებმა აკომპანიმენტი გაუწიოს ნინის და მათთან ერთად მთელი დარბაზი მღეროდა...

2025 წლის „იუმორინას“ საიუბილეო კონცერ-ტი კი სატელევიზიო არხმა „იმედმა“ გადაიღო და მისი ნახვის შესაძლებლბა კვლავაც გვექნება. „დიდი მადლობა დაფასებისთვის და ერთგულები-სათვის, იუმორონა გაგრძელდება!“ – ამ სიტყვე-ბით დაგვემშვიდობა ბატონი ჯემალი.

ნანა შიშინაძე

მსოფლიოს საოპერო სცენებზე.

კლასიკური მუსიკა უკვდავია, ამის დას-ტური გახლავთ კლასიკური მუსიკის დიდებუ-ლი ნანარმოებები ჯუზეპე ვერდის ოპერები: „რიგოლეტო“, „ტრუბადური“, „ტრავიატა“, „ბედის ძალა“, დონ კარლოსი“, „ნაბუქო“, „აიდა“, „ოტელო“ – ვერდის მთელი შემოქ-მედების უმაღლესი მწვერვალი. ზემოთ ჩა-მოთვლილი ყველა ოპერა სრული ანშლაგით იმართება ჩვენს საოპერო თეატრში.

ლიტერატურულ აღმანას „ხორნაბუჯის“ მკითხველებისათვის ყურადღებას გავამახ-ვილებთ ოპერა „ვერთერზე“, რომლის ოთხივე სპექტაკლს დიდი ნარმატება ხვდა წილად 2024

ვერთერი



ფრანგი კომპოზიტორი ჟიულ მასნეს სა-ოპერო ხელოვნების მწვერვალია ოპერა „ვერთერი“, რომელიც 1886 წლიდან იდგმება



ნატალია
ქუთათელაძე და
მარიამ
როინიშვილი

„ქორწის უჯი“

64

სალონები

ნლის ბოლოს. მთავარ პარტიებს მღეროდნენ: დი.

ვერთერი – ახალგაზრდა პოეტი –) ტაცუია ტაკაპაში (იაპონია), მიკაილ სპადაჩინო (იტალია, ბელგია);

ალბერტო – შარლოტეს დანიშნული – ზაალ ხელაი; შარლოტე – ირინა შერაზადიშვილი, თეა

დემურიშვილი, ნატალია ქუთათელაძე, ირინა ალექსიძე;

სოფო, შარლოტეს და – მარინა ბერიძე, მარიკა მაჩიტაძე, მარიამ როინიშვილი, ირა იოსებიძე;

ბრნინვალე დებიუტი შედგა კონსერვატორიის პედაგოგის დოდო დიასამიძის (საქართველოს მასტებით გამოვლენილი საუკეთესო პროფესიონალის) აღზრდილი მომღერლეების ნატალია ქუთათელაძის და მარიამ როინიშვილის. მათ ფურორი მოახდინეს სპექტაკლის მსვლელობისას; თითოეული არის შესრულებას ხანგრძლივი აპლოდისმენტი სდევდა თან.

კომენტარი ვთხოვე დოდო დიასამიძე: „ყველა მეცო-სოპრანო ისურვებდა ნატალია ქუთათელაძის ხმას და არტისტულ მშვენიერ გარეგნობას. ქართველებმა უნდა იამაყონ ნატალიას და უნიჭიერესი სოპრანოს მარიამ როინიშვილის მიერ ნამღერით. ვულოცავ ორივე მათგანს ნარმატებით გამოსვლას“.

შეუდარებელი იყო ზაქარია ფალიაშვილის სახელობის ოპერისა და ბალეტის სახელმწიფო თეატრის ორკესტრი, გუნდი და ბავშვთა გუნ-

დამდგმელი დირიჟორი: ზაზა აზმაიფარაშვილი, ფაბრიციო კასი.

დირიჟორები: ფილიპო კონტი, კახი სოლომნიშვილი.

დამდგმელი რეჟისორი: ჯოზეფ ფრანკო ლი.

სცენოგრაფი: მანუელ ფავრე.

კოსტიუმების მხატვარი: ესტერ მარტინე.

მხატვრული განათება: შტეფანო გორერი.

ბავშვთა გუნდის ქორმაისტერები: რუსულან მექაბიშვილი, ეთერ ჩილუნაძე.

მხატვარი მოდელიორი: თამარ ჩარგეიშვილი.

სპექტაკლის ნამყვანი რეჟისორი: მარინა ბურჭულაძე.

ტოკიოს ახალი ნაციონალური ოპერის პროდუქციის პრემიერა საქართველოში შედგა 2018 წლის 22, 23, 26, 29 და 30 დეკემბერს.

უიულ მასნეამ გოეთეს რომანის „ახალგაზრდა ვერტერის ვებანის“ მიხედვით დადგა. პრემიერა ვენის ოპერაში 1892 წლის 16 თებერვალს შედგა.

პრემიერა საქართველოში თბილისის ოპერისა და ბალეტის თეატრში 1904 წლის 16 ოქტომბერს გაიმართა.

ულრიქესი მადლობა სამხატვრო ხელმძღვანელს ბადრი მაისურაძეს, რომელმაც ოპერის რეპერტუარში „ვერტერი“ დააბრუნა.



ტაცუია
ტაკაპაში და
ნატალია
ქუთათელაძე



დიაკონი მირიან ფალიანი

დაიბადა 1962 წლის 20 ნოემბერს, სვანეთში, ფაბა-მესტიაში. ბავშვობიდან გამოირჩეოდა ხატვის და ლექსის წერის ნიჭით.

დაამთავრა ორი უმაღლესი, თეატრალური, სარეჟისორო მიმართულებით, ასევე თბილისის ალექსანდრე პუშკინის სახელობის პედაგოგიური ინსტიტუტი, სახვითი ხელოვნების მიმართულებით. ასწავლიდა სახვით ხელოვნებას სვანეთში, დაბა მესტიის პირველ და მეორე საშუალო სკოლებში.

მისი ლექსები პერიოდულად იბეჭდებოდა სხვა და სხვა ლიტერატურულ ჟურნალსა თუ გაზეთებში. აქტიურად ეწევა შემოქმედებით საქმიანობას, ხატ-

ავს და წერს. იგი არის საქართველოს მწერალთა და მხატვართა კავშირის წევრი.

ჰყავს მეუღლე და ორი ვაჟი. გამოცემული აქვს ერთი პოეტური კრებული თანავტორობით მეუღლესთან, მსახიობ, პოეტ, ქალბატონ ლალი აბშილავასთან ერთად, სახელწოდებით „მირანლალიანი“.


იგი გახლავთ მღვდელმსახური – თბილისის ანჩისხატის მაცხოვრის ტაძრის დიაკვანი. მისი ბიოგრაფია შევეცდები შევამოკლო, რადგან უმჯობესია, მხატვრის ფერწერულ ნამუშევრებზე, მის სემანტიკურ ფერწერაზე მივიქციო თქვენი ყურადღება. აქ წარმოდგენილ, ზეთოვან პასტელში შექმნილი ნამუშევრებით, მიხვდებით, თუ როგორ დიდოსტატ-თან გვაქვს საქმე, თანაც ვისაც ზეთოვან პასტელთან გქონიათ შეხება, დამეთანხმებით, როგორი რთულია მასზე მუშაობა; იგი შეცდომას არ გპატიობს! მხატვრის ნამუშევრებში შეხვდებით სურეალისტურ, აბსტრაქტულ გრადაციებს, კომპოზიციურ გარდასახვებს, ფიგურათა შეგნებულ დაშლასა და განწყობის მოულოდნელ ცვლილებანს, ასევე ნატურ-მორტებსა თუ პორტრეტებს, სადაც ფერთა მეტყველება, ექსპრესია, თავად ამყარებს სინტაქსურ კავშირს, თითქოს ფერები ერთმანეთს ეძებენ, პოულობენ და ერთიანდებიან... სწორედ ეს არის ის მთავარი მახასიათებელი, რაც მის ჩამოყალიბებულ, ორიგინალურ და ინდივიდუალურ მხატვრობაზე მიუთითებს.

პ.ს. იმასაც გაგიმხელთ, რომ მან არ იცის, ამ წერილის შესახებ არც ის, რომ მისი ნამუშევრები იბეჭდება უურნალ „ხორნაბუჯში“ და მისგან დაუკითხავად ჩავდივარ ამ „ცუდ“ საქციელს, რადგან არ უყვარს და არც არასოდეს ხიბლავდა მისი შემოქმედების ასე დიდ სარბილზე, საჯაროდ გამოტანა, სწორედ ამის დასტურია ის ფაქტიც, რომ ჯერ არასოდეს ჰქონია პერსონალური გამოფენა. ეს ის მხატვარია, რომელიც მაგალითია თავ-მდაბლობის, ფუნჯთან მარტოობის და დიდი სულიერების; ყველა დიდი შემოქმედება ხომ მარტოობაში იბადება.

მის პერსონალურ გამოფენას, ალბათ ძალიან მაღე იხილავს მნახველი, რასაც ძალიან დიდი ხანია ველოდებით მთელი ოჯახი. დანარჩენი თქვენთვის მომინდია თვალხილულო მნახველო!



პეტრე სიმონი



კოშკობის ფერა



ილაკლი ფარჯიანი



სილურჯე ჭრაზე



ნატურმორტი



მოლოდინი



დოქის სიგიშვილი



უთქმელი სევდა